




গিরিশ-গ্রন্থাবলী

চতুর্থ ভাগ



গিরিশচন্দ্র ঘোষ-বিরচিত



প্রকাশক—শ্রীসুরেন্দ্রনাথ ঘোষ

'গিরিশ-ভবন' ১৩নং বসুপাড়া লেন,
বাগবাজার, কলিকাতা।

কাঙ্ক্ষিক—১৩৩৫ সাল।

মূল্য দুই টাকা, বাঁধাই আড়াই টাকা



প্রকাশক—শ্রীসুরেন্দ্রনাথ ঘোষ

“গিরিশ-ভবন”

১৩নং বহুপাড়া লেন—কলিকাতা।

এই গ্রন্থাবলীর একমাত্র স্বত্বাধিকারী—

গ্রন্থকারের দৌহিত্র

শ্রীমান দুর্গাপ্রসন্ন বসুঃ

প্রাপ্তি-স্থান—

“গিরিশ ভবন”—১৩নং বহুপাড়া লেন, বাগবাজার, কলিকাতা।

গুরুবাস চট্টোপাধ্যায় এণ্ড সন্স, ২০৩/১১, কর্ণওয়ালিস স্ট্রীট, কলিকাতা

ও অস্থায়ী প্রধান প্রধান পুস্তকালয়।

প্রিন্টার—শ্রীশশিভূষণ পাল

মেটকাফ প্রেস

১৫ নং নয়ান লেন—কলিকাতা।



श्रीगणेशाय नमः





বিষয়

| | |
|-----|---------|
| ১। | প্রকৃতি |
| ২। | নল-দ |
| ৩। | চও |
| ৪। | রূপ-স |
| ৫। | অভি |
| ৬। | প্রহ্লা |
| ৭। | বৃষকে |
| ৮। | মায়া-স |
| ৯। | মলিন |
| ১০। | আলা |
| ১১। | বিজ্ঞান |
| (১) | গ্রহফল |
| (২) | বিজ্ঞান |
| ১২। | কবিতা |

অশুদ্ধ
 গল্প শুঙ্গে, ৭
 অমুরাগে কে

সূচিপত্র

—::—

| বিষয় | | পৃষ্ঠা |
|----------------------|------------------------------|--------|
| ১। প্রফুল্ল | (সামাজিক নাটক) | ১ |
| ২। নল-দময়ন্তী | (পৌরাণিক নাটক) | ৬৫ |
| ৩। চণ্ড | (ঐতিহাসিক নাটক) | ১০৬ |
| ৪। রূপ-সনাতন | (প্রেম ও বৈরাগ্যমূলক নাটক) | ১৫২ |
| ৫। অভিমহাবধ | (পৌরাণিক নাটক) | ১৮৬ |
| ৬। প্রহ্লাদ-চরিত্র | (পৌরাণিক নাটক) | ২২২ |
| ৭। বৃষকেতু | (পৌরাণিক নাটক) | ২৪৫ |
| ৮। মায়া-তরু | (গীতিনাট্য) | ২৫৫ |
| ৯। মলিন মালা | (গীতিনাট্য) | ২৬৪ |
| ১০। আলাদিন | (রঙ্গ-নাট্য) | ২৭৬ |
| ১১। বিজ্ঞান-প্রবন্ধ | | |
| (১) গ্রহফল | | ২৮৮ |
| (২) বিজ্ঞান ও কল্পনা | | ২৯১ |
| ১২। কবিতাবলী | | ২৯৪ |

ভ্রম সংশোধন ।

| অশুদ্ধ | শুদ্ধ | পৃষ্ঠা | পংক্তি |
|-------------------------|-------------------------|--------|--------|
| গল্প শুঙ্গে, ও যুমুগে । | গল্প শুঙ্গে ; ও যুমুক । | ১১ | ১৬ |
| অমুরাগে কেন বিত্তরাগ, | অমুরাগে কেন' অমুরাগ, | ১২২ | ২৩ |

মহাকবি গিরিশচন্দ্র ঘোষ-প্রণীত নিম্নলিখিত গ্রন্থগুলি স্বতন্ত্রাকারে পাওয়া যায়।

| | |
|---|--|
| ১। শাক (ঐতিহাসিক নাটক। বিশ্ববিদ্যালয়ের বি-এ ও এম-এ শ্রেণীর পাঠ্য) ১৮ | ১৩। প্রতিধ্বনি (গিরিশচন্দ্র-রচিত ষাবতীয় কবিতা-সংগ্রহ) হুম্মর বাধাই ৬০, অবাধাই |
| ২। প্রফুল্ল (সামাজিক নাটক। বিশ্ববিদ্যালয়ের বি-এ ও এম-এ শ্রেণীর পাঠ্য) ১৮ | ১৪। বিজয়মঙ্গল ঠাকুর (প্রেম ও বৈরাগ্য-মূলক নাটক) |
| ৩। বলিদান (সামাজিক নাটক) ১৮ | ১৫। মনের মতন (মিলনাস্ত নাটক) |
| ৪। গৃহসঙ্ঘী (ঐ) ১৮ | ১৬। বাসর (ঐ) |
| ৫। শান্তি কি শান্তি? (ঐ) ১৮ | ১৭। আবুহোসেন (গীতি-নাট্য) |
| ৬। জনা (পৌরাণিক নাটক) ১৮ | ১৮। মণিহরণ (ঐ) |
| ৭। শঙ্করাচার্য (ঐ) ১৮ | ১৯। আলাদিন (ঐ) |
| ৮। বুদ্ধদেব-চরিত (ঐ) ১৮ | ২০। বেঙ্গল-বাজার (প্রহসন) |
| ৯। তপোবল (ঐ) ১৮ | ২১। আয়না (ঐ) |
| ১০। পাণ্ডব-গৌরব (ঐ) ১৮ | ২২। শ্যামলা-কা-ত্যাগসা (ঐ) |
| ১১। পাণ্ডবের অজ্ঞাতবাস (ঐ) ১৮ | ২৩। ছটাকী (নূতন প্রকাশিত) (ঐ) |
| ১২। ভ্রান্তি (অলৌকিক নাটক) ১৮ | |

শ্রীঅবিনাশচন্দ্র গঙ্গোপাধ্যায়-প্রণীত ও সম্পাদিত

| | |
|---|--|
| ১। মেঘনাদ বধ (নটগুরু গিরিশচন্দ্র কর্তৃক নাট্যকারে গঠিত মাইকেলের মহা কাব্য) ৬০ | ৪। চাঁদে-চাঁদে (গীতিনাট্য) |
| ২। ঝকঝকী (সামাজিক প্রহসন) ১০০ | ৫। গিরিশচন্দ্র—(বঙ্গ-নাট্যশালার ইতিবৃত্ত মহাকবি গিরিশচন্দ্রের সুবিস্তৃত জীবন-চরিত। ৭২ ফটো-চিত্রসহ প্রায় সাত শত পৃষ্ঠায় সমাপ্ত) |
| ৩। গুলোট-পালোট (ঐ) ১০০ | |

রঙ্গালয়ের রঙ্গ-কথা

নাট্যাচার্য্য শ্রীযুক্ত অমৃতলাল বসু-লিখিত ভূমিকা সহ

শ্রীঅবিনাশচন্দ্র গঙ্গোপাধ্যায়-প্রণীত

বহু চিত্র-সুশোভিত রঙ্গাল গল্পের বহি।—হুম্মর সিঙ্কের বাধাই,—মূল্য ১১০ দেড় টাকা।

“পুস্তকখানি পাঠ করিতে আরম্ভ করিলে নিঃশেষ না করিয়া উঠিতে পারিবেন না, এ কথা আমরা নিঃসন্দেহে বলিতে পারি। পুস্তক ছাপা, কাগজ ও বাধাই ভাল এবং তাহার উপর বহু অভিনেতা ও অভিনেত্রীর ছবিও তাহাতে সন্নিবেশিত হইয়াছে।” বহুমতী (৬ই পৌষ, ১৩৩০)

“Being the only mentionable biographer of our late great actor-dramatist Girish Chandra Ghosh, the author needs no introduction to our readers. In the present volume he has brought in existence a long desideratum of the Bengali literature in as much as the treatise supplies us with so many touches of light and rippling humour our social life is badly wanting in.” Forward (6th March 1924)

“বঙ্গ-বঙ্গ এখন একরকম উঠিয়া যাইতে বসিয়াছে; এ সময় অবিনাশবাবু এই বইখানি ছাপাইয়া পাঠক-পাঠিকাগণকে দুই দণ্ড উপভোগ করিবার সুযোগ প্রদান করিয়া ধন্যবাদ হইয়াছেন। তিনিই হিসাবে বেড় টাকা মূল্য পুং কমই হইয়াছে।” রায় শ্রীজলধর সেন বা

ভারতবর্ষ (পৌষ, ১৩৩০)

গুরুদাস চট্টোপাধ্যায় এণ্ড সন্স

২০৩/১১ কর্ণওয়ালিস স্ট্রীট,—কলিকাতা

প্রফুল্ল

(সামাজিক নাটক)

[১৬ই বৈশাখ, ১২৯৬ সাল, ষ্টার থিয়েটারে প্রথম অভিনীত]

চরিত্র

পুরুষ ।

| | | | |
|-----------------|-----|-----|---------------------------|
| যোগেশচন্দ্র ঘোষ | ... | ... | ধনাঢ্য ব্যক্তি । |
| রমেশচন্দ্র | ... | ... | ঐ মধ্যম ভ্রাতা (এটর্নি) । |
| সুরেশচন্দ্র | ... | ... | ঐ কনিষ্ঠ । |
| দাদব | ... | ... | ঐ পুত্র । |
| সীতাম্বর | ... | ... | ঐ কর্মচারী । |
| কান্দালীচরণ | ... | ... | ডাক্তার । |
| শিবনাথ | ... | ... | সুরেশের বন্ধু । |
| দীন ঘোষ | ... | ... | বিয়ে-পাগলা বুড়ো । |
| হুজুরি | ... | ... | কান্দালীর ভাগিনের । |

অনারারি ম্যাজিস্ট্রেট, ব্যাঙ্কের দেওয়ান, ইনস্পেক্টর, কান্দালী, পাহারাওয়ালাগণ, ইন্টারপ্রেটার, অন্নদা পোন্দার, টিকিলগণ, মেট, কয়েদীগণ, জেল-ডাক্তার, ব্যাপারিদ্দয়, শুঁড়ি, সাতালগণ, মুটে, ডাক্তার, সহিস, ভূতা, দরওয়ান, সার্জন, নৈনক লোক, টারগুকি (জেলদ্বার-রক্ষক) ইত্যাদি ।

স্ত্রী ।

| | | | |
|------------|-----|-----|--------------------|
| উমাসুন্দরী | ... | ... | যোগেশের মাতা । |
| জ্ঞানদা | ... | ... | ঐ স্ত্রী । |
| প্রফুল্ল | ... | ... | রমেশের স্ত্রী । |
| সুগমণি | ... | ... | কান্দালীর স্ত্রী । |

খেমটাওয়ালীদ্বয়, বাড়ীওয়ালী, পরিচারিকা, একজন ইতর স্ত্রীলোক ইত্যাদি ।

সংযোগ-স্থল—কলিকাতা ।

প্রথম অঙ্ক

প্রথম গর্ভাঙ্ক

যোগেশের অন্তঃপুরস্থ কক্ষ
উমাসুন্দরী ও জ্ঞানদা ।

উমা । মা, এতদিন লক্ষ্মীর কোটী আমার কাছে ছিল, আজ তোমায় দিলুম, তুমি যত্ন করে রেখো ; মা লক্ষ্মী ঘরে অচলা থাকবেন । তুমি এতদিন বৌ ছিলে, আজ গিন্নী হ'লে ; সেওর ছুটীকে পেটের ছেলের মত দেখো । জানবে, তোমার যাদবও যেমন—রমেশ, সুরেশও তেমনি । মেজবোমাকে যত্ন করো । মা, আপনার পর সব যত্নের, তুমি মেজবোমাকে যত্ন কলে তোমাকে মার মতন দেখবে । আর নিত্য নৈমিত্তিক পাল-পার্কণ বার-ব্রত যেমন আছে, সকলগুলি বজায় রেখো । এখন গিন্নী হ'লে, সব দিকে বুঝে চলো, বরং ছ'কথা শুনো, তবু কারুকে উচু কথা বোলো না, কারুর মনে ছুঃখ দিও না, সকলের আশীর্বাদ কুড়িও ; আর কি বলব মা, পাকা চুলে সিঁদূর প'রে নাতির নাতি নিয়ে স্নেহে ঘর-ঘরকন্না কর ।

জ্ঞানদা । ই্যা মা, তুমি কি আর বৃন্দাবন থেকে আসবে না ?

উমা । কেমন ক'রে বলবো মা, গোবিন্দজী কি পায়ে রাখবেন !

জ্ঞানদা । না, মা, তুমি ফিরে এস, তুমি গেলে বাড়ী খাঁ

গিরিশ-প্রস্থাবলী

করবে। আর আমি কি মা, সব শুঁয়ে করতে পারবো, আমার আদরে আদরেই বেড়িয়েছি, ঘর-ঘরকন্নার কি না মা!

উমা। তুমি আমার ঘরের লক্ষ্মী! তোমায় ঘরে এনে আমার যোগেশের বাড়-বাড়ন্ত; তোমায় কচি বেলা থেকে যে দিকে ফিরিয়েছি, সেই দিকে ফিরেছ। তুমি মা একেলে মেয়ের মতন নও, তোমায় আমি আশীর্বাদ করছি—তোমা হ'তে আমার ঘর-ঘরকন্না সব বজায় থাকবে।

(প্রফুল্লর প্রবেশ)

প্রফুল্ল। মা, তুমি হেথায় রয়েছ, আমি তেল নিয়ে ফটি খুঁজছি, তুমি রোজই বেলা করবে, রোজই বেলা করবে; আমি ভাত চাপা দিয়ে এয়েছি, তোমার পাতের ডালবাটা নিয়ে তবে খাবো; তা তুমি তো নাইবে না; এস নাইবে এস।

উমা। তোর ডালবাটা খেয়ে আর আশ মিটল না।

প্রফুল্ল। তুমি খেতে দাও বুঝি? যে দিন চাই, সেই দিন বল, পেটের অস্থখ করবে।

উমা। তা এইবার আমি ম'লে খুব একমাস ধ'রে ডালবাটা খাস।

প্রফুল্ল। হ্যাঁ মা, তুমি যদি বৃন্দাবনে যাও, আমিও যাব।

উমা। আগে তোর নাতি হোক, তার পর যাবি।

প্রফুল্ল। নেই নিয়ে গেলে, তোমায় তেল মাথাবে কে? উলুন ধরাবে কে? পাথর মেজে দেবে কে? মনে কচ্ছে কি রাখবে? সে বাসনে সগড়ি রেখে দেবে, কেমন মজা জান তো? সেই আমায় মাজতে দাও নি—একদিন ডালের খোসা, এক দিন শাকের কুচি ছিল;—আমায় নিয়ে চল।

জ্ঞানদা। তুই যাদবকে ফেলে যেতে পারবি?

প্রফুল্ল। মা কি যাদবকে ফেলে যাবে না কি? ও মা, তুমি কি নিষ্ঠুর মা! ওঃ হরি! তবেই তুমি আমায় নিয়ে গেছ! তুমি যার যাদবকে ফেলে যাচ্ছ! এই মাসেই আসবে, তুমি তো একুশে যাবে?

উমা। আঃ! দাঁড়া বাছা, আগে যাওয়াই হোক।

প্রফুল্ল। ওমা, শীগ্গির এস, বটঠাকুরের গলা পাচ্ছি।

উমা। তুই যা, ভাত খেগে যা, তার পর আমার প'লা খাস এখন; আমি যোগেশকে একটা কথা জিজ্ঞাসা করছি।

প্রফুল্ল। না, না—তুমি শীগ্গির এস, আমি তেল নিয়ে বসে রইলুম। [প্রফুল্লর প্রস্থান]

(যোগেশের প্রবেশ)

যোগেশ। মা, রমেশ গাড়ী ঠিক ক'রে এল, একটা গাড়ীই নিলুম; তুমি মেয়ে গাড়ীতে থাকবে, আলাদা গাড়ীতে থাকবে, সে নানান লটখটি, ঐ একগাড়ীতে সব যাব।

উমা। এখনও খাওনি?

যোগেশ। না একটু কাজ ছিল।

উমা। খাওয়া দাওয়া হ'লে একবার আমার কাছে যে আমি দেনা পাওনা গুলো তুলে দেব। আর বলছিলাম হয় ক'রে একটা চাটুযো ঠাকুরপোর তো কিছু নেই, ঢের স্বদ খেয়েছি, বন্ধক জিনিসগুলো ফিরিয়ে দিও।

যোগেশ। তা বেশ তো।

উমা। আর বাবা, বলছিলাম কি, বামুনগিরীর সাধ, আমার সঙ্গে যায়, হাতে কিছু নেই, একজন বামুন মেয়ে আমার সঙ্গে থাকতো—

যোগেশ। মা, তুমি 'কিন্তু' হ'য়ে বলছো কেন? সঙ্গে নিতে হয় নাও, যা ইচ্ছা হয় বল। বাবার কিছু পারি নি, তুমিও কখন কিছু ভার দাও নি, তুমি হ'লে আমার মনে হুঃখ হয়।

উমা। বাবা, আমি তোদের পেটে ধরেছিলুম বটে, আমি মা নই, তোরাই আমার বাপ, আমি কখন তোরা একটা ভাল সামগ্রী কিনে খাওয়াতে পারি নি, কিন্তু তোমাদের কল্যাণে আমার যাকে যা ইচ্ছা হয়েছে, দিয়ে আমার আর কিছু সাধ নেই। যারা যারা ধারে, তা যদি ঋণে মুক্তি দিতে পারি, এইটি আমার ইচ্ছে। বাবা, দেনা দিতেও আসতে হয়, পাওনা নিতেও আসতে হয়। গোবিন্দজী যেন এই করেন, তোমাদের রেখে আর না ফিরতে হয়! তা বেশী পাওনা নয়, সব জিনিস দিয়ে হাজার টাকা।

যোগেশ। তা তুমি যাকে যা দিতে হয়, দিয়ে দিও।

উমা। তাই বলছি বাছা, তুমি উপযুক্ত সন্তান, তোমার
না বলে কি কিছু পারি; তবে আমি তাদের ডাকিয়ে বলে
দিইগে, আর বার বা জিনিষ বন্ধক আছে, ফিরিয়ে দিই পে।

যোগেশ। মা, সে পাগলা মদন ঘোষ ফিরে এসেছে।

উমা। কোথায়, কোথায়?

যোগেশ। আমি তারে বাইরে একটা ঘর দিয়েছি, সে
তেমনই পাগল আছে।

উমা। বাবা সে পাগল নয়, অমনি পাগলামো করে
বেড়ায়। ও সব লোক কি ধরা দেয়!

(মদন ঘোষের প্রবেশ)

মদন। এই যে যোগেশের মা আছে, যোগেশ আছে।

উমা। বাবা, প্রণাম হই।

মদন। আমি বলছিলুম কি, বংশটা লোপ হ'ল—বা
বলছিলুম হয় করে একটা বেথা দেও না। যেমন মেয়ে হয়, একটা
থেকেছি, পুত্র সন্তান নিয়ে দরকার। শুন্ছি, তোমার ছোট ছেলের
স্বপ্ন কচ্ছা, আমারও ঐ মত একটা স্বপ্ন কর। বয়স
আমার বেশী নয়, কিসের বয়স!

যোগেশ। মদন দাদা, তোমার ক'নে গড়াতে দিই—
মাটা মোটা স্ব'দরীর চেলা দিয়ে!

মদন। ওই ঠাট্টা কর, ওই ঠাট্টা কর, বংশটা লোপ
হয় যে!

উমা। বাবা, ওর কথায় রাগ ক'রো না। তোমার
নাত বোয়েদের আশীর্বাদ ক'রবে এস। তোমার মেজ নাত
বো'র আজও ব্যাটা হয় নি, আর একটা মাদুলী দিতে
হবে।

মদন। ব্যাটা হয় নি, সে কি? চল তো, চল তো।

উমা। বাবা, তবে জিনিষগুলো বার ক'রে দিও।

যোগেশ। আচ্ছা মা।

[উনাস্বন্দরী ও মদন ঘোষের প্রস্থান।]

জ্ঞানদা। ঠাকুরের এক কথা—ওরে পাগল ব'লে
বড় রাগেন।

যোগেশ। ঐ বে ওয়ে মাদুলী দিয়েছিল, তার পর
মামরা হয়েছি।

জ্ঞানদা। ও মা! তুমি এখন আবার কাগজ নিয়ে
সলে কি গা! নাইবে টাইবে না?

যোগেশ। এই যাচ্ছি, এই চাবিটে নিয়ে মা যে সব
জিনিষপত্র বন্ধক রেখেছিলেন, মাকে দিয়ে এস তো, ছোট
সিক্ককে আছে।

জ্ঞানদা। ই্যা গা, তোমাদের কদিন হবে?

যোগেশ। মাকে রেখেই চলে আসবো; তার পর বা
হয়—

জ্ঞানদা। বা হয় কি, একটা মূখের কথাই খসাত, কাজ
তো বারমাসই আছে। নাও, খাও দাও, মন নিবিষ্টি ক'রে
কাগজ নিয়ে বসো এখন।

যোগেশ। মাকে রেখে এসে ভাবছি, দিন কতক বেড়িয়ে
আনব, তুমি যাবে? যাও তো, নিয়ে যাই।

জ্ঞানদা। আর অতোয় কাজ নেই, মাকে রেখে এসে
উনি আবার বেড়াতে যাবেন! আজ সাত বছর বেড়াতে
যাচ্ছ, আর আমায় সঙ্গে নিচ্ছ।

যোগেশ। না, এবার সত্যি বেড়াতে যাব।

জ্ঞানদা। তা খেয়ে দেয়ে তো বেড়াতে যাবে? স্থান
কর গে; বাবা ভালা কাজ শিখেছিলে কিম্ব! কাজ!
কাজ! কাজ! মনিষ্যির শরীরে একটু স্ক নেই!

যোগেশ। স্ক করবো কি, স্ক করবার কি দিন
পেয়েছিলুম। তুমি তো জান না, দুটা অপোগও ভাই নিয়ে
কি করে চালিয়ে এসেছি; বাবা মরে গেলেন, বাড়ীখানা
পাওনাদারে বেচে নিলে, মাকে নিয়ে দুটা অপোগও ভাইয়ের
হাত ধ'রে খোলার ঘর ভাড়া ক'রে রইলুম। সে এক
দিন গেছে, এখন ঝুং-ইচ্ছায় একটু কুঁড়েও করেছি,
খাবারও সংস্থান করেছি। এক দুঃখ স্বপ্নেটা মাহু হ'ল
না; তা ভগবান্ সকল স্বপ্ন দেন না। দাও তো
বোতলটা।

জ্ঞানদা। তুমি আপনি নাও, আমি এখনও পূজো করি
নি। তোমার সব গুণ—ঐ একটু চুক করে খাওয়া কেন?
আগে দিনে ছিল না, এখন আবার দিনে একটু হয়েছে; ঐ
এক কাঁচা চন্নামেত্তর মুখে না দিলেই নয়!

যোগেশ। আমি তো আর মাত্লামো ক'রতে খাইনি,
হাড়ভাঙা মেহনত হয়, গা-গতর কামড়াতে থাকে, খেলে
একটু সবল হওয়া যায়, ঘুম হয়—এ কি জান, বিষ বল বিষ,
—অমৃত বল অমৃত।

জ্ঞানদা। অত হাড়ভাঙা মেহনতেই দরকার কি?

একটু কম করে কর ; ও খাওয়ার কাজ নেই, ও খেলেই বেড়ে যায় শুনেছি।

যোগেশ। পাগল !

জ্ঞানদা। পাগল কেন, এই দিনে খাওয়া ছিল না, দিনে খাওয়া হয়েছে।

যোগেশ। ক'দিন ভাবনার ভাবনার ফিঙ্গে হচ্ছে না, ভাই একটু একটু খাচ্ছি ;—রমেশ ব্যস্ত আছ ?

(রমেশের প্রবেশ)

রমেশ। আজ্ঞে না।

যোগেশ। বেরোবে না ?

রমেশ। আজ আদালত বন্ধ, বেরুব না।

যোগেশ। বেরিও হে, আদালত বন্ধই হোক আর যাই হোক, বেরুনো ভাল। শোনো একটা কথা বলি, যদিচ আমরা পৈতৃক সম্পত্তি কিছু পাই নি, কিন্তু আমি তোমাদের পেয়েছিলাম, নইলে আমি এত উৎসাহের সঙ্গে কাজ করত পান্তম না ; সমস্ত দিন খেটে যখন রাত্তিরে কাজ করতে আলস্য বোধ হ'ত, তোমরা সেই খোলার ঘরের ভেতর গুরে—কিরে দেখতুম আর আমার বিগুণ উৎসাহ বাড়তো ; সেই উৎসাহই আমার উন্নতির মূল। আমার যা বিষয় আশয়, তাতে তোমরা সম্পূর্ণ অংশী, এই কাগজখানি দেখ, একখানি বাড়ী আমার স্ত্রীর নামে করেছি, কি জানি, পরে যদি ছেলের সঙ্গে না বনে, তীর্থ-ধর্ম করুন, তারিই ভাড়া থেকে চলেবে ; আর মার নামে খানকতক কাগজ ব্যাঙ্কে জমা রেখেছি, মাসে মাসে তারই সুদ বৃন্দাবনে পাঠান যাবে, আর বাকী বিষয় তিন বখরা করেছি, এই কাগজ দেখলেই বুঝতে পারবে, তুমি এটর্নি হয়েছ, উকিল পাড়ার বাড়ী তোমার ভাগে রেখেছি। তুমি দেখ যে ভাগ তোমার ইচ্ছা হয় আমায় বল, সেই ভাগ তোমার। আর স্বরেশের কি করা যায় ? ওতো বিষয় পেলেই উড়িয়ে দেবে, এখন কিছু হাতে না পায় তার একটা উপায় ঠাওরাও।

রমেশ। দাদা, আমাদের কি পৃথক করে দিচ্ছেন ?

যোগেশ। না ভাই তা নয়, এত দিন না ছিলেন, এখন বোয়ে বোয়ে বন্তি হোক না হোক ; তুমি পরে বুঝবে যে সম্পত্তি বিভাগ হওয়াই ভাল ; এক বখরা যা আমার থাকবে, তা থেকে আমার চলেবে ; একটা ছেলে—আর আমি

কাজকর্ম করবো না, ঈশ্বর ইচ্ছায় তোমাদের বাড়-বাড় হোক, যাদবকে দেখো, আমি দিনকতক বেড়িয়ে আসি, এক অল্পেই রইলুম—তবে বিষয় চিহ্নিতনামা হ'য়ে রইল, এইমাত্র। ব্যাপারীদের দিয়ে নগদ টাকা বা ব্যাঙ্কে থাকবে, তা তিন ভাগ কত্তে ব্যাঙ্কে এডভাইস (Advice) করেছি।

রমেশ। দাদা ম'শয় ! স্বরেশকে দিচ্ছেন দিন ; আপনার স্বোপার্জিত বিষয়, ছেলে আছে ; আমার মায় করছেন, লেখাপড়া শিখিয়েছেন, আমি কোথায় আপনাকে রোজগার করে এনে দেব, আমার ও সব কেন ! তবে আপনি দিচ্ছেন, আমি 'না' বলতে পারিনি।

যোগেশ। রোজগার করে দিতে চাও দিও, তোমার ভাইপো রইলো, তুমি এ নিতে কুণ্ঠিত হয়োনা। আর একটা কথা, আমার বিবেচনায় কলিকাতায় গৃহস্থ ভদ্রলোকই দুঃখী, এই পাড়ার দেখ, চাকরী বাকরী করে আনছে নিচ্ছে, থাকে,—যেই একজন চোখ বুজলো, অমনি তার ছেলেগুলি অনাথ হ'ল ; কি খার ত'র আর উপায় নাই। তাদের যে কি অবস্থা তা বলবো কি ! ভাই রে, আমি হাড়ে হাড়ে বুঝছি—আমি টালার যে একখানি দেবোত্তর বাড়ী করেছি, সেটা অতিশিলা নয়, তাতে এইরূপ অনাথা গৃহস্থরা এক একটা ঘর নিয়ে থাকতে পাবে, আর পঞ্চাশ হাজার টাকা জমা রেখেছি, তারই সুদ থেকে কোন রকমে শাক-অন্ন খেয়ে দিনপাত করবে, তুমি তার ট্রাস্টি (Trustee)। আজকে একটা লেখাপড়া করো, আমি সহ করে দিন কতক বেড়িয়ে আসবো। ত্রিশ বছর খেটেছি, একদিনও একটু বিশ্রাম করিনি, একটু আলস্য হয়েছে।

রমেশ। আজ্ঞে, এ সব এত তাড়া কেন ? আপনি বেড়িয়ে আসতে চান, বেড়িয়ে আসুন।

যোগেশ। না, কাজ শেষ করে যাওয়া ভাল। আমি সমস্ত ভারতবর্ষ বেড়াব, কি জানি শরীরের ভদ্রভদ্র আছে।

রমেশ। আজ্ঞে, যে রকম অহুমতি। আমি তা হলে বাড়ীতেই একটা তয়ের করে রাখি।

[রমেশের প্রস্থান।]

জ্ঞানদা। ও মা ! আবার চালু কেন ?

যোগেশ। বড় বৌ, আজ বড় আমোদের দিন !

জ্ঞানদা। তা ওঠ না, নাইতে হবে না ?

(ঝিয়ের প্রবেশ)

ঝি। বাবু, মাঝ দরজায় সরকার মশাই দাঁড়িয়ে
কাদছেন। আমায় বল্লেন, বাবুকে খবর দে।

যোগেশ। কে, পীতাম্বর? কাদছে কেন?

ঝি। আমি তো তা জানি নি, আমায় খবর দিতে
বল্লেন।

যোগেশ। তারে এইখানেই ডাক।

[ঝিয়ের প্রস্থান।]

বড় বৌ, একটু মরে বাও।

[জ্ঞানদার প্রস্থান।]

ওর কি বাড়ী থেকে কিছু খবর এলো নাকি—

(-পীতাম্বরের প্রবেশ)

কি হে পীতাম্বর?

পীতা। আজ্ঞে বাবু সর্কনাশ হয়েছে! ব্যাক বাতি
জ্বলেছে!

যোগেশ। কি, কি, কি,—কোন ব্যাক?

পীতা। আজ্ঞে, রিইউনিয়ন ব্যাক। ব্যাপারীদের চেক
দিয়েছিলেন, তারা কিরে এসেছে।

যোগেশ। অ্যা! অ্যা! আমার যে বখাসকর্কষ সেধা!
আজ বড় আমোদের দিন—আজ বড় আমোদের দিন!—
আবার ফকির হলুম!

পীতা। বাবু! বাবু! আবার সব হবে, ব্যস্ত হবেন
না—

যোগেশ। (মদ পাইয়া) না না, আমি ব্যস্ত হইনি।
যাও পীতাম্বর, যাও—খাতা তয়ের করগে, ইনসল্ভেন্ট
কোর্টে দিতে হবে। আমি এখন জ্বলে বেড়াতে বাই।

পীতা। বাবু, আপনিই রোজ্গার করেছিলেন, গিয়েছে,
আবার রোজ্গার করবেন।

যোগেশ। হ্যাঁ, হ্যাঁ, তুমি যাও—আমি সব বুঝি।
পীতাম্বর! সব আছে, কিন্তু সে দিন আর নাই, সে উংসাহ
নাই। ত্রিশ বৎসর অনাহারে অনিদ্রায় রোজ্গার করেছি;
গেল একদিনে গেল, ভোজবাজী ফুরিয়ে গেল। (মুগ্ধপান)

পীতা। বাবু, বাবু, করেন কি! সর্কনাশের উপর
সর্কনাশ করবেন না,—

যোগেশ। না না যাও, তুমি যাও—পীতাম্বর দাঁড়িয়ে

রয়েছ কেন, কার কাছে দাঁড়িয়ে রয়েছ? কাল আমি
তোমার বাবু ছিলুম, আজ পথের ভিখারী। (মুগ্ধপান)
পীতা। বড় মা, আহ্নন—সর্কনাশ হয়।

[পীতাম্বরের প্রস্থান।]

(জ্ঞানদার পুনঃ প্রবেশ)

যোগেশ। বড় বৌ, আজ বড় আমোদের দিন! আজ
থেকে আমার ছুটি, আর আমার কাজ নাই, আমার সর্কষ
গিয়েছে!

জ্ঞানদা। গিয়েছে, আবার হবে—ভাবনা কি?

যোগেশ। ভাবনা কি! অনেক ভাবনা, ভাবনা আমি,
ভাবনা তুমি, ভাবনা তোমার ছেলে যাদব; কিন্তু অনেক
ভেবেছি, আর ভাববো না—ফুকলো, আবার হবে! ত্রিশ
বৎসরে হ'ল, এক কথায় গেল, এক কথায় হবে, হবে ত?
হবে ত? আবার হবে, বাঃ বাঃ ক্যা ফুর্তি! কুচপরাওয়া
নেই, মদ লেয়াও,—ওই যা ফুরিয়ে গেল। (বোতল নিক্ষেপ)
মদ লেয়াও, মদ লেয়াও;—বাঃ বাঃ এমন মজা—কোন্ শালা
খেটে মরে, বড় বৌ, কি আমোদের দিন! কি আমোদের
দিন! আমি মদ আনি গে।

[যোগেশের প্রস্থান।]

জ্ঞানদা। ঠাকুরপো! ঠাকুরপো! শীগ্গির এস,
সর্কনাশ হ'ল!

[জ্ঞানদার প্রস্থান।]

দ্বিতীয় পর্ভাঙ্ক

কাদালীর ডাক্তারখানা

স্বরেশ ও জগমণি।

স্বরেশ। কি বহুরূপী বিছাধরি, বিছাধর কোথায়?

জগ। এ দিকে তো খুব চালাকী হয়, কাজের চালাকী
তো কিছু দেখতে পাই নি; সে চালাকী থাকলে এতদিন
জুড়ী চড়তিস্।

স্বরেশ। চালাকী কি এক দিনেই শেখে বিছাধরি?
তোমার বিছাধরের কাছে থাকতে থাকতে ছুটো একটা
শিখবো বৈকি। একছিলিম তামাক সাজো, বেশীক্ষণ
বসবো না, নগদ পয়সা, ছ'ছিলিম তামাক দিও। আর
বিছাধরকে ডাক।

জগ। সে এখন পূজা কচ্ছে। বসো, তামাক খাও।
স্বরেশ। বাবাঠাকুরের নিষ্ঠেটুকু আছে, পূজার মন্তর
কি?—কম্বং গলাং কাটিতং—কার গলা কাটবো?

জগ। আমরা গলা কেটেই বেড়াচ্ছি কি না; বাও,
তুমি বাড়ী থেকে বেরোও।

স্বরেশ। তা শীগ্গির বেরোচ্ছি নি, তুমি ইন্ডের সভায়
নাচতে যাও কি পোষাকে না দেখলে আমি যাচ্ছি নি।
সে দিন যে চাপ্রাদী সেজেছিলে,—বাঃ বিদ্বাধরি, চমৎকার!

জগ। তামাক খাবে খাও, মেলা বক্ বক্ কচ্ছো কেন?

স্বরেশ। আচ্ছা, চাপ্রাদীরূপে তো বিল সাধো,
খান্দামারূপে তো তামাক দাও, খাস বিদ্বাধরীরূপে তো
টাকা ধার দাও,—আর ক'টা রূপ আছে বিদ্বাধরি, আমায়
প্রকাশ করে বল দেখি? (স্বর করিয়া)

“ঘুচাও মনভ্রান্ত লক্ষ্মীকান্ত নারায়ণ।

তোমার লক্ষ্মীরূপা কোন্ রমণী,

রুক্মিণী কি কমলিনী,

চিন্তামণি কর চিন্তা নিবারণ।”

জগ। চোপ্ ষ্টুপিড।

স্বরেশ। বিদ্বাধরি, আবার বল, তোমার ইংরেজি
বুকনীতে প্রাণ জুড়িয়ে গেল, আর এই দা-কাটাতে বুক ঠাণ্ডা
হ'ল।

জগ। শোন্! গাধা ছোকরা, তোরে বলি শোন্!
রোজ রোজ ছুঁচার টাকা ধার করিস্ কি ক'ন্তে? আমি
কিছু চার টাকায় চল্লিশ টাকা না লিখিয়ে দেবো না। স্বদ
শুদ্ধ তোর ভাইকেই দিতে হবে, তার চেয়ে কেন বিষয়টা
ভাগ করে নেনা।

স্বরেশ। বাহবা বাঃ বহুরূপিনী বিদ্বাধরি, সাবাস! এ
দোকান তুলে দিয়ে, এবার জেলায় মোক্তারীতে বেরোও,
আমি তোমায় চাপ্ কান পাগ্ ড়ী দিচ্ছি।

(নেপথ্যে কাঙ্গালীচরণ।) জগা, কার সঙ্গে কথা
ক'চ্চিস্?

স্বরেশ। খুড়ো, আমি,—বিদ্বাধরীর বক্তৃতা শুন্ছি,
আর খরসান পেয়ে কান্দছি।

(কাঙ্গালীচরণের প্রবেশ)

কাঙ্গালী। কেও স্বরেশ, কতরূণ বাবা, কতরূণ?

জগ। আমি বলছিলাম ছুঁচার টাকা করে ধার করছি
কেন? বিষয় বখরা করে নে, উকিলের চিঠি দে, আমরা
থেকে মকদ্দমা করে দিচ্ছি, তা বাবুর ঠাট্টা হচ্ছে।

কাঙ্গালী। হ্যা হ্যা, ক্রমে বুঝবে, ক্রমে বুঝবে। কি
বাবা, কি মনে করে?

স্বরেশ। তোমার বিদ্বাধর আর বিদ্বাধরীর যুগল দর্শন,
আর গোটাকতক টাকা কর্জন।

জগ। একশো টাকার নোট কর্তন তো?

স্বরেশ। রূপসি, তার কি আর অন্তথা হবে।


জগ। তাতে আজ হচ্ছে না, দুশো টাকা লিখে দাও
তো হয়।

স্বরেশ। এ যে বাবা, বাড়াবাড়ি বিদ্বাধরি!

(নেপথ্যে রমেশ।) কাঙ্গালী বাবু বাড়ী আছেন?

কাঙ্গালী। কে!—বকেয়া নাম ধ'রে ডাকে কে?
আমি তো হরিহর ডাক্তার। জগা, বল—“এ হরিহর বাবুর
বাড়ী, কাঙ্গালী বাবুর বাড়ী নয়?”

স্বরেশ। ও বিদ্বাধরি, আমায় খিড়্ কি দোর দিয়ে বা'র
ক'রে দাও, মেজ দা!

জগ।  বাড়ীর ভিতর দিয়ে পালাও, রান্না-ঘরের
জান্না ভাঙ্গা আছে, সেই খান দিয়ে বেরিয়ে পড়।

[স্বরেশের প্রস্থান।

(নেপথ্যে রমেশ।) বাড়ীতে কে আছ গো,—কাঙ্গালী
বাবু বাড়ী আছেন?

জগ। এ কাঙ্গালী বাবুর বাড়ী না, হরিচরণ বাবুর
বাড়ী।

(নেপথ্যে রমেশ।) আচ্ছা, হরিচরণ বাবু, হরিচরণ
বাবুই মই।

কাঙ্গালী। আমি সরে থাকি, শীগ্গির তাড়াস্।

[কাঙ্গালীর প্রস্থান।

(জগমণির দরজা খুলিয়া দেওন ও রমেশের প্রবেশ)

জগ। আপনি কা'কে খুঁজছেন?

রমেশ। ডাক্তার বাবুকে।

জগ। তা আমায় বলে যান, আমি তার কম্পাউণ্ড।

রমেশ। আপনি মেয়েমানুষ, কম্পাউণ্ডার!

জগ। ও মা তাও ত বটে!

রমেশ। তাও ত বটে' কি?

জগ। আমি বাবুর বাড়ীর ঝি, তা বাবু বাড়ী নেই, আপনি এখন আসুন।

রমেশ। বাবু বাড়ী আছেন বৈকি। তুমি যখন কম্পাউণ্ডার আবার ঝি, বাবুকে ডাক গে, বিশেষ দরকার আছে; কোন ভয় নাই, বল তাঁর ভাল হবে।

(নেপথ্যে কান্দালী।) কেরে ঝি—কেরে?

(কান্দালীর পুনঃ প্রবেশ)

কান্দালী। আমি এই প্রাক্টিস (Practice) করে খিড়কি দোর দে ফিরে এলুম।

রমেশ। বহন বহন, কান্দালী বাবু বলবো না হরিচরণ বাবু বলবো? আপনি যে নামে প্রচার হ'তে চান, আমার আপত্তি নেই।

কান্দালী। আপনি তো রমেশ বাবু?

রমেশ। হ্যাঁ, আমি সম্প্রতি এটর্নি হয়েছি। আপনি রানাঘাটে একটা মাগীর সঙ্গে ফেরাবি করেছিলেন, তার ভাইপো আমায় এই কাগজ পত্রগুলো দিয়েছে, আপনার নামে জালের ওয়ারিগ বার করবার জন্তে।

কান্দালী। কি, আপনি ভদ্রলোককে বাড়ীতে বসে অপমান করেন? চাপরাসী—

রমেশ। আপনার চাপরাসী তো ঐ রূপসী, তা উনি তো হেথা হাজিরই আছেন; ব্যস্ত হবেন না, কি বলতে এসেছি শুনুন, সে কাগজপত্র দেখে আপনি যে একজন অদ্বিতীয় ব্যক্তি তা আমার ধারণা হয়েছে, ক্রমে সন্ধান পেলুম, কলিকাতাতে আপনি এটর্নির ক্লাকগিরিও করে গিয়েছেন। আমি নূতন আফিস করবো, আপনার মত একজন মহাশয়ের আবশ্যক; আপনার ভয় নেই, আমি সেই ভাইপো ব্যাটাকে তাড়িয়েছি, সে ব্যাটাকে কাগজও ফিরে দিচ্ছি, তারে ধাক্কা দিয়ে দিয়েছি যে চারশো টাকা নিয়ে আয়, সে এখন বিশ বাঁও জলে; এই দেখুন সে কাগজ আমার হাতে।

কান্দালী। কই দেখি কই দেখি—

রমেশ। এই দেখুন, এতো চিন্তে পেরেছেন? তবে কাগজগুলো আমার ঠেঁয়ে থাকবে, আপনার ঠেঁয়ে দিচ্ছি। আমি নূতন উকিল বটে, তবে নেহাত কাঁচা নই; পাঁচবার একজামিনে ফেল হয়ে তবে পাশ হয়েছি। আপনি যখন

ক্লাক হবেন, আপনার হাতে অনেক আন্ডায় যেতে হবে, আপনিও হাতে থাকা চাই, বন্ধুদের নিয়মই এই।

জগ। তা বটে তো বাবা, তা বটে তো বাবা,— মুখপোড়া, মাছ চেননা? এর সঙ্গে আলাপ করু—তোমার কপাল ফিরবে। কেমন মিষ্টি মিষ্টি কথাগুলি বলুন, যেন ভাগবত পড়লে। কি বাবা, কি করতে হবে আমায় বল? তুমি বা বলবে, ষ্টুপিডের কাণ ধরে আমি করাব।

রমেশ। বাঃ রূপসি! আপনার নাম কি? আপনি সাক্ষাৎ বুদ্ধিরূপিনী।

জগ। আমায় বিদ্বাধরী বল, জগা বল, মাসী বল, খুড়ী বল, যা তোমার ইচ্ছে হয়; এখন কাজের কথা বল।

রমেশ। সুরেশ বলে একটি ছোকরা তোমার এখানে আসে?

কান্দালী। কে সুরেশ?

জগ। আ মর, বুড়ো হলি—কাকে বিশ্বাস করতে হয়, কাকে অবিশ্বাস করতে হয় জানিস্ নি?—এসে বাবা এসে।

রমেশ। তোমার কাছে টাকা ধার করে?

জগ। হ্যাঁ, তা করে।

রমেশ। তার নোটগুলো আমি কিনবো, আর এবার এলে তারে বুঝিয়ে ঠিক কর্তে হবে, যাতে একখানা বণ্ড (Bond) রে সই করে। বলো, পাঁচশো টাকা পাবে। খানকতক কোম্পানীর কাগজ তোমাদের হাতে থাকবে, তাতে এণ্ডোর্স (Endorse) করিয়ে নেবে। কথাটা এই, তার বিষয়ের স্বত্ব আমি কিনে নেব।

কান্দালী। বুঝেছি বুঝেছি।

রমেশ। বুঝেছ তো?

জগ। বুঝলে কি হবে, তাকে বাগানো বড় শক্ত। তাকে আজ ছ' মাস বোঝাচ্ছি নালাস কত্তে, সে বলে, আমি দাদার নামে নালাস করবো না।

রমেশ। তোমাদের কাছে নোট আছে কত টাকার?

কান্দালী। সে প্রায় চার পাঁচশো টাকা হবে।

রমেশ। তারে ভয় দেখাও—নালাস করব।

জগ। সে তো তাই চায়, বলে, দাদা কি আমায় জেলে দেবেন? দাদা না দেয়, বৌ সব দেবে। এ হতচ্ছাড়াকে নিয়ে তুমি কি করবে? একটু বুদ্ধি ঘটে নেই।

রমেশ। আচ্ছা, ও বিষয়ে পরামর্শ করা যাবে। আপনি

আমার ক্লার্ক হবেন? কাল থেকে বেরোবেন, মাইনে পাবেন না, আপনি যা ক্লায়েন্ট (client) জোটাবেন, তারই কস্ট (cost) যের দশ-আনা ছ'আনা, সেই আপনার মাহিনার হিসাবে জমা-খরচ হবে।

কান্দালী। তা বাবা, আমার হাতে তো ক্লায়েন্ট নেই, আমি একটা বদনামী হ'য়ে এখান থেকে গিয়েছিলুম। কিছু মাইনে না দিলে চলবে না। যা হোক, ডিম্পেস্কারি খুলে নিকিরীপাড়া, ডোমপাড়া বেড়িয়ে গড়ে আনা আঠেক ক'রে দিন পোষায়, আরো আরো সব কার্য আছে, তাতেও কিছু কিছু পাই। গোটা কুড়িক ক'রে টাকা দিও, তার পর ক'টের দশ-আনা ছ'-আনা বনুছো, চার আনা বারো আনাতেও রাজী আছি।

রমেশ। আচ্ছা, তার জন্তে আটকাবে না।

জগ। তোমার ত একটা পেয়াদা চাই?

রমেশ। তা আমি দেখে নেব এখন।

জগ। কেন, নূতন আপিস ক'চ্ছ, আমার কেন রাখ না, আমি তোমার চিঠি নিয়ে যাব।

রমেশ। তা রূপসি, আমি বুঝতে পেরেছি, তুমি পানাউল্লার ঠাকুরদাদা, এখানে তো ডিম্পেস্কারি চালাতে হবে, আর আর কাজ আছে, তোমায় দেব।

জগ। ডিম্পেস্কারিও চলবে?

রমেশ। চলবে না কেন, খুড়ো সকাল বিকেল নিকিরী-পাড়া ঘুরে আসতে পারবে, দিনের বেলা তুমি ওষুধ দেবে।

জগ। বেঁচে থাক বাবা, বেঁচে থাক। দেখলি ঠুপিড, মাছুষ চিনিম্ নি।

রমেশ। তবে আসি, কাল থেকে বেরোবেন, আমি সঙ্গে ক'রে নিয়ে যাব। রূপসি, চলুন।

কান্দালী। এগারটার সময় বেরুলে চলবে?

রমেশ। হাঁ, তা চলবে। [রমেশের প্রস্থান।

কান্দালী। জগা, এইবার বরাত ফিরলো আর কি! আবার যখন এটর্নি পেয়েছি, আর কিছু ভাবিনি, এই পাশের জমীটে মাগীকে ঠকিয়ে ঠাকিয়ে দেড়শো টাকা ক'রে কাঠা কিনে নেব। এই দিশী মিস্ত্রীকে দিয়েই একখানা গাড়ী তয়ের ক'রে নেব, আর চিৎপুর থেকে ছুটো ঘোড়া; বাগান একখানা কর্তেই হবে, যা হ'ক, তরীটে তরকারীটে আসবে; জগা, কথা কচ্ছিম্ নি যে?

জগ। বল্ বল্, তোর আক্কেলের দৌড়টা শুনি; তুই মুখ্য কি না, গাছে কাঠাল গৌপে তেল দিয়ে বসেছি। ও দেখতে ছোড়া, বুদ্ধিতে বুড়োর বাবা, কোন রকম ক'রে স্বরেশটাকে হাত ক'রে রাখ, ওদের ঘরোয়া বিবাদ বাধলো বলে; মকদ্দমা বাধিয়ে দিয়ে স্বরেশকে নিয়ে আর এক উকিলের কাছে যাস, যে খরচা আদায় করতে পারবি।

কান্দালী। তোর ত বুদ্ধি বড়, আমার নামে জালিয়াতের নালিস ক'রে চৌদ্দ বৎসর ঠেলুক,—সেই মাগীর সব কাগজ-পত্র নিয়ে রেখেছে।

জগ। আমি চ'খে দেখলুম, আর আমার পরিচয় দিচ্ছি কি? মকদ্দমা কি আজ বাধাতে পারবি? দু-বছরে বাধে তো ঢের। ও যে উকিল দেখছি, তত দিন বিশটা জাল ক'রবে। আর আমার কথা তুই দেখিস, যখন ডাক্তারখানা রাখতে বল্ল, কারকে বিধ খাওয়ার মতলব যদি না থাকে তো, কি বলেছি। ওকে আমি দু'দিনে হাত ক'রে ওর পেটের কথা সব নেব।

(স্বরেশের পুনঃ প্রবেশ)

স্বরেশ। বিছাধরি, মেজদা এসেছিল কেন হে?

জগ। ওরে, তোর কপাল ফিরেছে, ওরে তোর কপাল ফিরেছে—(পদধূলি প্রদান)

স্বরেশ। আরে যাও বিছাধরি, আমার সিঁথে খারাপ হবে।

জগ। পাচ পাচশো টাকা! একটা সহ কল্লই—বাস!

স্বরেশ। পাচ পাচশো টাকা চাই নি, আমার দশটা টাকা দাও,—আমি হাওনোট লিখে এনেছি দেখ।

জগ। হাতের লক্ষ্মী পায়ে ঠেলিস্ নি—হাতের লক্ষ্মী পায়ে ঠেলিস্ নি।

কান্দালী। তাই তো হে খুড়ো, তুমি অমন বোকা কেন?

স্বরেশ। দেখ কান্দালী খুড়ো, বিছাধরি শোন,—এ যে ছ' দশ টাকা ধার করি, এ দিতে দাদা মারা যাবে না, আর দেবেও। পাচশো টাকা দিতে চাচ্ছ বাবা, পঞ্চাশ হাজারে যা দেবে তবে; ভাবছো, বোকারাম টাকার লোভে একটা সহ ক'রে দেবে এখন; আমার নিজের টাকা থাকতো, ঠকিয়ে নিলে আপত্তি ছিল না, দাদার যে সর্কনাশ করবে,

তা রূপসী বিদ্বাধরী পাচ্ছে না। চিরকাল দাদার খেলুম, দাদা বকেন আমার গুণে, কিন্তু অমন দাদা কারুর হবে না।

জগ। আমি আর টাকা দিতে পারবো না, যে টাকা ধার নিয়েছি দে, নইলে আমি নালিস ক'রবো।

স্বরেশ। আমি তোমায় ছুবেলা সাধুছি বিদ্বাধরি, জজসাহেবও ইজের অপদরী দেখবে, আর আমারও টাকা ক'টা শোধ যাবে; শুধু তাই না, আমার একটা বাজারে নাম বেরুবে, বিদ্বাধর খুড়ের মতন মহাজনও দু-একটা জুটবে। তোমার চন্দ্রবদন যত না দেখতে হয়, ততই ভাল। বুঝলে বিদ্বাধরি, টাকা দেবে কি না বল?

জগ। না, আমার টাকা-কড়ি নেই।

স্বরেশ। তবে চল্লম, সেলাম পৌছে বিদ্বাধর খুড়ো, বিদেয় হলেন। একগুণ নিয়ে চারগুণ লিখে দিলে তোমার মত চের মহাজন পাব।

[স্বরেশের প্রস্থান।

জগ। বুঝলি পোড়ারমুখো! একে সোজা দিক দিয়ে হবে না, এরে উল্টো প্যাচ কসতে হবে। সেই ক'রে দিলে ওর দাদার উপকার হবে যদি বুঝতে পারে, ~~সেই~~ সেই ক'রবে।

কান্দালী। কি রকম—কি রকম?

জগ। রোস, এখন দাঁড়া, আমি মনে মনে ঠাওরাই খাই গে আয়।

[উভয়ের প্রস্থান।

তৃতীয় গর্ভাঙ্ক

দরদালান

প্রফুল্ল ও স্বরেশ।

স্বরেশ। ইয়ারে মেজো, দাদার না বড় অসুখ ক'রেছে?

প্রফুল্ল। ঠাকুরপো, আমার হাত-পা পেটে সের্দিয়ে যাচ্ছে, ঠাকুরগ কান্দছেন। বটঠাকুরকে কে কি খাইয়েছিল।

স্বরেশ। তা এখন দাদা কোথা?

প্রফুল্ল। এখন ভাল হ'য়েছেন, ঘরে শুয়ে আছেন। তোমায় তাড়াতাড়ি আমি ঝিকে পাঠিয়ে দিলুম খুজতে; সে যদি চিকুরি দেখতে! ডাক্তার এল, মাথায় জলটল দে

তবে ভাল হল। ছেলেটাও যত কান্দে, আমিও তত কান্দি। এমন সর্ব্বনেশে জিনিষও খাইয়েছিল। দিদিকে লাথি মেরেছেন, ছেলেটাকে চড় মেরেছেন, মাঝে গালাগালি দিয়েছেন।

স্বরেশ। দাদা খেয়েছেন?

প্রফুল্ল। ডাক্তার পাঠার কং খেতে বলেছিলেন, তাই খেয়েছেন; এ বেলা মাগুর মাছের ঝোল আর ভাত পাবেন। ঠাকুরপো, অমনি ক'রে আবার যদি কেউ কিছু খাওয়ায়। না বলেন, চারিদিকে শত্রুর, শত্রুর হামছে।

স্বরেশ। এখন ভাল আছেন তো?

প্রফুল্ল। ই্যা, সরকার ম'শাইকে ডেকে কি কাজ বলেছেন, চিঠি লিখেছেন, আবার যদি কেউ কিছু খাওয়ায়? আমার ভাই কান্না পাচ্ছে।

স্বরেশ। আমিও তাই ভাবছি, হাতে টাকা নেই, তা নইলে একটা মাহুলী আনতুম। বৌদিদি, সেই মাহুলী পরলে আর কেউ কিছু করতে পারতো না।

প্রফুল্ল। ই্যা ঠাকুরপো, এমন মাহুলী?

স্বরেশ। সে মাহুলীর কথা বলবো কি, ওই সরকারদের বাড়ীর অমনি একজনকে খাওয়াতো—সরকারদের বৌ মাহুলী যেই পরলে, আর কেউ কিছু ক'রতে পারলে না। কি খাওয়ায় জান, রাপা জল পড়া। ভাগ্গিস ভালয় ভালয় কেটে গেল, নইলে লোক পাগল হয়। এমন জল পড়া নয়, তুমি যদি খাও তো, অমনি ধেই ধেই করে নাচ।

প্রফুল্ল। ও মা! সে নাচাই বটে, সে যে হাত পা হোঁড়া! তা তুমি সে মাহুলী এনে দাও, আমি দিদিকে বলে টাকা দেওয়ায় এখন।

স্বরেশ। তা হ'লে আর ভাবনা ছিল কি, বৌদিদির টাকায় আনলে ওষুধ ফলবে না।

প্রফুল্ল। তবে কি হবে, আমার ঠেয়ে আট গণ্ডা পয়সা আছে।

স্বরেশ। আর সেই যে মাকড়ীগুলো আছে, তাতে তুমি আর পর না।

প্রফুল্ল। না, সে তুলে রেখেছি, দিদি বলেছে, কাণবালা গড়িয়ে দেবে।

স্বরেশ। তা সেইগুলো পেলেই হতো—

প্রফুল্ল। তা নাও, আমি-দিছি, দুটো মাহুলী এনো,

আমিও একটা চুপি চুপি পরে থাকবো, যদি ঠুকে কেউ কিছু
খাওয়ায়। [প্রফুল্লর প্রশ্ন।

স্বরেশ। দেখি কত দূর হয়। (লিখন) "মেজ দাদা,
মেজ বৌদিদির মাক্‌ড়ী লইয়া অন্নদা পোদ্ধারের দোকানে
দশ টাকায় বাঁধা দিয়েছি।" ভায়ার দেখে অঙ্গ শীতল হবে!
বলবেন, খুব করেছ। কি রে যেদো, কাঁদছিল কেন?

(যাদবের প্রবেশ)

যাদব। কাকা বাবু, বাবার অস্থখ করেছে।

স্বরেশ। অস্থখ করেছিল, দেখ গে যা, ভাল হয়ে
গিয়েছে; তার কান্না কিসের? তোর অস্থখ করে না?

যাদব। বাবা আমায় রোজ ডাকেন, আজ ডাকেন নি।

স্বরেশ। ডাকবেন এখন, যা, তুই কাছে যা দেখি।

যাদব। তুমি বাইরে যেও না, যদি আবার অস্থখ করে।

স্বরেশ। না, আর অস্থখ করবে না।

(প্রফুল্লর পুনঃ প্রবেশ)

প্রফুল্ল। ঠাকুরপো, এই নাও। (মাক্‌ড়ী প্রদান)

স্বরেশ। মেজ বৌদিদি, যাদবকে দাদার ঘরে দিয়ে
এস তো, আর এই চিঠিখানা মেজদাদাকে দিও।

যাদব। কাকী মা, আমার কান্না পাচ্ছে, আবার যদি
বাবার অস্থখ হয়?

প্রফুল্ল। না, বালাই! আর অস্থখ হবে কেন। চল,
তোরে আমি নিয়ে যাই।

স্বরেশ। যেদো, যা তোর বাপের কাছে যা, কাঁদিস্নি।
আমি কেমন সুন্দর ব্যাটম্বল কিনে এনে দেব এখন। কাল
তোকে গড়ের মাঠে খেলতে নিয়ে যাব।

[যাদবকে লইয়া প্রফুল্লর প্রস্থান।

এই যে, আমার বুদ্ধিমান মেজদাদা উপস্থিত; সইসের মাথায়
যে ত্র্যাণ্ডীর কেস দেখছি, এর জন্তোও মাতুলী গড়াতে হবে।
দাদা যখন ক্যানেস্তারা থেকে বার করে একটু একটু খান,
তখন আমি জানি; ও এমন জলপড়া না, আমি আর যা
করি তা করি, এ জলপড়া ছোঁব না। ইস্! আমায় দেখে
বামাল সামলাচ্ছেন!

(রমেশের প্রবেশ)

রমেশ। স্বরেশ, এখানে দাঁড়িয়ে কি কচ্ছিস?

স্বরেশ। তোমার নামে একখানা চিঠি এসেছিল, তাই
দিতে এসেছি।

রমেশ। কৈ দে।

স্বরেশ। মেজ বৌদিদির হাতে দিয়েছি।

রমেশ। তোর হাতে কি?

স্বরেশ। সুপরি; ও মুটের ঠেয়ে কি গা?

রমেশ। ও কৌনহুলি সাহেবকে সগগাত পাঠাতে হবে।

স্বরেশ। কৌনহুলি, না চুকু চুকু ঢালি?—

[স্বরেশের প্রস্থান।

রমেশ। ওরে, এদিকে আয়, ওই ওদিকে রাখগে যা।

[সহিসের প্রবেশ ও বাঙ্গ রাখিয়া প্রস্থান।

যাতে পরের অপকার, তাতে আপনার উপকার। ভাইয়ের
চেয়ে পর কে? প্রথমে মা বখরা, তার পরে বাপের বিষয়
বখরা, ভাই-পো হবেন জাতি-শত্রু! এই মদে দাদার
অপকার, আমার উপকার। এ বিষয়গুলো যে ব্যাপারী
ব্যাটারা বেচে নেবে, তা তো প্রাণে সহিছে না। দাদাকেও
ফাকি দেওয়া চাই, ব্যাপারীগুলোকেও ঠকান চাই। যখন
মদ খাবে, সই করে নেবার ভাবি নি, আজই হ'ক কালই
হ'ক, মর্টগেজ (Mortgage) সই করে নিছি। তাবনা
রেজেষ্ট্রীর—তা তখন দেখা যাবে। মদ আমার সহায়;
জুড়ুতে দেওয়া হবে না, আজই দাদাকে মদ খাওয়াতে হবে,
একবার দাদার কাছে যাই।

[রমেশের প্রস্থান।

চতুর্থ পর্ভাঙ্ক

যোগেশের ঘর

যোগেশ ও জ্ঞানদা।

জ্ঞানদা। ছেলেটাকে চড় মেরেছিলে, কেঁদে কেঁদে
বেড়াচ্ছে, একবার ডাক।

যোগেশ। ডাকবো কি, আমার ছেলের কাছেও মুখ
দেখাতে লজ্জা হ'চ্ছে, এই সর্কনাশ, তার উপর এই
ঢলাঢলি!

জ্ঞানদা। ও আর মনে কর' না। ও ছাই আর
ছুয়ো না।

যোগেশ। আবার!

জ্ঞানদা। একবার যাদবকে ডাক।

যোগেশ। যাদব! এদিকে এস।

(যাদবের প্রবেশ)

কাদছ কেন? কেঁদ না বাবা, মেরেছিলুম, লেগেছে?

যাদব। না বাবা, তোমার বে অস্থখ করেছে।

যোগেশ। অস্থখ করেছিল, ভাল হ'য়ে গিয়েছে।

যাদব। আর অস্থখ করবে না বাবা?

যোগেশ। না, আর অস্থখ করবে না; আবার কাদছ?

যাদব। বাবা, আর অস্থখ কর' না, মা কাদবে, ঠাকুরমা

কাদবে, কাকীমা কাদবে।

যোগেশ। না, আর অস্থখ কর'বে না, তুমি ঠাকুরমার কাছে গে গল্প শোন গে।

যাদব। না বাবা, আমি গল্প শুন'বো না, তোমার কাছে বস'বো।

জ্ঞানদা। না না, গল্প শুন'গে ও ঘুম'গে। হ্যাঁগা ধানকতক রুটা গড়ে আনি না, দুধ দিয়ে খাও, ভাতে হাতে করেছ—

যোগেশ। না না, পোড়ারমুখে আজ কিছু উঠ'বে না।

জ্ঞানদা। তবে শোও গে।

যোগেশ। এই যাই, রমেশকে ডাকতে পাঠিয়েছি, একটা কথা বলে শুইগে।

জ্ঞানদা। আয় যাদব, আয় খাবি আয়।

যাদব। হ্যাঁ মা, বাবার যদি আবার অস্থখ করে?

জ্ঞানদা। আর অস্থখ কর'বে কেন?

[যাদবকে লইয়া জ্ঞানদার প্রস্থান।

যোগেশ। একদিনে কি কাও হয়ে গেল! মদের কি আশ্চর্য্য মহিমা! এই চলাচলি কল্পুম তবু মনে হচ্ছে, একটু খেয়ে শুলে হ'ত। এই সর্কনাশটা হয়ে গিয়েছে, বোধ হচ্ছে যেন স্বপ্ন; শেষটা কি দেন্দার হব! মাগ ছেলে তো পথে বনলোই। উঃ! ইচ্ছা হচ্ছে আবার মদ খেয়ে অজ্ঞান হই।

ওঃ! এমন সর্কনাশ কি মাহুষের হয়!—

(রমেশের প্রবেশ)

ভাই, সব শুনেছ?

রমেশ। আজ্ঞে শুন'লুম বৈ কি।

যোগেশ। চলাচলি করেছি, শুনেছ?

রমেশ। বলেন কি! হঠাৎ এ সর্কনাশে খবর এলে লোক জলে বাঁপ দেয়; আপনি খুব ভাল করেছিলেন, নইলে একটা ব্যানো শ্রানো হ'ত।

যোগেশ। আর ভাল করেছি ছাই! মা'র উপোস গিয়েছে, ছেলেটাকে মেরেছি, বাড়ী শুক কান্নাহাটা, শত্রুর মুখ উজ্জল!

রমেশ। না, না, আপনি বুঝছেন না, সাড'ন স্ক (Sudden Shock) য়ে একটা ব্যানো হ'তে পাত্তো।

যোগেশ। না, বা হবার হয়ে গিয়েছে, এখন উপায় কি? কারবার ক্লোজ করেছি, ব্যাপারীর দেনা প্রায় দেড় লাক টাকা। বিষয় বেচে তো না দিলে নয়; আমি ব্যাপারীদের ঠেয়ে সময় নিয়ে দালাল ধরিয়ে দিই।

রমেশ। মা একটা কথা বলছিলেন,—বলেন, এখন বেচলে কি দাম হবে? আধা দরে যাবে। তিনি বলছিলেন, বৌয়ের নামে কল্লে হয় না? তার পর ক্রমে ক্রমে বেচা যাবে।

যোগেশ। ছিঃ! তিনি যেন মেয়েমাহুষ বলেছেন, তুমি ও কথা মুখে আন? লোকের কাছে জ্বোচ্চার হব? সুনাম থাকলে খেটে খাওয়া চলবে। আর চলুক আর নাই চলুক, আমায় বিশ্বাস ক'রে মাল ছেড়ে দিয়েছে—বিশ্বাসঘাতক হব?

রমেশ। তা তো বটেই, তা তো বটেই, তবে একটা কথা, দরে না বিকুলে তো সব দেনা শোধ যাবে না।

যোগেশ। আমি সকলকে ডেকে বলি বে, আমার এই আওহাল, তোমরা সব আপনারা রয়ে বসে বেচে কিনে নাও। না রাজী হয়, জেল খেটে শোধ দেব। এখন আর আনার বিষয় না, পাওনাদারের; তাদের যেমন ইচ্ছে, তাই হবে। আমার সর্কনাশ হয়েছে বটে, কিন্তু বড় গলা ক'রে বলতে পারি, কখনো প্রবঞ্চনার দিক দিয়ে চলি নি। বাবা প্রবঞ্চক, তারা কখন ব্যবসাদার হ'তে পারে না। বিশ্বাস ব্যবসার মূল, দেখ'ছ না, আমাদের জাতে পরস্পর বিশ্বাস নাই, ব্যবসাতেও প্রায় কেউ উন্নতি লাভ ক'তে পারে না; লোকের বিশ্বাসভাজন হয়েছিলুম, তাইতে বা মনে করেছি, তাই করেছি; সে বিশ্বাস কখন' ভাঙ'বো না, এতে জেলে যাই, স্ত্রী রাঁধুনি হয়, ছেলে অনাহারে মরে, সেও ভাল।

রমেশ। আমিও তো তাই বলি, তবে মা বলছেন, এই জন্তাই শোনলুম।

যোগেশ। মা বলুন, যিনি অর্ধশ্বে মতি দেবেন, তিনি মা'ই হ'ন আর বাপই হ'ন, তাঁর কথা শুনতে নেই। তুমি আজ রাত্রিতেই ব্যাপারীদের ডাকাও, আমি একটা বিলি করি, তা নইলে হবে না।

রমেশ। কাল সকালে ডাকাব। দাদা, ময়রাদের একটা ছেলের ওলাউঠা হয়েছে, ব্র্যাণ্ডি একটু দিলে হয় না? আমার কাছে ওষুধ চাইতে এসেছে; আপনি ডাকলেন, চ'লে এসেছি।

যোগেশ। তা আমাদের ডাক্তারকে পাঠিয়ে দাও না।

রমেশ। কে ডাক্তার না কি একটু ব্র্যাণ্ডি খেতে বলেছে।

যোগেশ। তবে ডিম্পেন্সারিতে লিখে দাও।

রমেশ। লিখে দিতে হবে না, আমার ঠেয়ে আছে, ওর তাপ দেবার জন্তে একটা এনেছিলুম; আমি দিয়ে আসিগে।

যোগেশ। শীগ্গির এস, আমি স্থির হতে পাচ্ছিনি, যা হয় একটা রাত্রিই শেষ করবো।

[রমেশের প্রস্থান।]

পাঁচ জনে পাঁচ কথা বলবে, মন না মতিভ্রম, বিশেষ মা'র কথা ঠেলা বড় মুস্থিল।

(রমেশের পুনঃ প্রবেশ)

রমেশ। দাদা, এইটুকু দিই? না, আর একটু ঢালুব?

যোগেশ। বেশী না হয়।

রমেশ। দাদা, আজ আমি ব্যাপারীদের খবর দিয়ে পাঠাই, কাল সকালে সব আসবে, আজ হিসাব পত্র মিলুচ্ছে, সকলে তো আসতে পারবে না।

যোগেশ। তা বটে, কিন্তু আজ আমার ঘুম হবে না।

[রমেশের মদের বোতল রাখিয়া প্রস্থান।]

(যাদবের পুনঃ প্রবেশ)

কি রে যাদব, আবার এলি যে?

যাদব। বাবা, ঠাকুরমা কাঁদছে।

যোগেশ। কেন রে?

যাদব। ছোট কাকা বাবু চোর হ'য়েছে, কাকী মা'র মাকড়ী নিয়ে গিয়েছে।

যোগেশ। সে কি? এ আবার কি সর্বনাশ! শেষ দশায় কি আমার এই হ'ল! আমার মনে মনে স্পর্ধা ছিল যে, পরিশ্রমে—চেঁটায় সকলই দিক হয়, সে দর্প চূর্ণ হ'ল। চেঁটায় ব্যাক ফেল হওয়া রোধ হয় না, দরিদ্র হওয়া রোধ হয় না, ভাই চোর হওয়া রোধ হয় না, বৃদ্ধ মাকে বৃন্দাবনে পাঠান হয় না; চেঁটায় কোন কার্যই হয় না। আমি আজীবন চেঁটা কল্লেন, কি কল পেলেম? চিন্তা! চিন্তা! চিন্তায় চিরকাল গেল!

যাদব। বাবা, তুমি কি কচ্ছো? আমার মন কেমন করে।

যোগেশ। করুক, আমার কি? আর কোন কথাই তত্ত্ব করবো না, যা হয় হ'ক, আজ থেকে আমার চেঁটা রহিত। এই যে স্বরাদেবী! যখন রূপা ক'রে এসেছ, আমি পরিত্যাগ করবো না; আজ থেকে তোমার দাস! (মস্তপান)

যাদব। বাবা, কি কচ্ছো? আমার মন কেমন করে। তুমি অমন ক'র না।

যোগেশ। তুমি যাও, আমি তোমার বাবা নই। বিশ্বাস! বিশ্বাস!—আমায় বিশ্বাস দান কর!

যাদব। বাবা, তোমার অস্থখ হবে, ঠাকুর মা বলেছে, বোতল খেয়ে অস্থখ হয়েছে, আর খেয়ো না বাবা!

যোগেশ। যা তুই যা। আজ থেকে গা ঢেলে দিলুম, যে যা বনুক। লোকনিন্দা, কিসের ভয়?

(স্বরেশের প্রবেশ)

স্বরেশ। দাদাবাবু, কি কচ্ছন?

যোগেশ। কে ও স্বরেশ? যা খুসী কর তাই, আর তোমায় আমি কিছু বলবো না। নেচে বেড়াও, খালি আমোদ ক'রে বেড়াও, কিছু চেঁটা ক'র না। আমি অনেক চেঁটা ক'রে দেখেছি,—কিছু না, কিছু না, ঠেকে শিখেছি! আর কি ভাবি, বা হবার হবে, ক'দিক্ ভাববো? সব দিক্ ফাঁক! খালি জমাট নেশা চলুক।

স্বরেশ। ও মা! শীগ্গির এস, দাদা আবার মদ খাচ্ছে।

যোগেশ। মাকে ডাকছিস? ডাক, কিছু ভয় করিনি,

আর মাকে ভয় করি নি। আমি যে লক্ষ্মীছাড়া! লক্ষ্মীছাড়ার ভয় কি? কিছু ভয় নেই, বাস! যা, এই আংটিটে নিয়ে যা, ছ-বোতল মদ নিয়ে আয়। এক বোতল তুই নিস, এক বোতল আমায় দিস।

(উমাসুন্দরীর প্রবেশ)

উমা। ও বাবা যোগেশ, আবার কি সর্কনাশ কচ্ছে? যোগেশ। কিছু না, তুমি যাও মা, ঘুমের ওষুধ খাচ্ছি।

(মঞ্চপান)

উমা। ও স্বরেশ, দাঁড়িয়ে দেখছিস কি? কেড়ে নেনা।

যোগেশ। খবরদার,—মারুডালেগা।

(রমেশের পুনঃ প্রবেশ)

উমা। ও রমেশ, যোগেশ কি সর্কনাশ করে দেখ।

রমেশ। মা, তুমি স'রে যাও, স'রে যাও; যত মানা করবে, তত বাড়াবে, মাতালের দশাই ওই!

যোগেশ। বাড়াবই তো! ভয় কিসের? ত্রিশ বৎসর ভয় ক'রে চলেছি, লোকনিদে? বড় বয়েই গেল!

রমেশ। ও স্বরেশ, মাকে নিয়ে যা আমি দাদাকে ঠাণ্ডা কচ্ছি। যত খাঁটাবি, তত বাড়াবে। যাদবকে নিয়ে যা।

স্বরেশ। আয় যাদব আয়, মা এস।

উমা। ওরে আমার কি সর্কনাশ হ'ল রে!

রমেশ। মা চেষ্টাও না, চারিদিকে শত্রু হাসছে।

স্বরেশ। চল মা চল, মেজদাদা ঠাণ্ডা ক'রবে এখন।

রমেশ। যাও, ওখানে দাঁড়িয়ে রইলে কেন?

[স্বরেশ, যাদব ও উমাসুন্দরীর প্রস্থান।

দাদা, তুমি তো খুব খেতে পার?

যোগেশ। হাঁ, বিশ বোতল খাব। যা, আর ছ-বোতল নিয়ে আয়।

রমেশ। খেয়ে ঠিক থাক, তবে তো—

যোগেশ। ঠিক আছি, বেঠিক পাবে না। তবে কি জান, বড় সর্কনাশ হয়েছে, প্রাণটা কেমন কচ্ছে, তাই খাচ্ছি, মাতাল হই নি।

রমেশ। হয়েছে বৈ কি।

যোগেশ। চোপ্‌রাও!

রমেশ। চোপ্‌রাও?—কৈ লেখ দেখি?

যোগেশ। আচ্ছা, দাও দোয়াত কলম দাও।

রমেশ। অমন লেখা না, ঠিক সই করতে পার, তবে— যোগেশ। ঠিক করবো; দাও।

(রমেশের কলম, দোয়াত ও কাগজ প্রদান)

(সই করিয়া) বাঃ! বাঃ! কেয়া জবর সই হয়!

শুধু সই? সই-মোহর করে দিই, আন।

রমেশ। কই দাও। (মোহর প্রদান)

(যোগেশের মোহর করণ)

(স্বগত) একটা কাজ তো হলো, রেজেষ্ট্রী করি কি করে? দেখা যাক।

যোগেশ। কি, কি, কি ভাবছ? কাজ গুছিয়েছ; আমি বুঝতে পেরেছি। যা খুসী কর, আমায় মদ দাও।

(উমাসুন্দরীর পুনঃ প্রবেশ)

উমা। ও রমেশ, এখনও যে ঠাণ্ডা হ'ল না?

রমেশ। আবার এয়েছ? তোমরা যা জান কর, আমি চলুম।

[রমেশের প্রস্থান।

যোগেশ। মা, তুমি মানা ক'ত্তে এয়েছ? আর মদ খাব না, কেন খাব না? এই যে ত্রিশ বৎসর খেটে মলুম—কেন? কি কাজ ক'লুম? তুমি বুড়ো মা, আজন্ম বাদীর মত খাটলে, তোমার কি ক'লুম? পরের মেয়ে যে ঘরে এনেছিলে, যে বাদীর অধম হয়ে সংসার ক'লে, তার কি ক'লুম? একটা ছেলে—তার হিলে কি রাখলুম? তাইটে চোর হলো, তার কি ক'লুম? রমেশ মাতাল দেখে সই ক'রে নিয়ে গেল। কে জানে কিসে—চেষ্টা করে তো এই ক'লুম! মনে কচ্ছে, মাতালমো ক'চ্ছি?—না মনের ছুখে বলছি, বলতে বলতে আগুন জ'লে ওঠে, জল দিই—(মঞ্চপান) মা, তুমি কিছু বলো না, তোমার বড় ছেলে আজ মরেছে!

[যোগেশের প্রস্থান।

উমা। ও বাবা, কোথায় বাস—ও বাবা কোথায় বাস? ও স্বরেশ, তোর দাদাকে দেখ।

[উমাসুন্দরীর প্রস্থান।

দ্বিতীয় অঙ্ক

—:~:—

প্রথম পর্ভাঙ্ক

যোগেশের বাটার চক

ব্যাঙ্কের দেওয়ান ও রমেশ।

দেওয়ান। রমেশ বাবু, আপনার দাদা কোথা ?

রমেশ। তাঁর ভারি অস্থখ, তিনি শুয়ে আছেন।

দেও। ডাকুন, ডাকুন, শুনলে অস্থখ ভাল হয়ে যাবে ;
আই ব্রিং গুড নিউস্ (I bring good news.)।

রমেশ। ডাকবার বো নেই ; কাল মুর্ছা গিয়েছিলেন,
ডাক্তার বিশেষ করে বারণ করে দিয়েছে, কোন রকম
এক্সাইটমেন্ট (excitement) না হয়।

দেও। বটে, তা হ'তেই তো পারে, বড্ড শক্ (shock)
টা লেগেছে। তা আপনাকেই বলে যাচ্ছি, আপনারা ডেস্-
পেয়ার (despair) হবেন না, কালকে লেটেস্ট প্রাইভেট
টেলিগ্রাম টু এজেন্ট (Latest private Telegram to
agent) যের কাছে এসেছে,—দি ব্যাঙ্ক মে রিকভার (The
Bank may recover)। বোধ করি, দিন পোনেরই
ভেতর ফের পেমেন্ট (payment) আরম্ভ হবে, কেউ এ
খবর জানে না, সেক্রেটারি (Secretary), আমি আর
আপনি এই শুনলেন, আপনার দাদা আমার ইন্টিমেট ফ্রেন্ড
(intimate friend) তাঁর মাইণ্ড (mind) টা কতকটা
রিলিভ্ (relieve) করবার জন্তে এসেছিলেন।

রমেশ। এ খবর তো তাঁকে এখন দিতে পারবো
না, বেশী এক্সাইটমেন্ট (excitement) হবে, তাঁর হার্ট
অ্যাফেক্ট (heart affect) করেছে কি না।

দেও। নেভার মাইণ্ড (Never mind)! আপনি
ছেনে থাকুন, দিন পনের না দেখে কিছু মতন অ্যারঞ্জমেন্ট
(arrangement) করবেন না। ইট ইজ্ অল্মোস্ট্ সারটেন্
ছাট্ উই উইল্ রিকভার (It is almost certain
that we will recover)।

রমেশ। ধ্যাক্ ইউ, মাচ্ ওলাইজ্ ড ফর্ ইয়োর

ইনফরমেশন। (Thank you, much obliged for
your information)

দেও। আমি বড় ব্যস্ত আছি, সকাল সকাল বেরুতে
হবে। চলুন, গুড মর্নিং (Good morning)।

রমেশ। গুড মর্নিং (Good morning)।

[দেওয়ানের প্রস্থান।

ইন্। আজ না রেজেষ্টারি করে নিতে পারলে তো নয়।
দাদার সঙ্গে দেওয়ান ব্যাটার দেখা হ'লেই সব দিক মাটা!
আজ যদি রেজেষ্টারি না ক'তে পারি, আর ব্যাঙ্ক যদি পে (pay)
করে, স্বরেশের ওয়ান-থার্ড শেয়ার (One-third share)
তো বাগিয়ে নিতেই হবে। যদি দাদা টের পায় ? টের পায়,
টের পাবে। আমার ওয়ান-থার্ড (One-third) কে ঘুচ'বে?
জয়েন্ট হিন্দু-ফ্যামিলি (joint Hindu family)। আমি
মাকড়ি চুরির নালিসটে আধারে চিল ফেলেছিলাম। দেখছি,
এটা কাজে আনবে, ওর ঠেয়ে ওর শেয়ার (share) টা
লিখিয়ে নেবার সুবিধে হ'তে পারে, জেলের ভয়ে লিখে দিলেও
দিতে পারে। দিক না দিক, নাড়া দেওয়া উচিত।—এই যে
কাঙ্গালী—

(কাঙ্গালীর প্রবেশ)

কাঙ্গালী। আমার ডেকেছেন কেন ?

রমেশ। দেখ, আমি মাকড়ি চুরি গিয়েছে বলে পুলিশে
জানিয়ে এসেছি। কে ক'রেছে, কি বৃত্তান্ত, তা কিছু বলিনি।
তুমি এখন গিয়ে ইনফরমেশন (information) দাও যে,
অন্নদা পোন্ধরের হোখা মাল আছে, পুলিশ সন্ধান করে বার
ক'রবে। আর অন্নদাও স্বরেশের নাম ক'রবে। তুমি আজ
তোমার স্ত্রীকে দিয়ে যোগাড় করে স্বরেশকে বাড়ীতে আটক
কর।

কাঙ্গালী। আর ওতো মর্টগেজ (mortgage) করে
নিচ্ছেন, আর স্বরেশকে আটক করে কি দরকার ? মর্টগেজ
হ'লে তো আর ওর ওয়ান-থার্ড শেয়ার (One-third share)
থাকছে না যে, ভয় দেখিয়ে লিখে নেবেন ?

রমেশ। না, তবু লিখে নেওয়া ভাল।

কাঙ্গালী। মর্টগেজ যদি সাক্ষস্ প্রমাণ হয় ?

রমেশ। এতো আমি আপনার নামে ক'রিনি।

কাঙ্গালী। তবে কার নামে ?

রমেশ। তবে আর তোমায় অ্যাসাইনমেন্ট (assignment) কাপি ক'ত্তে ব'লেছি কি? এ সব হ্যান্ডাম মিটে বাক্, এক ব্যাটাকে শালের জোড়া টোড়া পরিয়ে অ্যাসাইনমেন্ট সই ক'রে রেজেষ্টারি ক'রে নেব।

কাদ্রালী। কার নামে মর্টগেজ ক'রলেন, রেজেষ্টারি ক'রে দেবে কে?

রমেশ। এটা আর বুঝতে পারলে না? মর্টগেজ রাখছে মুল্লকচাঁদ ধুধুরিয়া, বাড়ী এলাহাবাদ; যে হয় এক ব্যাটা খোটা একশো টাকা পেয়ে মুল্লকচাঁদ ধুধুরিয়া হবে এখন, সে জন্তে ভাবিনি, যা হয় ক'রবো। এখন আজকে রেজেষ্টারি ক'রে নিতে পারলে হয়। একটা ব্র্যাণ্ডী, পোর্টের মতন ভাল রঙ ক'রে রাখবো, একটু লাল রঙ পাঠিয়ে দিও তো। থাকুক একটা, দাদার খোয়ারির মুখে পোর্ট ব'লে দিলে চলতে পারবে।

কাদ্রালী। আপনি বেশ ঠাউরেছেন, আমার একটা বন্ডাটে ভাগনে পশ্চিমে ছিল, ঠিক হিন্দুস্থানীর মতন চাল-চলন। সে কিছু টাকা পেলেই আবার পশ্চিমে চ'লে যায়, তাকেই মুল্লকচাঁদ ধুধুরিয়া সাজান যাবে।

রমেশ। সে পরের কথা পরে, পুলিশে এসে এসে এসে গে।
কাদ্রালী। যে আজ্ঞে।

[কাদ্রালীর প্রস্থান।

রমেশ। এখন পীতাম্বর ব্যাটাকে হাত ক'ত্তে পারলে হয়।

(পীতাম্বরের প্রবেশ)

পীতা। ছি ছি ছি! কি আক্কেল! মেজবাবু, কোথায় ঘরের কলঙ্ক চাক্বেন, না ব্যাপারীদের সামনে বলেন কি না, বাবু মদ খেয়ে প'ড়ে আছেন।

রমেশ। ও সব না ব'লে কি রফায় রাজী ক'ত্তে পারতুম? ব্যাপারীরা যদি দেখে, দাদা ঘর-বাড়ী বেচে দেনা দিতে রাজী, তা হ'লে কি এক পয়সা কমাতে চাইবে? মর্টগেজ দেখেও নরম হ'ত না, পাকা কলা পেয়ে বসতো। তুমি তো বোঝ না, ব'লতো টাকা দাও, নইলে জেলে দেব। দাদাও বিষয় বেচে দিতেন। রক্ষা হয় কিসে বল দেখি?

পীতা। তাই ব'লে কি দেশ জুড়ে বাবুর কলঙ্কটা কল্লেন? এ ছাইয়ের বিষয় থাকলেই বা কি, না থাকলেই বা

কি—যখন মান গেল, জোচ্চোর ব'লে গেল, মাতাল জেনে গেল! আমি বড়বাবুকে তুলি গে; তুলে বলি যে, মেজবাবু এই ক'রে বিষয় বাঁচাচ্ছেন।

রমেশ। পীতাম্বর, তুমি দাদাকে না মেরে আর নিশ্চিত হ'চ্ছ না। তুমি বুঝতে পাচ্ছে না, দাদা টাকার শোকে মদ খাচ্ছেন। আমি বিষয় বাঁচাচ্ছি সাধে? আজ দেখতে এই,—যে দিন বাড়ী বেচে ভাড়াটে বাড়ীতে যাবেন, সেই দিন গলায় দড়ি দেবেন। মাতাল বলে—মদ ছাড়লেই গেল, জোচ্চোর বলে—দেনা দিলেই ফুকলো; সব ফিরে পাওয়া যায়, প্রাণ গেলে তো আর প্রাণ কিরবে না! পীতাম্বর, তা তোমার কি বল,—তোমার তো মা'র পেটের ভাই নয়, তোমার এক চাকরী গেল, আর এক চাকরী হবে। তুমি ধর্মতঃ বল দেখি, দাদাকে অমন বেহেড্ কখন দেখেছ কি? এ টাকার শোকে না কি?

পীতা। আপনি মাতাল ব'লে পরিচয়টা দিলেন কেন?

রমেশ। মনের দুঃখে বেরিয়ে গেল পীতাম্বর! আমাতে কি আর আমি আছি? আমি মর্মে ম'রে গেছি! তোমায় বলছি, কথা শুন,—দাদা জিজ্ঞাসা ক'রলে বলবো, সবাই কিত্তিবন্দীতে রাজী হ'য়ে গিয়েছে। তুমিও বল, হ্যাঁ।

পীতা। আজ যেন বল্লম, তারপর?

রমেশ। আজ বিকেলে সব বেটাকে রাজী ক'রবো—কেন ভাব্ছ!

পীতা। যা ভাল হয় করুন, দেড় লাখ টাকা পাওনা, পাচ হাজার টাকা দিতে চাচ্ছেন, আমার তো বোধ হয় হবে না।

রমেশ। পীতাম্বর, তোমার কাছে এই ভিক্ষা, আমি বা বলি, শুনো,—দাদার প্রাণটা রক্ষা কর, দাদাকে বাঁচাতে পারলে সব বজায় থাকবে।

পীতা। তা সত্য, টাকার শোকেই এ চলাচলিটা হ'ল। তা মেজবাবু, না ব'লেই হ'ত, মাতাল জেনে গেল, কথাটা ভাল হ'ল না।

রমেশ। তুমি একটা উপকার কর, ঐ মদনা পাগ'লার কথা মা শোনেন; ওকে দিয়ে মাকে বলাও, যেন দাদাকে বলেন, রেজেষ্টারি ক'রে দিতে। একবার রেজেষ্টারিটে ক'ত্তে পারলে বুঝতে পারি, ব্যাপারীব্যাতারা রাজী হয় কি না।

পীতা। আমি বলাচ্ছি, কিন্তু গিন্নী মা বলেও বড়বাবু রাজী হবেন না।

রমেশ। চেপ্তা তো ক'ত্তে হয়।

[পীতাম্বরের প্রস্থান।

বড় বো, বড় বো!—

(জানদার প্রবেশ)

জানদা। কি গা?

রমেশ। এই দিকে এস না।

জানদা। কি বলবে বল না? ওখানে গেলে বকেন।

রমেশ। এখানে আর কেউ নেই, শোনো,—বড় বো, বিষয় যাক, সব যাক, আমি ভাবিনি, সংসারের জ্বালাও ভাবিনি; আমি মোট ব'য়ে সংসার ক'রবো; কিন্তু দাদাকে বাঁচাই কিসে? দেখছো তো শিবতুল্যা মাহুষ!—টাকার শোকে মদ খেয়ে চলাচলিটা ক'রেছেন। ব'লেছেন, বাড়ী বেচে দাও। কিন্তু বড় বো, বাড়ী বেচলে আর দাদাকে পাব না, দম ফেটেই মারা যাবেন।

জানদা। তা ঠাকুরপো, আমি কি ক'রবো বল?—আমার তো ভাই, আর হাত-পা আসছে না।

রমেশ। না, এই সময় বুক বাঁধ, তুমি অমন ক'রলে আমরা ভাসব।

জানদা। আমি কি ক'রবো বল? ঠাকুরপো, আমার ডাক ছেড়ে, কাদতে ইচ্ছা হ'চ্ছে। কাল সমস্ত রাত ছুটি চক্ষের পাতা এক করিনি। ছেলেটা সমস্ত রাত ফুলে ফুলে কেঁদেছে—আর যদি ভাই, সে ছুটুকটানি দেখতে,—জল দাও, বুক যায়! এই ভোর বেলা এক গেলাস জল খেয়ে খুমিয়েছে।

রমেশ। এক উপায় আছে, যদি দাদাকে রেজেষ্টারী ক'রে দিতে রাজী ক'ত্তে পার, তা হ'লে সব দিক বজায় থাকবে।

জানদা। রেজেষ্টারী কি?

রমেশ। বিষয়টা বেনামী ক'রছি; সইও করেছেন, রেজেষ্টারী ক'রে দিতে নারাজ হ'চ্ছেন। এ না ক'লে পাওনাদারেরা সব বেচে নেবে।

জানদা। দেনা শোধ হবে কি ক'রে?

রমেশ। র'য়ে ব'সে বন্দোবস্ত ক'রবো। এই নুতন

রাতটা যাচ্ছে, অনেক বাড়ী পড়বে, বাড়ীর দর তিন গুণ হবে। খান দুই বাড়ী ছেড়ে দিলেই সব শোধ যাবে।

জানদা। ও দেনা রাখতে রাজী হবে না।

রমেশ। উনি ব'লেছেন তো, আবার টাকার শোকে মদও তো খাচ্ছেন, বাড়ী বেচে তা'র পর গলায় দড়ি দিয়ে খুলুন।

জানদা। আর বলো না ঠাকুরপো, আর বলো না!

রমেশ। তা শেওরালে হবে কি? বাড়ী বেচলে একটা না একটা কাও হবে। মা অহরোধ করুন, তুমি অহরোধ কর, আমি অহরোধ করি—

জানদা। মাকে দিয়েই বলাই, আমায় ধমকে তাড়িয়ে দেবেন।

রমেশ। মা থাকবেন, তুমিও থাকবে। যাও, মাকে বুঝিয়ে বল গে। দাদা উঠলে মাকে নিয়ে যেও, আমিও থাকব এখন।

[জানদার প্রস্থান।

(নেপথ্যে ইনেস্পেক্টার।) রমেশ বাবু, রমেশ বাবু—

রমেশ। কেহে, হাবুল? এ দিকে এস।

(মহা জমাদার ও ইনেস্পেক্টারের প্রবেশ)

কি? মাকড়ির কিছু তদন্ত হ'ল?

ইনেস্পেক্টার। ওহে সর্কনাশ!

রমেশ। সর্কনাশ কি?

ইনেস্পেক্টার। অমদা পোন্দারের দোকানে মাল ধরা পড়েছে, তাকে অ্যারেষ্ট (arrest) ক'রে এনে তদন্ত ক'রে দেখলুম, তোমার গুণধর ভাই স্বরেশ চুরি ক'রেছে!

রমেশ। সে কি! স্বরেশ চুরি ক'রেছে?

ইনেস্পেক্টার। এ সাপে ছুঁচো ধরা হ'ল। কি করি বল দেখি? পোন্দার ব্যাটাকে ছেড়ে দিলে তো ডিপুটি কমিশনারের কাছে রিপোর্ট ক'রবে।

রমেশ। সে কি! স্বরেশ চুরি ক'রেছে? সে পোন্দার ব্যাটার দম।

ইনেস্পেক্টার। না হে—দম না, মদল সিংয়ের সামনে বাঁধা দিয়েছে। এ আজ কলুটোলার থানা থেকে এসেছে, নালিসের কথা কিছু শোনে নি। শুনেই বলে, স্বরেশ বাবু বাঁধা দিয়েছে। স্বরেশ বাবু না হ'লে যখনই বাঁধা দিতে গিয়েছিল, তখনই ধ'রতো। ওর ইউনিফর্ম (uniform)

ছিল না কি না, দাঁড়িয়ে শুনেছে, স্বরেশ বলেছে, দাদার মাকড়ী বোকে ফাঁকি দিয়ে এনেছি।

জমা। হাঁ বাবু, সব সাচ্‌ হায়, হাম্‌ শুনা।

রমেশ। অ্যা! সর্বনাশের উপর সর্বনাশ! স্বরেশ চোর হ'লো!

ইনেস্‌। এখন কিছু খরচ কর; রামা শ্রাকরা বলে এক ব্যাটা আছে, সে টাকাশো চার পাঁচ পেলে কবুল দেবে, বাস্‌ ভেঙ্গে চুরি ক'রেছে। বল তো, আমি সেই ব্যাটাকে চালান দিয়ে মকদ্দমা সাজিয়ে দিই।

রমেশ। বল কি হাবুল! আমি একজন নির্দোষী লোককে সাজা দেওয়াব? আমার প্রাণ থাকতে হবে না। আই হাব টেকেন্‌ মাই ওথ টু এড্‌ জষ্টিস্‌ (I have taken my oath to aid justice.)।

ইনেস্‌। তবে উপায় কি?

রমেশ। লেট্‌ জষ্টিস্‌ টেক্‌ ইট্‌স্‌ কোর্স্‌ (Let justice take its course)। আমায় কিছু জিজ্ঞাসা ক'র না, যা জান কর।

ইনেস্‌। সে কি হে? মেয়াদ হ'য়ে যাবে!

রমেশ। লেট্‌ জষ্টিস্‌ বি ডন, ওঃ হেপ্‌ মাই গড্‌ (Let justice be done. Oh! help me my God)! ওহো! হো হো হো!

জমা। (জনান্তিকে) বাবু, মত্‌ লব্‌ হায়।

ইনেস্‌। দেখ্‌ তা। তবে রমেশ বাবু, চল্লুম।

রমেশ। আর কি বলবো! ওহো হো হো হো!

জমা। বাবু, শালা বদমাস হায়!

[ইনেস্‌পেক্টার ইত্যাদির একদিকে ও
অপর দিকে রমেশের প্রস্থান।

দ্বিতীয় গর্ভাঙ্ক

যোগেশের ঘর

জ্ঞানদা ও যোগেশ।

জ্ঞানদা। অস্থখ ক'রেছে, শোবে এস না, উঠ্‌লে কেন?

(রমেশের প্রবেশ)

রমেশ। দাদামশাই, গায়ে কাপড় দিচ্ছেন যে, জর-ভাব ক'রেছে না কি?

যোগেশ। কে জানে ভাই, ঘামও হ'চ্ছে, শীতও ক'চ্ছে।

রমেশ। সে কি! আমি ডাক্তার ডেকে আনি।

যোগেশ। দাঁড়াও, দাঁড়াও, ব্যাপারীদের সঙ্গে কি হ'ল বল?

রমেশ। আজ্ঞে, সব খবর ভাল—আমি এসে বলছি। ঘামও হ'চ্ছে, শীতও ক'চ্ছে—এ কি!

[রমেশের প্রস্থান।

যোগেশ। বড় বৌ, কাছে এস; আমার ঘেন ভর ভয় ক'চ্ছে, ঘেন কে আশে পাশে র'য়েছে।

জ্ঞানদা। ও মা! সে কি গো?

যোগেশ। চট্‌ করে—না, কিছু না, ঝিম্‌ ঝিম্‌ ঝুম্‌ ঝুম্‌—এ সব কি এ! এখনও কি নেশা র'য়েছে? মাথা টল্‌ছে, বুকটায় হাত দাও। বড় বৌ, কাল কিছু হ্যাদাম ক'রেছিলুম? কিছু মনে নাই।

জ্ঞানদা। না, কিছু কর নি, তুমি শোবে এস।

যোগেশ। না, চোখ্‌ বুজ্‌লে ভয় হয়, আমি ব'সে থাকি। শরীর ঝিম্‌ছে! শরীর ঝিম্‌ছে—

(নেপথ্যে রমেশ।) বড় বৌ, স'রে যাও, ডাক্তার বাবু যাচ্ছেন।

[জ্ঞানদার প্রস্থান।

(কাঙ্গালীকে লইয়া রমেশের প্রবেশ)

যোগেশ। ও বাবা! একে?

রমেশ। দাদা, আমি ডাক্তার এনেছি; মশাই দেখুন দেখি, ঘামও হ'চ্ছে, শীতও ক'চ্ছে।

কাঙ্গালী। ইনি কি অ্যালকোহল (Alcohol) ব্যবহার করে থাকেন?

রমেশ। আজ্ঞে, একটু হ'য়েছিল।

কাঙ্গালী। তারই রি-অ্যাক্‌শান্‌ (reaction), আর কিছু না, ভয় নেই। আপনি যে ক'রে গিয়ে প'ড়লেন, আমি মনে ক'ব্‌লুম, অ্যাপোপ্লেক্সিস্‌ (Apoplexy) কি, কি হ'য়েছে, একটু মাইল্ড্‌ ডোজ্‌ (mild dose) য়ে খেতে দিন।
যোগেশ। না, মদ আর ছোঁব না।

কাঙ্গালী। হ্যা, তা আপনাকে একেবারে পরিত্যাগ ক'ন্তে হবে বৈ কি। রমেশ বাবু, বাড়ীতে কুইনাইন থাকে তো পোর্টের সঙ্গে একটু একটু দিন। রি-অ্যাক্সান্ (Reaction) টা বড় বেশী হয়েছে। মশাই, একটু ভয় ভয় ক'চ্ছে কি?

যোগেশ। আজ্ঞে, শরীরটে কেমন যেন ছম্ছনে হ'য়েছে।

কাঙ্গালী। হ্যা, কোলাপ্ (collapse) আনতে পারে। এক কাজ করুন, টুয়েন্ট আউন্স পোর্ট, আর থ্রি গ্রেণ কুইনাইন, (Twelve ounce port and three grain Quinine) সোডাওয়াটারের সঙ্গে মাঝে মাঝে একটু একটু দিন। বড় রি-অ্যাক্সান্ (reaction) টা হ'য়েছে। ভয় পাবেন না, সেয়ে যাবে, কিন্তু প্রতিজ্ঞা করুন, আর অ্যান্‌কোহল না ছেঁন।

রমেশ। তা ওষুধটা আপনার ঐখান থেকেই পাঠিয়ে দিন।

কাঙ্গালী। আচ্ছা, আপনার লোক পাঠিয়ে দিন।

রমেশ। আহ্ন।

[রমেশ ও কাঙ্গালীর প্রস্থান।]

যোগেশ। একটু পোর্ট খেলে বোধ হয় উপকার হবে। গা-গতর যেন লাঠিয়ে ভেঙেছে! এক ডোজ (dose) খেয়ে শুয়ে পড়'বো। মাহুঘটা বিজ্ঞ, ঠিক ধ'রেছে।

(জ্ঞানদার প্রবেশ)

জ্ঞানদা। হ্যা গা, ডাক্তার কি ব'লে গেল?

যোগেশ। ওষুধ পাঠিয়ে দেবে।

জ্ঞানদা। কোন ভয় নেই তো?

যোগেশ। না।

(রমেশের পুনঃ প্রবেশ)

রমেশ। দাদা, আমার ঠেয়েই আছে, একটু কুইনাইন আর সোডাওয়াটার দিয়ে খান, ছ' ডোজ হবে, তার পর পাঠিয়ে দিচ্ছে। বড়বোঁ, মাকে এই বেলা ডেকে আন।

যোগেশ। কি ব'ল্ছো?

রমেশ। ব'ল্ছি, ভয় নেই।

[জ্ঞানদার প্রস্থান।]

যোগেশ। হ্যা হে, এ ব্রাণীর গন্ধ যে?

রমেশ। এখনকার ঐ বেষ্ট পোর্ট (Best port)। দেখছেন না, একটু রঙেরও তফাৎ; এড্‌ভোকেট জেনারেল (Advocate General) যের জন্তো ফ্রান্স থেকে এসেছিল। আমি একটা নিয়ে এসেছিলুম, ছ' একজন চেয়ে নিয়ে গিয়েছিল, আর এই টুকু আছে।

যোগেশ। খেতে একটু নেশাও হ'ল, কিন্তু ইমিজিয়েট রিলিফ (immediate relief) বোধ হ'চ্ছে, টেষ্ট (taste) ও ব্রাণীর মতন।

রমেশ। ব্রাণীর ও রকম রঙ হয় কি?

(জ্ঞানদার ভৃত্যের প্রবেশ ও ওষুধ দিয়া প্রস্থান।)

যোগেশ। কি রকম খেতে ব'লেছে?

রমেশ। মাঝে মাঝে একটু একটু খান, এই যে ছ' শিশি ওষুধ পাঠিয়ে দিয়েছে, দেখুন ঠিক এক রকম রঙ, এই এখন চলিত হ'য়েছে।

যোগেশ। ব্যাপারীদের কি হ'ল?

রমেশ। আজ সে কথা থাক, আপনার শরীর অস্থখ।

যোগেশ। না, সে কথা না শুনলে আমার আরও অস্থখ বাড়'বে।

রমেশ। ব্যাপারীদের কথা তো—টা কা চায়। আপনার অস্থখ, আমরা তো ঘরোয়া একটা পরামর্শ করি নি।

যোগেশ। আর পরামর্শ কি, বেচে কিনে তো দিতে হবে, একটা সময় নাও।

(জ্ঞানদা ও উমাসুন্দরীর প্রবেশ)

রমেশ। বৌ, দাদা ব'লেছেন, সব বেচে কিনে ব্যাপারীদের দাও। মাস দুই বাদে বেচলে তিন গুণ দর হ'ত, চাই কি, খান দুই বাড়ী বেচেই সব দেনা শোধ যেতো; তা ওঁর সামগ্রী উনি বেচতে চাচ্ছেন, তা আমি কি ব'ল্‌বো বল?

জ্ঞানদা। হ্যা গা, কেন, ছ' দিন তর নেই? সব তাড়াতাড়ি! সাত গুণীকে পথে বসাবে কেন বল দেখি?

উমা। বাবা যোগেশ, আমারও ইচ্ছে, রয়ে বসে বেচা। ছেলেটা পুঁলেটা হ'য়েছে, ঐ অপোগও ভাইটে, আমি বুড়া মা,—এ বয়সে কোথায় বাড়ী ভাড়া ক'রে থাক'বো বল?

যোগেশ। মা, তুমিও ঐ কথা ব'ল্ছো?

উমা। বাবা, সাথে ব'ল্ছি, ছ'দিন বাদে যদি দর হয়,

ভদ্রাসনটা থাকে ; ব্যাপারীদের টাকা ধরে দিলেই হবে।

রমেশ। তা বৈ কি, আমি টুয়েলভ পারসেন্ট (Twelve Percent) যের হিসাবে দেব।

যোগেশ। রমেশ, তোমারও কি ঐ মত ?

রমেশ। দাদা, সাথে মত ! কোথায় যাই বহুন দেখি, বুড়ো নাকে নিয়ে আজ কার ঘরস্থ হবে ? যাদবের কি হবে ? ঐ স্বরেশটার কি হবে ? এমন নয় যে কারকে বঞ্চিত ক'চ্ছি, দু'দিন আণ্ড আর পিছু।

যোগেশ। ব্যাপারীরা থামবে ?

রমেশ। কৌশল ক'রে থামাতে হবে।

যোগেশ। কৌশল কি ? সোজায় বল, থামে—আমার আপত্তি নেই, আমি কৌশল ক'ন্তে চাই নি।

রমেশ। তবে মা, আমি কি ক'রবো বল ? ব্যাপারীরা যদি টের পায়, দাদা বেচে দিতে ব'লছেন, তারা ব'লবে আজই বেচ। আর বেচতেই যে যাচ্ছেন, তাও কিছু একদিনে হয় না। কেউ কেউ বদমায়েসী ক'রে একটা অ্যাটাচমেন্ট (Attachment) বা'র ক'ন্তে পারে, তার পর তারে বোঝাও সোঝাও, তার মন নরম কর'লে হয় ডিগ্রী ক'রে কোর্ট থেকে আধা কড়িতে বেচে নেবে।

যোগেশ। কি কৌশল ক'ন্তে বল ?

রমেশ। আমি পীতাম্বরের সঙ্গে পরামর্শ ক'রেছি, সে ঠিক ঠাওরেছে। সে বলে, বেনামী করুন।

যোগেশ। কি, বেনামী ? এ তো জুচ্চুরি !

রমেশ। দাদা, জুচ্চুরি না ক'রলে জুচ্চুরি ! এই যে বো'র নামে বাড়ী ক'রেছেন, বৌ কি টাকা দিয়েছিল, না আপনার রোজগার ? এও বহুন জুচ্চুরি ! আপনি ব'লবেন, আমি রোজগার ক'রে দিয়েছি। ঐ স্বরেশটা বদমায়েস, ও যদি বলে, জয়েন্ট ফ্যামিলি (Joint family)—দাদা আমাদের ফাঁকি দেবার জন্য ক'রেছেন। বহুন, এত দিন আমাদের খাওয়ালেন, পরালেন, বহুন জুচ্চুরি করেছেন।

যোগেশ। হ' ! (মুগ্ধপান)

উমা। ও কি খাচ্ছ ?

রমেশ। ও ওষুধ। তা দাদা, আমার জেলে দেন দিন ; সর্ক'র বাবে, আমি প্রাণ থাকতে দেখতে পারবো না। যেদো ভিথিরী হবে, বৌ রাধুনী হবে,—মাকে আবার আমার বাড়ী

রেখে আসবো, তা আমার প্রাণ থাকতে হবে না। আমি ব'লছি, কাল রাতে আপনার কাছ থেকে মর্টগেজ (mortgage) লিখিয়ে নিয়েছি, রেজিষ্টার (Registrar) ডাকিয়ে আনি, আপনি বহুন মিছে, আমার বাঁধিয়ে দিন, আপদ চুকে যাক ; স্বীপাস্তর যাই, এ সব দেখতেও আসবো না, ব'লতেও আসবো না। দেখ দেখি মা, দু'দিন তর নাই। ঠুর মা ব'লছে, স্ত্রী ব'লছে, পুরাণো চকর পীতাম্বর—সে ব'লছে ; আধা কড়িতে সর্ক'র বেচ'বেন, আর দেনাদার হ'য়ে থাক'বেন।

যোগেশ। রমেশ, রমেশ, শোন শোন—আমি সই ক'রেছি ?

রমেশ। আজ্ঞে, আপনি ক'রেছেন কি—আমি সই করিয়ে নিয়েছি, আমি তো ব'লছি।

যোগেশ। তবে জোচ্চোর হ'য়েছি।

উমা। বাবা যোগেশ, আমার এই কথাটা রাখ, আমি তোরে গর্ভে ধ'রেছি, তোর মাতৃশ্রুণ শোধ হবে, এই কথাটা রাখ ; রমেশ যা ব'লছে শোন, তোমার ভাল হবে। এই দেখ দেখি বাবা, তুমি টাকার শোকে মদ খেয়েছ ; যখন বাড়ী বেচে যাবে, তখন কি আর তোমায় তুমি থাক'বে ? তুমি জান, আমি ঋণ কত ডরাই ! আমি তোমার ভালর জন্য ব'লছি, ছুদে আসলে কড়ায় গণ্ডায় শোধ দিও। আজ দিচ্ছ, না হয় কাল দেবে।

রমেশ। মা, ঋণশোধ যাচ্ছে কৈ ? তা হ'লেও তো বুঝ'তুম, মোট ব'য়ে সংসার চালাতুম।

যোগেশ। মর্টগেজ (mortgage) কি ব্যাপারীদের দেখিয়েছ ?

রমেশ। দেখিয়েছি, না দেখালে আজ সাতখানা এনতা-কাল এসে পড়'তো।

যোগেশ। তবে তো কাজ অনেক এগিয়েই রেখেছ। ভাই, একটা কথা আছে, 'বিষম সমস্তা' তার মানে আমি বুঝ'তুম না—আজ বুঝ'লুম, আমার বিষম সমস্তা ! মার অহুরোধ, স্ত্রীর অহুরোধ ; হয় ভাই জোচ্চোর, নয় আমি জোচ্চোর, তা একজনের উপর দিয়েই স'ক ! কুনাম র'টতে দেরি হয় না, মাতাল নাম র'টেছে, এতক্ষণ জোচ্চোর নামও বাজ'লো। মা, তুমি জান, ছেলেবেলা থেকে আমার উপর দিয়ে অনেক সয়েছে ; আজও স'ক। বড় বৌ, খুব কোমর

বেঁধে এসে দাঁড়িয়েছে,—ছুরি করে বিষয় রাখবে। পার ভাল, আমি বাধা দেব না। আমার—আমার সব ফুরিয়েছে! যখন স্নানাম গেছে—সব গেছে, আর কিসের টানাটানি? আর মমতাই বা কিসের? ভায়া তো রেজেষ্টারি কনুবার জন্য দাঁড়িয়ে আছে; চল, 'শুভস্র শীতল'। আদি কাপড় ছেড়ে আসি, পথে শিথিয়ে দিও, কি বলতে হবে। মা, তোমার না ওষুধ নিয়ে ছেলে হ'য়েছিল? বেশ ওষুধ নিয়েছিলে,—একটা মাতাল, একটা জ্বোচ্চোর, একটা চোর।

রমেশ। দাদা মশাই, কি বলছেন?

যোগেশ। আর 'দাদা মশাই' না, ভয় নেই—আর আমি কথা ফেরাতি নি, রেজেষ্টারি করে দেব, ভয় নেই। বড় বৌ, আমি বলেছিলুম, দিনকতক নিশ্চিন্ত হব, তার দেরি ছিল; কিন্তু তোমরা আজ আমার নিশ্চিন্ত করলে।

জানদা। অমন ক'বুছো কেন? তোমার মত হয়, বেচেই দাও।

যোগেশ। আর গোড়া কেটে আগায় জল কেন? স্নানাম খুইয়েছি! স্নানাম খুইয়েছি! জীবনের সার রত্ন হারিয়েছি! পিতৃবিয়োগে দরিদ্র হ'য়েছিলুম, কিন্তু পরেশমণি স্নানাম ছিল; সেই পরেশমণি বাতে ঠেকেছে, সোণা হয়েছে—সে রত্ন আর আমার নেই! চল রমেশ, তবে তয়ের হও।

[যোগেশের প্রস্থান।]

উমা। না বাবা রমেশ, ও বেচে কিনেই দিক্।

জানদা। ঠাকুরপো, ও যখন অমন ক'বুছো—

রমেশ। মা, ছেলেটির মাথা না খেয়ে আর নিশ্চিন্ত হ'চ্ছে না, বেচে কিনে দিয়ে গলায় দড়ি দিক্, এই তোমার ইচ্ছা! যাও, তোমাদের কথা আমি শুনি নি, যেদোকো আমি ভাসিয়ে দিতে পাবো না। আমি পই পই করে বারণ ক'রেছিলুম, দাদা,—ও ব্যাঙ্কে টাকা রেখো না, শুলেন না। ওঁর কি এখন বুদ্ধিবুদ্ধি আছে যে, ওঁর কথা শুনতে হবে? কত দুঃখে রাজগার হয়, তা ত কেউ জানো না, তা হ'লে বুঝতে, মাহুটটার প্রাণে কি যা লেগেছে! এই ডাক্তার ব'লে গেল কি, রমেশ বাবু সাবধান! যে যা লেগেছে, হঠাৎ একটা খারাপ হ'তে পারে। সর্কস্ব খোয়াবেন, আবার জ্বলে যাবেন, আবার ঝগকে ঝগ রইলো, এই কি তোমাদের ইচ্ছে? আঃ! আমার মরণ নেই!

উমা। বাবা, রাগ করিসনি, রাগ করিসনি।

জানদা। ঠাকুরপো, দেখ, ও বড় অভিমानी।
রমেশ। এই আমিও তাই বলি, উঁচু মাথা হেঁট হবে, পাঁচজন হাসবে, তা হ'লে কি বাঁচবে?
[সকলের প্রস্থান।]

তৃতীয় পর্ভাঙ্ক

কান্দালীর বাড়ীর উঠান

স্বরেশ ও শিবনাথ।

স্বরেশ। বিদ্যাধরি, বিদ্যাধরি, দোর খোলো—

(জগমণির প্রবেশ)

জগ। কে ও—স্বরেশ! আমি এই বিল সেধে টাকা নিয়ে এনুম। এই নাও, এই পাঁচ টাকার নোটখানা নাও।

শিব। কে বাবা, তোমার এ মহাজন কে বাবা! (জগমণির প্রতি) লক্ষী, আপনি অপরী কি কিম্বারী? আ মরি মরি! চাপকানের কি বাহার হ'য়েছে! আবার এই যে তকুমা দেখছি! ঠিক, পাগুড়ীটে পর, কি বাহার দেখি; স্বরেশ, এ হিজড়ে বেটাকে পেলি কোথা?

স্বরেশ। চল চল, মজা আছে, মদন দাদা এসেছে?

জগ। সে অনেকক্ষণ ব'সে আছে।

স্বরেশ। শিবে, সে বেটারা পেছিয়ে পড়লো নাকি?

শিব। পেছিয়ে পড়বে কেন? ঐ যে সিক্বেথরীর বাচ্ছা দেখা দিয়েছে! কিন্তু বাবা, তুমি যে পেটেন্ট বার করেছ, বলিহারি যাই।

জগ। কি বলছ, পাঁঠা? আমি পাঁঠা রেঁধে রেখেছি, আমোদ ক'বুবে ব'লে গেলে—

স্বরেশ। বিদ্যাধরি, আজ ব্যাপারটা কি? না চাইতে চাইতেই টাকা, পাঁঠা রেঁধে রেখেছ,—আজ গলায় ছুরি দেবে, না বাঁধিয়ে দেবে?

জগ। চোপ শূয়ার!

শিব। বাঃ—বাঃ, বুলিদাম্প!

জগ। এ ইষ্টুপিড কে?

শিব। ফের জিতা, পড় বাবা পড়—

জগ। চোপ! কাণ ম'লে দেব।

শিব । এ কে বাবা ?—“দিনেতে অশ্বিনী হ’ত, রেতে
কামিনী !”

(খেমটাওয়ালীঘরের প্রবেশ)

বাবা মেয়েমাছুষ, দেখ, মনে ক’রেছ, তোমরাই চেহারাভাজ,
তোমাদের বাবার বাবা দাঁড়িয়ে !

জগ । যা বা, ভেতরে যা, আমোদ ক’ব্ গে যা ।

শিব । রূপসি, তুমি না এলে রাজচটক হবে না ।

জগ । আমি যাচ্ছি, তোরা যা, আমার একটু কাজ আছে ।

শিব । রূপসী, এস, মাথা খাও, তা নইলে এক তিল
আমোদ হবে না ।

স্বরেশ । আরে আয় না, এর চেয়ে মজা হবে আয় ।

শিব । হ্যাঁরে, তুই বলিস্ কি, এর চেয়ে মজা হয় ।
আমি আধ ঘণ্টায় ভঙ্গী ঠাওর ক’ন্তে পারলেম না । যেন
কামিখোর হিজ্ড়ে ডা’ন । রূপসি, গাছচালা জান ?

স্বরেশ । আয় না, আর এক চেহারা দেখ্‌বি আয় না ।

শিব । বাবা, এর উপর যদি তোমার ফর্মসে চেহারা
থাকে, তা হ’লে তুমি হোসেন থা । সব ক’ন্তে পার, ইন্দ্রের
শচী আনতে পার ।

স্বরেশ । আয়, মজা দেখ্‌বি আয় ।

শিব । রূপসি, ভুলে থেকো না, আমোদ হবে না,
তোমার নাচ দেখতে হবে ; এস হে ।

১ম খেমটা । হ্যাঁ মিতে, ওকি দাড়ি-গোপ কামিয়েছে ?

শিব । এই মুকুটিকে জিজ্ঞাসা কর, আমি তবু পাইনি
বাবা !

[জগমণি ব্যতীত সকলের প্রস্থান ।

জগ । মড়ারা সব ন’রেছে ! কারুর দেখাটা নেই ।
ওদের ইয়ারের মন, এ কোটরে যদি না ট্যাঁকে, তা হ’লে তো
ফঙ্গালো ; কাজ করে—তার বঁধন নেই ।

(অনেক দরোয়ানের প্রবেশ)

তোম কে হায় ?

দরো । বাবু ঘরনে আছে ?

জগ । কেন ?

দরো । ভিতরে যাব, একঠো কথা আছে ।

জগ । কি কথা আছে, হাম লোককো বল ।

দরো । অগ্নি এতো বড় ঝামিল ! তোম্ নোকর:হায়,
তোম্‌সে ক্যা বোলে ?

জগ । নোকর হায় তো কি হ্যা হায় ? কোন্ বাবুসে
কথাবাত্তা হায় ?

দরো । জগ বাবুসে ।

জগ । হাম লোক হ’চ্ছি জগ বাবু ।

দরো । আরে ! এ আওরাং ক্যা চাপরাসী !

জগ । তুমি তো সন্ধান নিতে আয়া হায়, স্বরেশ বাবু
আয়া কি না ?

দরো । আরে, এ তো ঠিক হ্যা, আওরাং তো বাবু বন
গিয়া । বাঙ্গালা কা বহং তামাসা, সেলাম, বাবু সেলাম !

জগ । বাত্‌কা জবাব দিতে পারতা নেই ?

দরো । হাঁ হাঁ, ওহি বাত ।

জগ । তুমি যাও, পোড়ারমুখো মিন্‌সেকে জল্দী ক’ব্কে
পাহারাওয়ালী নিয়ে আসতে বল ।

দরো । সেলাম বাবু সাব ।

[দরোয়ানের প্রস্থান ।

(মদন ঘোষ, স্বরেশ, শিবনাথ ও খেমটাওয়ালীঘরের
পুনঃ প্রবেশ)

শিব । ছিঃ বিদ্যাবরি ! এমন ফাঁকা জায়গা থাকতে
অমন কোটরে জায়গা ক’রেছ ?

জগ । তা এইখানেই ব’স—তা এইখানেই ব’স । আমি
আসছি, এইখানে একটু কাজ সেরে আসছি ।

শিব । দোহাই স্বন্দরী ! অনাথ হব—অনাথ হব !

জগ । আমি এলুম ব’লে ।

[জগমণির প্রস্থান ।

স্বরেশ । মদন দাদা, এই ত সব ক’নে এনে হাজির
ক’রেছি, একটা পছন্দ ক’রে নাও ।

মদন । কই—কই ? তা ভাই, তোমরা ক’ব্বে না তো
ক’ব্বে কে ? যাকে হয় দাও, যাকে হয় দাও ; কি জান,
বংশরক্ষা—বংশরক্ষা—

স্বরেশ । মদন দাদা, গোটা ছুই বে কর, কি জানি, একটা
যদি বাঁজা হ’ল ?

মদন । তা ভাই, তোমার কথায় আমার অমত নেই,
তোমার কথায় আমার অমত নেই ।

স্বরেশ। দেখ, দাদার আপত্য নেই।

১ম খেমটা। আনাদের ভাগ্গি।

মদন। তবে দাদা, আজকে বে হ'লে হয় না?

স্বরেশ। তা হবে না কেন, পুরুত ডাকাই।

শিব। স্বরে—স্বরে, বিদ্যাধরি আহুক, যুগল দেখে প্রাণ
ঠাণ্ডা ক'রুবো।

মদন। ভায়া, এরা সব ওড়না গায়ে দিয়ে এসেছে,
এরা তো বেশা নয়?

স্বরেশ। মহাভারত! এদের চৌদ্দপুরুষ কুলীন, ঘটকের
কাছে কুলুজী আছে।

মদন। তাই বলছি ভাই, তাইবলছি। কি জান দাদা,
দত্তপুকুরে একটা বেঞ্চার মেয়ের সঙ্গে বিয়ে দিয়েছিল। আমি
দাঁতে কুটো ক'রে তবে জাতে উঠি!

স্বরেশ। দাদা, ক'নেদের একবার গান শোন।

মদন। ক'নে গাইবে?

স্বরেশ। গাইবে না? ওরা সব কি যেমন তেমন ক'নে?
এরা সব রাত্রে ডেপুটি ম্যাজিস্ট্রেট (Deputy Magistrate)।
প্লাও হে ক'নেরা গাও।

(খেমটাওয়ালীঘরের গীত)

(ও আনার) ঘরে থাকে এই চোটে মুখিল।

ডাঃপুত্র নাগর বরণ হু-পোড়, বদনখানি বাবার বিল ॥

মরি কি ঝাঁকা বীকা, চেপ্টা নাকে নয়ন ঢাকা,

আকর্ষ হা, হু' মেড়ে ফাঁকা,

গস্তে গেছে বাছার দাড়ী, উল্টো টোটে মজায় দিল।

স্বরেশ। দাদা, বাহবা দিলে না? চুপ ক'রে কি ভাবছ?

মদন। হ্যাঁ দাদা, হ্যাঁ দাদা—

শিব। কি বলছো?

মদন। বলি, এরা তো যাত্রাওয়ালার ছেলে নয়?

শিব। রামঃ!

মদন। তাই বলছি, তাই বলছি; কি জান, বোসেরা
একটা যাত্রাওয়ালার ছোড়ার সঙ্গে বে দিয়েছিল, সেই অবধি
আশঙ্কা আছে—

(জগমণির পুনঃ প্রবেশ)

শিব। না, কাজ নেই, কাজ নেই, তোমার সন্দেহ হয়,
এই ক'নে বে কর।

মদন। এ কে? এ যে সেই চাপরাসী।

শিব। সে কি? চাপরাসী কিসের?

মদন। তবে কি বৌরুপী?

শিব। বহুরুপী কেন? ক'নে দেখছো, আ মরি মরি!

২য় খেমটা। তোমার বরাত ভাল, বরাত ভাল।

শিব। (মদনের প্রতি) গালে হাত দিয়ে কি দেখছো?

মদন। কি জান ভাই, আশঙ্কা হয়; দেখছি গৌপ-

টোপ তো কামায় নি?

শিব। চল স্বরে চল, তোর দাদার পছন্দ হবে না।

স্বরেশ। তাই তো দেখছি, এমন বিদ্যাধরী ছেড়ে

দিগুম—

মদন। পছন্দ হবে না কেন, পছন্দ হবে না কেন,

যেমন হয় হ'লেই হ'ল; কি জান, বংশরক্ষা—বংশরক্ষা!

স্বরেশ। এস বিদ্যাধরি, আমার দাদার বায়ে এস।

জগ। (স্বগত) আটকুড়ীর বাটা ন'রেছে!

স্বরেশ। কি বিদ্যাধরি, চুপ ক'রে আছ বে? বর
পছন্দ হ'চ্ছে না না কি?

জগ। (স্বগত) আ মবু!

শিব। কি বাবা ডাকিনি, কি মন্তর আওড়াছ?

স্বরেশ। দাদা, ক'নের সঙ্গে কথা কও।

মদন। ভায়া, এই তো আমোদ-প্রমোদ হ'ল, এখন
বাসরঘর হবে না?

স্বরেশ। সে কি দাদা? আগে বে হ'ক।

মদন। হ্যাঁ হ্যাঁ, তবে পুরুত ডাক।

স্বরেশ। ক'নে পছন্দ হ'য়েছে তো?

মদন। তা হ'য়েছে তা হ'য়েছে, কি জান, বংশরক্ষা,
বংশরক্ষা।

স্বরেশ। শিবে মন্তর পড়।

শিব। "অগ্নিদগ্ধাশ্চ যে জীবা, যঃ প্রদগ্ধা কুলে মম"—

স্বরেশ। বল হরি, হরিবোল—

খেমটা-ঘর। উলু উলু উলু—

(কাদালীর প্রবেশ)

কাদালী। জগা, সর্কনাশ ক'রেছি! ঘরে চোর পুঁ
রেখেছি! পাহাওয়াওয়ালার জমাদারে বাড়ী ঘেরোয় ক'রে
রেখেছে।

জগ। ও মা! সে কি গো?

কাদালী। এই ছাথ—এই সার্জন আসছে।

(ইনস্পেক্টর, জমাদার ও পাহারাওয়ালাগণের প্রবেশ)

ইনেস্। স্বরেশবাবু, এ মাঝুড়ী কার?

স্বরেশ। এ মাঝুড়ী মেজ বোর।

ইনেস্। আপনি কোথায় পেলেন?

স্বরেশ। আমি তাকে ভুলিয়ে নিয়ে এসেছি।

ইনেস্। ভুলিয়ে, না বাস্ত ভেঙ্গে?

জমা। (খেমটাওয়ালীঘরের প্রতি) আরে, তোম লোক খাড়া রহো।

ইনেস্। কি বাস্ত ভেঙ্গে?

জমা। আপ্ চালান দিজিয়ে, বহু যেমা গাওয়া দে। (জনাস্তিকে) বাবু, এসমে কুচ্ মিলেগা।

স্বরেশ। কি! বোকে সাক্ষী দিতে হবে?

জমা। নেই তো কা, পুলিসমে সব কইকো চালান দেগা।

স্বরেশ। তবে আমি বলছি, বো কিছু জানে না, আমি বাস্ত ভেঙ্গে চুরি করেছি।

জমা। কবুল দেতা?

ইনেস্। স্বরেশবাবু, সত্যি কথা বলুন। আপনার তাতে ভাল হবে। শুধুন, আপনি বোকে জড়ান, বেঁচে যেতে পারেন।

স্বরেশ। সে কি ইনেস্পেক্টরবাবু, আমার প্রাণ যায়, সেও কবুল, আমি আপনার কুলবধুকে পুলিসে হাজির করবো? আমি কবুল দিচ্ছি, আপনি লিখে নিন;—দাদার বাস্ত দাদার বাইরের ঘরে ছিল, আমি ভেঙ্গে চুরি করেছি।

জমা। আরে বাবু, শুনিয়ে তো, মারা যাওগে কাহে?

স্বরেশ। মারা যাই বাব, আমার এই কথা জমাদার সাহেব। আমি আমোদ করে বেড়াই, কিন্তু কাপুরুষ নই। আমার যদি ট্রান্সপোর্টেশন (Transportation) হয়, তবু আমার এই এক কথা। আমিই কুলাদার, আমি কোন্ বংশে জন্মেছি, তা জানেন? আমাদের সাত পুরুষে মিথ্যা কথা জানে না।

ইনেস্। আপনি আপনাদের বোকে বাঁচাবার চেষ্টা ক'রছেন, কিন্তু আপনি ছেলেমানুষ, বুঝতে পারছেন না। আপনাদের বোয়েতে আর আপনার মেজ-দাদাতে ষড়যন্ত্র

ক'রে আপনাকে ধ'রিয়ে দিচ্ছে; বলেন তো, রিপোর্টে লিখে নিই,—আপনাদের বো আপনাকে বাঁধা দিতে দিয়েছিল।

স্বরেশ। কি, মেজদাদা আমার বাঁধিয়ে দেবেন? মিথ্যা কথা। আর যদিও দাদা আমার শাসিত ক'রবেন মনে ক'রে থাকেন, বো যে সাক্ষাৎ লক্ষ্মী! যার মুখ দেখলে প্রাণ শীতল হয়, যার সরলতার তুলনা হয় না, যার মিষ্ট কথা শুনলে আমারও প্রাণ নরম হয়, ইনস্পেক্টরসাহেব, তুমি সে স্বর্গীয়-মূর্তি দেখনি, তাই ও কথা বলছে। আর অমন কথা মুখে এনো না, তোমার মহাপাতক হবে।

কাদালী। অ্যা, আমার চিঠি ছিঁড়ে কে পাচ টাকার নোট বার ক'রে নিয়েছে? (শিবুকে ধরিয়া) দেখি, তোর হাতে কি দেখি? এই আমার নোট! এই আনুপিন গাঁথা! ইনেস্পেক্টর সাহেব, ধর—এ চোর!

স্বরেশ। সে কি বিছাধরি, চুপ ক'রে রইলে যে? তুমি যে ধার দিলে?

কাদালী। ধার দিলে বৈ কি? আবার জবরদস্তি! এই দেখ জমাদারসাহেব, তাইপোকে পাঠাব বলে গালাটোলা এঁটে সব ঠিক ক'রে রেখেছিলুম, ছিঁড়ে বার ক'রে নিয়েছে।

স্বরেশ। শিবে, তুই ভাবিস্ নি, আমি ম'জেছি না ম'জতে আছি! দেখছি ষড়যন্ত্রই বটে! জমাদারসাহেব, আমার বন্ধুর কিছু দোষ নেই, যা দোষ সব আমার, আমি ওকে ডেকে এনেছি।

জমা। বাহার গিয়া, চিঠি লেকে গিয়া নেই? রেজে-টারি নেই করকে ঘরমে রাখকে গিয়া কাহে?

কাদালী। আমার কম্পাউণ্ডারকে বলে গিয়েছিলুম, রেজেটারি ক'ত্তে।

জমা। আচ্ছা, নালিস কিয়া, হাম লোক চালান দেতা। খোদাবন্দ, লে চলে?

স্বরেশ। ইনেস্পেক্টর সাহেব, আমি সত্য বলছি, আমার বন্ধুর কোন অপরাধ নেই। এই মাগী আমার ঐ নোট ধার দিয়েছিল, আমি ওর ঠেঁয়ে রেখেছি, এ চুরি নয়। যদি চুরির দাবী হয়, সে দাবী আমার উপর দিন। ওকে ছেড়ে দিন। ও আসতে চায়নি; আমি ওর মার কাছ থেকে উঠিয়ে নিয়ে এসেছি। ইনেস্পেক্টর সাহেব, এ ভদ্রলোকের ছেলেকে খামকা খামকা অপমান ক'রবেন না। চোর ধরা

আপনাদের কাজ, আপনি অন্যাসে বুঝতে পারছেন, আমি সত্য বলছি কি মিথ্যা বলছি। বাবু, আপনার পায়ে ধ'ছি, মিনতি ক'চ্ছি, একে ছেড়ে দিন, আমাকেই ছুই চুরির দাবী দিয়ে চালান দিন।

ইনেস্। কাঙ্গালী বাবু, মামলা সাজিয়েছেন বটে, টে'কবে না।

কাঙ্গালী। (জনাস্তিকে) ইনেস্পেক্টার বাবু, ওর মা'র হাতে ঢের টাকা, কিছু আদায় ক'রে নিন্ না। একবার ওর বাড়ীর সামনে দিয়ে ঘুরিয়ে নিয়ে গেলেই কিছু পাবেন; আর নালিস বন্ধ হ'তে মানা করেন, আমি চেপে যাচ্ছি।

ইনেস্। চল, এনলোককে লে চল, আওরাংলোককে ছেড় দেও।

মদন। বাবা, আমি নই, আমার বে দিতে এনেছিল।

স্বরেশ। হায় হায়, আমি এত লোককে মজালুম! বন্ধুকে মজালুম, এই পাগ্ লাটাকে মজালুম! নরাদম বিটলে বামুন, তোর মনে এই ছিল? কেন ভদ্রলোককে মজাস? ছেড়ে দিতে বল। কাঙ্গালী খুড়ো, রাগ থাকে, আমার উপর দাবী দাও; শিবু, ভয় ক'র না, ম্যাজিস্ট্রেট সাহেবকে আমি সব সত্যকথা বলবো।

মদন। হায় হায়, বে ক'ন্তে এসে মজলুম!

ইনেস্। এ আবার কে? এরে ছেড়ে দাও।

জমা। শিবু বাবু, ইনেস্পেক্টার সাবকো কুচ্ কবলায়কে ছুটি লেও।

শিব। যা বলেন, আমি মা'র ঠেয়ে নিয়ে দেব।

জমা। তোম'বি আও, রিপোর্ট লেখ'নে হোগা।

[জগননি ও কাঙ্গালী ব্যতীত সকলের প্রস্থান।

জগ। তুই ভারি গাধা! স্বরেশকে ফাসাবার কথা, ওকে নিয়ে টানাটানি ক'র'লি কেন?

কাঙ্গালী। আরে জানিস নি, ও বড় পাজী! ওর মা'র হাতে ঢের টাকা আছে। সে দিন বল্লম, হাওনোট সহ ক'রে দে, তা আমায় বুড়ো আঙ্গুল দেখিয়ে চ'লে গেল।

জগ। আ মুখ্য, আ মুখ্য! যখন ওর মা'র হাতে টাকা আছে বল'ছিস, ওকে অম্নি ক'রে চটাতে হয়? দেখ দেখি, আলাপ হ'য়েছিল, আমায় ও পছন্দ ক'রেছিল—আজও রাগ বরদাস্ত ক'তে পার'লি নি,—কাজ ক'র'বি? দূর! যা, রমেশ বাবুকে খবর দিগে যা, আমি রা'ধি গে। [উভয়ের প্রস্থান।

চতুর্থ গর্ভাঙ্ক

বাটার দরদালান

যোগেশ ও পীতাম্বর।

পীতা। বাবু, সর্কনাশ হ'য়েছে, স্বরেশ বাবু চুরির দাবীতে গ্রেপ্তার হ'য়েছে! জানিন নিলে না, মেজ বাবুকেও খু'জে পাচ্ছি নি; কি হবে, কি করি, বাবু, বাবু—

যোগেশ। কি, কারে ডাব'ছে?

পীতা। আজ্ঞে—

যোগেশ। আমায়?—আমায় কি বল'তে এসেছ? যাও, মেজবাবুর কাছে যাও, যাও মা'র কাছে যাও, যাও বড় ব'র কাছে যাও। যারা বিষয় রক্ষা ক'চ্ছে, তাদের কাছে যাও, আমি রেজেষ্টারী আকিসে এককলমে বিষয়, মান, মর্যাদা তোমাদের মেজ বাবুকে দিয়ে এসেছি। বাকী প্রাণ, তার ওষুধ এই! (বোতল প্রদর্শন)

পীতা। আজ্ঞে, স্বরেশ বাবু ফৌজদারীতে প'ড়েছেন।

যোগেশ। আমি তো শুনেছি, এ আর বিচিত্র কি? চুরি, জুচ্, বাটপাড়ী, দাগাবাজী যে পুরে বিরাজমান, সেথায় ফৌজদারী আশ'চর্য্য কি? আমায় আর কিছু শুনিও না, আমার কাছে কেউ এস না; আমি কিছু শুন'বো না বলে মদ খাচ্ছি, ভুলে থাক'বো বলে মদ খাচ্ছি, প্রাণ বের'বে বলে মদ খাচ্ছি। আমার মহাজন শু'ড়ী, কারবার মদ খরিদ, লাভ জান-বিসর্জন, এইতে যদ্দিন যায়। যখন ম'র'বো, ইচ্ছে হয়, টেনে ফেলে দিও। যাও, ততদিন আর আমার কাছে এস না।

(জানদা ও উমাসুন্দরীর প্রবেশ)

উমা। ও বাবা, স্বরেশকে নাকি পাহারাওয়লায় ধ'রেছে?

যোগেশ। শুনেছি, আর ছ'বার শোনাতে চাও, শোনাও। বড়বো শোনাতে চাও, শোনাও। সকলে মিলে বল, স্বরেশকে ধ'রেছে, স্বরেশকে ধ'রেছে,—স্বরেশকে ধ'রেছে। আমার উত্তর শুন'বে? আমি কি ক'র'বো, আমি কি ক'র'বো—আমি কি ক'র'বো! মা, সে দিন ছিল, যেদিন আমার এক কথায় লাখ টাকা আস'তো; বোধ হয়, খুনী আসামীও আমি জানিন হ'লে ছেড়ে দিত; সে দিন ছিল, যে দিন জজ, ম্যাজিস্ট্রেট, কালেক্টার আমার অল্পরোধ রক্ষা ক'ন্ত; সে দিন ছিল, যখন আমি সত্যবাদি ছিলেম, যখন আমি বাঙ্গালীর আদর্শ ছিলেম,

যখন সচ্চরিত্রের প্রতিমূর্তি আমার লোকে জানতো ; আজ সে দিন নেই, আজ মদ আমার প্রিয়সঙ্গী, জ্যোচ্ছর আমার খেতাব !

উমা । ও বাবা, স্বরেশের অদৃষ্টে যা আছে হবে, তুই মদ বন্ধ কর ; আমি বুড়ো মা—আর আমার দন্ধাস্ নি ।

যোগেশ । তুমি মা ! ভাল, তোমার ঋণ তো শোধ দিয়েছি ; রেজেটারি করে দিয়েছি, আর তোমার অহরোধ কি ? যা কারুর হয় না, তা আমার হয়েছে, মাতৃঋণ শোধ গিয়েছে !

উমা । আমার কপালে কি মরণ নেই ! বন কি আমার ভুলে রয়েছে ! যোগেশ, তুই এ কথা বলি ? তোর বে আমি বড় পিত্তেস্ করি !

যোগেশ । মা, তুমি মাতালের পিত্তেস্ কর ? জ্যোচ্ছরের পিত্তেস্ কর ? বিশ্বাসঘাতকের পিত্তেস্ কর ? এমন পিত্তেস্ রেখ না ; যাও, তোমার মেজ ছেলের কাছে যাও, বে বিষয় রক্ষা ক'চ্ছে, সে সব দিক রক্ষা ক'রবে । মা বড় প্রাণ কাঁদছে, তাই একটা কথা তোমায় বলছি,—মনে ক'রে দেখ, যখন

আমি কাজ-কর্ম ক'রে সন্ধ্যার পর কিরে আসতুম, আমার মন উৎসাহে পরিপূর্ণ হ'ত, মনে হ'ত আবার নাকে প্রণাম করবো, আবার ভায়ের মুখ দেখবো, আবার স্ত্রীর আলাপ করবো, আবার ছেলের মুখচুশন করবো ; সমস্ত দিন কাজে

ভুলে থাকতুম, আসবার সময় মনে হ'ত যে, আমার জুড়ি চলতে পারছে না, আমি উড়ে বাড়ীতে যাই ! দশ মিনিট দেবী আমার দশ ঘণ্টা বোধ হ'ত । গাড়ী থেকে নেবে দোরে ছেলেকে দেখতেম্, উপরে উঠে ভায়ের দেখতেম্, বাড়ীর

ভিতরতোমাদের দেখতেম্ ; বাড়ী আসতেম—স্বর্গে আসতেম ! আজ সেই বাড়ী আমার নরক ! বাড়ী আমার না, ভুলুরি ক'রে এ বাড়ীতে রয়েছি । মা আমার চান না, বিষয় চান ;

পরিবার আমার দেখেন না, বিষয় দেখেন ; ভাই আমার দেখেন না, বিষয় বাগিয়ে নেন । বাঃ ! কি স্থখের সংসার ! তবে আমার কাকে দেখতে বল ? আমার আর শক্তি কই ? জ্যোচ্ছর, জ্যোচ্ছর, জ্যোচ্ছর ! মা, আমি জ্যোচ্ছর !

উমা । বাবা, আমার তুমি কেন তিরস্কার ক'চ্ছ ? আমি তোমার বিষয় দেখি নি, আমি প্রাণরক্ষার জন্য অহরোধ ক'রেছিলেম ; তুমি টাকার শোকে মদ ধ'লে, সকলে বলে, তুমি বাড়ী বেচলে প্রাণে মারা যাবে ।

যোগেশ । প্রাণের জন্য, তুচ্ছ প্রাণ যেতই বা ! না, তুমি কাঙ্ক্ষন ফেলে কাঁচে গেরো দিয়েছ, মান খুইয়ে প্রাণের দরদ ক'রেছ । সমস্ত বেচে যদি আমার সেনা শোধ না হ'ত, যদি আমি জেলে যেতেম, যদি টাকার শোকে আমার মৃত্যু হ'ত, আমার মনে এই শাস্তি থাকতো, এ জীবনে আমি কারুর সঙ্গে প্রবঞ্চনা করি নি । সে শাস্তি আজ বিদায় দিয়েছি, আর ফিরবে না, বিশ্বাস ভঙ্গ ক'রে তার দোর খুলে দিয়েছি ।

পীতা । বাবু, আপনি প্রতিপালক, অন্নদাতা, আপনাদের সঙ্গে কথা কইতে ভয় হয় ; আপনি বিবেচক, বিবেচনা ক'রে দেখুন, সপরিবার ডোবাবেন না ।

যোগেশ । পীতাম্বর, আবার মূতন কথা ! সপরিবার ডোবাব না বলেই রেজেটারি করে দিয়েছি, সপরিবার রক্ষা হ'ক, আমার ছেড়ে দাও । মান গিয়েছে, মান গিয়েছে, বুঝেছ পীতাম্বর, দুর্নাম র'টেছে !

জ্ঞানদা । ওগো, আমাদের গলায় ছুঁড়ি দিয়ে তোমার যা ইচ্ছা তাই কর ।

যোগেশ । কেন, আমার গরজ কি ? ইচ্ছা হয়, গদা আছে ঝাঁপ দাও ; আগুন আছে, পুড়ে মর ; বঁটা আছে, গলায় দাও ; বিষ আছে, কিনে খাও ; আমার কেন বলছ ? আমার উপায় আমি ক'চ্ছি, তোমাদের উপায় তোমরা কর ।

পীতা । বাবু, একটু ঠাণ্ডা হ'ন, সব ফিরবে, সব পাবেন । যোগেশ । কি ফিরবে, কি পাব ? স্বীকার করি, টাকা কিরে পেতে পারি, কিন্তু কলঙ্ক কখনই ঘুচবে না ; কারুর কখনও ঘু'চেনি । রাজা যুধিষ্ঠিরকেও মিথ্যাবাদী বলে । এ

ছুঃখের সংসারে ভগবান্ একটী রত্ন দেন, সে রত্ন যাঁর আছে, সেই ধন্য ! সুনাম ! রাজার মুকুট অপেক্ষাও সুনাম শোভা পায়, দীন দরিদ্র এ রত্নের প্রভাবে ধনী অপেক্ষাও উন্নত, বিজ্ঞের পরম বিজ্ঞতার পরিচয়, মূর্খ বিদ্বান অপেক্ষাও পূজ্য হয় !

সে রত্ন আমার নাই, আছে মদ—চল হে বাই ।

[যোগেশ ও জ্ঞানদার প্রস্থান ।

উমা । ওরে, আমার কি সর্বনাশ হ'ল !

পীতা । গিন্নি মা, গিন্নি মা, কাঁদবার দিন পাবেন । একটা কথা বলি শুধুন, পানয় শুনলেম—মেজবাবু ছোটবারুকে ধ'রিয়ে দিয়েছেন ।

উমা । অ্যা ! বল কি ! রমেশ কোথায় ? তা'রে ডাক ।

পীতা। আমি তাঁরে খুঁজে পাচ্ছি নি।

উমা। দেখ,—খুঁজে দেখ; শীগ্গির আমার কাছে নিয়ে এস। দীনবন্ধু! এ কি আবার শুনলেম!

[পীতাশরের প্রস্থান।

(প্রফুল্লর প্রবেশ)

প্রফুল্ল। ও মা, ঠাকুরপোকে আনতে পাঠিয়ে দাও মা,—মা, শীগ্গির আনতে পাঠিয়ে দাও।

উমা। তুই বাছা, আর মড়ার উপর খাঁড়ার ঘা দিস নি।

প্রফুল্ল। ওমা, তোমার পায়ে পড়ি মা, বটুঠাকুরকে বলে ঠাকুরপোকে আন, ঠাকুরপো খেয়ে যায় নি। আনতে পাঠাও মা, আনতে পাঠাও, নইলে আমি বাঁচবো না মা, তোমার পায়ে পড়ি।

উমা। আনতে পাঠিয়েছি, তুই চূপ্ কব।

প্রফুল্ল। মা, তুমি আনায় ভাঁড়িও না, তোমরা পরামর্শ করেছ, ঠাকুরপোকে শাসিত করবে; আমি ভুলবো না, আমি এইখানেই বসে রইলেম, আমি খাব না, কিছু না।

উমা। যাই, একবার বাবার কাছে যাই, তিনি কি উপায় করেন দেখি। তুই আয়, এখানে একলা বসে কি করবি?

প্রফুল্ল। না, আমি যাব না, ঠাকুরপোকে না দেখে উঠবো না। আমার মাকড়ীর জন্যে ঠাকুরপোকে ধরেছে, আমি সব গয়না খুলে বাসন্ত্য পুরেছি, যদি ঠাকুরপো না ফিরে আসে, বাসন্ত্য জলে ফেলে দেব, আর আমিও জলে ঝাঁপ দেব।

[উমাহৃন্দরীর প্রস্থান।

(রমেশের প্রবেশ)

রমেশ। ওরে তুই এখানে বসে র'য়েছিস?

প্রফুল্ল। ওগো ঠাকুরপোকে ধরেছে, তুমি শীগ্গির ঠাকুরপোকে নিয়ে এস।

রমেশ। শোন, আমি সেইখান থেকেই আসছি, কাল যদি কেউ সাহেব টায়েব জিজ্ঞাসা করত আসে—

প্রফুল্ল। ওমা! সাহেব আসবে কি গো? আমি সাহেবের সামনে বেরুব কেমন করে?

রমেশ। দোরের পাশ থেকে কথা কইতে হবে।

প্রফুল্ল। ওমা! আমি তা পারবো না।

রমেশ। শোন, ঠাকামো করিস এখন। তোকে

জিজ্ঞাসা করবে যে, স্বরেশকে মাকড়ী তুমি দিয়েছিলে? তুই বলিস—না, বাসন্ত্য ভেঙ্গে নিয়েছে।

প্রফুল্ল। না, তাতে না, আমি মাহুলী আনতে দিয়েছিলাম।

রমেশ। তুই বলবি, বাসন্ত্য ভেঙ্গে নিয়েছিল।

প্রফুল্ল। ও মা, কি করে বলবো?

রমেশ। কি করে বলবি কি? যেমন করে কথা ক'চ্ছিস, তেমনি করে বলবি। এই কথা বলতে আর পারবি নি?

প্রফুল্ল। না, আমি তা পারবো না।

রমেশ। পারবি নি, তবে তোকে সাহেব ধরে নিয়ে যাবে।

প্রফুল্ল। আমি মাকে ডাকি, আমি মা'র কাছে যাই।

রমেশ। শোন শোন, তুই এ কথা না বললে স্বরেশের মেয়াদ হ'য়ে যাবে, মেয়েমানুষের ঠেয়ে ঠকিয়ে নিয়েছে শুনলে, সাহেব বড় রাগ করবে, স্বরেশকে কয়েদ দেবে।

প্রফুল্ল। ওগো, তুমি আমার সব গহনা দিয়ে ছাড়িয়ে নিয়ে এস, ঠাকুরপোর জন্তে আমার বড় প্রাণ কেমন করছে, আমি মিত্র কথা বলতে পারবো না, ঠাকুরপো বলেন, দিদি বলেন, মিছে কথা কইলে নরকে যায়।

রমেশ। তবে স্বরেশ জেলে যাক।

প্রফুল্ল। না গো, তুমি নিয়ে এস।

রমেশ। আমার কথা শুনি নি? আমি তো'র স্বামী, মা তোকে শিথিয়ে দিয়েছেন জানিস, স্বামী গুরুলোক, স্বামীর কথা শুনতে হয়।

প্রফুল্ল। আমি মাকে জিজ্ঞাসা করি।

রমেশ। খবরদার! কেটে ফেলবো, দূর করে দেব।

শোন, যা শিথিয়ে দিলুম বলিস তো বলবি, নইলে আর তো'র মুখ দেখবো না।

প্রফুল্ল। আমি তবে আজ কাঁদি, তুমি যাও।

(যাদবের প্রবেশ)

যাদব। ও কাকা বাবু, তুমি ছোট কাকাবাবুকে কেন ধ'রিয়ে দিয়েছ? ও কাকাবাবু, ছোট কাকাবাবুকে ধ'রিয়ে দিও না।

রমেশ। চোপু!

যাদব। না কাকাবাবু, আর বলবো না কাকাবাবু, ঘাট হ'য়েছে কাকাবাবু, ও কাকোনা, তুমি বল না, ছোট কাকাবাবুকে আনতে বল না ?

রমেশ। যেদো, এখান থেকে বেরো।

যাদব। যাচ্ছি কাকাবাবু, যাচ্ছি।

[যাদব ও প্রফুল্লর প্রস্থান।

(যোগেশের প্রবেশ)

যোগেশ। ভালা মোর ভাই রে ! চাঁদ রে ! তোমায় পাঁচ পাঁচ বংসর ফেল ক'রেছিল !—কি অবিচার—কি অবিচার ! এতদিন যে বাড়ীটে শ্রমশান ক'রতে পার'তে ! সুরেশকে জেলে দাও, যেদোর গলায় পা দাও, আমার জন্ম ভেব না,—আমি মদ খেয়েই থাকবো।

রমেশ। কি মাতলামো ক'রছো ?

যোগেশ। সাবাস, সাবাস, উকিল কি চিঙ্ ! ও দেরি না, দেরি না, শুভকর্মে বিলম্ব না ; যেদোর গলায় পা দাও, আর বুড়ো মাকে চালকুমড়ী কর, আর মা আমার রত্নগর্ভা,—একটি মাতাল, একটি উকিল, একটি চোর !

রমেশ। মাতলামোর আর জায়গা পেলে

[রমেশের প্রস্থান।

যোগেশ। যেদো, ধব্ব ধব্ব তোর কাকাবাবুকে ধব্ব।

[যোগেশের প্রস্থান।

পঞ্চম গর্ভাক্ষ

যোগেশের বাটার সম্মুখ

মদন ঘোষ।

মদন। বরাত্ বরাত্ ! ক'নে জুটেছিল, সবই হ'য়েছিল, বংশরক্ষাটা হ'ল না। বরাত্ বরাত্ ! আর কি ক'রবো ! দিন দিন যৌবনটা বয়ে গেল, কি ক'রবো ! বরাত্ বরাত্ ! ও বাবা, আবার পাহারাওয়ালো আসে যে ! আমি না, আমি না—

(জগমণি ও কাঞ্চালীচরণের প্রবেশ)

জগ। কি বর, আমায় চিন্তে পার'ছো না ? অমন ক'রছো কেন ? আমি যে ক'নে।

মদন। তুমি ক'নে, না পাহারাওয়ালো ? তোমার সঙ্গে কে, উটিও কি ক'নে ?

জগ। ও ক'নে কেন ? ও পুরুষমাছুষ, ও আমার—

মদন। ও কি তোমার বড় দিদি ?

জগ। হ্যা, একটা কথা বলি শোন।

মদন। হ্যাগা, তোমাদের কোন্ দেশে বাড়ী ? তোমাদের মেয়ে-মন্দের গোঁপ বেরোয় ?

জগ। গোঁপ বেরবে কেন ? শোন না—

মদন। তবে যে তোমার দিদির গোঁপ বেরিয়েছে ?

জগ। দিদি কেন ! ও আমার মাসতুতো ভাই।

মদন। মেসো, না বোনপো ?

জগ। কথা শোন, তা নইলে আমি চ'লে যাব।

মদন। না, যেও না, যেও না, কি জান, বংশরক্ষা—কি জান, বংশরক্ষা !

কাঞ্চালী। ও তোর বাপের পিণ্ডি, কি কথা বল'ছে, শোন না।

মদন। হ্যা হ্যা, পিণ্ডির স্থল, পিণ্ডির স্থল ! বংশরক্ষা ! বংশরক্ষা !

জগ। তুমি যদি ক'নে চাও, একটা কথা বল'তে হবে, এ' কথা,—তুমি ঘরে ছিলে, তুমি দেখেছ যে, চিঠি ছিড়ে নোট বা'র ক'রে নিয়েছে। সাহেব যখন জিজ্ঞাসা ক'রবে, তুমি বল'বে যে, চিঠি ছিড়ে নিয়েছে।

মদন। ও বাবা, সাহেব !

জগ। হ্যা, হ্যা, তোমায় জমাদার এখনি নিতে আসবে।

মদন। ও বাবা ! আমি না—আমি না—

জগ। শোন না, ব্যাটাছেলে, অত ভয় পাচ্ছো কেন ?

মদন। দোহাই জমাদার সাহেব ! আমি না—আমি না—

[মদন ঘোষের প্রস্থান।

কাঞ্চালী। জগা, তোর যেমন বিচ্ছে, পাগ্‌লার কাছে এসেছিস সাক্ষী ক'ন্তে, দেখ্ দেখি, কত বড় অপমানটা হ'ল ? আমার সামনে তোরে ক'নে ব'লে।

জগ। তোর মতন গাধা শূওর আর জন্মায় না ; যদি পাগ্‌লাটাকে দে বলাতে পারতাম, তা হ'লে মাজিষ্টারের কি বিশ্বাস জন্মাত বল দেখি !

(যোগেশের প্রবেশ)

যোগেশ। কে বাবা তোমরা যুগলে! তোমরা কি রমেশ ভায়ার ইষ্টদেবতা? যাও কেন, যাও কেন, যদি রূপা ক'রে দর্শন দিলে, প্রাণ ঠাণ্ডা ক'রে যাও; যেও না, যেও না, যেদোকো এনে দিচ্ছি, আছড়ে মার।

[সকলের প্রধান।

মুঠ গভীক্ষ

পুলিস-কোর্ট

ম্যাজিস্ট্রেট, ইন্টারপ্রেটার, উকিলগণ, সুরেশ, শিবনাথ, অন্নদা-পোদ্ধার, পীতাম্বর, জমাদার, কন্ঠেবলগণ, পাহারাওয়ালার ও কোর্ট-ইনস্পেক্টার ইত্যাদি।

পাহারা! এই চোপ্‌রাও, চোপ্‌।

ইন্টার। সুরেশচন্দ্র ঘোষ, অন্নদাপোদ্ধার, শিবনাথ নাহিড়ী আসামী—

পাহারা। স্বক্লাস ও'ই আসাম—শিবলক্ষ্মী বেওয়া আসাম—

১ম উকিল। আই অ্যাপিয়ার ফর্ দি ফার্ট প্রিজনার (I appear for the first prisoner)।

২য় উকিল। আই ফর্ দি সেকেন্ড প্রিজনার (I for the second prisoner)।

৩য় উকিল। আই অ্যাপিয়ার ফর্ শিবনাথ (I appear for Sivnath)।

জমা। খোদাবন্দ! ঘরুসে বাকস্ তোড়কে আসামী সুরেশ মাক্‌ড়ী চুরি করুকে অন্নদা পোদ্ধারকা দোকানমে বেজ।

ইন্টার। ব্রেকিং বক্স, ষ্টিলিং ইয়ারিং (breaking box, stealing ear-ring)—

ম্যাজিস্ট্রেট। আই আণ্ডারষ্ট্যান্ড (I understand)।

ইন্টার। গাওয়া লে আও—

(রমেশের প্রবেশ)

ধর্মত: অঙ্গীকার করিতেছি—

রমেশ। ধর্মত: অঙ্গীকার করিতেছি, যাঁহা বলিব, সব

সত্য, সত্য ভিন্ন মিথ্যা বলিব না, কোন কথা গোপন করিব না।

ইন্টার। কি নাম?

রমেশ। রমেশচন্দ্র ঘোষ।

সুরেশ। মেজদাদা, মিথ্যা হলপের প্রয়োজন নাই।

আমায় সাজা দেওয়াবেন দেওয়ান, আমিই স্বীকার ক'রে নিচ্ছি। ধর্ম-অবতার! দাদার ঘরে কাঠের বাস্তুতে এই মাক্‌ড়ীগুলি ছিল, আমি বাটালি দিয়ে বাস্তু ভেঙ্গে এ মাক্‌ড়ী-গুলি অন্নদা পোদ্ধারের দোকানে দশ টাকায় বাঁধা রেখেছিলাম। [রমেশের প্রধান।

পীতা। হুজুর, ধর্ম-অবতার! আমার একটি আর্জি শুনতে আজ্ঞা হয়।

ম্যাজিস্ট্রেট। টোম্ কোন হয়?

(ইন্টারপ্রেটার ও ম্যাজিস্ট্রেটের কানে কানে কথা)

ও ইজ ইট (Oh, is it)? ক্যা আর্জি বোলো?

পীতা। হুজুর, এ আসামী অতি সদাশয়। ঠুঁর ভাজ, রমেশ বাবুর জ্বী, এই মাক্‌ড়ীগুলি ঠুঁকে দেন, কিন্তু পাছে ঠুঁর ভাজকে সাক্ষী দিতে হয়, এই ভয়ে আসামী দোষ স্বীকার ক'রে নিচ্ছি। ইনি চুরি করেন নি, মাক্‌ড়ীগুলি ঠুঁকে দিয়েছিল।

ম্যাজিস্ট্রেট। আচ্ছা, বাই-জরুকা গাওয়া ডেও।

সুরেশ। হুজুর, ধর্ম-অবতার, আমার নিবেদন শুনুন, আমার ভাজ আমায় দেন নি, আমি ফাঁকি দিয়ে—চুরি ক'রে নিয়ে এসেছি; আমার কথা সত্য, মিথ্যা নয়, আপনি আমায় সাজা দিন। এই পীতাম্বর আমাদের বাড়ীর পুরাণ লোক, আমার মায়ার মিথ্যা কথা বলছে। ধর্ম-অবতার, আর একটি আমার নিবেদন, আমার বন্ধু শিবনাথের নামে চুরির দাবি হ'রেছে, শিবনাথ নির্দোষী, আমিই নোট নিয়েছিলাম।

ম্যাজিস্ট্রেট। ইয়ংম্যান, ইউ উইল বি পানিশ্‌ড্ ফর ইওর কনফেশন্ (Youngman, you will be punished for your confession)।

ইন্টার। তোমার কবুল দেওয়াতে সাজা হবে।

সুরেশ। সাজা হয় হ'ক্, আমার মৃত্যুই শ্রেয়: ! যখন আমার ভাই আমায় মেয়াদ দেবার জন্তে মিথ্যা সাক্ষী দিলেন, না না—হলপ্ ক'ত্তে প্রস্তুত, যখন আমার এই বিপদ জেনে দাদা মেজদাদাকে বারণ করেন নি, তিনিও আসেন নি, তখন

আমি বুঝতে পারছি যে, আমিই ঘরের কন্টক, সে কন্টক দূর হওয়াই আবশ্যিক। আমার বাড়ীর কথা জানেন না, মা আমার সাবিত্রী! আমার দাদা সাক্ষাৎ সদাশিব! বড় ভাজ অন্নপূর্ণা! ছোট ভাজ সরলা সোণার প্রতিমা! মেজদা' উকিল, আমি নিগুণ, আমার দূর হওয়াই উচিত।

উকিল। হি ইজ স্পিকিং আণ্ডার পুলিস পারসুয়েসন (He is speaking under Police persuasion)।

• ম্যাজিস্ট্রেট। নো হেল্প, আই হাব ওয়ার্নড্ হিম (No help, I have warned him)। টুমি যাহা বলিটেছ, ফিরাইয়া না লইলে টোমার সাজা হইবে।

স্বরেশ। ধর্ম-অবতার! সাজা দিন, এই আমার প্রার্থনা। আমার মত নরাধমের চোর-ডাকাতের সঙ্গে বাস হওয়া ভিন্ন আর কি হ'তে পারে! আমি একজন পোদারকে মজাতে ব'সেছি, আমার নির্দোষী বন্ধুকে মজাতে ব'সেছি, অকলঙ্ক কুলে কলঙ্ক এনেছি—কুলাঙ্গারকে দণ্ড দিন।

ম্যাজিস্ট্রেট। নোট চুরির কথা কি ব'লো?

জমা। ইস্তা কুচ গাওয়া নেই হায় খোদাকন্দ।

স্বরেশ। ধর্ম-অবতার! এ মকদ্দমায়ও আমি দোষী। যে বন্ধু আমায় মুখ থেকে খাবার দেয়, তা'কে আঁচনীচাশয় নরাধমদের কাছে নিয়ে গিয়ে চোর অপবাদ দিয়েছি।

ম্যাজিস্ট্রেট। টোমার পোনের ডি'স কঠিন পরিশ্রমের সহিত কারাগার হইল। মিষ্টার পিয়ারসন, আই ডিস্চার্জ্ ইয়োর ক্লায়েন্ট ((Mr. Pearson, I discharge your client))।

৩য় উকিল। থ্যাঙ্ক ইয়োর ওয়ারসিপ (Thank your Worship)।

জমা। তোম্ এনা বেকুব, যাও জেল্মে যাও।

শিব। জমাদার সাহেব, দাঁড়াও দাঁড়াও, আমার বন্ধুকে একবার দেখি! স্বরেশ, ভাই, তোমার এই দশা হ'লো! তুমি সদাশয় আমি জানু'তেম, কিন্তু যে বন্ধুর জন্ত প্রাণ দিতে প্রস্তুত, তা কখনও আমি জানি নি। তোমার কাছে আমি বন্ধুত্ব শিখ'লেম; তোমার বন্ধুত্ব আমি এ জন্মে ভুল'ব না, আর যদি পারি, এ ঋণের এক কণা শোধ'বার চেষ্টা পাব। স্বরেশ, ভাই, একবার কোল দাও! আমার কোন গুণ নাই, তোমার কিছুই ক'ন্তে পারবো না, কিন্তু এ কথা নিশ্চয় জেনে যে, আমার প্রাণ দিয়েও যদি তিলমাত্র উপকার হয়, আমি

এই দণ্ডে প্রস্তুত। যদি আমার ক্ষুদ্র কুটীর থাকে—আধখানি তোমার, যদি একখানি বস্ত্র থাকে—আধখানি ছিঁড়ে তোমায় দেব, যদি এক মুঠো অন্ন থাকে—আধমুঠো তোমায় দেব। ভাইরে, আমি বুঝতে পেরেছি, তোমার ভাই-ই তোমার শত্রু! কিন্তু দাদা, অজু পেকে আমি তোমার ছোট ভাই! তোমার নকর!

পাহারা। চল! চল! হড়'বড়াও মং!

জমা। আরে রও রও—

স্বরেশ। শিবনাথ, আমার একটি অহুরোধ রেখ'— আমার মত লোকের কুসঙ্গ ছেড়ে মং হও, লেখাপড়ায় মন দাও, নাহু'ব হবার চেষ্টা পাও; আমি আমার বুড়ো মা'র বৃকে বজ্রাঘাত ক'রে চলেম, কুলে কলঙ্ক দি'লেম! তুমি ভাই, তোমার মাকে সঙ্গুণে স্থখী ক'রো, যদি কখন' আমার সঙ্গে দেখা হয়, মুখ ফিরিয়ে চ'লে যেও, কখন' আমার ছায়া মাড়িও না। আমার দাদাদের দোষ নেই, তাঁরা বার বার আমায় শোধ'বার চেষ্টা ক'রেছেন, আমি নির্কোষ, তাঁদের উপদেশ শুনি নি; আমার এক অহুরোধ, তোমার মাকে একবার আমার বুড়ো মা'র কাছে পাঠিয়ে দিও, বেন তিনি গিয়ে তাঁকে সাহু'না করেন, মেজকে বুঝিয়ে বলেন, তার কোন দোষ নেই, আমি নিজের শোষে সাজা পেয়েছি। সে অন্ন-জল পরিত্যাগ ক'রবে, তোমার মা বেন তাকে ভুলান। আমার বাড়ীতে হাহাকার উঠ'বে, কেউ দেখ'বার লোক থাকবে না, পার যদি— এক একবার যেদোকে আদর ক'রো। ভাই, বিদায় দাও। জমাদার সাহেব, নিয়ে চল। পীতাম্বর, তোমার ঋণ আমি শুধ'তে পারবো না, তুমি এ অকর্মণ্যের জন্ত কেঁদ না।

[সকলের প্রস্থান।

তৃতীয় অঙ্ক

—:::—

প্রথম গর্ভাঙ্ক

পীতাম্বরের বাসা-বাটীর সম্মুখ

কান্দালী ও পীতাম্বর ।

কান্দালী । আপনাকে আমি যে দিন অবধি প্রদর্শন ক'রেছি, সেই দিন অবধি আপনার প্রতি মন আড়ষ্ট হ'য়েছে, আপনি অতি সজ্জন ও প্রকাণ্ড অজ্ঞ ।

পীতা । ম'শায়ের আমার নিকট প্রয়োজন ?

কান্দালী । আপনার বন্ধুত্ব যাচনা করি, আপনার সৌহার্দ্য জ্ঞান আমি একান্ত স্থূললিত, আপনি ভদ্রলোক এবং বিশিষ্ট ধৃষ্ট ।

পীতা । ম'শায়ের কিছু আবশ্যক আছে কি ?

কান্দালী । আমার নিতান্ত ইচ্ছা যে, রাজলক্ষ্মী আপনার ঘরে বিচলা হ'ন ।

পীতা । যে আজ্ঞে, তার পর ?

কান্দালী । আপনি তো বহুদিন বহুদিন বিষয়কার্য ক'রে মাথার কেশ অসিত ক'রলেন, এখন যা'তে আপনি থোস মেজাজে নিরুদ্ধেগে কিঞ্চিৎ অর্থ সংযম ক'রে প্রদেশে গিয়ে ব'সতে পারেন, আর নিরুদ্ধেগে কাল-কবলিত হন, তার উপায় আপনাকে উদ্ভাস্ত ক'রতে এসেছি ।

পীতা । কি উপায় 'উদ্ভাস্ত' ক'রলেন ?

কান্দালী । আপনি আপনার ভবনে পর্য্যবেক্ষণ করিতে প্রস্তুত ?

পীতা । প্রস্তুত অপ্রস্তুত পরে ব'লছি, আপনার অভিপ্রায় ব্যক্ত করুন ।

কান্দালী । উর্ধম উর্ধম, আমি অভিপ্রায় বিখ্যাত ক'রছি ; আপনাকে আমি পাঁচ শত টাকা প্রাপ্ত করাতে পারি ।

পীতা । প্রাপ্ত করান ।

কান্দালী । উর্ধম উর্ধম, কিন্তু পরিলোচনা ক'রে দেখুন,

অমনি তো কিছু হয় না, আপনাকে একটি কার্য ক'রতে হবে, কোন কষ্ট নাই ।

পীতা । কি কাজটা শুনি ?

কান্দালী । শাদা কাজ, অতি গলিঙ্গ কাজ, কোন কষ্ট না, আপনার প্রতি আড়ষ্ট হ'য়েছি, এই নিমিত্তই প্রস্তাব করা ।

পীতা । কাজ যে গলিঙ্গ, তা আপনার দর্শনেই বুঝেছি ।

কান্দালী । বুঝবেনই তো—বুঝবেনই তো, আপনি অতি অজ্ঞ ।

পীতা । পাচশো টাকা কে দেবে ?

কান্দালী । আমি আপনাকে দিব, আপনি আমার বন্ধু হ'লেন, আপনার সহিত প্রবঞ্চনা ক'রবো না, আমার কথা সর্বথাই অনটল পাবেন ।

পীতা । কাজটা কি ব'নুন না ?

কান্দালী । আপনি আপনার প্রদেশে পর্য্যবেক্ষণ করুন, আর কিছুই না, জায়গা-ভূমি কিছুই, ভোগদখল করিতে রহুন ।

পীতা । কথাটা তো এই, যোগেশ বাবুকে ছেড়ে চ'লে যাই ? তা হ'লে না, আমি তাঁর পরিবারকে দিয়ে নালিদ রুজু করাচ্ছি । রমেশ বাবুকে ব'লবেন—কিছু না পারি, তাঁর জুজুরি আমি আদালতে প্রকাশ ক'রে দিচ্ছি ।

কান্দালী । এই কথাটি আপনি অবিভীষিকার মতন ব'লেন ।

পীতা । অবিভীষিকা কেন ? ঘোরতর বিভীষিকা সামনে দেখছি, আবার অবিভীষিকা কোথায় !

কান্দালী । এ কার্যে আপনার লাভ কি ?

পীতা । লাভ এই আমার অন্নদাতা প্রতিপালককে রক্ষা ক'রবো দুর্জনের সাজ দেব ।

কান্দালী । ভাল পাঁচশত টাকায় না রাজী হ'ন, হাজার টাকা দেওয় বাবে ।

পীতা । আপনি 'পর্য্যবেক্ষণ' করুন, 'পর্য্যবেক্ষণ' করুন, এখানে মতলব খাটবে না ।

কান্দালী । ম'শয়, মোচড় দিচ্ছেন মিছে, আর বাড়াবে না ; যে টাকা মকদ্দমায় পড়তো, সেইটে না হয় আপনাকে দেওয়া যাবে, হুশো একশো বলেন, তাতে আটক থাকবে না ।

পীতা । কেন ব্যাজ্, ব্যাজ্, কচ্ছেন, চ'লে যান না ।

কান্দালী। তুমি তো নেহাৎ নির্ভুক্তি হে, কেন টাকাটা ছাড়?

পীতা। আরে কোথেকে এ বালাই এল! ভাল চাও তো বেরিয়ে যাও; দুর্গা দুর্গা, সকাল বেলা!—

কান্দালী। আচ্ছা চল্লম, দে'খে নেব, উকিলের সঙ্গে লেগেছ, শেষটা বুঝবে। সিভিল—ক্রিমিনেল (Civil Criminal) দুই রকম স্যুট (Suit) যে মারা যাবে।

(রমেশের প্রবেশ)

রমেশবাবু, ইনি বেগোড় ক'রতে চান।

রমেশ। পীতাম্বর, তুমি কি ক'রে বেড়াচ্ছ? শুনছি নাকি বোকে দিয়ে আমার নামে নালিস করাবে? তুমি যে মার চেয়ে দরদী দেখতে পাই, দাদা মদে ভাঙ্গে সব উড়িয়ে দিক্, তার পর ছেলেটা পথে বসুক।

পীতা। ম'শায়, যার বিষয়, সে ওড়াবে, আপনি কেন ফিরিয়ে দিন না।

রমেশ। ফিরিয়ে নিতে চাও, নাও, ওয়ান থার্ড পাবে বৈ তো না। আমি রিসিভার অ্যাপয়েন্ট (Receiver appoint) ক'রেছি, যেদো সাবালক হ'লে রিসিভারের ঠেয়ে নিয়ে নেবে।

পীতা। মেজবাবু, ভাল চান তো ফিরিয়ে দিন, নইলে আপনার ব্যাভার আমি আদালতকে জানাব। আপনি অতি দুর্জন, নইলে ভাইকে মেয়াদ খাটান।

রমেশ। শোন, কান্দালী শোন। আমি দুর্জন বটে।

পীতা। রমেশ বাবু, আপনি লোকালয়ে মুখ দেখান কেমন ক'রে, আমি তাই ভাবি। এক ভাইকে জেলে দিলেন, বড় ভাই—যে বাপের মতন প্রতিপালন ক'রে এল, তারে দরওয়ান দিয়ে বাড়ী ঢুকতে দিলেন না।

রমেশ। তোমার এমনি আক্কেলই বটে, বাড়ীর ভেতর মাতলামো ক'রবেন, আর আমি কিছু বলবো না। আর বাড়ীতে ওর অধিকার কি? উনি তো কনভে (convey) ক'রে দিয়েছেন, আমি আমার ক্লায়েন্টস্ বিহাফ (Client's behalf) যে দখল ক'রেছি।

পীতা। টাকা দিলেন না, কিছু না, অমনি কনভে (convey) হ'য়ে গেল?

রমেশ। টাকা দিই নি—তুমি এমন কথা বল? তোমার নামে ডিকামেসন স্যুট (Defamation suit) হ'তে পারে। রেজেষ্টারি আফিসে মর্টগেজের কাপি দে'খে এস, বরাবর হাওনোট কেটে এসেছেন, তাই হাওনোটের টাকা জড়িয়ে মর্টগেজ দিয়েছেন।

পীতা। আপনার সঙ্গে আমার তর্কের দরকার নেই, আপনি যা জানেন করুন, আমি যা জানি ক'রবো।

রমেশ। পীতাম্বর, আমার কথা বোঝ'।

পীতা। আর বুঝতে চাই নি ম'শায়, আপনাকে তো তাড়িয়ে দিতে পারবো না, আমিই চল্লম।

রমেশ। পীতাম্বর শোন, আমি তোমায় পাঁচ হাজার টাকা দিচ্ছি।

পীতা। আপনি নরাদম!

[পীতাম্বরের প্রস্থান।

কান্দালী। আপনি এর এত খোসামোদ ক'রছেন কেন? শুনছি তো আপনাদের বড়বো আপনার মাকে নিয়ে বাড়ী ছেড়ে গেছেন, এখন তো আপনার দখলে সব, দখল ক'রে ব'সে থাকুন, তার পর যা হয় হবে। ভাড়াটে বাড়ীর খাজনা সেধে আদায় করুন, দখলে তো থাক'। আপনার দাদার দফা নিশ্চিত করুন, তিনি দিনরাত মদ খাচ্ছেন; এক নাবালক, আর বো। এক পীতাম্বরকে যে পাঁচ হাজার টাকা দিতে চাচ্ছেন, সেই টাকা খরচ ক'রে ওর জাতকে দিয়ে ওর দেশে এক মামলা রুজু ক'রে দিন। আমি খবর নিয়েছি, ওর জাসতুতো ভায়েদের সঙ্গে ভারি বিবাদ।

রমেশ। যা হয়, এক রকম ক'রতে হবে।

[উভয়ের প্রস্থান।

দ্বিতীয় গর্ভাঙ্ক

প্রেসিডেন্সি জেল

কয়েদীগণ, স্বরেশ ও মেট।

১ম কয়েদী। কাদছো কেন? ছ'টা বছর দেখতে দেখতে যাবে। এই আমি পাঁচ বছর আছি, দিনকতক

একটু রেশ, তার পর স'য়ে যাবে, আমার মত মোটা হবে।

২য় কয়েদী। ওরে, ও শালার আটদিন হ'য়েছে।

৩য় কয়েদী। দে শালার মাথায় চাঁটি, দে শালার মাথায় চাঁটি।

মেট। তুই শালা, কি হাঁ করে দেখছিস? পাথর ভাঙ্গ। (স্বরেশকে প্রহার)।

স্বরেশ। উঃ মা!

মেট। হাঃ হাঃ! এখানে মাও নেই, বাবাও নেই, ভাঙ্গ শালা, ভাঙ্গ পাথর; জ্বায়ে যা দে, এই কাঁড়িটা সাবাড় ক'ন্তে হবে।

স্বরেশ। ও ভাই, আর যে পারি নি, হাতে ফোস্কা হ'য়েছে!

৩য় কয়েদী। ওরে, ওরে, গোপালের হাতে ফোস্কা হ'য়েছে, হাঃ হাঃ হাঃ!

১ন কয়েদী। তোর অর্ধেকগুলো যদি ভেঙ্গে দিই, তুই কি দিস?

স্বরেশ। আমার ঠেঁয়ে তো কিছু নেই, পাচটা টাকা ছিল, কেড়ে নিয়েছে।

মেট। তুই শালা যে বলি, তোর ভাই আছে, তোর মা আছে, ঘর থেকে টাকা আন না, যোগাড় ক'রে হাঁসপাতালে থাক না।

স্বরেশ। বাড়ীতে কি ক'রে খবর পাঠাব?

মেট। তার যোগাড় ক'রছি। আমার মোলটা টাকা দিবি, তার পর এখানে যদি আমাদের সঙ্গে মিশিস্ আর টাকা ছাড়তে পারিস, কি মজায় থাকবি, তা বুঝতে পারবি। খসুরবাড়ী তো খসুরবাড়ী! মদ খাও, গাঁজা খাও, বা খুনী কর, আর যদি ভদ্র-আনার জারি কর, পাথর ভাঙ্গো, আর মেটের বেত খাও।

(টার্নকি [Turnkey], রমেশ ও কাঙ্গালীর প্রবেশ)

টার্নকি। এ আসামী, তোমারা উকিল আয়া হায়।

স্বরেশ। মেজদা, আমায় কি এমনি ক'রে শাসিত ক'ন্তে হয়? আমায় বাঁচাও, আমার প্রাণ গেল।

রমেশ। চুপ ক'রে শোন, তুই যদি কথা শুনিস্ তো আমি কালই খালাস ক'রে নিয়ে যাই।

স্বরেশ। আমায় বা ব'লবে, শুনবো, আমি রোজ বুলে যাব, আর বাড়ী থেকে বে'রব না।

রমেশ। দেখিস্, খবরদার।

স্বরেশ। না মেজদাদা, দেখো, আর আমি কখন কিছু ছুঁছুঁমি ক'রবো না।

রমেশ। আচ্ছা, এইটেতে সই করে দে দেখি, আপীল ক'রে তোরে ছাড়িয়ে নিতে হবে। কোন্সুলির টাকা যোগাড় ক'ন্তে হবে, সই কর।

(স্বরেশের সই করণ)

রমেশ। কাঙ্গালি, কোথায় গেলে? সাক্ষী হও।

স্বরেশ। দাদা, তোমার সঙ্গে কাঙ্গালী কেন?

রমেশ। সাক্ষী হবে।

স্বরেশ। কিসের সাক্ষী? রসো, যাতে কাঙ্গালী আছে, তাতে অবশ্যই জুচুরি আছে; আমায় জেলে দিয়েছ, বোধ করি, ট্রান্সপোর্ট (Transport) দেবার চেষ্টা ক'রছো।

রমেশ। না না, কাঙ্গালীকে না সাক্ষী হ'তে বলিস, নেই নেই। দে, আর একজনকে সাক্ষী ক'রবো এখন।

স্বরেশ। আগে তুমি বল, এ কিসের লেখাপড়া?

রমেশ। আর কিছু না, তোর বখরা বাঁধা রেখে টাকা তুলতে হবে। সেই টাকা কোন্সুলিকে দিয়ে আপীল ক'রবো।

স্বরেশ। আমার বখরা কি?

রমেশ। তুই জানিস্ নি, দাদা আমাদের ছ'ভাইকে ফাঁকী দিয়ে বিবয় ক'রেছে, এ বিষয়ে তোরও বখরা আছে, আনারও বখরা আছে।

স্বরেশ। দাদা ফাঁকী দিয়েছেন! তোমার মিথ্যা কথা। মেজদা, আমার ক্রমে চক্ষু খুলছে, তোমায় কাঙ্গালীর সঙ্গে দেখে, তোমায় আর একচক্ষে দেখছি, আমি এখন বুঝতে পারছি যে, তুমি আমায় শোধ'রাবার জন্তে জেলে দাও নি, এ কষ্ট মার পেটের ভাই কখন দিতে পারে না; মার পেটের ভাই কেন, অতি বড় শত্রুকেও দেয় না। আমি এখন ভাবছি যে, তুমি আমায় জেলে দিয়ে মাকে কি ব'লে বোঝালে? দাদাকে কি ব'লে বোঝালে? মেজবোকে কি ব'লে বোঝালে? বড়বোকে কি ব'লে বোঝালে? না, তুমি আপনি বড়বয় ক'রে আমায় জেলে দিয়েছ; তুমি আমার ভাই নও—শত্রু!

বোধ হয়, দাদা বেঁচে নাই, কিংবা তোমার ষড়যন্ত্রে কোন বিপদে পড়েছেন, তা নইলে আপীলের টাকার জন্ত আমার বখরা বাধা দেবার কোন আবশ্যক হ'ত না। তুমি সত্য বল, তাঁদের কি হ'য়েছে?

রমেশ। স্বরেশ, তুই কি পাগল হ'য়েছিস? দে, দে, কাগজখানা দে।

স্বরেশ। ক্রমে আরও আমার চক্ষু খুলছে, তুমি আমার জেল থেকে খালাস ক'ত্তে এস নি, আপনার কাজ ক'ত্তে এসেছ, আমার বখরা লিখে নিতে এসেছ; কিন্তু মেজদা, শোন—আমার তো বখরা নেই, যদি থাকে, তার এক কড়াও তুমি পাবে না। আমি জেলে প'চে মরি, স্বীপাস্তুর যাই, ফাঁদী যাই, সেও স্বীকার—তবু যে কাঙ্গালীর বন্ধু, তা'কে আমি বখরা লিখে দেব না। পরমেশ্বর জানেন, আরও কি ষড়যন্ত্র তোমার মনে আছে। পরমেশ্বর জানেন, দাদার কি সর্বনাশ তুমি ক'রেছ! যাও মেজদা, ফিরে যাও, এ কাগজ তুমি পাবে না।

রমেশ। স্বরেশ, ভাই, তুমি কি শোন নি, যে আমাদের সর্বনাশ হ'য়েছে, ব্যাঙ্ক ফেল হ'য়ে গিয়েছে, দাদার হাতে টাকা নাই, আমার হাতে টাকা নাই—

স্বরেশ। মেজদা, বড় চমৎকার বোঝাচ্ছ! দাদার টাকা নাই, তোমার টাকা নাই—তোমরা কৃতী! আর আমি, যে কখনও এক পয়সা রোজ্জগার করিনি, আমার সহিয়ে টাকা পাবে? মেজদা, তুমি আমার চেয়ে মিথ্যাবাদী! আমার চেয়ে কেন, বোধ করি, কাঙ্গালীর চেয়েও মিথ্যাবাদী! তুমি যে দাদার না'র পেটের ভাই—এই আশ্চর্য!

কাঙ্গালী। বাবাজী, অবুঝ হয়ো না, অবুঝ হয়ো না, তোমার দাদা তোমার ভালর জন্তে এসেছে।

স্বরেশ। বুঝেছি কাঙ্গালীচরণ, আমার ভালর জন্ত পুলিশে নালিস ক'রে ছিলেন, আমার ভালর জন্ত আমার তোমার বাড়ী পুরে গ্রেপ্তার ক'রে দিয়েছিলেন, আমার ভালর জন্ত মিথ্যা সাক্ষী দিতে গিয়েছিলেন, আমার ভালর জন্য জেলে দিয়েছেন, আমার ভালর জন্য বখরা লিখে নিতে এসেছেন—আর ভালর কাজ নেই, আমি কাগজ ছিঁড়ে ফেলুম, তোমাদের পদার্পণে জেলও ক'নুচিত!

রমেশ। তবে জেলে প'চে মর।

স্বরেশ। দাদা, বড় নিরাশ হ'লে,—জোচ্চোর, জোচ্চোরের

বন্ধু! জেলে জুঁচুরি ক'ত্তে এসেছ? তোমার জেল হয় না কেন, তা জান?—আজও তোমার যোগ্য জেল তয়ের হয় নি!

রমেশ। আমার কথা হ'য়েছে, এরে নিয়ে যাও।

[রমেশ ও কাঙ্গালীর প্রস্থান।

টারগকি। চল্ বে চল্।

মেট। খাটুনা শালা, ব'সে রয়েছিস? (স্বরেশকে প্রহার)

স্বরেশ। ও মাগো, তোমার সঙ্গে আর দেখা হ'ল না! (মূর্ছা)

(ডাক্তারের প্রবেশ)

মেট। বাবু, দেখুন তো, মুখ দে রক্ত উঠছে।

ডাক্তার। ইঃ! তাই ত, হাঁসপাতালে নিয়ে যাও।

[স্বরেশকে লইয়া মেটের প্রস্থান।

টারগকি। খানেকা ঘণ্টা হয়, চল্—লাইন্ হো!

[সকলের প্রস্থান।

তৃতীয় গর্তাঙ্ক

জ্ঞানদার বাড়ীর উঠান

উমাস্বন্দরী ও পীতাম্বর।

উমা। পীতাম্বর, তুমি সত্যি বল, আমার স্বরেশের তো ভাল-মন্দ কিছু হয় নি? তুমি আনায় এনে দেখাও, আনায় রাত্রে বুক ধড়্‌ফড়্ করে, মন হ হ করে, যদি একবার চোখ বুজি, নানান স্বপ্ন দেখি, কত কি, তোমায় কি বলবো; পীতাম্বর, লক্ষী বাপ, আমায় বল, সে প্রাণে বেঁচে আছে তো?

পীতা। গিন্নী মা, তোমায় বোঝাতে পারলেম না বাছা, আমি কটু দিবি গলে ব'লেম, তবু তুমি বিশ্বাস ক'রবে না? পুলিশ থেকে খালাস পেয়েই রেলগাড়ী চ'ড়ে মার দৌড়! আমি কত বোঝালেম যে, গিন্নীমার সঙ্গে দেখা ক'রে যাও, তা বললে যে—'না'; সব ছোঁড়ার দল নিয়ে আনোদ ক'ত্তে বেরিয়ে গেল। ন'দে শান্তিপুরে যে মেলা আছে, সেই মেলা দেখে আসবে।

উমা। তা বাবা, তুমি লোক পাঠাও, শীগ'গির তা'রে

নিয়ে এস। তারে যদি আর তিন দিন না দেখি, তা হ'লে আর বাঁচবো না।

পীতা। দেখ দেখি, গিন্নী মা কি বলে! আমি লোক পাঠাই নি গা? বড় বোমাকে জিজ্ঞাসা কর দেখি, আমার ভাইকে পাঠিয়েছি; সে পত্র লিখেছে, আর দিন চেরেক সেখানে হবে, মেলা শেষ হ'লেই চলে আসবে।

উমা। বাবা পীতাম্বর, তুমি আমায় নিয়ে চল, আমি একবার দেখে আসি, তার পর সে পোনের দিন থাকুক।

পীতা। দেখ দেখি গিন্নীমার কথা! সে নেড়া-নেড়ীর কাণ্ড, তুমি কোথা যাবে বল দেখি?

উমা। বাবা, তোমার বাড়-বাড়ন্ত হ'ক, তোমার ব্যাটার কল্যাণে আমায় একবার নিয়ে চল, আমার বড় আদরের স্বরেশ! মেজটা হবার পর, ন'বছর আমার ছেলেপুলে হয় নি, তার পর বাছাকে পেয়েছিলেম। চার বছর অবধি দশি রোগে ভুগেছিল, মা কালীকে বুক চিরে রক্ত দিয়ে তবে হারানিধিকে পাই। লোকে বলে ছরন্ত হ'য়েছে, কিন্তু বাছা আমার কিছু জানে না। আমি কাছে না ব'সলে আজও খেতে পারে না। স্বরেশ একলা শুয়ে ঘুমিয়ে থাকে, আমি রেতে উঠে উঠে দেখে আসি, সেই স্বরেশকে আমি পাঁচ দিন দেখি নি, আমার বুক খালি হ'য়ে গিয়েছে! পীতাম্বর, তুমি আমার এ কথাটি রাখ, একবার আমায় দেখিয়ে নিয়ে এস।

পীতা। আচ্ছা, আজ তারে খবর লিখি, যদি না আসে, কাল তখন নিয়ে যাব। এদিকে নানান ঝগট প'ড়েছে, আমার মাথা চুলকোবার সাবকাশ নেই।

উমা। তা বাবা, তুমি না যেতে পার, একজন লোক ক'রে দিও, তার সঙ্গে আমি যাব।

পীতা। আচ্ছা, তাই হবে গো তাই হবে, তুমি এখন পূজা করগে।

উমা। বাবা, পূজা করবো কি! পূজা ক'ত্তে যাই, স্বরেশকে দেখি; খেতে বসতে যাই, স্বরেশকে মনে পড়ে, চোখ বুজতে যাই, স্বরেশকে দেখি! হ্যা বাবা, স্বরেশ আমার আছে তো, সত্যি ব'ল্ছি? হ্যা বাবা, তোর চোখ ছল ছল ক'রছে কেন? তবে বুঝি আমার স্বরেশ নাই!

পীতা। বুড়ো হ'লে ভীমরথী হয়, চোখে বালি প'ড়েছে, চোখ ছল ছল ক'রছে—

উমা। বাবা, আমি যাকে জিজ্ঞাসা করি, সেই বিমর্ষ

হয়; যোগেশের কাছে ভয়ে যাইনি, সে আমায় দেখলে নিশ্বাস ফেলে উঠে যায়, বড় বোমা কথা চাপা দেয়,—আমি আর ভাবতে পারিনি! বাবা, আমি কি কুক্ষণেই মেজটার পরামর্শ শুনেছিলেম! কেন আমি যোগেশকে ব'ল্লাম যে, রেজেটারি ক'রে দে। আমার ধর্মভীতু ছেলে, লোকে জোচ্চোর ব'ল্বে, এই অভিমানেই মদ খাচ্ছে। আমি আবাগী এই সর্কনাশের গোড়া। যদি যোগেশ না মনের দুখে অমন হ'ত, তা হ'লে কি মেজটা স্বরেশকে ধ'রিয়ে দিতে সাহস ক'ত? আহা! বড় বোমা কচি ছেলের হাত ধ'রে বেরিয়ে এল; দুধের বাছা কিছু জানে না, বলে, “মা, আমরা বাড়ী ছেড়ে কেন যাব?” গোবিন্দী কেন আমায় এ মতি দিলেন? মা হ'য়ে কেন আমি যোগেশকে ধর্ম খোয়াতে ব'ল্লাম! আমি আজ্ঞা তামাসা ক'রেও মিথ্যা কথা বলি নি, মা হ'য়ে কেন কালসাপিনী হ'লেম? ধর্ম খুইয়েই আমার এ দশা হ'ল! আমার ধর্মের সংসারে পাপ সোঁধিয়েছে, তাই বাছা আমি স্থির হ'তে পাচ্ছি নি। ভাল মদ যা হয় একটা সত্যি কথা বল, তার কি মেয়াদ-টেয়াদ হ'য়েছে?

পীতা। দেখলে সে দিন কালীঘাটে পূজা দিয়ে এলুম; মেয়াদ হ'য়েছে—মেয়াদ হ'লে কেউ পূজা দেয়? তোমার যেমন কথা, এ নিশ্বাস ফেলে উঠে যায়, ও কথা চাপা দেয়। তুমি রাত-দিন ব্যাজ্ ব্যাজ্ ক'রবে, কাঁহাতক লোকে তোমার কথার জবাব দেয়? এখন তো বাপু কথা হ'য়ে গেল, কাল তো তোমায় নিয়ে যাব।

উমা। নিয়ে যাবে তো বাবা?

পীতা। হ্যা গো হ্যা! ভাল যত্নগা! এ বুড়ী ম'রবে কবে গা?

উমা। বাছা, মরণ হ'লেই বাঁচি রে, মরণ হ'লেই বাঁচি!

পীতা। ম'রো এখন, এখন পূজা করগে।

উমা। যাই বাবা, তবে নিয়ে যাসু।

[উমাসুন্দরীর প্রস্থান।]

(জ্ঞানদার প্রবেশ)

জ্ঞানদা। পীতাম্বর, কাঁদছো কেন?

পীতা। বড়মা গো বুড়ীর কথা শুনলে পাষণ্ড ফেটে যায়! মাগীকে ধ'মকে ধামকে তাড়িয়ে দিলুম। খায় দায়

তো? ও যে ক'রে কাটাই?

জ্ঞানদা।

পাইনি; একবা

পাতা এক করে

পড়ে না, বৃকে

একটু নিখর হ'ত

সেটা আমায় ভুল

এসে দেখি যে মি

পীতা। ত

ক'রে কাটবে?

পত্র দেখলেম, ও

জ্ঞানদা।

পারলে না?

পীতা। ক

চেষ্টা-বেষ্টা করুন

কথা কি ব'ল্বে

ছেলারকে ভয়

সে উকিল আর

জ্ঞানদা।

টাকা কবলাও,

পীতা। চ

মা! মাগো, তু

গেল! সেই গু

নিয়ে গেলুম।

নাকি ব'লেছে যে

জ্ঞানদা।

বেদোর ভাতের গ

পীতা। দে

খবর পাচ্ছি—

জ্ঞানদা।

পীতা। সো

ব্যাক থেকে টাকা

জ্ঞানদা। প

ক'রো না, যাতে

গহনা পাঠিয়ে

তো? ও যে বাঁচে, এমন বোধ হয় না! এ দশটা দিন কি করে কাটাই?

জ্ঞানদা। বাছা, আমি যে কি করবো, কিছু ভেবে পাইনি; একবার ভাতে হাতে করেন, রাতে তো ছুঁচী চক্ষের পাতা এক করেন না, কখন বুক ধড় ফড় করে, কখন নিশ্বাস পড়ে না, বুক তেলে-জলে দিই, পুরাণ ঘি মালিস করি। একটু নিথর হয়ে থাকলে আমি মনে করি ঘুমুলেন, তা নয়, সেটা আমার ভুলোনো যে ঘুমুচ্ছেন; আবার ঘরের দোরে এসে দেখি যে নিশ্বাস ফেলছেন—কাঁদছেন।

পীতা। তাই তো বড়মা, কি হবে? দশটা দিন কি করে কাটাবে? আমি ত বাপু বড় বড় কোন্সুলিকে কাগজ পত্র দেখালেম, আপীল হবে না।

জ্ঞানদা। হ্যাঁ বাবা, পাথরভাঙ্গা মোকুব করাতে পারলে না?

পীতা। কই আর পারলেম? চার হাজার টাকা নিয়ে চেপ্টা-বেপ্টা করলুম, কিছুই তো ক'ত্তে পারলেম না! দুঃখের কথা কি বলবো, জমাদারের ঠেয়ে শুনলেম, কে উকিল এসে জেলারকে ভয় দেখিয়ে গিয়েছে, যাতে খাটুনি মোকুব না হয়। সে উকিল আর কেউ নয়, আমার বোধ হয় মেজবাবু।

জ্ঞানদা। সেকি! সে কি চণ্ডাল? তুমি আরও টাকা কবলাও, সে ডব্কা ছেলে, পাথর ভাঙলে বাঁচবে না।

পীতা। চণ্ডালের অধম! আর তো টাকা হাতে নাই মা! মাগো, তুমি গহনা খুলে দিলে, আমার বুক ফেটে গেল! সেইগুলি বাঁধা দিয়ে তাড়াতাড়ি চার হাজার টাকা নিয়ে গেলুম। মা, মহাজনে আর টাকা দিতে চায় না, কে নাকি বলেছে যে ঝুটো গহনা।

জ্ঞানদা। আমার আরও গহনা আছে, তোমায় দিচ্ছি, যেদোর ভাতের গহনা আছে, সেগুলোও নাও।

পীতা। দেখি, বোধ হয় তা নিতে হবে না, একটা খবর পাচ্ছি—

জ্ঞানদা। কি খবর বাবা?

পীতা। সেটা এখন পাঁচকান করবেন না, বোধ হয়, ব্যাঙ্ক থেকে টাকা ফিরে পাওয়া যাবে।

জ্ঞানদা। পাওয়া যায় ভালই, কিন্তু তুমি আর দেরি ক'রো না, যাতে পাথরভাঙ্গা মোকুব হয়, আগে কর; আমি গহনা পাঠিয়ে দিচ্ছি। বাবা, তোমায় বলবো কি, তুমি

পেটের ছেলের চেয়ে বেশী, কিন্তু তোমার সামনে আমি একদিনও বেরুই নি, আজ আমার ইচ্ছে করছে, জেলদারগার পায়ে গিয়ে ধরি। বাবা, আমার গুঁর চেয়ে সুরেশের জালা বড় হয়েছে!

পীতা। তবে তাই পাঠিয়ে দেবেন, আমি চট্ট করে খেয়ে নিই।

[পীতাঘরের প্রস্থান।

(প্রফুল্লর প্রবেশ)

জ্ঞানদা। মেজবো, কি করে এলি? পালিয়ে আসিস নি তো?

প্রফুল্ল। না দিদি, আমার পাঠিয়েছে; বলেছে, ঠাকুরপোকে ছাড়িয়ে আনবে। একবার মা নাকি গেলেই ছেড়ে দেয়।

জ্ঞানদা। মা যাবে কি লো?

প্রফুল্ল। হ্যাঁ দিদি, ঠাকুরপো একখানা কাগজ সই করলেই হয়; গুঁর উপর নাকি রেগে আছে, যদি গুঁর কথায় না সই করে, মা সই ক'ত্তে বলেই সই করবে, তা হলেই ঠাকুরপো আসবে। দিদি গো, তোমরা চলে এলে গো, আমার ঠাকুরপোর জন্তে মন কেমন করছে গো! ছাই খেয়ে কেন মাকড়ী দিয়েছিলেম গো!

জ্ঞানদা। কাঁদিস নি, কাঁদিস নি, চুপ কর; মা শুনবেন।

প্রফুল্ল। মাকে বলবো না?

জ্ঞানদা। না না, খবরদার বলিস নি।

প্রফুল্ল। তবে দিদি, ঠাকুরপো কেমন করে আসবে?

জ্ঞানদা। মা শোনে নি, তার জেল হয়েছে, শুনলেই ম'রে যাবে।

প্রফুল্ল। মা ম'রে যাবে! ভাগ্গিস দিদি তোমায় বলেছিলেম, আমার চুপি চুপি মাকে বলতে বলেছিল, তোমায় বলতে বারণ ক'রেছিল; না দিদি, আমার বলেছে, ঠাকুরপোকে ছেড়ে দেবে; আমার ভুলিয়ে রাখতো—আজ আনবো কাল আনবো; আমি কা'ল পরশু ছ'দিন ঘরে দোর দিয়ে উপোস করে রইলেম। আমার বলে, ঠাকুরপোকে এনে দেবে, তবে আমি বেরিয়েছি—এখনও কিছু খাই নি, ঠাকুরপো না এলে আমি না খেয়ে ম'রবো। দিদি, মাকে তেল মাখাতে পাই নি, তোমায় দেখতে পাই নি, যেদোকে দেখতে

তাতেও তবু খেতুম, ঠাকুরপোকে না দেখলে আমি
বাচবো না।

জ্ঞানদা। কি প্রতারণা! সে কি চণ্ডাল! আপনার
জীর সঙ্গেও প্রতারণা! রামায়ণে শুনেছিলেম, কে একজন
রাক্ষস চোখে ঠুলি দিয়ে থাকতো, জী-পুঞ্জের মুখ দেখতো
না, সেই এসে কি জন্মেছে? এ কারুর নয়।

প্রফুল্ল। ও দিদি, তুমি ঠুর নিন্দা ক'রো না, মা যে
বলেন, ঠুর নিন্দে শুন্তে নেই, হ্যাঁ দিদি, ঠাকুরপোর
কি হবে?

জ্ঞানদা। তুই খাবি আয়, আমি ঠাকুরপোকে আন্তে
পাঠিয়েছি।

প্রফুল্ল। হ্যাঁ দিদি, ঠাকুরপো এলে তোমরা সকলে ও
বাড়ীতে যাবে? ও আমার বাপের বাড়ী না পাঠিয়ে দিলে,
আমি তোমাদের আসতে দিতুম না, দেখতুম দেখি, কেমন
ক'রে আসতে; আমি যেনো কোলে নিয়ে মায়ের ছুঁটে
পা জড়িয়ে ব'সে থাকতুম।

জ্ঞানদা। আর যাব কেমন ক'রে ভাই? আমাদের
তাড়িয়ে দিলে, আর কোথায় যাব?

প্রফুল্ল। তোমাদের তাড়িয়ে দিলে? তবে যে ব'লে,
তোমরা চ'লে এলে,—ও কি সব মিছে কথা কয়? তবে
আমি ওর কথা শুনবো কেমন ক'রে? মা আমার কি ব'লে
দিয়েছেন—স্বামীর কথা কি ক'রে শুনবো—মিথ্যা কথা কি
ক'রে শুনবো?—দিদি, আমি খাব না, কিছু করবো না,
আমি ম'রবো।

জ্ঞানদা। না, তুই খাবি আয়, আমরা আবার সে
বাড়ীতে যাব।

প্রফুল্ল। তাড়িয়ে দিয়েছে, যাবে কেমন ক'রে?

জ্ঞানদা। ঠাকুরপো হয়, তামাসা ক'চ্ছিলেম।

প্রফুল্ল। হ্যাঁ হ্যাঁ, তাই বল। দিদি আমি এখন খাব
না, আমি মাকে তেল মাথিয়ে দিয়ে যেনো খাইয়ে দেব,
আর খাব।

জ্ঞানদা। মা'র এখন চের দেরি, তুই আয়।

প্রফুল্ল। না দিদি, তোমার পায়ে পড়ি, না দিদি, তোমার
পায়ে পড়ি—ও মা! বটঠাকুর আসছে। দিদি, যেনো
পাঠিয়ে দিও।

[প্রফুল্লের প্রশ্ন।

(যোগেশ ও যাদবের প্রবেশ)

যাদব। বাবা, ছোট কাকাবাবু কখন আসবে, বল না?
বাবা, আমার মন কেমন ক'চ্ছে বাবা।

যোগেশ। তুই স্থলে যাস নি?

যাদব। না বাবা, আমি পড়া ভুলে যাই, মাষ্টার ম'শায়
মারেন; ছোট কাকাবাবু না এলে আমার পড়া মুখস্থ হবে
না। বল না বাবা, কখন আসবে?

যোগেশ। রাতে আসবে।

যাদব। বাবা, আমি ঘুমিয়ে পড়ি যদি, তুলে দিও;
আমি তা নইলে রাতে কেঁদে উঠি। আমার ভয় করে বাবা,
ও বাবা, কান্দছে কেন বাবা?

জ্ঞানদা। ও যেনো, তোর কাকীমা এয়েছে রে!

যাদব। ছোট কাকাবাবু?

জ্ঞানদা। সে রাতে আসবে।

যাদব। আমি আজ শোব না মা, আমি দেখবো মা!

জ্ঞানদা। তা দেখিস, তোর কাকী-মার সঙ্গে খাবি, যা।

যাদব। কাকীমা, কাকীমা—

[যাদবের প্রশ্ন।

যোগেশ। মেজবোঁমা এসেছেন?

জ্ঞানদা। হ্যাঁ, তোমার ওগধর ভাই মাকে খবর দিতে
পাঠিয়েছেন। মতলব ক'রেছেন, মাকে নিয়ে গিয়ে ঠাকুর-
পোর ঠেঁয়ে কি সহী করিয়ে নেবেন।

যোগেশ। এই কথা ব'লতে এসেছেন, ঠকেও কি বেশ
শিথিয়ে পড়িয়ে ত'য়ের ক'রেছে নাকি?

জ্ঞানদা। রাম রাম, এমন কথা মুখে আন? চক্রে
কলঙ্ক আছে, তবু মেজবোঁয়ে কলঙ্ক নাই; ঠাকুরপোর জন্য
ও তিনদিন খায় নি। ছেলেমাছ, বুঝিয়েছে—ঠাকুরপো
আসবে—আহ্লাদে আটখানা হ'য়ে ব'লতে এসেছে।

যোগেশ। তুমি জান না, জান না, ছেলেকে বিষ খাওয়াতে
এসেছে।

জ্ঞানদা। ছি! এমন কথা মুখে আন? আবার
সকালে শুরু ক'রেছ নাকি?

যোগেশ। উঃ! সব ভুলতে পারছি, স্বরেশটাকে ভুলতে
পারছি নি!

জ্ঞানদা। তা স্বরেশের একটা উপায় কর।

যোগেশ। কি উপায় করবো? আমা হ'তে কোন উপায় হবে না। পীতাম্বর আছে, যা জানে করুক।

জ্ঞানদা। ছি ছি! কি হ'লে?

যোগেশ। কি হ'য়েছি, আগাগোড়াই তো জান।

জ্ঞানদা। ভগবতি! তোমার মনে এই ছিল মা!

[উভয়ের প্রস্থান।]

চতুর্থ গর্ভাঙ্ক

গরাণহাটার মোড়—শুঁড়ির দোকানের সম্মুখ

ব্যাপারীঘর।

১ম ব্যাপারী। এমন মাহুঘটা এমন হ'য়ে গেল?

২য় ব্যাপারী। ম'শয়, টাকার শোক বড় শোক!

পুঞ্জশোক নিবারণ হয়, টাকার শোক যায় না।

১ম ব্যাপারী। আচ্ছা, তোমার কি বোধ হয়, পীতাম্বর যা ব'লে সত্যি—মদ খাইয়ে লিখে নিয়েছে? না আমাদের ঠকাবার জন্য সাজসু করে এইটে করেছে?

২য় ব্যাপারী। কি বলবো ম'শয়, সাজসু হ'তে পারে, মদেরও অসাধ্য কাজ নাই। রমেশ বাবু ক'ল এসেছিলেন, আমার পাওনাটা কিনে নিতে, আমায় কি না সর্কেশ্বর সাধু'খা পেয়েছেন? দশহাজার টাকা পাওনা, পাঁচশো টাকায় বেচে ফেলবো? ব্যাক খুলবে সন্ধান পেয়েছে, সব কিনে নিতে এসেছে; জুজুরি মতলবটা দেখ! ও সাজসু, সাজসু।

১ম ব্যাপারী। শুন্ছি, যোগেশকে বাড়ী থেকে তাড়িয়ে দিয়েছে।

২য় ব্যাপারী। সেও সাজসু।

(ব্যাকের দেওয়ানের প্রবেশ)

দেও। ওহে, তোমরা যাও না, সকাল সকাল টাকাগুলো নিয়ে এস না।

১ম ব্যাপারী। আর ম'শয় যে ছুঁকি দেখিয়েছিলেন।

দেও। আর ভয় নেই হে! আর ভয় নেই।

২য় ব্যাপারী। “আর ভয় নেই” ব'লেই হ'ল না, বাতী ঠালালেই হ'ল!

১ম ব্যাপারী। ম'শয়, আপনার তো যোগেশ বাবুর সঙ্গে

খুব আলাপ; শুন্চি নাকি রমেশ বাবু সব ফাঁকি দে লিখে প'ড়ে নিয়েছেন, এ সাজসু, না সত্যি?

দেও। সাজসু না, সত্য, রমেশটা ভারী ছোচ্চোর।

২য় ব্যাপারী। কি করে জানলেন ম'শয়?

দেও। আমি তার পরদিনই যোগেশকে খবর দিতে যাই যে, ব্যাক পেমেণ্ট করবে, তুমি কিছু বন্দোবস্ত করো না। রমেশটা আমার সঙ্গে দেখা ক'ত্তে দিলে না, ওর এই সব মতলব ছিল।

২য় ব্যাপারী। মদ খাইয়ে বেন লিখে নিয়েছে, রেজেষ্টারী হ'ল কি করে? ঠকানও বটে, সাজসুও বটে; উনি আমাদের ঠকাতে বেনামী ক'ত্তে গিয়েছেন, শোনেন: নি যে ব্যাক টাকা দেবে, আর ইনি সবাইকে ফাঁকি দেবেন, মতলব ক'রেছেন।

[ব্যাপারীঘর ও দেওয়ানের প্রস্থান।]

(যোগেশ ও পীতাম্বরের প্রবেশ)

পীতা। বাবু, এসে যত মদ খেতে পারেন খাবেন, শুধু একবার ব্যাকে বাবেন আর একটা একিডেবিট করে আনবেন চলুন। আমি ব'লছি, আসবার সময় চার কেশ মদ নিয়ে আনবেন।

যোগেশ। ব্যাকে আবার কি ক'ত্তে যাব?

পীতা। চেকবইখানা ছিড়ে ফেলেছেন কি না; একখানা চেক বই নিয়ে আসবেন, আমাদের দেবে না। আর রমেশ বাবুর নামে যে টাকা জমা দেবার অ্যাডভাইস ক'রেছিলেন, সেইটে ক্যান্সেল করে আনবেন। আর হাজার দুচার টাকার একখানা চেক কেটে দেবেন, দেখি যদি জেলে কিছু সুবিধা ক'ত্তে পারি।

যোগেশ। কিছু সুবিধা ক'ত্তে পারবে? এঁটে হ'লে আমি আর কিছু চাই নি, সুরেশটাকে তুলতে পারছি নি! পীতাম্বর, তা নইলে আর আমি লোকালয়ে মুখ দেখাতেম না, ও ছেলেবেলা থেকে আমা বৈ আর জানে না। কত মেরেছি ধ'রেছি, কখনও একবার মুখ তুলে চায় নি। আহা! কি দুর্ভিক্ষিই ঘটলো! কারে দৃষ্টি, আমারই বা কি? গাড়ী আন, ওখানে ব্যাপারীরা র'য়েছে, আমি যাব না।

পীতা। আচ্ছা, এ গাড়ীরই কি হ'য়েছে, একখানা

গাড়ী নেই? বোধ হয় সব খড়দায় বেরিয়ে গিয়েছে; আপনি এইখানে দাঁড়ান, আমি গাড়ী ক'রে নিয়ে আসছি।

(শিবনাথের প্রবেশ)

শিব। পীতাম্বর বাবু, শুনেছি নাকি জেলে ঘুস দিলে পাটা বন্ধ হয়?

পীতা। আপনি কে?

শিব। আমি সেই শিবনাথ! যাকে স্বরেশ বাচিয়েছিল, আমি হাজার টাকা নিয়ে দু'দিন জেলের দোরে ফিরেছি; কাকে দিতে হয় জানি নি, আপনি যদি এই টাকা নিয়ে ঘুস দিতে পারেন।

পীতা। বাপু, তুমি চিরজীবী হও। তোমার টাকা দেবার দরকার নাই, আমি দেখছি।

শিব। না পীতাম্বর বাবু, আপনি নিন, আমার ঠেয়ে চেয়ে এনেছি, মা ইচ্ছা ক'রে দিয়েছেন।

[শিবনাথ ও পীতাম্বরের প্রস্থান।

(ব্যাপারীঘরের পুনঃ প্রবেশ)

২য় ব্যাপারী। এই যে যোগেশ বাবু! লুকুবেন না—লুকুবেন না, আমরা দেখেছি! খুব কৌশলটা শিখেছেন বটে! এমন জুচ্চুরিতে ক'ত্তে হয়? ঘর থেকে মাল দিয়ে আমরা চোর? আপনি রইলেন বাড়ীতে দোর দিয়ে, ভাইকে আমাদের ঠেকিয়ে দিলেন। আমাদের হস্তের টাকা ডোকান নয়, কারুর তো জুচ্চুরি ক'রে নিই নি।

[ব্যাপারীঘরের প্রস্থান।

যোগেশ। এই অদৃষ্টে ছিল! রাতায় গালাগালগুলো দিয়ে গেল! ওদেরই বা দোষ কি? জুচ্চুরি ক'রেছি; দূর হ'ক, আর মুখ দেখাবো না, চ'লে যাই।

(একজন ইতর স্ত্রীলোকের প্রবেশ)

গীত।

মা তোমার এ কোন্ দেশী বিচার।

আমি কেঁদে বেড়াই পথে পথে, দেখা দাওনা একটী বার।

মদ খেয়ে বেড়াস খেয়ে, কে জানে কেমন মেয়ে,

কোলের ছেলে বেথ'লিনি চেয়ে;

আমিও মাত'বো মরে, মা ব'লে ডাকবো না আর।

স্ত্রী। কি ইয়ার, আড় নমনে যাচ্ছ' যে? এক মাস মদ খাওয়াবে?

যোগেশ। যা যা, স'রে যা, দেখ করিস্ নি। স্ত্রী। স'রে যাব? কেন বল দেখি? জোর! জোর না কি? বটে, ডের দেখেছি—জুচ্চুরির আর জায়গা পাও নি? থাক, আমি চ'লেম।

[স্ত্রীলোকের প্রস্থান।

যোগেশ। ঠিক আমায়! এ ছোটলোক মাগীও জেনেছে, এও আমায় জোচ্চোর ব'লে গেল! আর কারুর মুখ চাব না, যার যা, অদৃষ্টে আছে তাই হবে। স্বরেশ জেলে গেল কেন—আমি কি করবো? আমি যে মদ খাই, সে কি তার দোষ? না সে জেলে গিয়েছে, আমার দোষ? যাক—কে কার জন্য মরে, কে কার জন্য বাচে? যে মরে মরুক, আমার আর পেছ ফেরবার দরকার নাই। যে পথে চলেছি, সেই পথেই যাব। এই যে কাছেই শুড়ীর দোকান। কিসের লজ্জা? টাকা তো মদে নেই—বাঃ, এই যে ঘড়ী বড়ীর চেন র'য়েছে! (দোকানে প্রবেশ পূর্বক) ভাই, এই ঘড়ী বড়ীর চেন রেখে এক বোতল ত্রাণি দাও তো, বিকেল বেলা ছাড়িয়ে নে যাব।

শুড়ি। আমাদের সে দোকান না, আমরা জিনিষ বাঁধা রেখে দিই নি।

যোগেশ। দাও ভাই দাও, নিদেন আধ বোতল দাও।

শুড়ি। দাও হে একটা ত্রাণী দাও। ম'শায়, নগর খাবার বেলা অত্র দোকান যান, আর বাঁকির বেলায় আমার হেথা? নিন, ভদ্রলোক—চাচ্ছেন, ফেরাব না; পেছনে বেঞ্চি আছে, ব'সে খান গে।

[যোগেশের প্রস্থান।

ওরে মত খদ্দেরটা, দু'পয়সার চাট কিনে দিগে যা, তোমার টামাক যা চায়, দিস।

মাতালগণের মদ খাইতে খাইতে

গীত।

রাগী-মুদীনীর গলি, সরাপের দোকান খালি,

যত চাও তত পাবে পয়সা নেবেনা।

ঠোঙ্গা ক'রে শাল পাতাতে, চাট বেবে হাতে হাতে,

তেলমাথা মটরভাঙ্গা, মোলাম বেদানা।

(রাত্তায় পীতাম্বরের প্রবেশ)

পীতা। কই ছাই গাড়ী তো পেলেম না! বাবু কোথায় গেলেন? শুঁড়ির দোকানে চুকলেন নাকি? কৈ না, হেতা তো নেই, বাড়ী চ'লে গেছেন।

শুঁড়ি। ম'শায়, যান কেন? ভাল মাল আছে, বা চান, তাই আছে।

পীতা। দুর্গা দুর্গা!

[পীতাম্বরের প্রস্থান।

১ম মাতাল। আয় আবার গাই আয়—আবার গাই আয়।

২য় মাতাল। বেশ! বেশ! খুব আমোদ হ'বে।

(গীত)

চুচুরে হ'য়ে মনে, এলোচুলে কোমর বেঁধে,
হরগড়ী ত'থাক দেয় সেধে;—

(যোগেশের প্রবেশ ও মাতালগণের সহিত নৃত্য)

বাগের বেটা মুদীর মেয়ে, ঘুঙুর বেঁধে দেয় সে পায়ে,
নাচ গাও যত পার তার কি ঠিকানা।

মুদিনীর এমনি কেতা, প'ড়ে থাক বেথা সেথা,
জ্ঞানদার পাহারা'লার নাইক' নিশানা।

(পীতাম্বরের পুনঃ প্রবেশ)

পীতা। কি সর্বনাশ! এও দেখতে হ'ল! হাড়ী-বাগ্‌দীদের সঙ্গে বাবু নাচ্ছেন! বাবু, বাবু, কি ক'চ্ছেন? আহন।

যোগেশ। পীতাম্বর, পীতাম্বর, ছেড়ে দাও, ছেড়ে দাও, আমোদ হবে না, আমোদ হবে না—

পীতা। ওরে মুটে, তোদের আট আট আনা পয়সা দেব, ধ'রে নিয়ে আসতে পারিস্?

মুটে। নেই বাবু, হামি লোক পারবে না, মাতোয়ালী হয়।

পীতা। ওহে, তোমরা ছ'জন লোক দাও তাই, বড়মাস্থ লোকটা বে-ইজ্জত হয়, আমি তোমাদের পাঁচ টাকা দেব।

শুঁড়ি। ও সেধো, যা তো, তোতে আর গন্ধাতে নিয়ে যা।

যোগেশ। নাচ, নাচ, নাচ, ছেড়ে দাও, ছেড়ে দাও, আমোদ হবে না।

১ম লোক। চলুন বাবু চলুন, খুব আমোদ হবে এখন।

যোগেশ। আয় আয়, তোরা আয়, খুব মদ খাব এখন।

মাতালগণ। আয় আয়, বাবু ডাকচে আয়, খুব মদ খাওয়া যাবে।

[যোগেশ ও মাতালগণের প্রস্থান।

(দোকানের মধ্যে।) ওহে, আর একটা ব্রাণ্ডী নিয়ে এস।

শুঁড়ি। যাচ্ছি বাবু।

[প্রস্থান।

পঞ্চম গর্ভাঙ্ক

জ্ঞানদার বাড়ীর উঠান

জ্ঞানদা ও প্রফুল্ল।

জ্ঞানদা। মধুসূদনের ইচ্ছায় আজ সকালটা মাল্লের মতন আছেন, পীতাম্বরের সঙ্গে বেরলেন, আবার কাজ ক'র দেখবেন ব'লছেন। যদি এই ছাই না খান, তা হ'লে কি গুঁর তুল্য মাল্লুষ আছে!

প্রফুল্ল। দিদি, তুমি খেতে দাও, কেন দিদি?

জ্ঞানদা। আমি কি ক'রবো বোন, সহরে অলিতে গলিতে শুঁড়ির দোকান, কিনে খেলেই হ'ল। আহা! কোম্পানীর রাজ্যে এত হ'চ্ছে, যদি মদের দোকানগুলো তুলে দেয়, তা হ'লে ঘরে ঘরে আশীর্বাদ ক'রে আর লোকে ভাতার-পুত নিয়ে স্থখে স্বচ্ছন্দে ঘর করে।

প্রফুল্ল। হ্যাঁ দিদি, কোম্পানী কেন দিক না।

জ্ঞানদা। ও বোন, তোমার আমার কথায় কি তুলে দেবে? শুনেছি শুঁড়ি পোড়ারমুখেরা কাড়ি কাড়ি টাকা দেয়, অত টাকা কি ছাড়বে বোন?

প্রফুল্ল। হ্যাঁ দিদি, আমরা যদি টাকা দিই, তুলে দেয় না?

জ্ঞানদা। পাগল, কত টাকা দেব বোন?

প্রফুল্ল। কেন দিদি, তুমি বলতো—গহনা বেচে দিই; একশো ছুঁশো টাকায় হবে না?

(জগমণির প্রবেশ)

জগ। কি গো মায়েরা, কি হ'চ্ছে গো?

প্রফুল্ল। তুমি কে গো?

জগ। আমার চেননা বাছা? আমি যে তোমাদের খুঁড়ী হই। আহা, বাছাদের মুখ শুকিয়ে গিয়েছে।

প্রফুল্ল। ও দিদি, কে এয়েছে দেখ গো, ও দিদি কে গো!

জ্ঞানদা। কেগা তুমি? তোমার কেমন আক্কেল গা, পুরুষমানুষ মেয়ে সেজে বাড়ীর ভেতর এসেছ? ভাল চাও তো সরে যাও।

জগ। সে কি বাছা, আমি যে তোমাদের খুঁড়ী হই।

জ্ঞানদা। ই্যা গা বাছা, তুমি কে গা?

জগ। আমার বাছা বাড়ী এইখানে। আহা, তোমাদের সোণার সংসার ছারখার গেল, তাই দেখতে এলুম। বলি, মা'রা কেমন আছেন, বাবা কেমন আছেন?

প্রফুল্ল। ও দিদি, এ ডান! তুমি সরে এস।

জ্ঞানদা। না বাছা, আর এক সময় এস, এখন আমরা বড় ব্যস্ত আছি।

জগ। মা, বাড়া এসেছি, অমন ক'রে বিদায় ক'ন্তে আছে কি? আহা, স্বরেশ আমার জানতো। আমার বাড়ীতে যেতো, কত আব্দার ক'রত। আহা, বাছা আমার কোথায় রইলো!

জ্ঞানদা। ও বাছা, চুপ কর, চুপ কর, ঠাকরণ শুনবে।

জগ। চুপ ক'রবো কি, আমার বুক ফেটে যাচ্ছে! অমন ডব্কা ছেলে, তা'র কপালে এই হ'ল!

জ্ঞানদা। ও বাছা! ক্ষমা দাও।

প্রফুল্ল। ও দিদি—ও দিদি, ওকে তাড়িয়ে দাও।

জগ। ই্যা বাছা, স্বরেশের কি ক'রলে? বাছাকে আন্তে পাঠালে না? তোমরা পেটে অন্ন দিচ্ছ কেমন ক'রে? বাছা জেলে র'য়েছে, আর তোমরা নিশ্চিন্ত র'য়েছ?

জ্ঞানদা। র'য়েছি, র'য়েছি,—বাছা তুমি বেরোও, দাঁড়িয়ে রইলে যে, তুমি কেমন মানুষ?

জগ। আহা, স্বরেশ রে!

জ্ঞানদা। বেরুবে তো বেরোও, নইলে অপমান হবে, ঝি—ঝি, মাগীকে তাড়িয়ে দে ত।

(উনামুন্দরীর প্রবেশ)

উমা। কি বড়বোমা, কি বড়বোমা?

জগ। কে, দিদি? আমার চিন্তে পারবে না, স্বরেশ আমার খুঁড়ী খুঁড়ী ব'লতো।

জ্ঞানদা। তা ব'লতো ব'লতো, দূর হবি ত হ'; ঝি মাগী কোথায় গেল, দূর ক'রে দিক না গা।

উমা। ছি মা ছি, দুর্ভাগ্য কারকে ব'লতে নাই, মানুষ বাড়ীতে এসেছে। এদ দিদি এদ, মেজবোমা, একখানা পিঁড়ি এনে দাও।

প্রফুল্ল। ও মা, ও ডান! ওকে তাড়িয়ে দাও মা।

উমা। চুপ কর আবাগী, পিঁড়ি নিয়ে আয়। এদ দিদি এদ।

জগ। আহা দিদি, আমার বুক ফেটে যাচ্ছে; তোমাদের সোণার সংসার কি হয়ে গেল।

উমা। আর দিদি, সব গোবিন্দীর ইচ্ছা! আমার তো হাত নেই।

জগ। দিদি, তোমায় একটা কথা ব'লতে এসেছিলুম, নিরিবিলা ব'লতুম।

জ্ঞানদা। (জনান্তিকে) ওগো বাছা, তোমায় আমি পাঁচ টাকা দেব, তুমি কোন কথা ব'লো না।

জগ। না, আমি কি স্বরেশের কথা বলি! আমি আর একটা কথা ব'লতে এসেছিলুম। গিন্নীর সঙ্গে দেনা-পাওনা আছে, তাই ব'লতে এসেছিলুম। দিদি, শুনছো—একটা কথা ব'লতে এসেছিলুম।

উমা। তা বল না।

জগ। তুমি অত্মমনস্ক হ'চ্ছে।

উমা। আর বোন, আমাতে কি আমি আছি; স্বরেশকে না দেখে আমি দানো পেয়ে র'য়েছি।

জগ। আহা, তা বটেই তো, ফোলের ছেলে!

জ্ঞানদা। তুমি কি কর?

জগ। ভয় নেই মা ভয় নেই। দিদি, নিরিবিলা ব'লবো, বোমাদের বেতে বল।

জ্ঞানদা। কেন গা, আমরা রইলেমই বা।

জগ। না বাছা, সে একটা গোপন কথা।

উমা। বোমা এসতো গা, কি ব'লছে শুনি।

প্রফুল্ল। ও দিদি, তুমি বেয়ো না, এ মাগী ডান, মা'কে খাবে।

উমা। দাঁড়িয়ে রৈলে কেন গা? তোমরা এস, একটা কি ব'লছে মানুষ, শুনে যাই।

জ্ঞানদা। আয় মেজবো, মধুসূদনের মনে যা আছে হবে!

প্রফুল্ল। ও দিদি, লুকিয়ে থাকি এস, মাগী মাকে ধ'রে নিয়ে যাবে।

জ্ঞানদা। ব'লছে কিছু মিছে না, মাগী যেন রাফসী!

(প্রফুল্ল ও জ্ঞানদার অন্তরালে অবস্থান)

• জগ। আমি তো দিদি বড় মুস্থিলে প'ড়েছি। স্বরেশ মাঝে মাঝে এর চুরি ক'রত, ওর চুরি ক'রত; আমি কি ক'রবো, চৌকিদারকে ঘুষ দিয়ে, জমাদারকে ঘুষ দিয়ে, কত রকম ক'রে বাঁচিয়ে বেড়াতেম; এই ক'রে প্রায় শ-পাঁচেক টাকা খরচ ক'রে ফেলেছি।

উমা। বল কি গো, বল কি! স্বরেশ চুরি ক'রে বেড়াতে? বাবা তো আমার তেমন নয়।

জগ। ও দিদি, সন্দেহে হয়; ঐ যে শিবে ব'লে একটা হোঁড়া, সেই সব শিথিয়েছে।

উমা। তার পর, তার পর?

জগ। আমি দিদি, এ টাকার কথা ধরি নি; কিন্তু কর্তা, সে পুরুষমানুষ, বড় টাকার মায়ী; আমায় ধমক ধামক ক'রে ব'লে, "টাকা কি ক'রেছিস?" আমি ভয়ে ব'লে ফেল্লম, "স্বরেশকে দিয়েছি।" এই স্বরেশের ঠেয়ে ঠাওনোট লিখে নিয়েছে। আমি দিদি, এদিন টেলে রেখেছিলুম, আর তো টানতে পারিনি। সে বলে, "নালিস ক'রবো।" বলে,—"কেন? ওর ভায়েরা রয়েছে, টাকা দেবে না কেন?" কি ক'রবো দিদি, বড় দায়ে প'ড়ে এসেছি।

অন্তরালে জ্ঞানদা। এত কথা কি হ'চ্ছে?

অন্তরালে প্রফুল্ল। মাগী মস্তুর প'ড়ছে, ঐ দেখ না, চোখ দুটো যেন কোটর থেকে বেরিয়ে আসছে!

উমা। দেখ বোন, তুমি আর দিন-কতক রাখ, আমি স্বরেশের দেনা এক কড়া রাখবো না, যেমন ক'রে পারি, শোধ দেব। আমি বড় বিপদে পড়েছি, গোবিনজীর ইচ্ছায় শুন্ছি একটু হিলে লাগছে; একটা কিছু সুবিধা হ'লেই হুদ শুক চুকিয়ে দেব, ওর ভায়েরা না দেয়, আমি যাদের ধার দিয়েছি, আদায় হ'লেই তোমায় ডেকে চুকিয়ে দেব।

জগ। কর্তা তো আর রাখতে চায় না; সে বলে, "কেন

ওর মেজভাই চুকিয়ে দিক না, ও একটা সহ ক'রবেই চুকে যায়।"

উমা। কিসের সহ? আবার সহ কিসের!

জগ। কে জানে বোন, রমেশ বাবু নাকি ব'লেছে।

উমা। না বোন, আর সহ ট'য়ে কাজ নাই, আমি সবই চুকিয়ে দেব, বেটা তো নয়, আমার পেটের কন্টক! কি একটা সহ ক'রে নিয়ে আমার যোগেশকে উন্মাদ ক'রেছে। স্বরেশ ফিরে আসুক, কত টাকা শুনি, হিসেব ক'রে সব চুকিয়ে দেব।

জগ। দিদি, সে কথা ব'লতে এসেছি, অমন ডব্কা ছেলে, এখনও দশ দিন রয়েছে।

উমা। দশ দিন নয় বোন, চিঠি লিখেছে, পরশু দিনে আসবে।

জগ। কে চিঠি লিখেছে গো?

উমা। পীতাম্বরের ভাই নবদ্বীপ থেকে তাকে আনতে গিয়েছে।

জগ। নবদ্বীপ কি গো?

উমা। তবে কোথা গিয়েছে?

জগ। ও মা, তুমি কিছু শোন নি? না বোন, ব'লব না, আমায় বোমায়েরা বারণ ক'রেছে।

উমা। তুমি বল, শীগ্গির বল, আমার প্রাণ হাঁপিয়ে উঠছে! সে কি নেই? স্বরেশ কি আমার নেই?

জগ। নেই কেন, বালাই!—কর্তা তো ঠিক ব'লেছে, আহা, মাগী জানে না, সেকলে মানুষ, ভুলিয়ে রেখেছে।

উমা। কি, কি, আমায় বল, আমায় শীগ্গির বল?

জগ। ও বোন, তুমি কারুর কথা শুনো না, তুমি তোমার মেজবেটার সঙ্গে চল। স্বরেশকে বুকিয়ে স্বকিয়ে সহ ক'তে ব'লবে চল। যা হবার হবে, কারুর কথা শুন না, ছেলে যদি বাঁচে, সব পাবে।

উমা। শীগ্গির বল, শীগ্গির বল, আমার স্বরেশ কোথায়, শীগ্গির বল? আমার প্রাণ থাকতে থাকতে বল; বল, বল, তোমার পায়ে পড়ি বল? দেখছো কি, আমার প্রাণ যায়,—বল, বল?

অন্তরালে প্রফুল্ল। ও দিদি, মা কেমন ক'চ্ছে!

অন্তরালে জ্ঞানদা। ওরে তাই তো!

(জ্ঞানদা ও প্রফুল্লর অন্তরাল হইতে প্রবেশ)

বোগেশ। তোর কি? তুই কেন মূর্ছে বা না।

পীতা। না, মাত্লামো ক'রবেন না। বড় মা ধরন, গিন্নীমাকে বিছেনায় নিয়ে যাই, বড় মা, মাকে বিছেনায় নিয়ে যাই; গিন্নীমা গিন্নীমা—

উমা। কেরে রূপো? ঠাকুরণ এ দিকে আস্ছেন নাকি? রান্নাঘরে যাই, রান্নাঘরে যাই।

[উমাসুন্দরী ও তংপচাং জ্ঞানদার প্রস্থান।

নেপথ্যে জ্ঞানদা। ও পীতাধর, ও পীতাধর, এদিকে এস, এখুনি আছাড় খেয়ে পড়বে। (পীতাধরের গমনোচ্ছোগ)

বোগেশ। কোথা যাস্ শালা? মেয়েদের পেছনে পেছনে কোথা যাচ্ছিস্?

পীতা। যান ম'শায়, মাত্লামীর সময় আছে।

বোগেশ। চোপ্‌রাও শূয়ার, আমি মাতাল? দেখ, বাড়ীর ভেতর থেকে যা বলছি; ভাল চাস্ তো বাড়ীর ভেতর থেকে বেরোও। শালা, অন্দরে ঢুকে মেয়েদের পেছনে ফিরুছো?

পীতা। বাবু, গিন্নীমা যে মরে।

বোগেশ। মরে মরুক, তোর বাবার কি?

নেপথ্যে জ্ঞানদা। ও পীতাধর, শীগ্‌গির এস—শীগ্‌গির এস।

পীতা। যাই মা যাই; যাচ্ছি বড় মা, এখানে এক আপদে ঠেকেছি।

বোগেশ। শালা তবু বাবি? (ইট লইয়া পীতাধরকে প্রহার)

পীতা। ওরে বাপ্‌ রে! খুন ক'রলে রে, খুন ক'রলে রে!—

বোগেশ। ধব্‌ শালাকে! চোর, চোর, চোর—

[উভয়ের প্রস্থান।

চতুর্থ অঙ্ক

—:~::~:—

প্রথম গর্ভাঙ্ক

শিবনাথের বাড়ীর ছাদ

সুরেশ ও শিবনাথ।

সুরেশ। ভাই শিবনাথ, তুমি আমার মাকে এইখানে নিয়ে এস, আমায় দেখতে পেলেই তাঁর বাই-রোগ সেরে যাবে, আমি তো এখন সেরেছি।

শিব। তা আন্ব হে, তুমি এত মিনতি ক'রছো কেন? তোমায় যে বাঁচাতে পারবো, এ আমার মনে ছিল না; তা হ'লে কি তোমার মাকে রমেশবাবুর বাড়ী যেতে দিই? তুমি কিছু ভেবো না, মা রোজ দেখে আসেন; আর তোমাদের মেজবৌ যে বহুটা ক'রছে, তোমায় আর কি বলবো। মা বলেন, অমন বৌ কারুর হবে না।

সুরেশ। শিবনাথ, তোমার ঋণ আমি কখনও শুধতে পারবো না।

শিব। তুমি ঐ কথা একশোবারই বল। তোমার ধার আমি কখনও শুধতে পারবো না, তুমি আপনি জেলে গিয়ে আনার জেল বাঁচিয়েছ।

সুরেশ। ভাই শিবনাথ, তুমি বড়বোর কোন খপর পেলে?

শিব। না ভাই, আমি সে খপর তো কিছুতেই পেলেম না; সে যে বাড়ী বেচে কোথায় গিয়ে আছে, আমি অ্যাড-ভারটাইজ (advertise) ক'রে দিয়েছি, ডিটেক্‌টিভ পুলিশ (Detective Police) কে টাকা দিয়ে খপর নিচ্ছি, আমি আপনি রোজ ঘুরছি, কিছুতেই কিছু সন্ধান ক'রতে পারছিনি।

সুরেশ। তারা বোধ হয় বেঁচে নাই; দাবার কোন খপর পেয়েছ?

শিব। সে কথা আর তোমায় কি বলবো! রমেশ বাবু কতকগুলো মাতাল ঠেকিয়ে দিয়েছেন, তাদের সঙ্গে মদ

খাচ্ছেন, আর পথে পথে বেড়াচ্ছেন। আমি এত আনন্দের
চেপ্টা করেছি, কিছুতেই বাগ ফেরাতে পারিনি।

স্বরেশ। আমাদের সোণার সংসার ছাবুখাবু হ'ল।
কি কুঞ্জেই মেজদাদা জন্মেছিলেন! দাদার এ দশা হবে,
আমি স্বপ্নেও জানি নি। কখনও একটা মিথ্যা কথা বলেন
নি, কখনও পরস্পর মুখ দেখেন নি। ভাই রে, যদি
ব্যামোতে আমার মৃত্যু হ'ত, সেও ভাল ছিল; আমি বেঁচে
উঠে দাদার এই দশা দেখতে হ'লো!

শিব। স্বরেশ, কেন আক্ষেপ করছ, তুমি সব ফের
পাবে; তুমি একটু ভাল করে সেরে ওঠো, আমি টাকা
খরচ করে মকর্দমা করবো। তোমার মেজদাদার জোচ্ছুরি
আমি বার করে দিচ্ছি। মা বলেছেন, বাড়ী বেচেতে হয়,
সে-ও কবুল, তবু যাতে তোমার মেজদাদা জন্ম হয়, তা
ক'রবেন।

স্বরেশ। ইয়া হে, পীতাম্বরের কোন খপর পেয়েছ?

শিব। সে চিঠি লিখেছে, শীগগির আসবে, বড্ড কাহিল
আছে, একটু সারলেই আসবে; অমন লোক হবে না।
তোমার দাদা মাথায় ইট মেরেছিল, জরে কাঁপছে, আমি
এত ব্যর্থ করলেম, তবু তোমার খালাসের দিন আমার
সঙ্গে গেল। আহা, বেচারার রাত্তায় ভিবুমি গেল, আমি এক
বিপদে প'ড়লেম; এ দিকে তোমায় নিয়ে সামলাব, না তাকে
নিয়ে সামলাব।

স্বরেশ। আমার সে সব কিছুই মনে নাই।

শিব। তুমি তিন মাস অজ্ঞান হয়ে প'ড়ে আছ, কি
ক'রে জানবে।

স্বরেশ। দেখ, তিন মাস বে কোথা দে কেটেছে—ভাই,
আমার কিছুই মনে নাই। আমার স্বপ্নের ছায় মনে হয়,
কে আমায় জেল থেকে নিয়ে এল; তার পর জ্ঞান হয়ে
দেখি, তোমার মা কাছে ব'সে, তুমি কাছে ব'সে। ভাই
শিবনাথ, আমি জেলে যাবার সময় একবার কোল দিয়েছিলে,
আজ একবার কোল দাও; তোমার মত বন্ধু আমার যেন
জন্ম-জন্মান্বরে হয়।

শিব। স্বরেশ, আমরা বন্ধু নই; মা বলেন, তোরা
হু'ভাই। আমার মায়ের পেটের ভাই নাই, তুমি আমার
ভাই; আমার পুলিশের কথা মনে প'ড়লে এখনও গা কাঁপে!
তুমি আপনাকে বিসর্জন দিয়ে আমায় বাঁচিয়েছ। ভাই

স্বরেশ, আমি তোমার উপদেশ শুনেছি, আমি শুধরেছি,
আমি আর কুসঙ্গে মিশি নি।

(ডাক্তারের প্রবেশ)

ডাক্তার। স্বরেশ বাবু, স্বরেশ বাবু, তোমার গুণধর
ভাই ভিজ্জাসা করছিল, স্বরেশ কেমন আছে? আমি
ব'লেম, ম'রে গেছে, খুসী যে! পথে আবার কাঙ্গালে বেটা
ধ'রেছে, তারেও ব'লেছি, তুমি ম'রেছ। সে বেটা বিশ্বাস
ক'রেছে। তার মাগ বেটা—বেটাই বল আর বেটাই বল,
মাথা চালতে লাগলো। অমন চেহারা কখন দেখি নি
বাবা! মনুষ্য অব' আগ্লিনেস (Monster of
ugliness)! শিববাবু, তোমার ফ্রেণ্ডকে একটু একটু
বেড়াতে বল।

শিব। বেড়াচ্ছে তো, রোজই একটু একটু ছাদে
পাইচারি করছে।

ডাক্তার। একটুর কর্ম নয়; সেরে গিয়েছে তো, সকাল
বিকালে খানিক খানিক বেড়িয়ে আসবে। চল, তিনজনে
খানিক বেড়িয়ে আসি।

[সকলের প্রস্থান।]

দ্বিতীয় গর্ভাঙ্ক

কাঙ্গালীর কম্পাউণ্ডিং রুম

রমেশ, কাঙ্গালী ও জগমণি।

কাঙ্গালী। এখন নিশ্চিন্ত, রামরাজ্য ভোগ করুন।
কেমন বাবু ব'লেছিলেম, ও অকালকুম্মাণ্ড পীতাম্বর, ও ঘোর
আহাম্বক, ওকে আপনি টাকা দিতে গিয়েছিলেন; পাঁচ
হাজার টাকাও লাগলো না, দু'হাজার টাকাতেই ফৌজদারীতে
গ্রেপ্তার করে দিলেম। এখন বাকু, তারপর মকর্দমা বা হয়
হবে। ওর জাসতুতো ভাইটে বড় ভদ্রলোক, ওটার মতন
নয়। যখন টেনে নিয়ে যায়, সে যে তামাসা! আমি
হাসতে হাসতে বাঁচি নি।

রমেশ। কি রকম, কি রকম?

কাঙ্গালী। সেই তো আপনার দাদা মেরেছিল; বেটা
এমনি পাজী, বিছানায় প'ড়ে, জর,—তবু স্বরেশের খালাসে
দিন গাড়ী করে চ'ল।

রমেশ। তা তো শুনেছি, তার পর ?

কাঙ্গালী। সুরেশও মুদোর, ও-ও মুদোর, কে কাকে দেখে ; ও বেটা তো গাড়ীর ভেতর ভিড়মি গেল, সুরেশও ভিড়মি যায় যায়—

রমেশ। সেই দিনেই ল্যাঠা মিটতো, চৌরঙ্গীর মাঠ না পেরতে পেরতে মারা যেতো, কোথেকে শিবে বেটা জুটলো।

কাঙ্গালী। হ্যাঁ, ঐ এক বেটা চামার ! বেটা ছ'জনকে

• মুখে জ্বল দিয়ে বাতাস ক'রে, বাড়ী নিয়ে গেল।

জগ। হঁ হঁ, আমি তো বলেছিলাম যে, শিবকে চটাস নি, হাতে রাখ, তা হ'লে তো এ কাজ হয় না। সুরেশটা হাসপাতালে প'চ'তো। সকলকে হাতে রাখা ভাল, সকলের সঙ্গে মিষ্টি কথা বলা ভাল। ঐ যে তুই মন্বাকৈ পাগল ব'লে অগ্রাহ্য ক'রেছিলি, কত বড় কাজটা পেলি বল দেখি ? পাগল ব'লে হয় না, দলিলের বাস্তব তুই চুরি ক'ন্তে পারতিন, না আমি পারতুম ? বড়বোটা যে খাওয়ারনী, তোকে জায়গা দিত, না আমায় জায়গা দিত ?

কাঙ্গালী। পাগলাটা খুব হ'সিয়ার, কেমন সন্ধান ক'রে ক'রে, সিদ্ধক ভেঙ্গে নিয়ে এসেছে।

জগ। রোজ কেন ওর কাছে যেতেন, এই বোঝ। রমেশ বাবু, তুমি উকিলই হও আর যেই হও, আমার বুদ্ধি একটু একটু নিও। বেটা ছেলে, ভয়েই সারা হও, মিছে ডিক্রী ক'রে যদি তোমার দাদাকে না ধর, তা না হ'লে কি তোমাদের বো হাজার টাকায় বাড়ী বেচে ? গেছলো গেছলো দলিল চুরি, রেজেষ্টারী আপিসে তো নকল পেতো।

রমেশ। বাবা ! তুমি তো মেয়ে নও, পুরুষের কান কাটো। মিথ্যা যোগেশ মাজিয়ে এক তরফা ডিক্রী ক'রে দাদাকে ওয়ারিণ ধরান, আমার বুদ্ধিতে আসতো না, বুদ্ধিতে এলেও সাহস হ'ত না। যদি ফল্‌স পারসনিকিফিকেশন (false personification) এর চার্জ আনতো, তা হ'লে সর্কনাশ হ'ত।

জগ। চার্জ আনলেই হ'ল ? তবে পরস্যা খরচ ক'রে মাতাল লাগিয়েছ কি ক'ন্তে ? পরস্যা খরচ ক'রে মদ দিচ্ছ কি ক'ন্তে ? দিনে রেতে চোখ চাইতে পারলে তো আদালতে গিয়ে দাঁড়াবে, তবে তো চার্জ আনবে।

রমেশ। আচ্ছা, বড়বো বাড়ী বেচে টাকা দেবে, কি ক'রে ঠাওর পেলো ?

জগ। আমরা সব এক আঁচড়ে মাহুঘ চিনি ; ওরা সব পতিপ্রাণা, পতিপ্রাণা !

কাঙ্গালী। বাড়ীটের খুব দর হ'রেছিল, যদি দলিলগুলো হাত না হ'ত, ফ্যাসাদে ফেলেছিল ; হাতে কতক টাকা পেতো। তোমাদের বড়বো যে দস্তি, স্বচ্ছন্দে মকর্দমা চালাতো। আপনার ঠেয়ে দলিল দে'খে খদ্দের বেটা ভারি দম্ খেয়ে গেল।

জগ। তা নইলে বাড়ী হাজার টাকায় বাগাতে পারতেন না ; পাগলাকে দিয়ে তো দলিল আনিয়েছি, আরও কি কাজ করি দেখ। বড়বো মনে ক'রেছে, চোরে চুরি করেছে, পাগলার পেটে পেটে এত, তা ধ'ন্তে পারে নি। এখনও আন্দাজ হয়, মাগীর হাতে ছ'তিনশো টাকা আছে, আর মদে খরচ ক'রো না, মদ বন্ধ ক'রে দাও, ঘরের টাকায় টান পড়ুক। ব্যাঙ্কের টাকা তো আটক হ'য়েছে ?

রমেশ। সে আমি এড্‌মিনিষ্ট্রেটার জেনারেল (Administrator General) এর হাতে দিয়েছি, ব্যাপারীরা টাকা পেমেট ক'রে বাকী টাকা হাতে নিয়েছে, সে এখন বিশ বাঁও জলে ! পীতাম্বরে যখন ধরা পড়েছে, আমি আর কিছু ভাবিনি।


জগ। হ্যাঁগা, ও সাহেবটাকে হাত ক'বলে কি ক'রে ?

রমেশ। ওরা তো তাই চায়, আসতে কাটে, যেতে কাটে। দরখাস্ত ক'বলেম, আমাদের যৌত টাকা, একজন মদ খেয়ে উড়িয়ে দিচ্ছে, পীতাম্বরে আপত্তি ক'রেছিল।

কাঙ্গালী। আর ধরাই পড়ে গেল, কে বা আপত্তি করে, 'চাচা আপন বাঁচা' ; তবে ও টাকার বড় কিছু পাওয়া যাবে না, একবার এড্‌মিনিষ্ট্রেটার (Administrator) এর গর্তে গেলে আর কিছু বাঁর হয় না।

রমেশ। তা কি ক'ব্বো, সব দিক সামলান ভার। ও টাকায় আর তেমন লোভ ক'ব্বলুম না, শেষ যা হয়, দেখা যাবে ; এখন নগদ টাকা হাতে প'ড়লে মকর্দমা চলতো, শুধু আমার ভয় পীতাম্বরে বেটাকে।

কাঙ্গালী। সে ভয় ক'ব্বেন না, সে ভয় ক'ব্বেন না। বেটাকে যখন ফৌজদারীতে ধ'ব্বলে, তখন বেটা মরণাপন্ন। ঐ শিবে বেটা ডাক্তার এনে আপত্তি ক'ব্বলে যে, পথে মারা যাবে। ওর জাসতুতো ভাই, দেখলেম ভারি ভদ্রলোক,



হেড কন্টেবলকে টাকা গুঁজে ব'লে যে, মারা যায়, আমার দায়, তুমি নিয়ে চল। চার্জট তো যে সে দেয়নি!

জগ। কি মকদ্দমাটা, আমায় তো একদিনও ব'লিনি, এর ভাল-মন্দ বুঝবো কি করে? মনে করিন্—আমি মেয়েমানুষ, তোরা পুরুষ, ভারি বুদ্ধি তোদের! এই মাই ছোটো কাটাতে পারতেন তো বুঝতেন, কোথায় কে পুরুষ, কার কত ছাতি। পোড়া ভগবান্ যে মেরেছে, কি ক'ব্বো।

রমেশ। রূপসি, তুমি সব পার।

জগ। কি কেশ্ (case) টা ক'রেছিল্ শুনি?

কাদালী। ঐ যে ছোট একখানা তালুক ক'রেছিল না? কিছু টাকা দিয়ে এক বেটা ডোমকে আদমারা ক'রে ওর জামতুতো ভাই ফৌজদারী বাধিয়েছে, যে, উনি নায়েবকে হুকুম দিয়ে মেরেছেন।

জগ। এই তো কাঁচিয়েছিল্, বাকে মেরেছে, সেই ওর হ'য়ে সাক্ষী দেবে; ওর জামতুতো ভাই প্যাচে পড়বে।

কাদালী। আরে, সে টাকার লোভে ইচ্ছে ক'রে মারু খেয়েছে, ঠিকঠাক সাক্ষী দেবে। আর যে অবস্থায় তাকে ঝোলাতে ঝোলাতে নিয়ে গেল, হয় তো পথেই মারা যাবে।

জগ। বটে, বটে, মফঃস্বলের লোক এমন! আহা হা হা! তারাই স্থপী, তারাই স্থপী! আমিও এ বুদ্ধি ক'রেছিলেম; কেমন বন্ পোড়ারমুখো, বলিনি যে, শিবকে জন্ম ক'ন্তে চাস, মাথায় লাঠি মেরে পুলিশে গে দাঁড়া, আপনি না পারিস, আমি মারুছি, তা তুই রাজী হ'লি কৈ?

রমেশ। স্বরেশের খবর কিছু শুনেছ?

কাদালী। কিছু বুঝতে পাচ্ছিনি; যে ডাক্তারটা দেখছিল, তাকে জিজ্ঞাসা ক'রেছিলেম, সে বলে, আজ তিন দিন ন'রেছে; কিন্তু জগা বলে, আমার বিশ্বাস হয় না।

রমেশ। আমায়ও ডাক্তার বেটা ব'লে, কিছু ভাব বুঝতে পারছি নি।

জগ। ও মিছে কথা, আমি ডাক্তার ব্যাটার মুখ দেখেই বুঝেছি। কারকে বিশ্বাস ক'রে কোন কাজ ক'ব্বো না। এখন ধর, ও বেঁচেই আছে। আমার আর একটা বুদ্ধি নাও—আজই হ'ক, কালই হ'ক, আর ছ'দিন বাদেই হ'ক, তোমাদের বড়বোঁকে আর বেদোঁকে এনে বাড়ীতে পোরো।

কাদালী। কেন, তাদের এনে ফল কি?

রমেশ। না না, ঠিক বলছে, এখনও সব দিক্ মেটে নি,

কেউ যদি বড়বোঁকে হাত ক'রে মকদ্দমা চালায়, সে এক ফ্যাসাদ হবে।

জগ। আরও আছে, এই ডাক্তারখানাটা রয়েছে, এতে কোন্ ওষুট্টা নেই? বল, যদি কিছু কাজই হ'ল না, ডাক্তারখানা রেখে লাভ?

রমেশ। ও কি কথা রূপসি!

জগ। ক্রমে বুঝবে, ক্রমে বুঝবে, আগে বাড়ী নিয়ে এস।

রমেশ। তারা কোথা আছে? বাড়ী বেচে রাতারাতি কোথায় উঠে গেল, তা তো সন্ধান ক'ন্তে পারি নি।

জগ। সে সন্ধান আমি ক'ব্বো।

রমেশ। যাক্, পাচ কথায় কেটে গেল, একটা কাজের কথা হ'ক্,—তোমার ভাগ্নেকে শিখিয়ে রেখো, কাল এমাইনমেট রেজেষ্ট্রারি (assignment registry) ক'রে নেব, রেজেষ্ট্রারটা ভারি বজ্জাত, সব খুঁটিয়ে না জেনে রেজেষ্ট্রারি করে না, ভাল ক'রে শিখিয়ে রেখো।

কাদালী। আপনিই কেন শেখান না, সে এখানে রয়েছে। ওরে ভজা! ভজা! ম'রেছে, প'ড়লো কি ঘুমলো, ঘুমলো কি ম'লো! ওরে ভজা!

(ভজহরির প্রবেশ)

ভজ। মব্—ঘুমতে দেবে না, একটু যদি চোখ বুজেছি,—ভজা, ভজা, ভজা! ভজা বেন ওর বাপের পান্সামা।

জগ। ভজহরি, বাবা! কাল তোমার রেজেষ্ট্রারী আপিসে যেতে হবে।

ভজ। কুচ পরোয়া নেই, যাওয়েন্দে।

রমেশ। যখন রেজেষ্ট্রার জিজ্ঞাসা করবে যে, তুমি কি কাজ কর? তুমি বলবে, তুমি জমীদার, মন্ত্রর পরগণা তোমার জমীদারী। নাম বলবে, মুন্স্কচাঁদ ধুধুরিয়া।

ভজ। জমীদার মুন্স্কচাঁদ ধুধুরিয়া রায় বাহাদুর।

রমেশ। না না, রায় বাহাদুর ব'লো না।

ভজ। খালি জমীদারী দিয়া? কুচ্ পরোয়া নেই, আজ রাত্কা ওয়াত্তে রূপেয়া লেয়াও।

কাদালী। কাল একেবারে টাকা পাবি।

ভজ। মামা, আমায় কচি ছেলে পেলো নাকি? রোজ রোজ টাকা চাই, তবে এ কাজ হবে।

রমেশ। আচ্ছা, এই ছুটাকা নাও।

ভজ। কেয়া, জমীদারকা সামনে দো রোপেয়া নজর লেয়ায়া? তা হ'চ্ছে না, নিদেন যোলটা টাকা আজ রাখে চাই। এই ধর না, পাটা একটা আড়াই টাকা, ছুটাকার একটা মদ, আট টাকার কম একটা হিন্দুস্থানী মেয়েমাছ হবে না, এই তো ফুটকড়াই হ'য়ে গেল। যোলটা টাকা বার কর, আর মামা-মামীকে যা দাও, তা আলাদা,—তবে মুষ্কচাঁদ ধুধুরিয়া! তা নইলে বাবা যে ভজহরি, সেই ভজহরি! পোষাক, ঘড়ী-ঘড়ীর চেন, হীরের আংটা তো তোমায় দিতেই হবে, আমি খালি গৌপে তা দিয়ে থাকবো, বোধ হয়, এ থেকে এক পোয়া আতর নিতে পারি।

রমেশ। আচ্ছা, চারটে টাকা নাও।

ভজ। চার টাকার মতনও কাজ আছে; রামেশ্বর, বন্ধিনাথ সাজতে বল, ছুটাকাই বায়না নিচ্ছি। মুষ্কচাঁদ ধুধুরিয়া জমীদার, যোল রুপেয়া নজর লেয়াও।

কাদ্রালী। আচ্ছা, আটটা টাকা নে।

ভজ। বকো মং বেকুব, হাম নিদ যায়, জমীদারকা মাত হড়ুবড়াতে হো?

রমেশ। আচ্ছা আমার সঙ্গে এস, আমি যোল টাকাই দিচ্ছি।

ভজ। এ তো বায়না, আসলের বন্দোবস্ত কি বলুন? আমি বেশী চাই নি, লক্ষ্মোয়ের পুঁটিয়া বলে আমার একটা মেয়েমাছ আছে, সে বেটা টাকার জন্তে আমায় তাড়িয়েছে, শ-তুই টাকা নইলে ফের ঢুকতে পারবো না, এই ছুশো, রেল ভাড়া, আর আমায় কি দেবে?

রমেশ। আচ্ছা, তার জন্ত আটক খাবে না।

ভজ। জমীদারীর চাল-চুল সব ঠিক পাবেন, মোচনে তা চড়ায়গা এমাই, পায়ের ফেলেগা এমাই, বাত করেগা হো হো, যেসাই বেকুবি মাদ্দো ওতাই বেকুবি হায়। গাধাধাকা মাকিক কলম পাক্ড়েগা উন্টা, কাগজ উন্টারি লেলেগা, জমীদার লোক যেসো বেকুব হোতা. ওসাই বন্ বাগা, কুচ পরোয়া নেই, রোপেয়া লেয়াও।

রমেশ। তোমায় যে গোটাকতক কথা শেখাব।

(টাকা প্রদান)

ভজ। বাবু, আজ রাখে মদটা ভাঙটা খাবো, সব

কথা কি মনে থাকবে, কাল টাটকা টাটকা বলে দেবেন, কাজ করতে করে দেব,—বাস!

[ভজহরির প্রস্থান।

রমেশ। এ ছোকরা চলাক আছে।

কাদ্রালী। তা খুব!

ভজ। বাবা, আমাদের বন্দোবস্ত কি ক'লে? একখানা বাড়ী আর দশ হাজার টাকা লিখে দিতে চেয়েছ, সেটাও অমনি এক সঙ্গে সেরে ফেলে হয় না?

রমেশ। তার জন্ত ভাবনা নেই, তার জন্ত ভাবনা নেই, সে হবে, হবে।

[রমেশের প্রস্থান।

ভজ। ষ্টুপিড্কে এত দিন ধরে যে বলছি, বাড়ীখানা লিখে নে, হাতে থাকতে থাকতে কাজ গুছিয়ে নে, কাজ রকা হ'য়ে গেলে তোমার মুখে ঝাড়ু দিয়ে বিদায় ক'ববে।

কাদ্রালী। না, তার যো কি; আজ না হয় কাল, কদিন ভাঁড়াবে?

ভজ। আচ্ছা, দেখি আর দিন কতক, তোর বুদ্ধি শুনেই চলি; যদি ফাঁকি পড়ি, তোকেও ধরিয়ে দেব, ওকেও ধরিয়ে দেব, আমি বাদশাজাদীর সাক্ষী হব, তা না হয়, ক'জনেই জেলে যাব; খেটে মরবো। বুদ্ধি দেব আর ফাঁকে পড়বো, সে বান্দা আমি নই; তুই ষ্টুপিড্ তখন দেখবি। ভজার ঘটে বা বুদ্ধি আছে, তোর তা নাই।

কাদ্রালী। আরে ঠকাবে না, ঠকাবে না।

ভজ। আমি তোমাদের ছ'জনকে বাঁধিয়ে দেব, এই আমার কথা। বিধাতা মরে না, দেখতে পেলে তার মুখে আগুন জেলে দিই! এমন গৌরার মুখের সঙ্গে আমায় জুটিয়েছে! আমার কতক যুগিয়া রমেশ।

কাদ্রালী। চল চল, ক্ষিদে পেয়েছে।

ভজ। পিণ্ডি খাবি যা, আমি চল্লুম মদনমোহনের বাড়ী, আজ শুনেছি কি ভাল দিন আছে, দেখি যদি বোঁটা মদনমোহন দেখতে যায়, তা হলে পেছ পেছ গিয়ে বাসার সন্ধান করবো, নয় তো আবার কাল ভোরে গঙ্গার ঘাট খুঁজতে হবে।

কাদ্রালী। আচ্ছা, ওদের খুঁজিস কেন? তারা যেখানে হয় থাকুক না, তোর কি?



জগ। এ কাজটা চল্লিশ হাজার টাকার কাজ, তুই কি বুঝবি? আমি যা খুসি করি, তুই বকাননি।

কান্দালী। যা মর্গে যা, আমার ক্ষিদে পেয়েছে।

[উভয়ের উভয় দিকে প্রস্থান।]

তৃতীয় পর্ভাঙ্ক

ভয়গৃহ

যোগেশ ও জ্ঞানদা।

যোগেশ। কি বাবা, এখানে পালিয়ে এসেছ? আমার সঙ্গে লুকোচুরি,—কেমন ধরেছি? ভালমাহুষের মতন চাবিটি বাঁর করে দাও, আজ ছুঁদিন আর বেটারা মদ খেতে দেয় না।

জ্ঞানদা। তুমি আবার কি ক'ত্তে এসেছ? ছেলেটা কি ক'রে উপোস ক'রে মরছে, তাই দেখতে এসেছ?

যোগেশ। আমি কিছু দেখতে শুন্তে আসি নি, মদ ফুয়িয়েছে, মদ চাই, টাকা বাঁর করে দাও, স্ফুঁ স্ফুঁ চলে যাচ্ছি। কারুর মুখ দেখতে চাই নি, কারকে মুখ দেখাতে চাই নি, চুকু চুকু মদ খেতে চাই, বাস!

জ্ঞানদা। তোমার একটু লজ্জা হয় না? মাগছেলে অন্নভাবে মরে, বার বাড়ী ভাড়া, সে আজ বাদে কাল ভাড়ার জন্তে তাড়িয়ে দেবে; বাড়ী বেচা তিনশো টাকা ছিল, তা চুরি ক'রে নিয়ে গিয়েছ, আর কোথায় কি পাব, কি নিতে এসেছ? ধিক্—তোমার ধিক্!

যোগেশ। ধিক্ একবার—ধিক্ লাখবার! আমাকে ধিক্, তোমাকে ধিক্, মাকে ধিক্, যদোকে ধিক্, আর যে যে আছে, সবাইকে ধিক্, ধিক্ বলে ধিক্, ডবল ধিক্! কেমন বাবা, ধিকের ওপর দিয়েই একটা ছড়া বেঁধে দিলেম। নাও, বাপের স্পুঞ্জ হ'য়ে বাস্কাটি খোলো।

জ্ঞানদা। ওগো, একটু হ'স কর; কোথায় দাঁড়াব, তার স্থল নাই। আগামী বাড়ী ভাড়া দেবার কথা, দিতে পারি নি, কখন তাড়িয়ে দেয়, ছেলেটা আধ পয়সার মুড়ি খেয়ে আছে, তোমার কি দয়া-মায়ী নাই? পাখীতেও যে ছেলের আদার বোটা। ঘরে চা'ল নাই, এখনি যেনো ক্ষিদে

পেয়েছে বলে আসবে, তুমি টাকা চাইতে এসেছ, তোমার লজ্জা নাই?

যোগেশ। বড় লম্বা লম্বা কথা ক'চ্ছো যে? কিসের লজ্জা! লজ্জা থাকলে কেউ জুচ্চুরি করে? লজ্জা থাকলে কেউ মদ খায়? লজ্জা থাকলে কেউ ভিক্ষা করে? আজ তিন দিন ভিক্ষা ক'রে মদ খাচ্ছি, একটা ছোলা দাঁতে কাটি নি, একটা পয়সার জন্ত রাস্তার লোকের কাছে হাত পাতছি, আবার লজ্জা দেখাচ্ছ? তবে আর কি, কিসের লজ্জা? নিয়ে এস, টাকা নিয়ে এস!

জ্ঞানদা। বকো, আমি চল্লিশ।

যোগেশ। যাবে কোথা? টাকা বাঁর কর; না বাঁর ক'ত্তে পার, চাবি দাও, আমি বাঁর ক'রে নিচ্ছি; ঐ যে বাস্কা রয়েছে, আমি ভেঙ্গে নিতে পারবো।

জ্ঞানদা। কি কর, কি কর? আজ যে ভাড়া দিতে হবে, নইলে বাড়ী থেকে তাড়িয়ে দেবে। আমি বাসন বাঁধা দিয়ে তিনটে টাকা এনেছি, ছুটা ঘর ভাড়া ক'রে আছি, দূর ক'রে তাড়িয়ে দেবে, রাস্তায় দাঁড়াতে হবে।

যোগেশ। তা আমার কি? কেউ আমার মুখ চেয়েছিলে? কেউ আমার মুখ চাচ্ছ? আমি এই যে রাস্তায় রাস্তায় ভিক্ষা ক'রে বেড়াচ্ছি; বিষয় চিনেছিলে, বিষয় নিয়ে থাকো। কেমন ঠকিয়ে নিয়েছে! হা, হা, হা! ছেড়ে দাও বলছি—

জ্ঞানদা। ওগো, একটু বোকো, তোমার পায়ে পড়ি, একটু বোকো।

যোগেশ। ছেড়ে দাও বলছি, ভাল চাও তো ছেড়ে দাও, নইলে খুন ক'রবো।

জ্ঞানদা। খুন ক'রবে কর, আপদ চুকে যাক্।

যোগেশ। বটে রে হারামজাদী! (পদাঘাত)

জ্ঞানদা। ও বাবা রে!

যোগেশ। এখনও ছাড়লিনি? ছাড় হারামজাদী— ছাড়।

[গলাধাক্কা দিয়া বাস্কা কাড়িয়া লইয়া প্রস্থান।]

(বাড়ীওয়ালীর প্রবেশ)

বাড়ী- ওগো বাছা, ভাড়া দাও। ওগো, কথা ক'ছো না যে? বাছা, ভাল চাও তো ভাড়া দাও—নইলে আমি

জার বাড়ীতে জায়গা দিতে পারবো না। আমি পতিপুত্রহীন, এই ঘর-ছটা ভাড়া দিয়ে খাই—ও মা, তুমি কেমন ভাল-মাহুষের মেয়ে গা? যেন কে কাকে বলছে; রাজরাণী শুয়ে ঘুমুচ্ছেন; ও মা, এ যে সিটকে মিটকে রয়েছে, মৃগী রোগ আছে নাকি? ও মা, এমন লোককে ভাড়া দিয়েছি, খুনের দায়ে পড়বো নাকি।

জানদা। ও মা!

বাড়ী। কি গো কি, তোমার কি হয়েছে?

জানদা। কিছু হয় নি বাছা।

বাড়ী। না হ'য়েছে নেই নেই, এক দিনের ভাড়া দিয়ে তুমি উঠে যাও; কোন্ দিন দাঁত ছিব্বুটে ম'রে থাকবে, আমার হাতে দড়ি পড়বে।

জানদা। মা, আমার হাতে কিছুই নেই, আমার ছেলে আহুক, নিয়ে চ'লে যাব।

বাড়ী। হ্যাঁ গা, তুমি কেমন জোচ্চোরণী গা? এই যে থালা ঘটা বাঁধা দিয়ে ধার ক'রে নিয়ে এলে, আমার ভাড়া দাও বাছা, ভাড়া দিয়ে চ'লে যাও, জুচ্চুরির আর জায়গা পাওনি?

জানদা। ওমা, আমি যা এনেছিলেম, ঠাণ্ডা নিয়ে গেছে, ঘটা-বাটা যা আছে, তুমি বেচে নিও, আমি ছেলেটি এলেই চ'লে যাচ্ছি।

বাড়ী। ওমা, ঘটা-বাটা তো চের, ভালা জোচ্চোরের পালায় পড়েছিলেম; তাই চ'লে যেয়ো বাছা, চ'লে যেয়ো।

[বাড়ীওয়ালীর প্রস্থান।]

(যাদবের প্রবেশ)

যাদব। মা, তুমি কাঁদছো কেন?

জানদা। যাদব, চল, এখানে আর আমরা থাকবো না।

যাদব। কোথা' যাব মা?

জানদা। কালীঘাটে যাব, চ' যাবি?

যাদব। ক্ষিদে পেয়েছে, ভাত খেয়ে যাব।

জানদা। না, সেইখানে গিয়ে থাকবে।

যাদব। আজ ভাত কি নেই?

জানদা। না, আজ রাঁধি নি।

যাদব। পথে চ'লতে পারবো না, বড্ড ক্ষিদে পাবে; আর এক পয়সার মুড়ি কিনে দিও।

জানদা। হা ভগবান, অদৃষ্টে এই লিখেছিলে! ভিক্ষে ক'ত্তেও যে জানি নি, কোথায় যাব, কোথায় দাঁড়াব!

(প্রফুল্লর প্রবেশ)

যাদব। কাকীমা এয়েছে, কাকীমা এয়েছে—

প্রফুল্ল। দিদি! যাদব, যা তো, এই সিকিটে নিয়ে যা, খাবার কিনে আন, আমরা খাব।

যাদব। ও মা, দেখ মা দেখ, খাবার কিনে আনি গে মা।

জানদা। যাও বাবা, যাও।

[যাদবের প্রস্থান।]

প্রফুল্ল। দিদি! তোমার এমন দশা হয়েছে দিদি?

জানদা। মেজবোঁ, তুমি কেমন ক'রে এলে?

প্রফুল্ল। আমার পাঠিয়ে দিলে;—ব'লে, তোমাদের বড় ছুখ হ'য়েছে, ওদের নিয়ে আয়। দিদি, এখন আমি মিছে কথা শিখেছি, আমি নিয়ে আসছি ব'লে এসেছি, কিন্তু দিদি, তোমাদের নিয়ে যাব না; কি তার মতলব আছে। আমি তোমাদের বলতে এসেছি, নিতে এলে খবরদার যেয়ো না; সেই ডাইনী মাগী আর এক মিসেস ডা'ন, "বেদো বেদো" ব'লে কি ফুসফুস করে, আমার বুক শুকিয়ে যায়; খবরদার দিদি, তোমাদের নিতে এলে যেয়ো না!

জানদা। বোন, তোমার কাছে আমার একটি মিনিতি আছে, তুমি একদিন যাদবকে পেট ভ'রে খাইয়ে পাঠিয়ে দিও, তারপর আমি গলা টিপে মেরে ফেলবো। একদিন যদি পেট ভ'রে খাওয়াতে পারি, আমি ওকে মেরে ফেলে জলে গিয়ে ডুবি। আজ তিনদিন এক বেলাও পেট ভ'রে খেতে দিতে পারি নি; রাত্রে একটু ফেন খাইয়ে শুইয়ে রাখি! বোন, আমার আর কিছু ফোভ নাই। আমি মহাপাতকী, কার বাড়ী ভাতে ছাই দিয়েছিলেম, তাই এ দশা হয়েছে; কিন্তু হুধের ছেলে ক্ষিদেয় ছট্‌ফট্‌ করে, এ যাতনা আর দেখতে পারি নি, আজ আমাকে বা'র ক'রে দিয়েছে, ভাড়া দিতে পারি নি, রাখবে কেন? মনে করেছিলেম, ভিক্ষা ক'রে ছুটি খাইয়ে জলে গিয়ে উলুবো; আমি বেরিয়ে যাচ্ছি, আর তুমি এলে।

প্রফুল্ল। দিদি, তুমি কেঁদো না, আমার এ গয়নাগুলি নাও, এ বেচে কিনে চালাও। আমি তোমার সঙ্গে থাকতুম,

নাকে দেখবার কেউ নাই, না খাইয়ে দিলে খায় না, কি করবো, আমার ফিরে যেতে হবে। তুমি এগুলি নাও, আমি আবার এসে যেখান থেকে পাই, টাকা দিয়ে যাব।

জ্ঞানদা। বোন, তোমার গহনা নিয়ে আমি কি করবো? এ তো থাকবে না, আমার স্বামী আমার শত্রু! সে দিন বাড়ীবেচা তিনশো টাকা বাক্স ভেঙ্গে চুরি করে নিয়ে গেল; আজ বাসন বাঁধা দিয়ে ঘরভাড়ার টাকা এনেছিলেম, লাথি মেরে কেলে দিয়ে কেড়ে নিয়ে গেল।

প্রফুল্ল। দিদি, তুমি কি আমার পর ভাবছো? আমি তোমার পর নই, আমি তোমার সেই ছোট বোন; আমার পেটের ছেলে নাই, যাদব আমার ছেলে, আমার যা আছে, সব যাদবের। আমি যাদবের জিনিষ যাদবকে দিচ্ছি, তুমি কেন নেবে না দিদি?

জ্ঞানদা। মেজবো, পর ভাবি নি, আমি কি ছিলেম, কি হয়েছি! আমার বাড়ীর যে সব সামগ্রী কুকুর-বেড়ালের খেয়ে অরুচি হ'য়েছে, সে আমার যাদব খেতে পায় না, যে স্বামী আমার মুখে রোদের আঁচ লাগলে কাতর হ'ত, সে আমার লাথি মেরে কেলে গেল; যে কাপড় সলতে পাকাতুম, সে কাপড় যাদবের নেই; কখনও চন্দ্র সূর্য্য মুখ দেখে নাই, আজ নিরাশ্রয় হ'য়ে পথে চলেছি—

(যাদবের পুনঃ প্রবেশ)

যাদব। কাকীমা, কাকীমা, বাবা হাত মুচড়ে সিকি কেড়ে নিয়ে গেল।

জ্ঞানদা। দেখ বোন—দেখ, আমার অদৃষ্ট দেখ! আমি কোথায় যাব, স্বামী কার শত্রু হয়? ভগবান কেন আমার এ পেটের বালাই দিয়েছেন, আমার কি মরণ নাই?

প্রফুল্ল। দিদি, তুমি কাঁদছো কেন? অমন ক'চ্ছ কেন?

জ্ঞানদা। কে জানে ভাই, আমার শরীর কেমন ক'চ্ছে, আমি কিছু দেখতে পাচ্ছি নি। (উপবেশন)

(বাড়ীওয়ালীর পুনঃ প্রবেশ)

বাড়ী। হ্যা গো, এখনও ঘরে রয়েছ, এখনও বেরোও নি?

প্রফুল্ল। কে মা তুমি? তোমার কি এই বাড়ী? তুমি

কি ভাড়ার জন্ত বলছো? কত ভাড়া হ'য়েছে বল, আমি দিচ্ছি।

বাড়ী। এ তোমার কে গা?

প্রফুল্ল। আমার জা।

বাড়ী। আহা, তোমার জা, ওর এমন দশা কেন গা?

প্রফুল্ল। ওগো বাছা, সে চের কাহিনী! তুমি আমার মা, আমার দিদিকে আর ছেলেটিকে যদি যত্ন কর, তুমি বাছা বা চাও, আমি তাই দিই!

বাড়ী। হ' হ' বড়লোকের ঘরের মেয়ে, তা বুঝতে পেরেছি। কি করবো বাছা, কড়ি নেই, এই ঘর ছুটি ভাড়া দিয়ে খাই, তা নইলে কি ভালমাহুষের মেয়েকে বাড়ী থেকে তাড়িয়ে দিই?

প্রফুল্ল। তা বাছা, তুমি এই হারছড়া রাখ, এই বাঁধা দিয়ে খরচপত্র চালিও; আমার সঙ্গে এস, আমি আমাদের বাড়ী দেখিয়ে দেব, টাকা ফুরালেই এক একখানা গহনা দেব, তুমি বেচে চালিও।

বাড়ী। হ্যা বাছা, আমার কাছে কেন রেখে যাচ্ছ? তোমাদের বাড়ী কেন নিয়ে যাও না, আমি কোথায় গহনা বাঁধা দেব, কে কি বলবে, আমি কাপাল মছব, আমি অত পারব না।

প্রফুল্ল। ওগো, বাড়ী নিয়ে যাবার যো নাই! আচ্ছা তোমায় আমি টাকা দেব।

বাড়ী। বাছা, আমি কিছু বুঝতে পাচ্ছি নি, তুমি ভাড়া দাও বাছা; তোমার দিদির কাছে টাকা দিয়ে যাও, এনে নিয়ে দিতে হয়, আমি দিতে পারবো।

জ্ঞানদা। মেজবো, বোন, তুমি কেন অমন ক'ছো? আমার দিন ফুরিয়েছে, আমি আর বাঁচবো না, যেদোর যদি কিছু ক'তে পার, দেখ।

যাদব। কেন মা, কেন তুই বাঁচবি নি? ও মা, বলি নি মা, আমার ভয় করে।

জ্ঞানদা। মেজবো, প'ড়ে গিয়ে বুকে লোগেছে, আমার দম আটকাচ্ছে।

প্রফুল্ল। ওগো বাছা, তুমি একজন ডাক্তার ডেকে আন না।

বাড়ী। না বাছা, আমি ক'ব রেজ ডাক্তার পারবো না। ঘরে ম'লে আমার ঘর ভাড়া হবে না, তোমাদের খুদ

বিদায় কর। ও মা, মুখ দিয়ে রক্ত উঠছে যে গো, ওঠো গো ওঠো; ম'ত্তে হয় রাত্তায় গিয়ে মর।

প্রফুল্ল। হ্যাঁগা বাছা, তোমার দয়া নাই? মাহুষ মরে, তুমি তাড়িয়ে দিচ্ছ?

বাড়ী। না বাছা, আমার দয়া-মায়া নাই। ঘরে ম'লে আমার ঘর ভাড়া হবে না, আমি ভাড়া চাইনি বাছা—তোমরা বিদায় হও।

প্রফুল্ল। ও বাছা, তুমি যা চাও, তাই দিচ্ছি, তাড়িও না বাছা! আমি তোমায় সব গয়না দিয়ে যাচ্ছি।

বাড়ী। হ্যাঁ হ্যাঁ তোমার গয়না নিয়ে আমি বাধা যাই।

প্রফুল্ল। কোথায় নিয়ে যাব, কি সর্পনাশ হ'ল!

জ্ঞানদা। মেজবৌ, তুই ভাবিন্ নি, আমি মেরে উঠেছি, আমার গা ঝিম্ ঝিম্ ক'চ্ছিল, মেরে গিয়েছে, তুই বাড়ী যা।

প্রফুল্ল। দিদি, কি হবে দিদি? কই দিদি, তুমি তো মার নি, তুমি যে এখনো কাঁপছো।

জ্ঞানদা। না বোন, তোর ভয় নেই, আমার অমন হয়, ঠাকুর পাগল মাহুষ, একলা আছেন, তুই দেখ্ গে যা; তোর ঠেয়ে যদি টাকা থাকে, আমায় দিয়ে যা।

প্রফুল্ল। হ্যাঁ দিদি, মেরেছ তো? আমি তবে যাই, এই নাও; (টাকা দিয়া) তবে আসি দিদি। আমি পাড়ার বেহারাদের দিয়ে তোমায় টাকা পাঠিয়ে দেব, সর্দারকে বলে দেব, তোমার রোজ খবর নেবে।

জ্ঞানদা। এস বোন, এস।

[পদধূলী লইয়া প্রফুল্লর প্রস্থান।

বাড়ী। হ্যাঁগা, তুমি চোখ্ টিপলে বে? ওকে তো বিদায় ক'লে, আমি বাছা তোমায় রাখতে পারবো না।

জ্ঞানদা। আমি যাচ্ছি মা, তোমায় কি ভাড়া দিতে হবে?

বাড়ী। আমি এক পয়সা চাই নি বাছা, তুমি বিদায় হও।

জ্ঞানদা। এই নাও একটি টাকা নাও, আমি পাঁচ দিন এসেছি; তুমি যাও, আমি বাসন-কোসন নিয়ে বেরুচ্ছি।

বাড়ী। নাও, শীগ্গির নাও, ঐ দোপা-পাড়ার ভেতর খোলার ঘর আছে, সেইখানে গিয়ে থাক' গে।

[বাড়ীওয়ালীর প্রস্থান।

জ্ঞানদা। যাদব—যাদব, কাঁদিস্ নি—চল্। মা

ভগবতি! তোমার মনে এই ছিল মা? আশ্রয়হীন ক'লে? শরীরে বল নাই, রাত্তায় চলতে চলতে পথে পড়ে ম'রে থাকবো, মুদকরাশে টেনে ফেলে দেবে, এ অনাথ বালক কোথায় যাবে? লক্ষ্মীর কথায় শুনেছিলেম, আপনার ছেলেকে খাওয়াবার জন্তে সাপ রেখেছিল, আমারও তাই ইচ্ছে হ'চ্ছে, আমি ম'লে এর দশা কি হবে।

[সকলের প্রস্থান।

চতুর্থ গর্ভাঙ্ক

রমেশের ঘর

রমেশ ও জগমণি।

রমেশ। প্রফুল্ল আনতে পারলে না।

জগ। আমার ওকে আর বিশ্বাস হয় না, ও তেমন শাদাটি আর নেই। আমি যোগাড় ক'রে রেখেছি, মদনাকে তার বাড়ীর দোর-গোড়ায় পাহারা রেখেছি, ছেলেটা বেরুবে, আর ভুলিয়ে নিয়ে আসবে। ছেলে হাতে হ'লেই হ'ল, বোকে তো আর দরকার নাই।

রমেশ। বোকে দরকার আছে বৈ কি। পীতাম্বরে বেটা শুন্ছি আসছে; সে বেটা এসেই একটা ছাপাম বাধাবে, তার সন্দেহ নাই।

জগ। তা ছেলেকে আনতে পারলে বোকে হাত করা শক্ত হবে না; ছেলেটা খেতে পায় না, খাবার দাবার দিয়ে ভুলিয়ে রাখা যাবে, বোটাকে ছেলে দেখাবার নাম ক'রে আনা যাবে। একটা ভাবছি, বোটা থাকলে ছেলেটাকে মারা মুঞ্চিল, সে পরের কথা পরে, বাড়ী তো এনে প'য়ো; আমি চল্লম, রাত হয়েছে।

রমেশ। আমারও বেরুতে হবে। মা রাহে বে চেঁচায়, বাড়ীতে থাকতে ভয় করে।

জগ। তুমি তো বাগানে যাবে? আমার অমনি নাথিয়ে দিয়ে যেও না।

[উভয়ের প্রস্থান।

(প্রফুল্লর প্রবেশ)

প্রফুল্ল। আমি যা ঠাউরেছি, তাই; ছেলে এনে মেরে ফেলবে! খুদকুঁড়ো খেয়ে বেঁচে থাকুক, আমি তারে ছব-বি

থাওয়াতে চাই নি, প্রাণে বেঁচে থাকুক, পরমেশ্বর করুন, প্রাণে
বেঁচে থাকুক!

(স্বরেশের প্রবেশ)

স্বরেশ। সেজ, মা কোথা?

প্রফুল্ল। ঠাকুরপো, তুমি কোথেকে এলে?

স্বরেশ। আমি রাত্রিবেলা যে দিক্ দে বাড়ী সঁধুতেম,
সেই দিক্ দে সেই পাঁচিল টপ্কে এসেছি।

প্রফুল্ল। ঠাকুরপো, তুমি যেদোকো বাঁচাও।

স্বরেশ। তারা কোথায়?

প্রফুল্ল। আজডায় বেয়ারাদের জিজ্ঞাসা কর, আমার
পাড়ী ক'রে সেখানে নিয়ে গিয়েছিল, তুমি যেদোকো নিয়ে
পালিয়ে যাও।

স্বরেশ। এত রাতে তো বেয়ারাদের দেখা পাব না?

প্রফুল্ল। তবে কা'ল সকালে খবর নিও।

স্বরেশ। তাই নে'ব; মা কোথায়?

প্রফুল্ল। শুয়ে আছেন।

স্বরেশ। তুমি এত রাতে জেগে ব'সে আছ যে?

প্রফুল্ল। তিনি ঘুমুতে ঘুমুতে ওঠেন।

স্বরেশ। তা তুমি মা'র কাছে না থেকে এখানে র'য়েছ
যে? যদি আর এক দিক্ দে চ'লে যান?

প্রফুল্ল। না, তিনি এই ঘরেই আসবেন, যখন জেগে
থাকেন, যেন ছেলেমাছ হন, যেন নূতন খশুরঘর ক'ন্তে
এসেছেন, আমার মনে করেন, তাঁর বাপের বাড়ীর ঝি।
এই থাওয়ালেম, তখনি ভুলে যান,—বলেন, “ঝি, ঠাকুরণ কি
আজ আমার খেতে দেবেন না?” আর ঘুমন্ত যেন সেই
গিন্নী, কি বলেন, আমি কিছুই বুঝতে পারি নি। ঐ দেখ,
আসছেন, চক্ষের পল্লব পড়ছে না। মনে ক'চ্ছ জেগে
আছেন, তা নয়, ঘুমুচ্ছেন।

(উমাসুন্দরীর প্রবেশ)

উমা। সেই কর, সেই কর, মদ খাস্ খাবি; আমার বিষয়
থাকুক, আমার বিষয় থাকুক, সেই করবি নি? রমেশ, রমেশ!
ওকে খুন ক'রে ফেল্। ওহো! আমার ধর্মের ঘরে পাপ
সে'ধিয়েছে, আমার ধর্মের ঘরে পাপ সে'ধিয়েছে!

স্বরেশ। ওমা, মা, আমি যে তোমার স্বরেশ।

উমা। শীগ্গির রেজেটারি ক'রে নে, শীগ্গির রেজেটারি

ক'রে নে, ভাঙ,—ভাঙ, পাথর ভাঙ; আমার সব ফুলো!
গড় গড় গড় গড়, এই বৃন্দাবনে এয়েছি।

প্রফুল্ল। ও মা, অমন ক'চ্ছ কেন মা? ঠাকুরপো
এসেছে, দেখ না মা!

উমা। উঃ! বৃন্দাবনে কি অন্ধকার! খালি ধোঁয়া
খালি ধোঁয়া, কিছু দেখবার যো নেই! গড় গড় গড় গড়
—ভাঙ, পাথর ভাঙ, পাথর ভাঙ, বুক যায়, বুক যায়!

(মূর্ছা)

প্রফুল্ল। এমনি মূর্ছা যান; আমি ধরি, আমাকে নিয়ে
পড়েন। এই দেখ না, আমার সর্কীপ খেঁতো হ'য়ে
গিয়েছে।

স্বরেশ। ও মা, মা! আমি যে স্বরেশ মা, কেন অমন
ক'রছ? ও মা, ওঠো মা, আমি যে স্বরেশ; মা, এই দেখতে
কি আমার গর্ভে ধ'রেছিলে? এই দেখতে কি আমার
বুকচিরে রক্ত দিয়ে বাঁচিয়েছিলে? হায় হায়! এই
দেখতে কি আমি জেল থেকে বেঁচে এলেম! মা গো, আর
যে নয় না মা!

উমা। ও ঝি—ঝি! এত বেলা হ'ল, আমার কিছু
খেতে দিবি নি? আমি অপাট করেছি, তাই বুঝি ঠাকুরণ
খেতে দেবে না?

স্বরেশ। ও মা, মা, আমার চিন্তে পারছ না? আমি
যে তোমার স্বরেশ, দেখ মা!

উমা। ও ঝি, খশুর মিন্দের আক্কেল দেখেছিল, স'রে
খেতে বল; আমি কি সেই ছোট বোট আছি, যে কোলে
ক'রে নিয়ে বেড়াবে?

প্রফুল্ল। মা, ঠাকুরপোকে চিন্তে পারছো না? চেয়ে
দেখ না, ঠাকুরপো ফিরে এসেছে।

স্বরেশ। ও মা, মা গো! একবার কথা কও, বুক ফেটে
যাচ্ছে মা!

উমা। স'রে যেতে বল, স'রে যেতে বল, এখন আমি
বুড়ো মাগী হয়েছি, এখন আমার আদর করা কি? বলি নি
—বলি নি? আমি চল্লম, আমি চল্লম; ওহো হো হো
হো! বুক যায়, বুক যায়, বুক যায়!

[সকলের প্রধান।

পঞ্চম গর্ভাঙ্ক

রাত্তা

জৈনক মাতাল ও যোগেশ।

যোগেশ। কি বাবা, কাজ গুছিয়েছ, আর মদ দেবে না?

মাতাল। আর মদ কোথায় পাব, কাপ্তেন ঘাল হ'ল, আর মদ কোথায় পাব?

যোগেশ। যেওনা, শোন, একটা কথা শোন,—একজন যোগেশ ছিল, সে তোমাদের ছুঁতো না, তোমাদের মুখ দেখলে নাইতো। তার একটি স্ত্রী ছিল, দেখলে প্রাণ ছুঁড়াতো, একটি ছেলে ছিল, তারে কোলে নিত, চুমো খেতো। দিন গেল, দিন ফুরুলো, আবার একজন যোগেশ হ'ল! বলে যোগেশ, যোগেশ কি না কে জানে; এ যোগেশ কে, তা জান? স্ত্রীর বাড়ী-বেচা টাকা নিয়ে পালান, স্ত্রীকে লাগি মেরে ফেলে দিয়ে বাস্তু নিয়ে চলে এলো; ছেলেটার হাত মুচড়ে পয়সা কেড়ে নিলে, প্রাণে একটু লাগলো না। কারকে সে চায় না; বলতে পার, কোন্ যোগেশ আমি? সে কি এ?

মাতাল। ছেড়ে দে, ছেড়ে দে।

[মাতালের প্রস্থান।]

যোগেশ। আচ্ছা যাও। কোন্ যোগেশ আমি, সে কি এ!

(জৈনক লোকের প্রবেশ)

ওহে, একটা পয়সা দাও না, একটা পয়সা দাও না।

[লোকের পশ্চাৎ পশ্চাৎ যোগেশের প্রস্থান।]

(শিবনাথ ও ভজহরির প্রবেশ)

শিব। স'রে যা, স'রে যা, গায়ের ওপর পড়িস্ নি।

ভজ। ক্যা তোম হামকো পছান্তা নেই? হাম মুলুক-চাঁদ ধুরিয়া জমীন্দার।

শিব। এ পাগল নাকি?

ভজ। পাগল নয় ম'শায়, পাগল নয়, স্বরেশ বাবু কোন্ বাড়ীতে থাকেন, বলতে পারেন? স্বরেশ ঘোষ, স্বরেশ ঘোষ; এখানে কোন্ শিবনাথ বাবুর বাড়ী থাকেন।

শিব। স্বরেশ বাবুকে কি দরকার?

ভজ। হাম উল্লা মহাজন হায়, জমীন্দার; মোচ্ দেখকে সমজাতা নেই? ম'শায়, শিবনাথ বাবুর বাড়ী বলতে পারেন?

শিব। আমার নাম শিবনাথ; তোমার স্বরেশ বাবুর সঙ্গে কি কাজ?

ভজ। শুহুন না, বুঝতেই তো পেরেছেন, আমার কোন' পুরুষে জমীন্দার নয়; স্বরেশ বাবুর ভাই রমেশ বাবু আজ আমায় জমীন্দার ক'রেছেন। আমি যোগেশ বাবুর বিষয় বাঁধা রেখেছিলেম, সে বিষয় রমেশ বাবুকে লিখে দিয়ে রেজেষ্টারী ক'রে এলেম; হাম জমীন্দার হায়, সপ্তচর পরগণা হামারা হায়।

শিব। তুমি জমীন্দার?

ভজ। জমীন্দার নেই? রেজেষ্টার লিখলিয়া জমীন্দার। ও ম'শায়, আপনি বুঝতে পারবেন না—শাদা লোক, স্বরেশ বাবুর কাছে নিয়ে চলুন; তিনি না বুঝতে পারেন, একটা উকিল ডাকুন, আমি বুঝিয়ে দিচ্ছি। রমেশ বাবু ফাঁকি দিয়েছে, বাজার-রাষ্ট্র কথা,—এ কথা শোনেন নি? আমাকে জমীন্দার সাজিয়েছিল।

শিব। বুঝেছি বুঝেছি, আমার সঙ্গে এস।

ভজ। ক্যা—জমীন্দার এসা যাগা? সোয়ানী লেয়াও; তোম ক্যায়সা দেওয়ান? তোমকো বরতরফ করে গা।

শিব। তুমিও তো এ জুচ্চুরির ভেতর আছ? আমরা নাগিশ ক'লে তোমারও তো মেয়াদ হয়?

ভজ। অত দূর ক'বুবেন কেন, আমায় নিয়ে রমেশ বাবুর কাছে হাজির হ'লেই তাঁর গা শিউরে উঠবে, লিখে দিতে পথ পাবেন না; চলুন না, আমি বাগিয়ে সব ঠিক ক'রে দিচ্ছি।

শিব। তুমি যদি শেষ পেছোও?

ভজ। পেছোবো তো এগিয়েছি কেন? অবিশ্বাস হয়, একটা উকিল ডেকে এফিডেভিট (affidavit) করিয়ে নাও না; আর আমি আগে তো এক পয়সা চাচ্ছি নি, তোমাদের বিষয় পাইয়ে দিই, আমায় কিছু দিও, তোমরাও স্থখে স্বচ্ছন্দে থেকো, আমিও পুঁটিয়াকে নিয়ে থাকুবো।

শিব। আচ্ছা, তুমি এস।

[উভয়ের প্রস্থান।]

(জ্ঞানদা ও যাদবের প্রবেশ)

জ্ঞানদা। যাদব, এক কথা বলি শোন, এই চারটে টাকা বেশ করে বেধে নে, কেউ চাইলে দিস্ নি, কারুকে দেখাস্ নি, দোকানে বা ইচ্ছা হয় লুকিয়ে বা'র করে কিনে খাস্। আর এখন এই হু' আনার পরসান নে, দোকান থেকে কিছু খাবার কিনে খেগে, আমি এইখানে ব'সে থাকি।

যাদব। কেন মা, তুমি এস না, তুমিও ত খাও নি মা।

জ্ঞানদা। আমি খেয়েছি বৈ কি।

যাদব। অমন হাঁপাচ্ছ কেন মা?

জ্ঞানদা। হাঁপিয়েছি, তাই তো ব'সে আছি, তুই যা।

যাদব। মা, তোরে জল এনে দেব মা?

জ্ঞানদা। না বাছা, তুমি যাও, খাও গে।

[যাদবের প্রস্থান।]

এই তো আসন্নকাল উপস্থিত, অদৃষ্টে যা ছিল হ'ল, ম'লেই ফুরিয়ে যাবে! যেদোর কি হবে, আর দেখতে আসবো না, আজ তো বাছা খেতে পাবে!

(যোগেশের প্রবেশ)

যোগেশ। কোথাও তো কিছু হ'ল না, এই চারটে পরসান পেয়েছি, এক ছটাক মদ দেবে। এ কে, জ্ঞানদা প'ড়ে নাকি?

জ্ঞানদা। তুমি এসেছ! আমার মৃত্যুকাল উপস্থিত, একটা কথা শোন; আমার মার্জনা কর, আমি ঠাকুরপোর বুদ্ধি শুনে তোমার এই সর্কনাশ ক'রেছি! আমি শিব-পূজা ক'রে শিবের মতন স্বামী পেয়েছিলেম, আমার বরাত্রে সইল না, তোমার অপরাধ নাই। এখনও শোধরাও, তোমার সব হবে।

যোগেশ। ম'চ্ছো, রাত্তায় ম'ন্তে এসেছ? তোমাদের এতদূর হ'য়েছে? আমার সাজান বাগান শুকিয়ে গেল! যেদোও ম'রেছে? বেশ হ'য়েছে! ম'চ্ছো, মর, আমি মদ খাই গে; ঘরে ম'ন্তে পাবলে না? তা-মর, রাত্তায়ই মর; কি করবো, হাত নেই, মদ খাই গে। আমার সাজান বাগান শুকিয়ে গেল!

জ্ঞানদা। তুমি আমার একটি উপকার কর, যদি এই কথাটি স্বীকার পাও, তা হ'লে আমি স্ত্রুখে মরি। কোন রকমে যদি যেদোকে পীতাম্বরের বাড়ী পাঠিয়ে দাও, কি

পীতাম্বরকে যদি একখানা চিঠি পাঠিয়ে দাও, সে এসে নিয়ে যায়, তা হ'লে আমি স্ত্রুখে মরি।

যোগেশ। তুমি রাত্তায়, যেদো সেথায় ম'ন্তবে, কেমন? —তা বেশ! আমি বলতে পারি নি, মিছে কথা বলবো না, পারি যদি পীতাম্বরকে চিঠি লিখবো। আমার ঘাড়ের ভূতটা, এখন তফাতে দাঁড়িয়ে আছে, যদি শীগ'গির না ঘাড়ে চাপে, তা হ'লে পাববো; আর ঘাড়ে চাপলে আমি কি ক'রবো! কি বল, আমি লাগি মেয়েই তোমায় মেয়ে ফেলেছি, কেমন?

জ্ঞানদা। তোমার অপরাধ কি, আমার ভগবান মেয়েছেন!

যোগেশ। না না, ভূতটা তফাতে আছে, আমি বুঝতে পাচ্ছি; আমিই মেয়ে ফেলেছি। কি করবো বল, ভূতে মেয়েছে, চারা নাই! ম'চ্ছো, মর—মর!

(জ্ঞানদার মৃত্যু)

আমার সাজান বাগান শুকিয়ে গেল! আহা হা!
আমার সাজান বাগান শুকিয়ে গেল!

পঞ্চম অঙ্ক

— :::: —

প্রথম গর্ভাঙ্ক

দরদালান

রমেশ ও কান্দালী।

রমেশ। বোঁ মারা গিয়েছে, স্ত্রুশেও মারা গিয়েছে, আমি আজ ডাক্তারকে ভাল ক'রে জিজ্ঞাসা ক'রুলেম, শুনলেম, পীতাম্বরে বেটা তার দেশে নিয়ে গেছিলো, সেইখানে মারা গেছে। এখন ছেলেটা কোথায় গেল? সেইটাকে ধ'তে পাবলেই যে আপদ্ চোকে। এডমিনিষ্ট্রেটারের কাছ থেকে টাকাটা বার ক'রে আনি। দাদা পাগল হ'য়েছে। পীতাম্বরে বেটা যদি মামলার উদ্যোগ করে, বেনামী স্বীকার পাব, দাদার না হয় খোরাকী বন্দোবস্ত করবো; সেও কি,

হু' এক বোতল মদ দিয়ে রেখে দেব, মদ খেতে খেতেই এক দিন অন্ধা পাবে।

কান্দালী। জগা তো ঠিক বলেছিল, ছেলেটা হাত করা ভারি দরকার, দেখছি, ওর ভারি বুদ্ধি। বাবু, একজন খেটে খুটে বিবর ক'রলে, আপনি বুদ্ধির জোরে ফাঁকতালায় মেরে দিলেন!

(জগমণি, যাদব ও মদন ঘোষের প্রবেশ)

এই যে জগা ছেলে নিয়ে এসেছে।

যাদব। ও মদন দাদা, এ কে মদন দাদা? আমার ভয় করে মদন দাদা! আমার মা কোথায় মদন দাদা, কই,— ভাত রেখে ডাকছে মদন দাদা? ও মদন দাদা, আমার ভয় ক'চ্ছে মদন দাদা!

রমেশ। ভয় কি, আর, এ দিকে আর, তোর মা বাড়ীর ভেতর আছে।

যাদব। আমার মার কাছে নিয়ে চল, আমার মার কাছে নিয়ে চল, আমার ভয় ক'চ্ছে!

রমেশ। চুপ, কাদিস্ নি।

যাদব। না, না কাকাবাবু, আমি কাদবো না, তুমি মেরো না কাকাবাবু!

রমেশ। যা, এর সঙ্গে যা।

যাদব। ও কাকাবাবু, আমার ভয় করে কাকাবাবু, আমার তেষ্ঠা পেয়েছে কাকাবাবু, একটু জল দাও কাকাবাবু।

রমেশ। না, জল খায় না, তোর অস্থখ ক'রেছে।

যাদব। না কাকাবাবু, অস্থখ করে নি কাকা বাবু, আমার ক্ষিদে পেয়েছে।

রমেশ। ক্ষিদে পেয়েছে, কেটে ফেলবো।

যাদব। ই্যা কাকা বাবু, আমি ছ'দিন খাই নি কাকা বাবু, আমি মাকে খুঁজছি; মা টাকা বেঁধে দিয়েছিল, কে কেটে নিয়েছে, আমি কিছু খেতে পাই নি; আমার বড্ড তেষ্ঠা পেয়েছে, জল দাও।

রমেশ। জল খায় না, যা ওর সঙ্গে যা।

যাদব। আমি আর চলতে পারি নি কাকা বাবু!

রমেশ। এই চাবী নাও, যে মহলটা বন্ধ আছে, সেইটে খুলে তারির ভেতর রাখ গে। নিয়ে যাও, পাজাকোলা ক'রে নিয়ে যাও।

কান্দালী। এসো, তোমার মার কাছে নিয়ে যাই, চল।

যাদব। সত্যি ব'ল্ছো, মিছে কথা ব'ল্ছো না?

রমেশ। আবার কথা কাটাতে লাগলো, মেরে হাড় ভেঙে দেব, অস্থখ ক'রেছে, গুগে যা।

যাদব। অস্থখ ক'রেছে? আমি কিছু খাব না, একটু জল দাও।

রমেশ। না, যা যা, জল দেবে এখন যা।

যাদব। ও মদন দাদা, তুমি এসো!

[যাদব, মদন ঘোষ ও কান্দালীর প্রস্থান।

জগ। কাজ তো গুছিয়ে আছে, একটা ইংরেজ ডাক্তার ডেকে নিয়ে এসো; তুমি রোগ ব'লেই টাকার লোভে একটা রোগ বলবে এখন, আর ওবুধও লিখে দেবে এখন। বেশ, কারুর সন্দেহ ক'রবার বো নাই; ছেলে পথে পথে বেড়াচ্ছিল, বস্ত্র ক'রে বাড়ী নিয়ে এসেছে, ডাক্তার দেখিয়েছে, মারা গেল, তুমি কি ক'রবে?

(মদন ঘোষের পুনঃ প্রবেশ)

মদন। পাহারাওলা সাহেব, ও ছেলেটাকে ছেড়ে দাও না।

জগ। চোপ, এখনি বেঁধে নিয়ে যাব।

মদন। না না, আমি তো চুরি করি নি; তুমি যা বলবে, তাই শুনছি। পাহারাওলা সাহেব, ছেলে তো এনে দিয়েছি, এখন আমি কোথাও চ'লে যাই, তুমি আর আমার ধ'রো না।

জগ। চুপ ক'রে ব'স। (রমেশের প্রতি জনান্তিকে) ওকে দিন কতক তুলিয়ে রাখ, কি জানি, কোথাও গোল করুক। আর ওবুধের যদি একটা ওন্টা-পান্টা ক'ত্তে হয়, বলা যাবে, পাগ্লাটা ওন্টা-পান্টা ক'রেছে কোন কিছু দোষ চাপাতে হয়, ওর ওপর দিয়ে চাপান যাবে।

রমেশ। ঠিক বলেছ। মদন দাদা, তুমি বেতে চাচ্ছ, আমি ক'নে ঠিক ক'রে রাখলেম, আর তুমি চ'লে?

মদন। ই্যা দাদা, সত্যি? ই্যা দাদা, সত্যি?

রমেশ। সত্যি বৈ কি।

মদন। তাই ব'ল্ছি—তাই ব'ল্ছি, বংশটা লোপ হয়, বংশটা লোপ হয়।

রমেশ। দিব্যি ক'নে ঠিক ক'রেছি।

মদন। তা যেমন হ'ক, কি জান—বংশরক্ষা, বংশরক্ষা!
রমেশ। যেমন হ'ক কেন, বেশ ক'নে ঠিক ক'রেছি,
তুমি বৈঠকখানায় ব'স গে।

মদন। ইয়া দাদা, আর পাহারাওয়ালার সঙ্গে বে দেবে
না?

রমেশ। পাহারাওয়ালার কেন?

মদন। দেখ দাদা, বেশার মেয়ে বে দিয়েছিল, দাঁতে
কুটো ক'রে জাতে উঠেছি, যাত্রাওয়ালার ছেলে বে দিয়েছিল,
ছোটো কানমলা খেয়ে চুকেছে, এই পাহারাওয়ালার বিয়ে ক'রে
আমার প্রাণটা গেল! আর পাহারাওয়ালার বে দিও না
দাদা!

রমেশ। না মদন দাদা, বেশ মেয়ে।

মদন। তাই বলছি, তাই বলছি, কি জান, বংশরক্ষা,
বংশরক্ষা!

[মদন ঘোবের প্রস্থান।]

জগ। তবে যাও, ডাক্তার ডেকে নিয়ে এসো। ছু'দিন
খায় নি, আর জোর ছু'দিন টে'কবে।

[জগমণি ও রমেশের প্রস্থান।]

(প্রফুল্লর প্রবেশ)

প্রফুল্ল। কিছু জানতে পারলেম না, কি ফুস ফুস ক'রে;
ছেলেটাকে কি ধ'রেছে? আমার মন আজ কেমন ক'ছে,
আমি স্থির হ'তে পাচ্ছি নি, আমার প্রাণটা কেঁদে কেঁদে
উঠছে, আমি আর কাঁদতে পারি নি, আমার কান্না এসে না,
আমার বৃকের ভেতর কেমন ক'ছে! ঠাকুরপো কি সন্ধান
পায় নি? কি করি, আমার বৃকের ভেতর কেমন ক'রে
উঠছে!

(বিয়ের প্রবেশ)

বি। বৌ ঠাকুরণ, একটু মুখে জল দেবে এসো, না খেয়ে
না ঘুমিয়ে তুমি কি পাগলের সঙ্গে মারা যাবে? শুনেছিলেম,
কল্কাতার বৌগুলো কেমন কেমন হয়, আমি এমন বৌ তো
কখন দেখি নি। এসো, সকাল সকাল নাও, ছুটি খাও।

প্রফুল্ল। দেখ বি, বুঝি আমার এ বাড়ীতে খাওয়া
ফুরিয়েছে; আমার বড় মন কেমন ক'ছে। আমার যদি
এমন হয়, তা হ'লে আর আমি বাঁচবো না; আমায় কে যেন

ডাকছে, আমার প্রাণ যেন কাঁদছে, আমি কাঁদতে পারি নি,
আমার বেন নিশ্বাস বন্ধ হ'য়ে আসছে!

বি। ও কিছু নয়। খাওয়া নেই, নাওয়া নেই, রাত-
দিন পাগলের সঙ্গে ঘোরা, বাতিক বেড়েছে।

প্রফুল্ল। না বি, আমার কোথায় কি সর্বনাশ হ'ছে!
আমার বড় মন কাঁদছে; তোমায় একটি কথা বলি, যদি
আমার ভাল মন্দ হয়, আমার গহনাগুলি তুমি নিও, বেচে যা
টাকা হবে, তাই থেকে ঠাকুরণকে খাইও, আবাগীর আর কেউ
নাই!

বি। বালাই! অমন সোনার চাঁদ বেটা র'য়েছে, তুমি
অক্ষয় অমর হও, কেউ নেই কি?

প্রফুল্ল। না বি! অমন আবাগী ভারতে আর জন্মায়
না! তুমি আমার কাছে বল, তুমি কোথাও যাবে না, মাকে
দেখবে? আমি আর বাঁচবো না, আমার কোথা ভরাজুর্নী
হ'য়েছে।

বি। ই্যাগো ই, তাই হবে, তুমি এখন এসো; ফাঁকে
ফাঁকে ছুটি খেয়ে নেবে, ফাঁকে ফাঁকে একটু ঘুমিয়ে নেবে, তা
নইলে বাঁচবে কেন?

প্রফুল্ল। আমার মা বাঁচতে এক তিল ইচ্ছে নাই, কেবল
ঐ আবাগীর জন্ত মনটা কাঁদে। আমার ছেলেবেলা মা ম'রে
গিয়েছিল, আমি শ্বশুরবাড়ী এসে মা পেয়েছিলেম, সেই মা
আমার এমন হ'ল, আমাদের সোনার সংসার ভেঙ্গে গেল!

বি। কি ক'রবে মা, কার তে হাত নয়, এসো মা,
এসো।

প্রফুল্ল। চল যাই।

[উভয়ের প্রস্থান।]

দ্বিতীয় গর্ভাঙ্ক

কাশী মিত্রের ঘাট

শিবনাথ, স্বরেশ ও ভজহরি।

শিব। ওহে স্বরেশ, আমি তো ছেলে কোথাও খুঁজে
পেলেম না। আমি তো সমস্ত রাত থানায় থানায় ঘুরেছি

পাচজন লোক লাগিয়ে ক'লকাতার অলি-গলি খুঁজেছি, কেউ তো বলে না যে দেখিছি।

স্বরেশ। বল কি, তবে সর্বনাশ হয়েছে, সে আর নাই! মেজদা মেরে ফেলেছে।

শিব। সে কি?

স্বরেশ। আর সে কি! তোমায় তো বলেছি, মেজদার ঠেয়ে শুনে এলেম, তাকে মেরে ফেলবার পরামর্শ ক'ছে। ভাই শিবনাথ, আমার প্রাণের ভিতর জ্বলে জ্বলে উঠছে, যেদোকো যদি না পাই, এ প্রাণ আর আমি রাখবো না! আমি কি এই যাতনা ভোগ ক'রবার জন্তই জন্মগ্রহণ করেছিলেম! ভাই, আমার যেদোকো এনে দাও, যেদোকো না পেলে আমি এ শ্মশান থেকে বাব না। আমি তিন দিন দেখবো, তারপর জলে ঝাঁপ দেব।

ভজ। ওহাইয়াদ, ওহাইয়াদ, সাক ওহাইয়াদ! স্বরেশ বাবু, একে না পেলে মরুবো, ওকে না পেলে মরুবো, তা হলে তো আর বাঁচা হয় না, দিনের ভিতর দু'শোবার, ম'ন্তে হয়। মনে করেছেন কি, আপনিই ঝড়-ঝাপটা খাচ্ছেন, অ'র কেউ কখনও খায় নি? তবে ক'ন্দুছেন ক'ান্দুন, বেশী বাড়াবাড়ি কেন?

স্বরেশ। ভাই রে, আমার মতন অভাগা পৃথিবীতে আর নাই! আমার অম্পূর্ণ মত মা জ্ঞানশূন্য হ'য়ে বেড়াচ্ছেন, আমার ইস্ত্রের মত বড় ভাই পথে পথে ভিক্ষা ক'চ্ছেন, আমার রাজলক্ষ্মী বড়ভাজ, অনাহারে পথে পড়ে মরেছেন, আজ অনাথার মত পোড়ালেম,—আমার প্রফুল্ল-কমল মেজ বৌ দিন দিন মলিন হ'চ্ছেন, আজ আমার ব্রজের গোপাল হারিয়েছে! আমি আপনি জেল খেটেছি, তাতে ছাপিত নই, আমার যেদোর মুখ মনে প'ড়ছে, আর আমি প্রাণ ধ'ন্তে পারছি নি!

ভজ। মুখ মনে ক'ন্তে গেলে অনেকের অনেক মুখ মনে পড়ে। আমার ইস্ত্র, চন্দ্র, বায়ু, বরুণ নয়,—এক গৃহস্থ বাপ ছিল, হাশুমুখী মা ছিল, গ্যাটাগোটা সব ভাই ছিল, বোনটা আমি না পাইয়ে দিলে খেত না; তার পর শোন, একদিন খেলিয়ে এসে বাড়িতে দেখি, সব বাড়ী শুকু ক'ান্দছে। কি সমাচার?—না জমীদারে আমার বাপকে খুব মেরেছে, রক্ত খুঁঝিয়ে প'ড়ছে, প্রাণ ধুক-ধুক ক'ছে। সেই রাত্তিতেই তো তিনি মরুন; তারপর জমীদার বাহাহুর ঘরে আঙন

ধরিয়ে দিলেন, ছেলেপুলে নিয়ে মা ঠাকুরণ বেরলেন, দেশে আকাল, ভিক্ষে পাওয়া যায় না, বা ছুটি পান, আমাদের খাওয়ান, আপনি উপোস যান, এক দিন তো গাছতলায় প'ড়ে মরুন—

স্বরেশ। আহা হা!

ভজ। রসো, আহা হা ক'রো না, ঝড়ে যেমন আম পড়ে—ভাইগুলো সব একে একে প'ড়লো আর ম'লো; বোনটাকে এক মাগী ছিনিয়ে নিয়ে গেল, ক'ান্দতে লাগলো, আমিও ক'ান্দতে লাগলেম; তারপর আর সন্ধান নাই! কেমন, মুখ মনে পড়বার আছে?

স্বরেশ। আহা ভাই, তুমিও বড় দুঃখী!

ভজ। তারপর মামা বাবুর কাছে গিয়ে প'ড়লেম; গরুর জাব দেওয়া, বাসন মাজা, উছুন ধরান, ভাত রাঁধা; মামা বাবুর বেত আর মামী ঠাকুরণের ঠোনার সঙ্গে ফেনে ফেনে ভাত, জেলটা আসটাও ঘুরে আসা গিয়েছে।

(স্বরেশের জনৈক পরিচিতের প্রবেশ)

স্ব-পরি। কেউ তো কিছু বলতে পারে না। একজন ময়রা ব'লে, একটি ছেলে খাবার কিনতে এসেছিল, একটা বুড়ো এসে বলে, "শীগ'গির আয়, তোর মা ডাকছে; কিন্তু কে যে, তা আমি কিছু সন্ধান ক'ন্তে পারলেম না।

স্বরেশ। ও ভাই, তুমি আবার যাও, কোন রকমে সন্ধান কর। আহা কখনও কোন ক্রেশ পায় নি, ননী ছানি খেয়ে বেড়িয়েছে! কখনও রাত্তায় বেরতে পেতো না, কখনও ভুঁয়ে নাবে নি, কোলে কোলে বেড়িয়েছে। না জানি, তার কত দুর্গতি হ'চ্ছে!

ভজ। রসো রসো, বিনিয়ে কেঁদো এখন; বুড়ো ব'লে বুঝি, বুড়ো সঙ্গে ক'রে নিয়ে গিয়েছে? স্বরেশ বাবু, সন্ধান হয়েছে, তোমার মায়ের পেটের সহোদর নিয়ে গিয়েছে। সে বৃদ্ধটি আমার মাতুলানীর অহুচর! স্বরেশ বাবু, স্বরেশ বাবু, একটু আড়ালে দাঁড়াও, আমি সন্ধান নিচ্ছি। ঐ যে তোমার মধ্যম মার পেটের ভাই—গাড়ী থেকে নাব'ছেন, যাবার যো কি? চুপকে যেমন লোহা টানে, তেমনি টান দিয়েছি, আমায় দেখে নড়বার যো কি? একটু আড়ালে দাঁড়াও, একটু আড়ালে দাঁড়াও, আমাদের দু'জনকে একত্রে দেখলে সববে।

(স্বরেশ ও শিবনাথের অন্তরালে অবস্থান ও রমেশের প্রবেশ)

ক্যা রমেশ বাবু, আপু হিঁয়া তনুপিত কাহে লেয়ায়া,
মেজাজ খোসু ?

রমেশ। কি হে, তুমি যাও নি ?

ভজ। হামু লোক জমীন্দার ছায়, যাতে যাতে দো এক
রোজ রহে যাতা।

রমেশ। আরও কিছু টাকা চাই নাকি ?

ভজ। মেহেরবাণী আপুকা।

রমেশ। আচ্ছা এসো, আমি ফাষ্ট ক্লাস টিকিট কিনে
দিচ্ছি আর একখানা চেক দিচ্ছি এলাহাবাদের ব্যাঙ্কের
উপর।

ভজ। যাবই তো; রয়ে গিয়েছি কেন জানেন, আরও
যদি কিছু কাজকর্ম দেন।

রমেশ। আর এখন কিছু কাজ হাতে নেই, হ'লে চিঠি
লিখে পাঠাব।

ভজ। সো তো আপু লিখিয়েগা, সো তো আপু
লিখিয়েগা, দোস্তি ছয়া, ও সব তো চলেই গা; দেখিয়ে
হামুসে কাম চমুতা, দোসুরাকো কাহে দেনা ?

রমেশ। সত্য বলছি, এখন আর কিছু কাজ হাতে নাই।

ভজ। আবি নেই, দো রোজনে হো শেক্তা। আগর
ভাতিজা মরে তো একটো জমিন্দার গাওয়া চাহিয়ে, ওস্তো
বেমার ছয়া থা; হামুতো জমিন্দার ছায়, আপুকা
মোকামমে যাতা ছায়।

রমেশ। ভাতিজা! ভাতিজা কে ?

ভজ। ভাইপো গো ভাইপো, বাদব।

রমেশ। ও কি কথা!

ভজ। স্বরেশ বাবু, আস্থন, সদ্ধান পেয়েছি।

রমেশ। এই যে স্বরেশ বেঁচে আছে, মিছে কথা বলেছে
পাজী বেটা!

ভজ। ম'শায়, যান কেন, যান কেন, ভাইয়ের সঙ্গে
একবার আলাপ করে যান।

[রমেশের প্রস্থান।

(শিবনাথ ও স্বরেশের প্রবেশ)

স্বরেশ। কি সদ্ধান পেলে, কি সদ্ধান পেলে? আছে
তো—বেঁচে আছে তো ?

ভজ। বোধ হচ্ছে তো আছে, আস্থন, শীগ্গির আস্থন,
বাবুর বাড়ীতে চলুন।

শিব। বাড়ীতে যাবে, যদি ঢুকতে না দেয় ?

ভজ। আমাতে স্বরেশ বাবুতে গেলে দোর ভাঙলেও
কিছু বলবে না, ঢুকতে দেবে না কি ?

[সকলের প্রস্থান।

(জর্নৈক লোকের প্রবেশ)

গীত।

মন আমার দিন কাটালি, মূল পোয়ালি, ভাল ব্যাসাত ক'রলি হবে।
একলা এলে একলা যাবে, মুখ চেয়ে কার যুবুছ' তবে ?
কে তুমি বলছো আমি, দেখে ভেবে আর ভাবি কবে।
ভাল বে মেলা, যুবুছে খেলা, চিতার ছাই নিশানা রবে ॥

(যোগেশের প্রবেশ)

যোগেশ। আমার সাজান বাগান শুকিয়ে গেল! কি
ক'রবো, গেল তা কি ক'রবো? আমার সাজান বাগান
শুকিয়ে গেল! আহা হা! গেল, যাক; আমার সাজান
বাগান শুকিয়ে গেল! ই্যা হে তুমি তো মড়া পোড়াতে
এসেছ ?

লোক। ই্যা।

যোগেশ। মদ-টু খাচ্ছ' না ?

লোক। এ কে রে! (পলাইতে উত্তত)

যোগেশ। বল না, বল না, আমার যা বলবে তাই
ক'রবো। বেশী খাব না, এক গেলাস দাও, ফুরিয়ে গিয়ে
থাকে, পয়সা দাও, চট্ট ক'রে এনে দিচ্ছি। আমার সাজান
বাগান শুকিয়ে গেল! গেল, তা কি ক'রবো ?

[লোকের প্রস্থান।

আহা! আমার সাজান বাগান শুকিয়ে গেল! ঐ না
কারা মড়া পুড়িয়ে যাচ্ছে,—গায়ের ব্যথার জন্ত একটু মদ
খাবে না? যাই ওদের সঙ্গে। আমার সাজান বাগান
শুকিয়ে গেল!

[যোগেশের প্রস্থান।

তৃতীয় গর্ভাঙ্ক

যোগেশের বাড়ীর দরদালান

মদন ঘোষ ও প্রফুল্ল।

মদন। না না, আমি পারবো না, আমি পারবো না !
ছেলে মারবে, ছেলে মারবে ! আমার লুকিয়ে রেখে দাও,
আমায় লুকিয়ে রেখে দাও ; ছেলে মারবে, ছেলে মারবে,
বংশলোপ করবে, বংশলোপ করবে !

প্রফুল্ল। কি গা, কি বলছে ? ছেলে মারবে কি
বলছে গা ?

মদন। ওগো, বংশলোপ করবে, বংশলোপ করবে,
ছেলে মারবে ! সেই পাহারাওয়াল ছেলে মারবে, হায় হায়,
আমি কেন পাহারাওয়াল বে করেছিলুম !

প্রফুল্ল। মদন দাদা, মদন দাদা, শীগ্গির বল, ছেলে
মারবে কি ?

মদন। না না, আমি বলবো না, আমার ধ'রবে,
জমাদারে ধ'রবে, আমি কোথায় লুকুবো, আমি কোথায়
লুকুবো ?

প্রফুল্ল। মদন দাদা, তোমার ভয় নেই, তুমি বল।

মদন। না না, সে তেমন পাহারাওয়াল নয়, সে ধ'রবে,
আমার ভয় ক'চ্ছে।

প্রফুল্ল। কে ধ'রবে ? ছেলে মারবে কি ?—আমায়
শীগ্গির বল।

মদন। না না, বলবো না, আমি তার ভয়ে মিন্ধুক
ভেঙ্গে দলীল চুরি করে আনলেম, তবু ছাড়লে না ; আমি
তার ভয়ে ছেলে ভুলিয়ে নিয়ে এলেম, তবু ছাড়লে না ;
ছেলে মারবে, না খেতে দে মারবে, আমার বিষ দিতে বলে,
আমি একটু জল দিয়েছিলেম, দুধ দিয়েছিলেম, তাই বেঁচে
আছে,—না না—দুধ দিই নি ! আমি পালাই, আমি
পালাই।

প্রফুল্ল। মদন দাদা, মদন দাদা, কাকে ধ'রেছে,
বেদোকে ?

মদন। হ্যা, হ্যা, না, না, আমি না, আমি না, আমি
দলীল চুরি করেছি, ধ'রিয়ে দেবে ; হায় হায়, বে ক'ত্তে গে
মজ্জলেম, বে ক'ত্তে গে মজ্জলেম ! কেন এ দস্তি পাহারা-

ওয়াল বে ক'ল্লেন ? সেই আমার ভয় দেখিয়ে দলীল চুরি
ক'ত্তে ব'ল্লে, তাকে আমি দলীল দিলেম, এখন আমার ধ'রিয়ে
দেবে। কি হবে, কি হবে, আমি ছেলেটাকে দুধ দিয়েছি
জানলেই এখনি আমার বেঁধে নে যাবে। আমি পালাই,
আমি পালাই।

প্রফুল্ল। মদন দাদা, দাঁড়াও।

মদন। না না, দাঁড়াব না, আমার ধ'রবে, আমি
লুকুবো।

প্রফুল্ল। মদন দাদা, ভয় নেই, ভয় নেই, ছেলে কোথায়
বল ?

মদন। ওরে বাপ রে আমার ধ'রলে রে !

প্রফুল্ল। তুমি কেন ভয় পাচ্ছো ? ছেলে কোথায়
বল ? আমি ছেলেকে বাঁচাব, মদন দাদা, শীগ্গির বল—
কোথায় ?

মদন। ঐ তোমাদের পোড়োমহলে রেখেছে, আমার
ছেড়ে দাও, আমি লুকুই,—আমি পালাই, আমার নেমে
ফেলবে !

প্রফুল্ল। মদন দাদা, তোমার তিনকাল গিয়ে এককালে
ঠেকেছে, তুমি তুচ্ছ প্রাণের ভয় এত কর ?

মদন। না—না মরতে পারবো না, মরতে পারবো
না ! আমার ছেড়ে দাও, আমার ছেড়ে দাও।

প্রফুল্ল। মদন দাদা, ধিক্ তোমায় ! মা বলতেন,
তুমি একজন সাধুপুরুষ, তোমার কি এই বুদ্ধি ? তুমি
তুচ্ছ প্রাণের ভয়ে অধর্ম কর ? প্রাণের ভয়ে বাস ভেঙ্গে
চুরি কর ? প্রাণের ভয়ে কচি-ছেলে এনে রাক্ষসের
মুখে দাও ? এই প্রাণ কি তোমার চিরকাল থাকবে ?
একবার ভেবে দেখ, যম তোমার সঙ্গে কিবুছে ;
যখন ধর্মরাজ তোমায় জিজ্ঞাসা করবেন যে, 'তুমি বালক
ভুলিয়ে এনে রাক্ষসকে দিয়েছ' ? তখন তুমি কি উত্তর দেবে ?
মদন দাদা, সেই ভয়ঙ্কর দিন মনে কর, এখনও মহাপাপের
প্রায়শ্চিত্ত কর, বালকের প্রাণরক্ষার উপায় কর ; ছার প্রাণ
চিরদিন থাকবে না, ধর্মই সাথী, ধর্ম রক্ষাক র, ধর্ম ইহকাল
পরকালের সঙ্গী, ধর্মের শরণাপন্ন হও। মদন দাদা, যা
করেছ, তার আর উপায় নাই, আমার বলে দাও, বেদো
কোথায় ? আমি তাকে কোলে নে বসি, দেখি, কোন
রাক্ষস আমার কাছ থেকে নেয় ? এখনও বলছো না ?

তোমার কি মরণ হবে না? এ মহাপাতকের কি শাস্তি হবে না? যদি হিত চাও, যদি ঘোর নরকে তোমার ভয় থাকে, ধর্মের শরণাপন্ন হও; যমরাজ দণ্ড তুলে তোমার পেছনে পেছনে ঘুরছেন, তুমি বুঝতে পাচ্ছে না।

মদন। ঠ্যা—ঠ্যা—যমরাজ?

প্রফুল্ল। হ্যা, যমরাজ তোমার পেছনে পেছনে! যদি সেই মহা ভয় হতে উদ্ধার হ'তে চাও, সাহস বাধ, আমার সঙ্গে এসো, যেদো কোথায় দেখিয়ে দেবে এসো; তুমি সামান্য পাহারাওয়ালার ভয় ক'চ্ছে? যমদূতকে ভয় কর না?—ধর্মরাজকে ভয় কর না? অবোধ বালককে তুলিয়ে এনেছ, তবু স্থির আছ? প্রাণভয়ে তার প্রণয়রক্ষার উপায় ক'চ্ছে না? তোমার প্রাণে বিক, তোমার ভয়ে বিক, তোমার জন্মে বিক!

মদন। চল চল, আমি দেখিয়ে দিচ্ছি; ধর্মরাজ রক্ষা কর, ধর্মরাজ রক্ষা কর!—যদি ধরে?

প্রফুল্ল। তোমার এখনও ভয়? যখন যমদূত ধ'রবে, তার উপায় কি ক'রেছ? এখনও ধর্মের আশ্রয় নাও, সামান্য ভয় ছাড়।

মদন। চল চল, এই দিকে চল, মরি ম'রবো, ছেলে দেখিয়ে দেব; ধর্মরাজ রক্ষা কর, ধর্মরাজ রক্ষা কর!

[উভয়ের প্রস্থান।]

চতুর্থ গর্ভাঙ্ক

যোগেশের ঘর

যাদব, রমেশ, কাঞ্চালী ও জগমণি।

যাদব। ও কাকা বাবু, একটু জল দাও! আমার আঙন জলছে গো—আঙন জলছে!

রমেশ। জল দিচ্ছি, এই ওষুধটা খা।

যাদব। না গো, জলে যায়, জলে যায়! আমার একটু জল দাও।

জগ। কোন্টা দেব?

রমেশ। টার্টার এমিটিক (Tartar Emetic) দাও, ডাক্তার আসছে, বনি হবে—দেখবে এখন।

জগ। না না, পেটে কিছু নেই, উঠবে কি? সেইটেই

উঠে যাবে, ডাক্তার ব'লবে, খেতে দাও; এইটে দাও, খুব ছুটুকটু ক'রবে দেখবে এখন।

যাদব। ওগো না গো, ও কাকা বাবু, আমি সন্ধ্যাবেলা ম'রবো, এখন আর ছুখ দিও না! আমার সব শরীরে ছু'চ্ ছু'চ্ছে! কাকাবাবু, তোমার পায়ে পড়ি কাকা বাবু!—

রমেশ। ডাক্তার আসছে, ডাক্তার আসছে।

(ডাক্তারের প্রবেশ)

ডাক্তার। গুডমর্নিং (Good morning), কেমন আছে?

জগ। আহা, বাছা আজ নিজীব হ'য়ে পড়েছে।

কাঞ্চালী। ডাক্তার বাবু, বাঁচবে তো? বাবুর ছেলে-পুলে নেই, কেউ নেই, ঐ ভাইপোটিই সর্ব্বস্ব।

যাদব। ও ডাক্তার বাবু, আমার কিছু হয়নি, আমার একটু জল খেতে দিলেই বাঁচবো।

ডাক্তার। দাও দাও, জল দাও।

জগ। ও আমার পোড়ার দশা—জল কি তলায়!

যাদব। ওগো, আমার একটু জল না দাও, একটু দুধ খেতে দাও, আমি কিছু খাই নি।

রমেশ। ডাক্তার সাহেব, ডিলিরিয়াম সেট ইন্ ('Delirium set in') ক'লে।

ডাক্তার। এত দুধ স্কফরা র'য়েছে, তোমাকে খেতে দেয় না?

যাদব। না ডাক্তার বাবু, আমাকে খেতে দেয় না।

ডাক্তার। ছুট।

জগ। ডাক্তার বাবু, একটা উপায় কর, বাছার জনটুকু তলাচ্ছে না!

রমেশ। ডক্টর, ইয়োর ফি (Doctor, your fee)।

ডাক্তার। একটা ব্লিস্টার (Blister) দাও।

যাদব। না গো না, আর বেলেত্তারা দিও না গো, আমার পেটের খানা এখনও জ'লছে, এই দেখ—খা হ'য়েছে।

[ডাক্তার ও রমেশের প্রস্থান।]
ও মা গো, একবার দেখে যাও গো; মা, তুমি কোথায় আছ গো! জ'লে গেলুম গো জ'লে গেলুম, মা গো, একবার দেখে যাও!

(রমেশের পুনঃ প্রবেশ)

রমেশ। ওহে কাঙ্গালী, ডাক্তারকে রাখতে গিয়ে দেখি, ভজ্জহরি, স্বরেশ, শিবনাথ, পীতাম্বর চার বেটা দাঁড়িয়ে কি পরামর্শ কচ্ছে; বাড়ী ঢোকবার যেন কি মতলব কচ্ছে।

জগ। তার ভয় কি, এই বেলেস্তারা খানা দিলেই হ'য়ে যাবে এখন।

বাদব। ওগো তোমাদের পায়ে পড়ি, ওগো তোমাদের পায়ে পড়ি, আমার গলা টিপে মেরে ফেল! জ্বলে গেল গো জ্বলে গেল! ও কাকা বাবু, কাকা বাবু, তোমার পায়ে পড়ি কাকা বাবু!

কাঙ্গালী। চল, যাওয়া যাক, মদনাকে পাঠিয়ে দিই, এই মালিগটা এক ডোজ খাওয়ালেই হ'য়ে যাবে এখন; এই বিছানার কাছেই রইলো।

বাদব। ও কাকা বাবু, তোমার পায়ে পড়ি কাকা বাবু, আমার জলে ডুবিয়ে মার, আমার জলে ডুবিয়ে মার, আমি একটু জল খেয়ে মরি! কাকা বাবু, আমার একটু জল দাও, জল খেলেও বাঁচবো না কাকা বাবু!

রমেশ। দাও, একটু জল দাও।

জগ। না না, তবু পাঁচ মিনিট যুজ্বে।

বাদব। না, আমি জল খেলেই মরবো—না, আমি জল খেলেই মরবো; এই দেখ না, আমার গায়ে ইঁদুর-পচা গন্ধ বেরিয়েছে, আমার কুকুরে চিবিয়ে খাচ্ছে।

জগ। চল চল, দেখা যাগ্গে; ভজ্জহরিটার সঙ্গে স্বরেশ যুটেছে, আমার ভাল বোধ ঠেকছে না। আমি ত বলেছিলুম, ডাক্তারটা পাজী, মিছে কথা করেছে, স্বরেশ মরে নি।

[রমেশ, কাঙ্গালী ও জগমণির প্রস্থান।

বাদব। ও মা, মা গো, কতক্ষণে ম'রবো মা!

(প্রফুল্লর প্রবেশ)

প্রফুল্ল। এই যে আমার বাদব! বাদব, বাদব, বাবা!

বাদব। কে ও কাকীমা এসেছ? আমার একটু জল দাও। (প্রফুল্লর জল প্রদান) আমি আর খেতে পারছি নি, আমার চোখে কানে জল দাও। কাকীমা, আমার না খেতে দে কাকা মেরে ফেলে।

প্রফুল্ল। পরমেশ্বর, কি ক'লে! ও বাবা, এই দুধ খাও।

বাদব। আর গিলতে পারবো না, গলা আটকে গিয়েছে; দেখলে না, জল গিলতে পারলুম না। কাকীমা, না কি বেঁচে আছে? বেঁচে থাকলে না আমার খুঁজে খুঁজে আসতো। যদি বেঁচে থাকে, তোমার সঙ্গে দেখা হয়, ব'লো না, আমি না খেতে পেয়ে ম'রেছি। আমার আধপেটা ভাত দিত, মা কাঁদতো, খেতে পাইনি শুনলে না আমার বুক চাপড়ে ম'রে যাবে। কাকীমা, ব'লো, আমি ব্যানোতে ম'রেছি।

প্রফুল্ল। বালাই, বালাই! ছি বাবা, ও সব কথা ব'লতে নাই। বাদব, বাদব, বাবা, বাবা! পরমেশ্বর, রক্ষা কর!

(মদন ঘোষের প্রবেশ)

মদন। ধর্মরাজ রক্ষা কর, ধর্মরাজ রক্ষা কর! এই নাও এই নাও, এই পারাভ্রম নাও, আমি সন্ন্যাসীদের সঙ্গে গাঁজা খেয়ে পেয়েছি, এই খাইয়ে দাও; আমি লুকিয়ে রেখেছিলুম, বেঁচে থাকবো ব'লে লুকিয়ে রেখেছিলুম, এখন বাঁচবে। ধর্মরাজ রক্ষা কর, ধর্মরাজ রক্ষা কর! (পারাভ্রম লইয়া দুম্বের সহিত প্রফুল্লর বাদবকে খাওয়াইয়া দেওন) আর আমি পাগল নই, আর আমি পাগল নই, ধর্মরাজ রক্ষা কর, ধর্মরাজ রক্ষা কর!

(রমেশ, কাঙ্গালী ও জগমণির পুনঃ প্রবেশ)

জগ। কই, কোথায় কি? তুমি যেমন, বাতাস নড়লে ভয় পাও! তোমার ভয় হয়, গাড়ী ক'রে আমার বাড়ী নিয়ে যাচ্ছি।

প্রফুল্ল। কে রে রাক্ষসি! মা'র কোল থেকে তার ছেলে কেড়ে নিয়ে যেতে এসেছিস? তোর মাধ্য না, রাক্ষসি, দূর হ! নরকে তোর মত যত পিণাচী আছে, একত্র হ'লে পারবে না;—দূর হ, দূর হ।

কাঙ্গালী। এ কি সর্সনাশ!

রমেশ। প্রফুল্ল, তুই হেথা কি ক'ত্তে এসেছিস? এখান থেকে যা, ছেলের বড় ব্যানো, চিকিৎসা ক'ত্তে হবে।

প্রফুল্ল। তুমি এখনও প্রতারণা ক'চ্ছো? তোমায় অধিক কি ব'লবো, তুমি কার জন্ত এ সর্সনাশ ক'চ্ছো? তুমি কার জন্ত সহোদরকে পথের ভিখারী করেছ? কার জন্ত কনিষ্ঠকে জেলে দিয়েছ? কার জন্ত বংশধরকে অনাহারে

মেয়ে টাকা রোজ্গার ক'চ্ছে? তুমি কার জন্ত গর্ভধারণীকে পাগলিনী করেছ? শুনেচি, তুমি বিদ্বান, আমি অবলা স্ত্রীলোক, আমার তুমি বুকিয়ে দিতে পার, এ মহাপাতকে লাভ কি? পরকালের কথা দূরে থাকুক, ইহকালে কি সুখ-ভোগ ক'রবে? সদাশিব বড় ভাই মদে উন্নত, না পাগলিনী হ'য়েছেন, ছোট ভাই কয়েদ খেটেছে, বংশের একটি ছেলে অনাহারে মৃত্যুবরণ! এ ছবি তোমার মনে উদয় হবে, তোমার জীবনে কি সুখ, আমি তো বৃষ্টিতে পাবুছি নি।

রমেশ। দেখ প্রফুল্ল, ছোটমুখে বড় কথা ক'সনি; ভাল চাস্ তো দূর হ, নইলে তোরে খুন ক'রবো।

প্রফুল্ল। তুমি কি মনে কর, আমি প্রাণ এত ভালবাসি, যে অবোধ নিরাশ্রয় বালককে রাক্ষসের হাতে রেখে প্রাণভয়ে পালাব? প্রাণভয়ে স্বামীকে পিশাচের অধম কার্য ক'র্ত্তে দেব? আমি ধর্মকে চিরদিন আশ্রয় ক'রেছি, ধর্মকে ভয় ক'রেছি, আমার প্রাণের অত ভয় নেই; নিশ্চয় জেনো—তোমার চেষ্ঠা বিকল হবে। সকল কার্যের শেষ আছে, তোমার কুকার্যের এই শেষ সীমা! ধর্ম অনেক সহ ক'রেছেন, আর সহ ক'রবেন না, সতর্ক হও; আমি সতী, আমার কথা শোন,—যদি মঙ্গল চাও, আর ধর্মবিরোধী হ'য়ো না। তুমি কখনই এ শিশুকে বধ ক'র্ত্তে পারবে না।

মদন। না না, বধ ক'র্ত্তে পারবে না। ধর্মরাজ আশ্রয় দাও, ধর্মরাজ আশ্রয় দাও; না না, বধ ক'র্ত্তে পারবে না, আমি আর পাগল নই, আমি আর পাগল নই।

জগ। তবে রে মড়া মদনা, তুমিই পথ দেখিয়ে এনেছ?

মদন। হ্যাঁ হ্যাঁ, আমি জান্লাম ভেদে এনেছি, ধর্মরাজ আশ্রয় দাও, ধর্মরাজ আশ্রয় দাও! জমাদার, আর তোমায় ভয় করি নি; পাহারাওয়ালার, আর তোমায় ভয় করিনি; চাপ্ রাসি, আর তোমায় ভয় করিনি। ধর্মরাজ আশ্রয় দাও, ধর্মরাজ আশ্রয় দাও।

রমেশ। প্রফুল্ল দূর হ, ভাল চাস্ তো দূর হ।

প্রফুল্ল। আমার ভাল কি! এ সংসারে আমার ভাল আর কি আছে? আমার ভাল আমি চাই নি, তোমার মঙ্গল প্রার্থনা করি। আমি এত দিন মা'র জন্ত বড় অস্থির ছিলাম, আজ তোমার জন্য ব্যাকুল হ'য়েছি।

জগ। রমেশ বাবু, রমেশ বাবু, কি ক'চ্ছে? ওদের ঠেলে ফেলে দে ছেলেটাকে নিয়ে চল।

মদন। খবরদার পাহারাওয়ালার, খুন ক'রবো! ধর্মরাজ রক্ষা কর, ধর্মরাজ রক্ষা কর!

রমেশ। প্রফুল্ল, প্রফুল্ল, তো'রে খুন ক'রে ফেলবো; সরে যাবি তো যা।

যাদব। কাকীমা পালার, তোমায় মেয়ে ফেলবে, আমি মরি, তুমি পালিয়ে যাও।

প্রফুল্ল। তোমার কি প্রাণ পাষণে গড়া? এই স্নেহ-পুতনী ছেলেকে না খাইয়ে মারছে! ছি ছি ছি, তোমায় ধিক্, তোমায় সহস্র ধিক্! আমার কথা শোন, আমার মিনতি রাখ, আর মহাপাতকে লিপ্ত হ'য়ো না, আমি আবার বলছি, ধর্ম অনেক সহ ক'রেছেন, আর সহ ক'রবেন না।

রমেশ। তবে মর! (প্রফুল্লের গলা টিপিয়া ধরন)

মদন। ছেড়ে দে রাক্ষসী! ছেড়ে দে নরাদম! ধর্মরাজ রক্ষা কর, ধর্মরাজ রক্ষা কর।

(মার্জান, জমাদার, ইনেস্পেক্টার, পাহারাওয়ালার সহিত সুরেশ, শিবনাথ, পীতাম্বর, ডাক্তার ও ভজহরি

ইত্যাদির প্রবেশ)

পীতা। আরে নীচপ্রবৃত্তি নরাদম! স্ত্রীহত্যা, বালক হত্যা ক'চ্চিস!

(রমেশকে ধৃত করণ)

ডাক্তার। ওহে শিবু, শিবু, ভয় নাই, ছেলে বেঁচে আছে! পাল্‌স্ টেডি (Pulse steady) আছে, দিন দুই তিনে সেয়ে যাবে, ভয় নাই।

মদন। হ্যাঁ হ্যাঁ পাহারাওয়ালার, আমি রোজ রাতে দুখ খাইয়েছি; ভয় নাই, ভয় নাই, পারাভঙ্গ দিয়েছি; ধর্মরাজ রক্ষা কর, ধর্মরাজ রক্ষা কর।

সুরেশ। ডাক্তার বাবু, এ দিকে দেখুন, মেজবৌদিদির মুখে রক্ত উঠছে।

ডাক্তার। ইন্! তাই তো!

সুরেশ। মেজবৌদিদি! মেজবৌদিদি!—

প্রফুল্ল। ঠাকুরপো এসেছ? বেদোকে দেপো, আমার দিন ফুরিয়েছে, আমার জন্ত ভেবো না, আমি মা'র জন্ত জোর ক'রে প্রাণ রেখেছিলাম, আজ আমি নিশ্চিত হলেম! আমি তোমায় মাকড়ী দিয়েই সর্কনাশ ক'রেছিলাম, তুমি

আমায় মার্জনা কর; আমি জান্তেন না, এ সংসারে এত প্রতারণা! ভগবান্ আমায় ভাল জায়গায় নিয়ে বাচ্ছেন,—বেখানে প্রতারণা নাই, সেইখানে নিয়ে যাচ্ছেন। আমি তাঁর ছুঃখিনী মেয়ে, অনেক যন্ত্রণা পেয়েছি, আজ আমায় তিনি কোলে নিচ্ছেন! (রমেশের প্রতি) দেখ, তুমি স্বামী! তোমার নিন্দা করবো না—জগদীশ্বর করুন যেন আমার মৃত্যুতে তোমার পাপের প্রায়শ্চিত্ত হয়—তুমি বড় স্মৃতগা—সংসারে কারকে কখন আপনার কর নি! আমার মৃত্যুকালে প্রার্থনা—জগদীশ্বর তোমায় মার্জনা করুন! ঠাকুরপো, অভাগিনীকে কখন মনে করো—আমি চল্লম!

(মৃত্যু)

স্বরেশ। দিদি, দিদি, মেজবৌদিদি! মেজবৌদিদি! শিবনাথ, শিবনাথ, কি হ'লো! মেজদাদা! তোমায় বন্দি আর কিছু নেই!

পীতা। নরাদম! তোর কার্য দেখ!

ভজ। রমেশ বাবু, হাম ব'লাথা একঠো জমিন্দার গাওয়া রাখ্ দিজিয়ে। এই দেখুন না, তাহ'লে তো এই ক্যাসাদ হ'তো না; এইবার এই বালা পকুন।

(ইনেম্পেক্টার কর্তৃক রমেশের হস্তে হাতকড়ি প্রদান)

রমেশ। দেখ হাবুল, বে-আইনী করো না, বে-আইনী করো না।

ভজ। রমেশ বাবু, কিছু বে-আইনী নয়; ক্রিমিন্যাল প্রসিডিওর (Criminal procedure) য়ে মার্ডার (murder), অ্যাটেম্পট টু মার্ডার (attempt to murder) য়ে বালা মল ছু'ই পর্তে হয়।

জগ। আনায় ধ'রো না, আমায় ধ'রো না, আমায় ছেড়ে দাও।

জমা। চোপ্‌রাও গতানি।

জগ। দেখ দেখ, তোমার নামে আমি কেস্ আনবো; তুমি ভদ্রলোকের মেয়ের জাত খাও।

ভজ। মানা, তুমি কিছু দাবী দেবে না? বে-আইনী টে-আইনী কিছু ব'লবে না? এতদিন উকিলের বাড়ীর চাকরী কল্পে কি? একটা সেক্‌সন খোজো, ছুটো মুখের কথাই খসাত! বাবা, ঢের ঢের বদমায়েসী দেখেও এলেন, ক'রেও এলেন, কিন্তু মানা-মামীতে টেকা মেরে দিয়েছে।

জমা। কেও রমেশ বাবু, আবি ধরন্ দেখ্‌লায়া নেই? যবু ভাইকো কয়েদ দিয়া তব্তো বহত ধরন্ দেখ্‌লায়াথা।

ভজ। ছেলাম রমেশ বাবু, ছেলাম! ধর্ম দেখানটুকু আছে না কি? তুমি আমার মামী-মামার ওপর! সত্যি কথা বলতে কি, মামার মুখেও কখন ধর্মের কথা শুনিনি, মামীর মুখেও কখন ধর্মের কথা শুনিনি।

ইনেম্। রমেশ বাবু, বেশ বাগিয়েছিলে, কিন্তু শেবটা রাখতে পারলে না, তা হ'লে একটা হিস্টরিক্যাল ক্যারেক্টার (Historical character) হ'তে!

ভজ। রমেশ বাবু, পাঁচজনে পাঁচদিক থেকে পাঁচকথা ক'চ্ছে, তুমি একবার ধর্ম দেখিয়ে বক্তৃতা কর। তোমার মুখে ধর্মের দোহাই শুনলে লোক যে বয়েসে আছে, সেই বয়েসেই থাকবে।

বাদব। কাকীমা, কাকীমা!—

ডাক্তার। ভয় নাই, ভয় নাই, এই যে তোমার কাকীমা, ভয় কি? তুমি এই ছুখ খাও।

বাদব। আমার মা কি আছে?

ডাক্তার। তোমার কাকীমা আছে, ভয় নাই।

পীতা। নরাদম, নররাক্ষস! সংসারটা এমনি ছারেখারে দিলি?

ভজ। সে কি পীতাম্বর বাবু, কি ব'লছো? এমন কুলের ধ্বজা আর হয়! আবাল-বৃদ্ধ-বনিতা ওর নাম গাইবে, যম-রাজ ওরে নরকের মেট ক'রে দেবে। মানা বাবু, মামীমা, তোমরাও এক একজন কম নও, তোমাদের তিনের ভেতর যে কে কম, এ বেদব্যাস চাই ঠিকানা ক'ন্তে; এমন পাথর-কুচির প্রাণ, দোহাই ব'লছি, আমার বাপের জন্মে দেখিনি! এই ছেলেটাকে না খেতে দিয়ে মার'ছিলে! তোমাদের বাহাহুরী যে আমার চোখেও জল বা'র ক'রেছ।

মদন। প্রফুল্ল, প্রফুল্ল, তুমি কোথায়! দেখ, এত পাহারাওয়াল, জমাদার এসেছে, আমি আর কিছু ভয় করি নি। প্রফুল্ল, তোমায় বাঁচাতে পারলেম না, এই আমার দুঃখ রইল! আমি পাগল নই, আমি পাগল নই; ধর্মরাজ রক্ষা কর, ধর্মরাজ রক্ষা কর!

ভজ। না তুমি পাগল নও, আমি মুক্তকণ্ঠে ব'লছি। না, এই পাগলকে মাহুষ ক'রেছ, কিন্তু না, তোমার মৃত্যুতে হরির ছুর্ভুক্টি দূর হয়! মামাবাবু, মামীমা, রমেশ

বাবু, দেখ আমি যদি জ্বজ্ব হ'তেন, তোমাদের মাপ ক'ন্তেন,
তোমরা বথার্থই অভাগা!

চের; আর বেশী কাঁদাকাটা ক'রো না, বা হবার হ'য়ে গিয়েছে,
কেবুবার তো নয়।

(যোগেশের প্রবেশ)

(উমাসুন্দরীর প্রবেশ)

উমা। বাপু, বুক বায়, বুক বায়, বুক বায়! (মুচ্ছা)
স্বরেশ। ভাই শিবু, আমার কি সর্কনাশ দেখ! মা, মা,
জননি! তোমার অভাগা স্বরেশকে একবার কোলে কর, না
গো, দেখ আমি প্রাণ ধ'বুতে পাচ্ছি নি!

ভজ। 'সর্কনাশে সমুৎপন্ন অর্ধং তাজ্জতি পণ্ডিতঃ'—
স্বরেশ বাবু, তোমার সর্কনাশ উপস্থিত, যাদবকে পেলে এই

যোগেশ। এই যে আমার বাড়ীই জটলা, মড়া পুড়িয়ে
সব এইখানে এসেছে। এই যে বেদো, এই যে মা, এই যে
রমেশ! দেখছো, দেখছো, দেখ, মরুবার সময়ও দেখবে, দেখ,
দেখ! আমার সাজান বাগান শুকিয়ে গেল! আহা হা!
আমার সাজান বাগান শুকিয়ে গেল!


—
স্বরনিকা

নল
পুষ্কর
বিদূষক
ভীমসেন
বতুপর্ণ
ইন্দ্র, অগ্নি,
ময়ী, দৃ

দুর্গমস্তী ...
রাজ-মাতা ...
সুন্দা ...
রাণী ...

সখীগণ, অপ্সর

নল-দময়ন্তী



(পৌরাণিক নাটক)

[১লা পৌষ, ১২৯০ সাল, ষ্টার থিয়েটারে প্রথম অভিনীত]

নাট্যোল্লিখিত ব্যক্তিগণ

পুরুষ

| | | | | |
|---------|-----|-----|-----|---------------|
| নল | ... | ... | ... | নিষধ-রাজ । |
| পুঙ্কর | ... | ... | ... | রাজ-ভ্রাতা । |
| বিদূষক | ... | ... | ... | রাজ-সখা । |
| ভীমসেন | ... | ... | ... | বিদর্ভ-রাজ । |
| কৃতপর্ণ | ... | ... | ... | অযোধ্যা রাজ । |

ইন্দ্র, অগ্নি, বরুণ, যম, কলি, দ্বাপর, রাজাগণ, সারথি,
মন্ত্রী, দূতদ্বয়, রক্ষী, ব্যাধদ্বয়, মুনি, গ্রামবাসী,
নাগরিকগণ ইত্যাদি ।

স্ত্রী

| | | | | |
|----------|-----|-----|-----|--------------------------------|
| দময়ন্তী | ... | ... | ... | বিদর্ভ-রাজকন্যা ও নলের মহিষী । |
| রাজ-মাতা | ... | ... | ... | চেদী-রাজ-জননী । |
| জনন্দা | ... | ... | ... | চেদীনগরের রাজ-কন্যা । |
| রাণী | ... | ... | ... | ভীমসেনের মহিষী । |

সখীগণ, অপ্সরাগণ, ব্রাহ্মণী, জনৈক বৃদ্ধা, দাত্রী ইত্যাদি ।

প্রথম অঙ্ক

—:~*~:—

প্রথম গর্ভাঙ্ক

উপবন

নল ও বিদূষক ।

নল । সখা, হের বন উপবনসম,
নৃত্য করে ময়ূর-ময়ূরী ;
বহে বায়ু ধীরি ধীরি মকরন্দ বহি' ;
দোলে ফুল সোহাগ-পরশে ;
সরস কুসুমের রসায় ঋষির মন ;
তাহে কুহুতান মত্ত করে প্রাণ ;
রম্য স্থান হেথা—কণ করহ বিশ্রাম ।
সখা, সখা—
বিদু । কারে কহ মহারাজ ?
যে হিড়িক্ টান্—
সখা তব ক'রেছে পয়াণ ;
আর কোথা পাইবে সখারে ?

! রথ চলে এত বেগে ?

বিদু ।— ক্ষুধায় যতপি মরি,

আর মিষ্টান্ন অদূরে থাকে,
তবু তব রথে না যাব কখন ।
আর কারে বলি ?
রাজার পিরীত কিছু ভুতুড়ে খেতের ;
বন পেলে পিরীত ঝাঁপিয়ে ওঠে ।

ভাল, মহারাজ,
কখন' কি করি নি পিরীত ?
দেখি নি ত এ বেতর চঙ !

নল । বর্ষর, দেখ কি অতুল শোভা ;
চিনিয়াছ মিষ্টান্ন কেবল !

বিদু । আর মহারাজ চিনেছেন নব ঘাস !

নল । (স্বগত) তর তর পত্র যথা প্রভাত-সমীরে,

প্রাণ কাপে নিরন্তর ;
ছুখ-সুখ-নাঝে আশা দোলায় আমার ।
আরে মন ! রত্ন কার করে আশা ?

ত্রিভুবন রত্ন করে আকিঞ্চন ।
স্বয়ম্বরে যাব—লজ্জা পাই পাব—
বারেক দেখিব,

নয়নে শ্রবণে বিবাদ ঘুচাব ।

এ জীবনে কি বা পাব ?

দেখিব সে কল্পনা-প্রতিমা ।

হায় !

কেন মনে হয় সে আমার ভালবাসে ?

বিদু । মহারাজ, ভাঙাও আমার ?

ঠেকিয়াছ পিরীতের দায় !

জানি আমি—আমার' ত গেছে দিন ।

নল । দেখ সখা !—ব্যাকুল ভ্রমর

গুঞ্জরি' জানায় মনোজালা ;

মুদিত নলিনী ফিরে নাহি চাহে আর ;

এ কি—এ কি কঠিন ব্যাভার !—

দেখ সখা, নিরাশায় ভ্রমরা ফিরিল !

বিদু । এই টুকু নুতন কেবল !

আমি যবে ত্রাঙ্কণীয়ে দেখি—

ঐ কড়া শ্বাস, ঐ রূপ উপর চাউনি—

মিষ্টান্ন পাইলে

হয় ত বা রয়ে গেল গোটা ছই !

কিন্তু,
ভ্রমর এল কি গেল কখন' দেখিনি ।
মহারাজ, কেঁদে ফেল ;
আমি ত্রাঙ্কণীকে দেখে কেঁদে তবে বাচি,
তবে ক্ষুধা হয় !

নল । সখা, সত্য কহি—

নলরাজা নহি আমি আর ;
ছি ছি কত করি, মন বুঝাইতে নারি ;
রাজ্য ধন মান নাহি চাহে প্রাণ ;

ক্ষত্রিয়ের প্রাণের সুসার
বীৰ্য বল কাজ নাই আর ;

প্রাণ তৃষিত আমার—

দাবানল দহে সদা ।

সে প্রমদা আমারে কি চাবে ?

সে রতন ত্রিভুবন করে আকিঞ্চন ;—

কোন গুণে পাব তারে ?

যাব—যাব স্বয়ম্বরে ;—

আর লাজে বাধে কি বা ?

বিদু । কোথা যাও ? একে ঘোর সন্ধ্যা—

তায় এই সোমন্ত বয়েস, রাজা,—

তায় পিরীত ছাঙ্গামে !

একা কেন ঘাটে বসে থাকে জল ?

মহারাজ, চল, বিলম্ব কর' না ;

জান ত মৃগয়া করে

বনে মিষ্টান্ন না মেলে ;

যত দূর পদ্মের ডাঁটায় হয় !

নল । দেখ সখা, কিবা দীপ্তি অকস্মাৎ—

খোলে জলে মুদিত নলিনী !

(পদ্ম হইতে দেববালাগণের আবির্ভাব)

গীত

ইমন্ বেহাগ—একতারা ।

হায় রে হায় ! প্রেমিক যে জন

সে কেন চায় ভালবাসা ?

বিলে নিলে, বদল পেলে,

ফুরিয়ে গেল প্রেমপিয়ারী !

শ্রমে চায় ভালবাসি, পরাব না, পরবো কাঁসি,

চায় না প্রেম কেনা-বেচা—ভালবেসে পুরায় আশা ।

নল। (স্বগত) সত্য, কেন প্রাণ চাহে বিনিময় ?
সঙ্গীতের ছলে
দেব-বালা দেন উপদেশ ।
আশা নাচায় কাঁদায় ;
আর ছলনায় ভুলিব না ;—
আশা দিব বিসর্জন ।
পরি প্রেম-ফাঁসি হইব সন্ন্যাসী ;
ভালবেশে আশা মিটাইব ।

(দেববালাগণের গীত)

সিকুড়া খাঁসাজ—একতালা

প্রাণে যার সয় না ব্যথা সে কেন কয় প্রেমের কথা ?
প্রেমে দিন যাবে কেঁদে—প্রেমিক যে জন সে ত জানে ।
প্রাণ দিতে যে জানে পরে, বিচ্ছেদের ভয় সে কি করে ?
বিচ্ছেদে অবচ্ছেদে—হৃদয়-টাঁদে হেরে ধ্যানে ।
যে আপনা হারে, চায় সে কারে ?
সাধের ফাঁসি খুলতে নাহে ।
প্রাণ মজে প্রাণ দিয়ে পূজে,
ব্যথা কি তার থাকে প্রাণে ?
(জলময় হওন)

নল। (স্বগত) সত্য, আমি ভালবাসি ;
আমি প্রাণ দিছি তারে ;
তবে, দানে কেন চাই প্রতিদান ?
স্বপ্ন হয় প্রাণ
যদি আশা করি বিসর্জন ।
কিন্তু,
মরাল-বচনে মনাগুণে জঁলে মরি !
সে চায় আমায়—
বলে গেছে স্বপ্ন-বিহ্বলম ।
চায় বা না চায় দেখি পরীক্ষায় ।
দেখে যাব—কোন ভাগ্যধরে
আদরে সে রমণীরতন ।
(প্রকাশ্যে) সখা, সখা ! এ কি ভাব তব ?
বিদু ! হায় ! আমি গরীব ব্রাহ্মণ—
কেন ঠেকিলাম রাজার পিরীত-দায় ?

নল। সখা, সখা ! আচ্ছন্ন কি হেতু তুমি ?
বিদু। রস' তুমি মহারাজ ;
কর দেখি অশ্রুদি দংশন,—
দনা ধরে গেছে বৃকে ;
বাবা হু' হুব্বার !
মহারাজ, তোমার এ প্রেমের হিড়িকে
যে কারুর প্রাণ বাঁচে, এমন ত বোধ হয় না ।
ঘরে বসে কোথা পেলো রাক্ষুসে প্রণয় ?
রাক্ষসী নিশ্চয় !
বনে একা পেলো ভুলিয়ে নিয়ে যায় ।

নল। সখা !
অল্পমানে জ্ঞান হয় দেবকন্যাগণ ।
বিদু। তোমার প্রেমের চোটে
পদ্ম ফেটে দেব-কন্যাগণে এল' বনে !
নিশ্চয় রাক্ষসী ; ইচ্ছা যদি, রহ রাজা ;
আমি—সৌদা ব্রাহ্মণের ছেলে—
ভরা সাজে হেথা নাহি রব ।
নল। যাও সখা, কহ গিয়ে সারথিরে—
অশ্বগণে দেয় তৃণ পানি ;
এ কাননে করিব বিশ্রাম আজি ।
বিদু। রাজা-রাজড়ার খেলা—
পালা, বামুন, পালা ।

[প্রস্থান ।

(ইন্দ্র, বক্রণ, যম ও অগ্নির প্রবেশ)

ইন্দ্র। জয় হ'ক মহারাজ ।
নল। তেজঃপুঞ্জ মুরতি সুন্দর—
পুরুষ-প্রবর,
কেবা তুমি সস্তাব কাননে ?
পরিচয় দেহ মোরে,
কহ মহাজন ! কি বা প্রয়োজন
সাধিবে তোমার দাস ?
ইন্দ্র। শুন মহামতি ! আমি—দেবরাজ ;
মায়াবন করিয়া স্বজন
আসিয়াছি ধরামাঝে ।
সফল জনম মম ;
কোপুণ্যে পাইলাম দরশন ।

ইন্দ্র। আসিয়াছি বড় আশে তব পাশে,

কর সত্য, ওহে সত্যবান,—

রূপাবান্ হবে মম প্রতি ?

নল। মিনতি কি হেতু, দেব ! আজ্ঞাবাহী দাসে

যে বা আজ্ঞা হয়,

প্রাণপণে সাধিব নিশ্চয় ;

দেবরাজ ! আদেশ কিঙ্করে।

ইন্দ্র। খর তরে যাও স্বয়ম্বরে,

তারে হেরে মদনে পীড়িত মম প্রাণ !

হেরি' সে রূপ-মধুরী

ধৈর্য্য না ধরিতে পারি ;

ইন্দ্র যতপি মম যায়,

ক্ষতি নাহি তার—

ধরি নরকায় রহি তারে ল'য়ে স্থখে !—

কিন্তু, স্থলোচনা তোমা বিনা

অন্ত জনে না হেরে নয়ন কোণে ;

হৃৎ-স্থখে তব বার্তা শুনি'

আছে তব ধ্যানে ;—

নলরূপ নিয়ত নয়নে জাগে !

তাই, মহাশয়, চাই তবাত্ময় —

দূত হ'য়ে যাও তার বানে ;

বরিতে আমার বৃদ্ধাও বাল্য ;

শচী হ'তে রাখিব আদরে—

বল' তারে ;— স্বর-শরে জরজর তহু ;

ব'ল—দেবরাজ কিঙ্কর হইতে চাহে।

অগ্নি। আমি—অগ্নি, শুন হে ভূপাল,

কি জঞ্জাল করিয়াছি তারে হেরে !

যদি ইন্দ্রে নাহি বরে, ব'ল মোর তরে ;

মন্মথের শরে মন নিপীড়িত মম !

ইন্দ্র। বরুণ শমন

হের, আশীর্বাদ জানায়, রাজন্ !

আসিয়াছে দময়ন্তী-আশে।

আছি চারিজন —

যারে ইচ্ছা—করুক বরণ ;

দৌত্য-কার্য্য কর মহারাজ।

নল। শুন দেবগণ !

দেব-কার্য্য করিব সাধন ;

যাব আমি দূত হ'য়ে ;

কিন্তু, বাল্য রহে অন্তঃপুরে,

সতর্ক প্রহরী সদা ফিরে ;

কি উপায়ে দেখা পাব তার ?

ইন্দ্র। দেব-মায়া ঢাকিবে তোমারে—

অদৃশ্য পশিবে, রাজা।

হেথা পুনঃ দেখা পাবে মো সবার।

[দেবগণের প্রস্থান।

নল। (স্বগত) আরে, সত্যঘাতী মন !

কেন হও বিচঞ্চল ?

উচ্চ শিক্ষা শিখরে হৃদয়,

পর-স্থখে হ'তে স্থখী ;

ছল'ভ রতন,

পার যদি, যত্নে কর দেবে সমর্পণ,

বিসর্জন কর রে লালসা ;

দেবরাজ ইন্দ্র যাছে চায়,

সে সুধায় নরে কোথা পায় ?

দেবাদনা মিলাইব দেবমনে !

আরে রে অবোধ মন ! যদি ভাল বাস

স্থখে তার কি হেতু অস্থখী তুমি ?

শচী মনে রবে ইন্দ্রাসনে—

কি হেতু অস্থখী হও ?

ছি ! ছি ! ছুর্নিবার নয়নের ধার।

[প্রস্থান।

দ্বিতীয় গর্ভাঙ্ক

উদ্যান

দময়ন্তী ও সখীগণ।

দম। হেরিলাম সুন্দর মরাল

সরোবরে ভাসে কুতূহলে ;

স্বর্ণ-পাখা হেরি মনোহর

ধাইলাম ধরিতে সত্বর ;

বক্রগ্রীবা মাণিক-নয়নে

চাহিল

নর-স্বখে

“নলরাজ

তোর ত

দময়ন্তী

সখি, মুখ

হু' নয়ন

ছলে পুন

“দেহ লে

যত্নে দিব

উন্নতের

লাজ পে

চাহিল অ

দেখিতে

বৃষ্টি মন্ম

লনায়

সখি, সখি

দাসী হ'য়ে

প্রাণে

প্রেমের

নয়নকে

নীহবে

দম। সখি, বু

তাই রঙ্গ

প্রাণ দি'ছি

ভেবে মরি,

স্বয়ম্বরে যদি

সখি, সত্য

সখী। সখি !

পদ্ম-আশে

ভূঙ্গ কেন

বার তরে

সে কাতর

চাহিল কাঞ্চন-বিহঙ্গম ;
 নর-স্বরে ধীরে ধীরে কহিতে লাগিল,—
 “নলরাজ পাঠাইল মোরে ;
 তোর তরে ভূপতি উদাস !
 দময়ন্তী ধ্যান জ্ঞান তাঁর” ;
 সখি, মুগ্ধপ্রায় কতই শুনিছ ;
 ছু' নয়ন ভাসিল সলিলে ;
 ছলে পুনঃ কহিল স্ববর্ণ-দূত,—
 “দেহ লো যুবতি ! বারি-বিন্দু ছুটি তোর,
 যত্নে দিব নলের নিকটে” !
 উন্নতের প্রায়—
 লাজ খেয়ে কতই কহিছ ;
 চাহিল অঙ্গুরী,—পুতলীর প্রায় দিছ ;
 দেখিতে দেখিতে উড়িল সে মায়াবী মরাল ।
 বুঝি মন্থণের অমৃতর পাণী ;—
 ললনায় কাঁদায় মদন !
 সখি, সখি, কে আগে জানিত,
 দাসী হ'তে চার প্রাণ !

(সখিগণের গীত)

অহং-কানেড়া—পোস্তা ।

প্রাণে প্রাণ প'ড়লো ধরা, ব'লে গেল দোণার পাণী ;
 প্রেমের খেলা, প্রেমের লীলা, চপে চপে' রইল বাকী ।
 নয়নকোণে চাইবি যত, বাণ খাবি বাণ হান্‌বি তত,
 নীহবে প্রাণের কথা, আঁখিসনে কবে আঁখি ।

দম । সখি, বুঝ না বুঝ না প্রাণের বেদনা —
 তাই রঙ্গ কর কত !
 প্রাণ দি'ছি নলে—নল মম প্রাণনাথ ;
 ভেবে মরি,—
 স্বপ্নধরে যদি তাঁরে নাহি হেরি ।
 সখি, সত্য কি কহিল পাণী ?
 সখী । সখি ! সত্য মিথ্যা বুঝ মনে মনে ;
 পদ-আশে ভ্রমরা আপনি আসে,—
 ভূষ কেন না আসিবে তোর ?
 বার তরে কাঁদে বার প্রাণ,
 সে কাতর তার তরে ।

দম । সখি, দেখ—দেখ আসিছেন নলরাজ !
 সখি, এসেছে রতন, করহ বতন,
 আমি ত আপনহারা !
 নিত্য হেরি যে বদন ধ্যানে,
 দেখ লো, নয়নে—
 সম্মুখে সে নিরুপম ঠাম !
 সখি, ধর—ধর, কাঁপে লো অস্তর মোর !

(নলের প্রবেশ)

১ম সখী । মহাশয়, দেহ পরিচয় ;—
 অকস্মাৎ,
 কে তুমি উদয়, দেব, রমণী-মাঝারে ?
 নল । নল নাম—শুন, স্থলোচনে !
 দেবরাজ-আদেশে এসেছি,
 দেব-বলে পশিরাছি অন্তঃপুরে ;
 কেন রাজবালা; উতলা আমারে হেরে ?
 আমি দেব-দূত—দাস তাঁর ।
 দম । নাথ, কি বল—কি বল ? আমি দাসী,
 তব আশে রাখি প্রাণ ।
 নল । ভদ্রে, দেব-কার্যে মম আগমন ;—
 ইন্দ্র, অগ্নি, বরুণ, শমন,
 তব প্রেম করি' আকিঞ্চন
 পাঠাইল হেথা মোরে ;
 মন চাহে যারে, বর তারে, বরাননে,—
 দেবের বাঞ্ছিত তুমি ;—
 এ স্থধার নর নহে অধিকারী !
 দেবরাজে যদি, সতি, ভজ,
 রবে শচী হ'তে আদরে, সুন্দরি !
 অগ্নি বা বরুণ, যম—
 যারে মালা করিবে অর্পণ—
 বতনে সে রাখিবে তোমারে ।
 দম । প্রভু, কি কথা দাসীরে বল ?
 নহি দ্বিচারিণী ;
 হৃৎস-মুখে শুনি, তব পায় দিছি প্রাণ ;
 সখি—প্রাণনাথ ;
 প্রেমপ্রিতে হে কর' না আঘাত ;

আমি নারী, বাধা করি নরে,
না চাহি অমরে ;—
নল মম হৃদয়ের রাজা ।
যদি, প্রভু, নিদয় হইবে,
নারী-বধ লাগিবে তোমারে ।
দেব-দূত, কহ গিয়া দেবগণে—
পিতাসম গণি চারি জনে ;
বাচি শ্রীচরণে -নল স্বামী হয় মোর ।
প্রাণসখা, স্বয়ম্বরে দিও দেখা ;
নহে, তখনি তাজিব প্রাণ ;
নল বিনা আমি আর কার ?
তুমি হে আমার ;
প্রাণেশ্বর, কেন ছল কর ?
ছলে, প্রভু, ভূলাতে নারিবে ;
স্বামী ! পত্নীরে ঠেলনা পায় ।
নল । (স্বগত) আরে হীনবল প্রাণ !
নারীর বচনে হইতেছ বিচঞ্চল ?
(প্রকাশ্যে) শুন সুলোচনে !
যদি ভালবাস,
ভালবাসা চির দিন রবে ;
স'পি' কায় পূজা কর দেবতায়,
আপনায় দেহ বলি ।
দেব-কার্যে নরে ধরে দেহ ।
দেব-কার্যে আসিয়াছি, স্ববদনি,
দেব-কার্যে বাচি জাহ্নু পাতি—
দেবে কর দেহ-দান ;
তব আশ্র-বিসর্জন
জগজ্জন করিবে কীর্তন ।
শুন, বরাননে, সুখ তুচ্ছ গণি
ছ'পে সুখ শিখ মোর তরে ;
আমি-ও কেদেছি,
কাদিয়ে শিখেছি ; কেদে কেদে হব সুখী !
দম । প্রভু, কি দিয়ে করিব দেব-পূজা ?
দেহ, প্রাণ,—কিছু আর নহে মোর ;
দেবগণে সাক্ষী করি' কহি—
সকলি হে দিয়েছি তোমায় ;

জানি, নাথ, তুমি হে আমার ;
দানে তব নাহি অধিকার ।
ধর্মপত্নী আমি তব ;
দেহ মোরে, পতি-পূজা-উপদেশ ;
কহ, নাথ, স্বয়ম্বরে দিবে দেখা ?

নল । দেব-দূত—দাস-কার্যে নিযুক্ত, কন্যাণি, —
এবে আমি নহি ত স্বাধীন ;—
অঙ্গীকার কেমনে করিব ?

দম । প্রভু, ছেড়ে যাবে তেব না কখন ;
সতী পায় পতি-দরশন—
দেবতা মিলায় আনি' ;
যেতে চাও বাও হে নির্দয়,
দাসী পদ কতু না ছাড়িবে ।—
দেবগণে পিতাসম গণি ।

নল । যাই, সুলোচনে,
দেবগণে দিই গিয়ে সমাচার ।

দম । দেখা দিবে স্বয়ম্বরে ?

নল । না পারিব দেবাদেশ বিনা ।

[নলের প্রস্থান ।

দম । দিয়ে নিধি, কেন বিধি, হও প্রতিকূল ?

ছি ! ছি ! ধিক নারীর জীবন !

সাধিতে কাদিতে দিন যায় ;

যারে প্রাণ চায়—সে আমারে ঠেলে পায় ;

তবু প্রাণ তত কাদে তার তরে !

আরে ! আরে ! এ প্রাণের তরে

লজ্জাহীনা কত আর হব ?—

কতই সাধিব ?—

ছি ! ছি ! প্রাণ,

বার বার কত হ'বি অপমান ?

(সুখিগণের গীত)

গারা বিল্লা—একতারা ।

আগে কি জানি বল, নারীর প্রাণে সয় হে এত ?

কাদাব মনে করি ; ছি ! ছি ! সখি, কাদি কত ।

সাধ করি—সে সাধবে এসে, প্রাণের আলায় সাধি শেষে ;

লাজ-মান ভাদিয়ে দিয়ে, অপমান আর সব কত ?

[সকলের প্রস্থান ।

তৃতীয় গর্ভাঙ্ক

প্রাক্ষণ ।

বিদূষক ও সারথি ।

বিদু। শুন হে সারথি,
ব্রহ্ম-হত্যা যদি নাহি চাও—
যথা পাও মিষ্টান্ন আনিয়া দাও ।
মরুভূমি বিদর্ভ নগর,
সারাদিন কিছু খাই নাই ;
দেখ, হ'ল প্রায় সুর্য্যোদয়,
বাল্যভোগ গিয়েছে চিতায় ;
ভূতে পেয়ে রাজা প্রেম খায়,
ঝোপে ঝোপে রজনী কাটায় ;
আমি, বল, কেমনে সামাল দিই ?
রঙ বেরঙা পিরীত,
দেখেছি ত যথোচিত ;
বলি, ও সে হ্যাপ্তানে আমি ত পড়েছি ;—
কবে ভোজন ভুলেছি বল ?
রাজার এ নয় ত পিরীত,
পেছিতে পেয়েছে নিশ্চয় ;
ঐ দেখ,
ছেমোচাপা ছম্ছনে আসে রাজা !

(নলের প্রবেশ)

মহারাজ, তব পিরীতের দায়
ব্রাহ্মণের প্রাণ যায় ;—
কে যেন কাহারে বলে ?
নল। আরে রে বাতুল, কি জানিবি—
কি বেদনা মর্ষস্থলে মোর ?
হুত ! যাও, অশ্বগণে কর গে সংযত—
আজি বাব নিষধ নগরে ;
(স্বগত) না, না—
বাব স্বয়ম্বরে, বারেক দেখিব তারে ;
(প্রকাশ্যে) রহ প্রস্তুত, সারথি,
আজ্ঞা মাত্র পাই যেন রথ ।

[সারথির প্রস্থান ।

(স্বগত) আহা, সরলা বলনা !
দেবের ছলনা কেমনে বুঝিবে বাল্য ?
ফেলে-যাব তায় !
প্রাণ আর ফিরিতে কি চায় ?
হায় ! সে আমারে চায়,—
আমি তার হব,
যাব আমি সভামাঝে ;
কিন্তু,
ছলে ভুলে, বরে যদি নল-বেশী দেবে—
কেমনে বাঁধিব প্রাণ ?
সভামাঝে হারাইব জ্ঞান,—
উপহাস্ত হব লোকে !

বিদু। মহারাজ, পিরীতের নানান্ ভিবৃষ্টি
জ্ঞাত আছে গরীব ব্রাহ্মণ ;
কড়া শাস, উর্দ্ধ দৃষ্টি—
এ সব রকম জানা আছে কিছু কিছু ;
কিন্তু,
প্রাতে কিছু বেতর রকম !

নল। আরে রে বাতুল,
পরিহাস-সময় এ নয় ।

বিদু। ভাল,
বুঝিলাম তবু জীয়ন্ত রয়েছ, রাজা !
বলি, অত কেন ? মালা দিতে হয়, দেবে ;
মহারাজ, আমি ত বাতুল,—
বল দেখি, এত কি নলের সাজে ?

নল। সখা, নল রাজা নহি আমি আর ।
আহা ! অশ্রুপূর্ণ লোচন বালার—
সকাতরে প্রণয় বাচিল,
লাজ খেয়ে প্রাণ বিলাইয়ে পায় ;
হায় রে নির্দ্ধর !—পলায়ে আইলু আমি ;
পুতলীর প্রায়
একদৃষ্টে চাহিয়া রহিল ;
নীরব ভাষায়
প্রাণে প্রাণে কহিল আমায়,—
'নাথ, রেখ' মনে"
কে অভাজন—

এ রতন বুঝি নাহি পাব !
 হেরি' পঞ্চ নল—
 উন্মাদিনী বালা কতই কাঁদবে !
 কেমনে নীরব রব ?—
 পরিচয় কেমনে না দিব ?
 কেমনে বাধিব প্রাণ ?
 আশি-বারি কেমনে বারিব ?

বিদ্। রাজা, পঞ্চশরে ব্যাকুল তোমার প্রাণ,—
 পঞ্চ নল কোথা পেলো ?

নল। ইন্দ্র, অগ্নি, বরুণ, শমন,
 চারিজন বসিবেন মোর রূপ ধরি' ;
 তাই ভাবি—স্বয়ম্বরে যাব কি না যাব ।

বিদ্। এ ত বড় বাড়াবাড়ি দেবতার !
 এ আবদার কেন, রাজা ?

নল। দময়ন্তী-আশে আসিয়াছে চারিজন ।

বিদ্। মহারাজ, দেবতাদের ত বিলক্ষণ !
 যারে তারে প্রয়োজন !
 মর্ত্যে এল মানবী-আশায় !
 মহারাজ, কেমনে জানিলে ?

নল। রূপা করে বলেছেন তাঁরা মোরে ।

বিদ্। আহা, অতুল করুণা !
 আর রূপা করি বাইবেন দময়ন্তী ল'য়ে !
 মহারাজ, কি দিলে উত্তর ?
 আমি হ'লে বলিতাম,—
 'করুণায় কাজ কি, রতন ?'
 এই হেতু এত চিন্তা তব ?
 আমি সভায় চীৎকার করে কব,—
 এই নল রাজা,—
 দময়ন্তী, এস এই স্থানে ।

নল। করিয়াছি পণ, নাহি দিব পরিচয় ।

বিদ্। মহারাজ, তুমিও রতন !
 নাও—কোণে যাও, ঐ কোণে বসে কাঁদ ।

নল। স্বয়ম্বরে যাব কিনা যাব, ভাবি ;
 সভামাঝে নারী যারে অনাদরে,
 ধিক্ তার জীবন যৌবন !
 প্রাণ যারে উন্মাদ হইয়ে চায়,

অন্ত জনে মালা তুলে দিবে—
 কত জালা যে জানে সে জানে !
 যাব স্বয়ম্বরে, প্রাণে প্রাণে কবে কথা ;—
 সরলা আমারে চায় ।—

[নলের প্রস্থান ।

বিদ্। বাবা, যত বাগ্‌ড়া রাজার পিরীতে ? বেয়াড়া
 রকম সব ; দেখ না, এলেন কি না যম ! আমি হতেম ত
 বিলক্ষণ ছ' কথা শুভুতেম । বাবা ! যমটা বেন কেমন কেমন
 দেবতা ! নামটা মনে হলেই, গাটা ছম্‌ ছম্‌ করে ! দূর হোক,
 এবার থেকে সন্ধ্যা না করে আর খাব না । আমার ইচ্ছা করে,
 ভাল করে মোড়া সাজিয়ে একবার যমকে পূজো দিই ; যেই
 ছ' হাতে বদনে তোলে—বলি, তবে রে মোড়ার ঠেলাটি বোঝো !
 বামূনের ছেলে—সন্ধ্যা-আত্মিক কল্লেম বা না কল্লেম, অত ধরো
 না । যাই আমিও যাই সভায় ; বড় ক্ষুধার প্রাহুর্ভাব—
 ভাঙারটা ঘুরে যাই । [প্রস্থান ।

চতুর্থ গর্ভাঙ্ক

স্বয়ম্বরে-সভা

রাজগণ, ভট্টগণ প্রভৃতি আসীন ; ইন্দ্র, অগ্নি, বরুণ
 ও যমের নলরূপে অবস্থান ।

১ম ভট্ট। এ কি স্বয়ম্বরে চারি নলরাজা ?

(নলের প্রবেশ)

২য় ভট্ট। হের পঞ্চম উদয় আসি' ।

(রাজা ভীম সেনের প্রবেশ)

ভীম। এ কি বিড়ম্বনা ?

শুনি মহিষীর মুখে

কত্মা মম চাহে নলরাজে ;

এ সমাজে পঞ্চ নল ?

হায় !

কেবা করে ছল অবলা বালিকা সনে ?

(দময়ন্তী ও সখীগণের প্রবেশ)

৩য় ভট্ট। আহা, কি মোহিনী ছবি !

দম। এ কি ! সভামাঝে পঞ্চ নল ?

1
2
3
4
5
6
7
8
9
10
11
12
13
14
15
16
17
18
19
20

দেবগণে করিছেন ছল ;
ওহে, ধর্ম-আত্মা দেবগণ !
ধর্মরক্ষা কর অবলার ;
দেহ সবে নিজ নিজ পরিচয়,
নাহি পারি করিতে নির্ণয় -
নারী আমি ;—দেবমায়া কেমনে ভেদিব ?
হের, কাতরা নন্দিনী ;—
পতি-করে করহ অর্পণ তারে ;
প্রাণেশ্বরে দেহ দেখাইয়া ;
দেবগণ ! দেহ নিদর্শন
যাহে সতী পায় নিজ পতি ;
মালা করে
ধর্ম সাক্ষী করি, কহি সভা-মাঝে ;
নল মম প্রাণেশ্বর ।

(দেবগণের নিজ নিজ মূর্ত্তি ধারণ)

প্রাণেশ্বর, মালা পর গলে । (মালা প্রদান)

নল । প্রাণেশ্বর, প্রাণ লও বিনিময়ে ।

ইন্দ্র । হে কল্যাণি !

তব যোগ্য নলরাজ, নল-যোগ্যা তুমি ;

চারি জনে করি আশীর্বাদ

স্বামি-ভক্তি অচলা রহুক তব ;

সতি ! ধর্মে তোর রবে মতি,

অলঙ্কিত বিদ্যা

দিই যৌতুক স্বামীরে তব ।

অগ্নি । হে কল্যাণি ! যৌতুক আমার—

অগ্নি বিনা নলরাজ করিবে রক্ষন ।

বরুণ । জল পাবে যথা তথা—

নলরাজে করি আশীর্বাদ ;

কল্যাণি ! বঞ্চহ স্থখে ।

বম । প্রাণিবধ-বিদ্যা দিই পতিরে তোমার ;

চাকনেত্রে ! করি আশীর্বাদ,—

অবিচল ধর্মে রবে মতি,

হবে পতি-সোহাগিনী ।

দম । কিরুরীরে অপার করুণা !

নল । ওহে, অন্তর্যামী দেবগণ !

কৃতজ্ঞতা কি ভাষে প্রকাশে দাস ?

(সখীগণের গীত)

সাওন-বাহার—একতারা ।

কোন পগনে ছিল রে এ দুটি চাঁদ ? এল ধরাতলে ।

চাঁদে মিলে, দেখ, কত খেলে ;

আধ হাসে রে চাঁদ, আধ ভাসে রে চাঁদ,

ভাসে নয়ন-জলে ।

কথা চাঁদে চাঁদে, কথা কত ছাঁদে,

কথা নয়নে নীরবে রে ।—

পিয়ে যুধা, ত্রাণ দোলে ।

দ্বিতীয় অঙ্ক

—:~:—

প্রথম গর্ভাঙ্ক

উপবন

কলি ও ছাপর ।

কলি । একাদশ বর্ষ করি রক্ষু অন্বেষণ !

বৃথা পরিশ্রম—মনোরথ না পুরিল ।

ধর্ম-পরায়ণ নল বিচক্ষণ

নারিলাম প্রবেশিতে শরীরে তাহার ;

নাহি অনাচার—

মম অধিকার নিষ্ঠাচার জনে নাহি ;

হায় ! না দেখি উপায়,

ঈর্ষ্যানলে দহে প্রাণ ।

ছি ! ছি !

কত অপমান সহিলাম স্বয়ংধরে ;—

দময়ন্তী যৌবনের ভরে

দেবে অনাদরে !

নলে বরে দেব-সভা মাঝে ।

কি প্রেম-বন্ধনে আছে হুই জনে ;

বিচ্ছেদ বহিছে প্রবাহ ;

কোরহ হেরি, প্রাণে জলে মরি ;

ভাল—আর দেখিব কয়েক দিন ;
নলরাজে যদি নাহি পারি
বৃথা কলি নাম ধরি ।
সংসারের অধিকারী হইব কেননে ?
ক্রীড়া-দাসী কুমতি আমার
সতর্ক রয়েছে সদা ;
কিন্তু নলে, কোন ছলে না পারে তুলাতে ।

দ্বাপর । দেখ, আর নাহি প্রয়োজন ;
দেবরাজ করেছেন নিবারণ,
শুনেছ ত দময়ন্তী নহে দোষী ;
স্বয়ম্বর-স্থলে—
দেবাদেশে বরিয়াছে নলে ;
দেহ ক্ষমা—হিংসি' নাহি কাজ ।

কলি । ক্ষমা কোথা হৃদয়ে আমার ?
কুংসিত আচার—মম অলঙ্কার ;
হিংসা, দ্বেষ—সহচর ;
মিথ্যা কথা, নিষ্ঠুরতা—সহায় আমার ।
ক্ষমা আমা হ'তে না সম্ভবে ;
নিজ কার্যে যাও হে দ্বাপর,
আমি নলে না ছাড়িব ।
দময়ন্তী গরবের ভরে,
নল বিনা চক্ষে নাহি দেখে কারে ।

দ্বাপর । সাধে কি হে, ক্ষমা-কথা আনি মুখে ?
আছি যে অন্তরে—তোমাকে কি কব আর !
নিত্য যেন নব অনুরাগ—
নল সনে নিত্য প্রেম-খেলা—
হেরি' বাড়ে জালা আর না সহিতে পারি ।
এ প্রণয়ে বিচ্ছেদ কি হবে ?
কেন তবে বৃথা করি পরিশ্রম ?

কলি । হে দ্বাপর !
শক্তি মম অগোচর নহে তব ;—
যথা আমার উদয়,—
ধর্ম কর্ম লোপ সমুদয় ;
প্রেম কথা নাহি রয় ;
পিতা পুত্রে অরি ;
তীক্ষ্ণ খড়্গা ধরি' হৃদয় করে সহোদরে ;
সতী, ত্যজি পতি উপপতি করে সদা !

কোন মতে পারি যদি পশিতে শরীরে,
অচিরে দেখিতে পাও প্রভাব আমার ।
দ্বাপর । ভাল,
আমা হ'তে কিবা তব হ'বে উপকার ?
কলি । অক্ষপাটি হবে তুমি - এই মাত্র চাই ।

নল সহোদর,
পুঙ্কর দুকর পাপ-প্রিয়,
প্রভুসম নিত্য মোরে সেবে ;
বসিয়া নির্জনে
মনে মনে সাহায্য সে চায় মোর ;
আজীবন করে মন—
নলে দিবে বনবাস ;
রাজ্য-আশ পূর্ব তাহার ;
ত্বরা দেখা দিব তারে ।

দ্বাপর । কেননে জানিলে তুমি সাহায্য সে চায় ?
কলি । চিরদিন হিংসা করে নলে ;

কিন্তু, নিজ বুদ্ধি-বলে
কোন কার্য নাহি হয় সমাধান ।
হতাশ হইয়ে, শূন্য-পানে চেয়ে,
নিত্য কহে—“কে আছ কোথায় ?
দেহ সাহায্য আমায়—
ঈর্ষ্যায় নরকে নাহি ডরি' ।
দেখ, দূরে আসে ধীরে ধীরে
হেঁটমুণ্ড, চিন্তায় মগন,
পাপ চিন্তা করে অহুঙ্কণ ।
এস অন্তরালে,
মন তার এখনি জানিবে ।

(উভয়ের অন্তরালে গমন)

(পুঙ্করের প্রবেশ)

পুঙ্কর । (স্বগত) এক মাতৃগর্ভে জন্ম আমা দৌহাকার,
আমি পাপাত্মা পুঙ্কর,
উনি পুণ্যশ্লোক নল !
রাজ্যে আর রহা নহে শ্রেয়ঃ,
রাজদ্রোহী ভাবে জনে জনে,
মন্ত্রী হেরে সন্দেহ-নয়নে,

হীনমতি সভাসদ পেটুক ব্রাহ্মণ—
 কুকুর যেমন—সদা পিছে লাগে মোর ।
 ভাল—রাজ্য ত্যজি' যাব,
 যাব—কিন্তু হিংসা না ত্যজিব ।
 হায়! কেহ নাহি সহায় আমার ।
 প্রজাগণে স্ত্রনিয়মে বশ ;
 মন্ত্রী অতি সতর্ক স্বধীর ;
 সৈন্যগণ সতত প্রস্তুত ;
 একা আমি কি করিব ?
 কি সৌভাগ্য তার—
 ইন্দ্রের বাঞ্ছিত নারী বরিল তাহারে !
 পুণ্যবান্ জগতে আপ্যান ;
 তৃপ্ত মন—অতুল বৈভব-অধিকারী ;
 পুণ্যবান্ আমিও হইতে পারি -
 সিংহাসন যদি পাই !
 হীন প্রাণ নাহি যাচে আপন উন্নতি ।
 মন্তোষ—মন্তোষ—
 দুর্দশায় মন্তোষ কোথায় ?
 প্রাণ জ্বলে যায় !
 অবস্থার বিনিময় যদি করে নল,
 ধর্ম-বল তবে বুঝি তার ।
 নহে,
 রাজ্য হ'য়ে দান যজ্ঞ কেবা নাহি করে ?
 দেখি কয় দিন আর—
 বিনা রণে ভঙ্গ নাহি দিব ।

(কলির প্রবেশ)

কলি। কে তুমি ? কি ভাবে ময় অন্তর তোমার ?
 কিবা কার্য্য বাঞ্ছা কর ?
 ত্যজ ভয় না কর সংশয় ।
 পুঙ্কর। চিন্তা কি বা ? কেবা তুমি ?
 শ্রম দূর করি আসি' এ বিজন স্থলে ।
 কলি। শুন বৎস, ভাণ্ডাও না মোরে ।
 আমি রে সহায় তোমার ;
 অস্থর তোমার অগোচর নহে মোর ;
 শুন বৎস! বলি—ঈর্ষ্যানলে জ্বলি ;

কলি নাম খ্যাত চরাচরে,
 শুন কথা ত্যজ মনোব্যথা,
 রাজ্যোখর করিব তোমায় ;
 রাজ্য ত্যজি না কর গমন ।
 পুঙ্কর। (স্বগত) নিশ্চয় মন্ত্রীর চর ।
 (প্রকাশে) মহাশয়! রাজ্য কে বা চায় ?
 আমি রাজ-সহোদর,
 রাজদ্রোহী নহি ।

কলি। শুন, যাহে তব জন্মিবে প্রত্যয়,—
 দময়ন্তী-আশে যাই বিদর্ভ-নগরে,
 স্বয়ম্বরে করিল সে অনাদর ;
 দণ্ড তার দিব সমুচিত ।
 করিব কৌশল,
 রাজ্যভ্রষ্ট হবে রাজ্য নল,
 পত্নীসনে বিচ্ছেদ ঘটবে ;
 যদি তুমি না হও সহায়,
 অশ্রু জনে করিব আশ্রয় ;
 বল কিবা ইচ্ছা তব ?

পুঙ্কর। কায়, মন, প্রাণ
 বলিদান এখনি চরণে দিব,
 নল যদি হয় রাজ্যচ্যুত ।
 কহ, মহাশয় !
 কিবা কার্য্য চাহ আমা হ'তে ?

কলি। অক্ষপাটি উপায় কেবল !
 মায়া-অক্ষবলে
 রাজ্য-ধন জিনে লবে ছলে ;
 ধৈর্য্য ধর স্ত্রদিন আসিছে তোর—
 স'য়েছ বিস্তর রহ আর কয় দিন ।

পুঙ্কর। আজি হ'তে ক্রীতদাস তব আমি ।
 কলি। যাও নিজাগারে—
 দেখা দিব স্ববোগ হইলে ।

[কলির প্রস্থান ।

পুঙ্কর। (স্বগত) আজ এ কি অভিনয়—
 কলি আসি হইল উদয় !

দেহ-মন-জীবন বেচিলু তায়ে ;
 আজি, বেচিয়াছি বহুদিন—
 কে



যবে ধীরে ধীরে, তুধানলসম
রাজ্য-আশা জ্বলিল হৃদয়ে ।
এত দিন, একা ব'সে করিছ কখনা,
আজি, ক্ষমবান্ সহায় মিলিল ।
তবে কেন, ভয়ে কাঁপে প্রাণ ?
মৃত্যু যদি হয়,
তবু, অস্ত পথ নাহি লব ;
হ'য়েছি কলির ক্রীতদাস,
অঙ্গীকার রাখিব আমার ।
অক্ষপাটি—অক্ষ-স্বনিপুণ নলরাজা—
আশামাত্র জীবনে উপায় ;
আশা ত্যাগ না করিব ।

(বিদূষকের প্রবেশ)

বিদু। মহাশয়, না হয় একটু হাসলেন,—না হয় ছ' নও
লোকালয়ে ব'সলেন,—মনের কপাট না হয় খানিক খুলেন ।
বলি, ম'শয়, হাসতে কি দিব্যি দেওয়া আছে ?

পুঙ্কর। দেখ, উপযুক্ত শাস্তি দিব তোরে ;
আমি রাজ-সহোদর ।

বিদু। বলি, তাই ত মুঞ্চিলে ঠেকে'ছি ; নইলে, আমার
মাথাব্যাপা কি ? নিত্য মুখ দেখি—আর ঘরে হাঁড়ি ফাটে !
ম'শয় ! মুখের ভাবটা এক চেটে ক'রেছেন । হাসি-
কান্না—দিব্যি ক'রে ব'লতে পারি,—কিছু বোঝা যায় না ।

পুঙ্কর। হে ব্রাহ্মণ, কেন কহ কুবচন ?

এস যদি মমাগারে,
কত দিই মিষ্টান্ন তোমায় ।

বিদু। দেন কি, কেউটে সাপের লাডু ? আর গোথ'রোর
মোহনভোগ ?

পুঙ্কর। দেখ, তুমি রাজ-সখা,

আমি রাজ-সহোদর ;
আজি হ'তে বন্ধু তুমি মম ।

বিদু। ইস, বিবম গ্রহের কোপ ! মহাশয়, আহার দিতে
চান, বন্ধু ব'লে ডাকেন, শনির দৃষ্টি নিশ্চয় লেগেছে ! নইলে
অকণ্ঠ্য মহাশয়ের এত প্রেম কেন ?

পুঙ্কর। দেখ, তুমি যথাবাদী,

তাই নিরবধি যাচি আমি বন্ধু হ তোমার ।

বিদু। বামুনীর হাতের নোয়ার কি জোর ! এতেও
এতদিন টিকে আছি ! বলি, ব্রাহ্মণের ছেলে ত নরবলি হয়
না, তবে আমার সঙ্গে বন্ধুত্ব কেন ?
পুঙ্কর। জানি জানি,

শঠ তুমি নোরে বল চিরদিন ।

কিন্তু,

আজি নয় এক দিন দিব বুঝাইয়ে—
কত মম অন্তর সরল !

সরল অন্তর তব—

তাই প্রাণ তব অহুগত ।

বিদু। যা হোক মহাশয়, আজকে একটা উপকার
আপনা হ'তে হ'ল । আপনি যে চুপি চুপি পেয়ে আছেন, তা
—দোহাই ধর্ম—কে জানে ? দোহাই ম'শয়, রূপা ক'রে
ছেড়ে বান, নইলে রোজার বাড়ী যাব ।

পুঙ্কর। বাই আমি ; কর পরিহাস ।

(গমনোচ্ছত)

বিদু। মহাশয়, ছুটো গাল দিয়ে যা'ন ; যে মিষ্ট মুখ
দেখালেন, রাত্রে ডরাব ! জেনে শুনেই হাসেন না ; হাসলে
বুঝি সৃষ্টি থাকে না ।

পুঙ্কর। দূর হোক ।

[প্রস্থান]

বিদু। বখন শুন্নেম বন-ভোজন—তখনি প্রাণ কল্পন !
আবার তার উপর লক্ষণ—পুঙ্কর আছেন নিরিবিলি ব'সে ;
যদি এক হাঁড়া মোঙা নিয়ে চুলোয়ও যাই, সেখানেও যদি
পুঙ্করকে দেখতে না পাই তা কি বলি, পুঙ্কর থাকতে উদর
চালান ছুঙ্কর হ'য়ে উঠলো ।

(নল, দময়ন্তী ও সখিগণের প্রবেশ)

নল। বন-শোভা উত্তানে কোথায় ?

স্বৈচ্ছাবীন লতা হের, ধায় ;

স্বৈচ্ছাবীন তমাল প্রসারে বাহ ;

বগ্ন তানে গায় স্বৈচ্ছায় বিহঙ্গ ভ্রমি,

কোটে ফুল, ছড়ায় সৌরভ ;

কি বিভব প্রকৃতির !

বিদু। মহারাজ ! রাখ তব বন-উপাসনা ;

আজিকার বন নহে যেমন তেমন ।

মুগ্ধায় বনে ফল—নহে, মৃগাল মিলিত।

আজি দাবানল নাহি হয়।

প্রথম লক্ষণ স্মদর্শন সহোদর তব ;—

আগমন তাঁর হয়েছিল এই স্থানে।

নল। ছি! ছি! কু-কথা কি হেতু বল সখা?

বিদু। কেন বলি? পাকস্থালী জলে, বলি তাই।

অন্নের দফা ছাই—

বুঝি এই খানেই খাবি খাই।

নল। সখা, সহোদর মম;

নিন্দা কর এ নহে উচিত তব।

বিদু। দোহাই রাজার! নিন্দা নাহি করি।

করি মাত্র স্বরূপ বর্ণন!

হরেক রকম দেখেছি বদন;

কিন্তু মুক্তকণ্ঠে বলি, দিগ্বিজয়ী সহোদর তব ;—

নল। কোথায় পুঙ্কর?

বিদু। ছিলেন নির্জনে;

হেরে নর-সমাগম

হয়েছেন অন্তর্দান!

(সখিগণের গীত)

ললিত বাহার—যং।

কুন্তানে আকুল করে প্রাণ।

বুঝি রাখতে নারি কুল মান ॥

কুহম হেরি ভুলতে নারি,

মনে পড়ে সে বয়ান ॥

গুপ্তরি ভ্রমবা চলে, মনের কথা পশ্বে বলে,

নাথ হয় সাধি গিয়ে, ভাসিয়ে দিয়ে অভিমান ॥

বিদু। বলি, বনে কি আজ খুনো-খুনি ক'ববে?

বলি, তোমাদের যেন হাওয়া-থেকো জান,

এ গরীব ব্রাহ্মণের প্রাণ কিসে বাঁচে,

এখন তান্ ধরেছে!

নল। সখা, শুন অতি সুন্দর সঙ্গীত;

সুধাকণ্ঠ স্থলোচনা সখিগণ!

বিদু। মহারাজ, ও পাতলা সুধায়, রাজারাজ্‌ডার পেটে

ভরে; দেখছেন ঘন ব্রাহ্মণ—আমাদের ঘন রকমের সু

চাই! যা হোক, এক রকম ত হ'ল—এখন চলুন, শিবিরে
যাওয়া বা'ক।

নল। প্রিয়ে, এই স্থান প্রিয় অতি মম—

হেথায় মরাল-দূত দিল সমাচার,

হেথা কত দিন বসিয়া একাকী

তোমারে করেছি ধ্যান।

বিদু। মহারাজ, ক্ষান্ত হও,

ভয় হয় কথা শুনে;

আবার কি উর্দ্ধদৃষ্টি হবে রাজা?

হংস হংস রব তোল কেন?

নল। আর নাহি ভয়—

দময়ন্তী সহায় আমার।

উর্দ্ধদৃষ্টি আর কেন হবে?

(গমনোচ্ছত)

দম। নাথ, কোথা বাও?

নল। আসি, প্রিয়ে।

[নলের প্রস্থান।

(সখিগণের গীত)

অহং-কানেড়া—পোতা।

বলে কুল ছলে ছলে, তুলে দেলো বঁধুর গলে;

সোহাগ আর ক'রবি কবে? যাবে মধু-বাসি হ'লে।

ফুটেছি আনন্দভরে, তুলে নে যা আদর করে;

তোলনা, আর পাবেনা,—বলে কুহম হেসে চ'লে।

[সকলের প্রস্থান।

(দময়ন্তী ও বিদূষকের প্রবেশ)

দম। কই, কোথা মহারাজ?

বিদু। আজ জানি বিষম বিভ্রাট।

প্রথম পুঙ্কর—

তার উপরে উঠেছে হংসের কথা;

রাজা কোথা বসেছেন ধ্যানে।

(নলের প্রবেশ)

নল। চল বাই শিবিরে ফিরিয়ে।

হেথা—

কল কোথা নাই পদ-প্রক্ষালন হেতু।

এস প্রিয়ে ;
ছ'য়েনা আমার—অশুচি রয়েছি !

[সকলের প্রস্থান । নল । চল তবে ।

[উভয়ের প্রস্থান ।

(কলি ও দ্বাপরের প্রবেশ)

কলি । পূর্ণ মনস্কাম,
দেখ আজি মিলিল সুযোগ ;
মুক্ত ত্যজি' না করিল পদ-প্রক্ষালন,
দেখিব কেমন নল !
দময়ন্তী—বুঝে ল'ব অহঙ্কার !
বাদ মোর সনে ?
রূপ-গর্বে অবহেলা কর দেবগণে ?
আজি সাধের ভ্রমণ,
পুনঃ শীঘ্র যেতে হবে বন !
দেখি কোথা পুঙ্কর এখন ।

[উভয়ের প্রস্থান ।

(নলের পুনঃ প্রবেশ)

নল । কেন মন উচাটন আজি ?
এই স্থানে স্নিগ্ধ হয় প্রাণ ;
মনোলোভা প্রকৃতির শোভা
চিরদিন ভালবাসি ;
কিন্তু,
এ কেমন ? তিক্ত সব হয় অহুভব ।
পুঙ্কর না আসে হেথা ?

(পুঙ্করের প্রবেশ)

পুঙ্কর । দেখ মহারাজ, কি সুন্দর অক্ষুপাটি !
নল । অতীব সুন্দর ! কোথা গেলে ?
এস, আজি করি পাশা-ক্রীড়া ।
পুঙ্কর । মহারাজ, অক্ষু-সুনিপুণ তুমি,
অক্ষু-যুদ্ধে কে জিনে তোমায় ?
ভাল—ইচ্ছা যদি অক্ষু-ক্রীড়া,
চল মহারাজ, রথেরি প্রস্তুত ।
নল । চল তবে শিবিরে পেলিবে ।
পুঙ্কর । না না, মহারাজ !

রথ আছে প্রস্তুত আমার,
মমাগারে চল গিয়ে খেলি ।—

(কলি ও দ্বাপরের পুনঃ প্রবেশ)

কলি । বুঝ মম প্রভাব দ্বাপর ।
এক পল নাহি রহে দময়ন্তী বিনা—
গেল তারে শিবিরে রাপিয়া হেথা,
অক্ষু-ক্রীড়া হেতু !
যাও স্বরা অক্ষে হও আবির্ভাব ;
এ বৈভব কিছু নাহি রহে যেন ।
রাজ্য-ধন যাবে—বিচ্ছেদ ঘটবে—
তব সঙ্গ না ছাড়িব ।
আরে আরে যৌবন-উন্নতা বালা—
যার তরে দেবে কর হেলা—
পায়ে ঠেলে চলে যাবে তোরে ।

দ্বাপর । চল শীঘ্র—বিলম্বে কি ফল ?

কলি । ভাল, তব উৎসাহে সম্ভষ্ট আমি ।

[উভয়ের প্রস্থান ।

দ্বিতীয় গর্ভাঙ্ক

কক্ষ

মন্ত্রী ও দূত ।

মন্ত্রী । সত্য কহ ;
আসিতেছ রাজার নিকট হ'তে ?
অসম্ভব কথা !—
গিয়াছেন রাণীরে ত্যজিয়ে ?
দণ্ড পাবে মিথ্যা যদি হয় ।
১ম দূত । মহাশয় !
সত্য কহি, রাণী পাঠালেন মোরে ।
মহারাজ অকস্মাৎ ত্যজিয়ে শিবির
কোথা গিয়েছেন চলি ;—
কেহ তাঁর সন্ধান না পায় ।

মন্ত্রী। কে আছ রে, বন্দী কর দূতে।
সমাচার আপনি লইব;
নিশ্চয় কে অরি করে ছল।

[দূতের প্রস্থান।

(দ্বিতীয় দূতের প্রবেশ)

১য় দূত। মন্ত্রী মহাশয়! ভয়ে মম কাঁপে কায়,
মহারাজ পুঙ্কের ঘরে;
অক্ষ-ক্রীড়া হয় তথা।
না জানি কি মায়া-অক্ষ এনেছে দুর্ভাগি—
বার বার পুঙ্কর জিনিছে!
কত ধন করিলেন পণ রাজা,
পুনঃ পুনঃ পুঙ্কর জিনিল।
অশ্বপণ শুনি,
আইলাম দিতে সমাচার।

মন্ত্রী। এ কি! কিছু বুঝিতে না পারি।
রে দূত!
চিরদিন প্রত্যয় তোমারে করি,—
অসম্ভব বার্তা কেন দেহ তুমি আজি?

২য় দূত। মহাশয়! সত্য সমাচার,
বন হ'তে এক রপে আসি' ছুই জনে,
গোপনে করেন ক্রীড়া।

মন্ত্রী। যাও শীঘ্র রাণীকে আগারে আন;
বল তাঁরে সর্কনাশ হেথা,—
অক্ষ-ক্রীড়া নিবারণ করুন আসিয়া।

[দ্বিতীয় দূতের প্রস্থান।

(সারথির প্রবেশ)

কহ হৃত! রাজ্ঞী এসেছেন পুরে?
সারথি। আসিয়াছি রাজ্ঞীকে লইয়ে।
হের, আপনি আসেন দেবী।

(দময়ন্তীর প্রবেশ)

১ম। মন্ত্রী!
জিনিলাম মহারাজ ফিরেছেন পুরে;
বল, তবে কেন তাঁরে নাহি হেরি?

মন্ত্রী। দেবি! সর্কনাশ হেথা—
পুঙ্কের সনে পাশা খেলেন ভূপতি।
এস মাতা, বিলম্ব না কর;
চল, খেলা করিগে বারণ;
পণে পুঙ্কর সকলি জিনে।
এস মাতা, এতক্ষণে না জানি কি হয়।

[সকলের প্রস্থান।

তৃতীয় গর্ভাঙ্ক

কক্ষ

পুঙ্কর ও নল—পাশা-ক্রীড়ায় নিযুক্ত।

পুঙ্কর। কহ রাজা, কি করিবে পণ?

নল। রাজ-পু্রে আছে বত বস্ত্র, অলঙ্কার—
এই বার পণ মম।

পুঙ্কর। জিনিলাম—দেখ মহারাজ!

নল। অগ্ন অক্ষ ল'য়ে কর খেলা।

পুঙ্কর। অগ্ন অক্ষে অগ্ন দিন খেলিব রাজন!
বদি মিটে থাকে সাধ—

ফিরে যাও পণ না করিতে কহি।

নল। ভাল, এত বড় দম্ব তোর?

অর্দ্ধ রাজ্য পণ।

(রাণী, মন্ত্রী ও সারথির প্রবেশ)

এ কি! রাণী এল কোথা হ'তে?

১ম। মহারাজ! ক্ষমা দাও এ পাপ-ক্রীড়ায়;
নহে, সর্কনাশ হবে নাথ!

নল। রাণি! কেন ভাব?

পুনঃ জিনি লইব সকলি,—

অর্দ্ধ-রাজ্য পণ মম।

পুঙ্কর। জিনিলাম—দেখ মহারাজ!

মহারাজ,

কো শুনে কেন কর সর্কনাশ?

মায়া-অক্ষ এ জেন' নিশ্চয় ;—
 নহে, রাজা ! তব পরাজয়
 বার বার কেন হবে ?
 শাস্ত, ধীর, তুমি সদাশয়—
 পাশায় উন্নত কিবা হেতু ?
 অর্ধ রাজ্য গেছে—তবু অর্ধ রাজ্য আছে ;
 এখনও হে, দাও ক্ষমা ।
 রাজা, রাজ্যভ্রষ্ট হবে—
 পুত্র-কর্তা তব বল কোথা যাবে ?
 পাপ-ক্রীড়া কর নিবারণ—
 রাখ, প্রভু, দাসীর বচন ।
 নল । প্রিয়ে, নাহি ভয় ; এখনি জিনিব ।
 রত্নের ভাণ্ডার
 আছে চারি সাগর আমার—
 এই বার করি পণ ।
 পুঙ্কর । জিনিলাম—দেখ মহারাজ !
 দম । নাথ, এখনও হে, দাও ক্ষমা ।
 নল । রাণি, গিয়েছে সকলি ।
 অর্ধ-রাজ্যে কিবা ফল ?
 আর অর্ধ-রাজ্য মম পণ এই বার ।
 পুঙ্কর । জিনিলাম—দেখ মহারাজ !
 নল । দময়ন্তি ! এইবার কিছু নাহি আর ।
 দম । নাথ, নাথ ! যথা তুমি তথা রাজ্য হবে,
 শোক নাহি কর মহীপাল !
 পুঙ্কর । মহারাজ ! দময়ন্তী রয়েছে তোমার ;
 কেন নাহি কর পণ ?
 নল । আরে নরাদম ! প্রাণে নাহি কর ডর ?
 (আক্রমণোত্তর ও দময়ন্তী কর্তৃক বাধাপ্রদান)
 নাহি ভয়—না পলাও ভীক !
 মন্ত্রী, আজি হ'তে রাজ্য আর নহে মম,
 পুঙ্করের অধিকার সব ।
 (নলের রাজবেশ ত্যাগ ও দময়ন্তীর অলঙ্কার উন্মোচন)
 লও মম অলঙ্কার ।
 (পুঙ্করের অন্তরালে গমন)
 প্রিয়ে, বিদায় জন্মের মত !
 দম । কারে নাথ, দাও হে বিদায় ?

আমি ছায়া তব ;
 বরিয়াছি নল মম প্রাণেশ্বরে,
 বরি নাই রাজা নল ।
 আমি পত্নী তব ;—কোথা' রব তোমা' ছেড়ে ?
 আমি দাসী ভালবাসি তব সেবা ।
 বঞ্চনা কি হেতু কর, প্রভু ?
 যদি অপরাধী পদে—
 ক্ষম নাথ, কিঙ্করী ভাবিয়ে ।
 স্বামি, তোমা' ছেড়ে কোথা যাব আমি ?
 প্রভো, বাঞ্ছা মাত্র—রব তব সনে,
 সেবিব তোমারে—কোন ভার নাহি দিব ।
 প্রাণেশ্বর, ঠেলনা চরণে ।
 নল । প্রিয়ে ! কোথা যাবে উন্মত্তের সনে ?
 আহা !
 রাজবালা, কি দুর্দশা করিলাম তব ?
 দম । নাথ, মম মম কে বল ধরণীতলে ?—
 তুমি মম প্রাণেশ্বর !
 বার বার বলেছ আদরে—
 আমি তব জীবনের সহচরী ।
 পায়ে ধরি—আজি কেন অশ্রু মত কহ ?
 তব মুখ হেরি' স্বর্গ তুচ্ছ করি,
 ইন্দ্রাগীরে নাহি গণি ;
 আদরে তোমার—
 অতুল বৈভব-অধিকারী !
 নল । দেবি !
 মনে ভাবি—আমা হেতু ইন্দ্রে না বরিলে,
 কোথা যাবে ?
 আমি নহি আর সেই নল,—
 এবে নিজ অরি !
 বুঝিতে না পারি—কেন মম ভাবাস্তর ।
 বুঝ প্রমাণ—মায়া-অক্ষ জানি'—
 তুমি প্রণয়িনী সম্মুখে বারিলে মোরে—
 তবু, বার বার করি পণ,
 রাজ্য-ধন সকলি হারাই !
 বনে বাই তোমা মম পত্নী ত্যজি' !
 করি মানা—যেওনা, যেওনা ।

শুন বালা, উন্নত হয়েছি আমি ;
কি করি ? কি করি ? না বুঝিতে পারি ।
কোথা যাব ?—মনে নাহি ভাবি তিল ।
এখনও, এখনও, সত্য কহি চন্দ্রাননে !
কে যেন ইঙ্গিত করে মোরে,—
“আরে রে বাতুল ! নারী ল’য়ে কোথা যাবি ?
দেখ্ তোমার কি দুর্দশা হয় ।”

দুর্দশায় নাহি হয় ভয়—
উৎসাহ বাড়ে হে প্রাণে ।
চন্দ্রাননে !
এ দশায় কেমনে হইবে সাথী ?
ধরা শূন্যপ্রায় !
শূন্য প্রাণ গেছে কোথা চ’লে,
ছায়াময় দেহ হয় জ্ঞান !
বাই প্রিয়ে, তুমি যাও পিত্রালয়ে ।
দেখ, কেহ কিছু জিজ্ঞাসিলে পরে,
বল’ প্রিয়ে !—পাপগ্রস্ত হয়েছিল নল ।

মম । এ কি কথা বল, প্রভু ?
পুণ্যবান্ পুণ্য-আত্মা তুমি ;
ধৈর্য, বীর্য, গাম্ভীর্য তোমার
চরাচরে খ্যাত, নাথ !
দিন যাবে,—এ কুদিন নাহি রবে ।
গেছে রাজ্য-ধন,—জীবন-যাপন
পরিশ্রমে অনায়াসে হবে ।
কুটীর বাধিব,—
সুখে তথা রব দুই জনে ।
উঠিব প্রভাতে বন্দী-বিহঙ্গম-গানে ;
তরুগণ ফলে ফলে রাজ-কর দিবে ;
কুরঙ্গ ময়ূরী আসি,
ধীরি ধীরি অতিথি হইবে কত ;
প্রেমের সংসার—দিন বয়ে যাবে সুখে ।

মন্ত্রী । মহারাজ, কিবা আজ্ঞা দাস প্রতি ?
নল । হে সচিব !
বলেছি তোমারে,—রাজা আর নহি আমি,
আর নাহি আদেশ আমার ।
মম । মন্ত্রী, কতাপুত্র মম ঘুনায় আগারে,—

দৌহে রেখে এস কোণ্ডিল্য নগরে ;
আছে তথা আত্মীয় আমার—
আমি বাই পতি মনে ।
নল । বৃশ্চিক দংশন—বৃশ্চিক দংশন ;
ছাড় প্রিয়ে, আর না রহিতে পারি ।

[অগ্রে নল ও পশ্চাতে দময়ন্তীর প্রস্থান ।

মন্ত্রী । মহিষীর আজ্ঞা পাল সূত !
শীঘ্র রথ করহ প্রস্তুত,—
পুত্র-কন্যা ল’য়ে যাব কোণ্ডিল্য নগরে ।
কে জানিত—এ রাজ্যে এ দুর্দশা ঘটবে ?
বুদ্ধি ভ্রম নলের জন্মিবে ?
সকলি দেবের লীলা !
কহ সূত ! কোথা যাবে তুমি ?

সারথি । নল বিনা অস্ত্র জনে আমি না সেবিব,—
ভগবান্ দিবেন উপায় ।

মন্ত্রী । পুঙ্করের রাজ্যে বাস আমি না করিব,—
বন ভাল এ রাজ্য হইতে ।

[উভয়ের প্রস্থান ।

(কলি ও পুঙ্করের প্রবেশ)

কলি । শুন হে পুঙ্কর !
অর্ধ কার্য সমাধান তব ;
রাজ্যে এই দেহ রে ঘোষণা—
যেই নলে স্থান দিবে,
সবংশে বিনাশ তার ;
যেন বারি-বিন্দু তৃষ্ণায় না দেয় কেহ ।
(পুঙ্করের অলঙ্কার লগন)

নাহি ভাব অলঙ্কার হেতু,—
রাজ্য সকলি তোমার ।

পুঙ্কর । যথা আজ্ঞা প্রভু !
[পুঙ্করের প্রস্থান ।

(ছাপরের প্রবেশ)

ছাপর । এখনো কি মনোবাঞ্ছা পূরে নি তোমার ?

কলি । মনোবাঞ্ছা পূর্ণ মম ?
অসুখে আছে নল ?—

কোণ্ডী আছে সাথে !

শুণবতী পত্নী আছে যার
এ সংসার স্থখাগার তার ;
আগে করি পতি-পত্নী-ভেদ—
মনোখেদ তবু না মিটিবে ।
অন্ন বিনা অতি কদাকার—
ভ্রমি' দ্বার দ্বার
মহাক্লেশে যদিও বঞ্চিতবে—
তবু তার সন্তোষ জন্মিবে ;
মনে হবে,—আছে দময়ন্তী মোর ;
সে কাঁদে আমার তরে ।
দেখ, যেখানে প্রণয়
ছুখে স্থখ আছে তথা ।
রাজ্যভ্রষ্ট করিয়াছি নলে,
তবু দ্বিগুণ জলে এ প্রাণ ;
ছিল রাজ্য—গেল ; তাতে বা কি হ'ল ?—
দুর্ভাগি না জন্মিল তাহার ;
তবু পাপাচার নাহি উঠে মনে তার ।
আজ্ঞামাত্র সুসজ্জিত সেনা—
যুঝিবে নলের তরে ;
পাশে বন্ধ, রাজ্য আর ফিরিয়ে না চায় ;
বনে চলে যায়—
কুমতির নাহি শুনে উপদেশ ।
কোন মতে সত্যভঙ্গ হয় যদি নল—
উদ্দেশ্য সফল মম ;
দময়ন্তী ছায়াসম পতি-অনুগামী—
ফিরাইব পাপ মতি হ'লে তার ।
কথায় কথায় বহিছে সময় ;
দেখি,
রাজ্যহারা বিকল-অস্তর নল কত দূর যায় ।

[প্রস্থান ।

চতুর্থ গর্ভাঙ্ক

রাজপথ

বিদ্যক ও ব্রাহ্মণী ।

বিদু। যাও ফিরে ঘরে,— মায়া বাড়ে তোরে হেরে ;
রেখো কথা—রয়োনা হেথায় —
অরাজক পুঙ্করের অধিকার !
ওরে! আয় গলা ধরে কাঁদি তোর ;
ফেটে যায় প্রাণ—
একবন্ধে রাজা-রাণী গেছে চ'লে ।

ব্রাহ্মণী। কত দিনে দেখা পাব ?

বিদু। নল যবে হবে রাজা পুনঃ ।

বনে বড় ছিল ভয়—

সেথা, ফল খেতে হয় ;

কিন্তু,

পুঙ্করের অহুগ্রহে সে ভয় ঘুচেছে ;—

একবন্ধে রাজা গেছে বনে ।

কাঁদি আয়, ব্রাহ্মণি, খানিক ;

না, না—

রাজ্যে মানা—কেহ নাহি দিবে অন্ন-জল ;

যাই, খুঁজি কোথা' রাজা ;

যাও ফিরে,— নহে, মম পদ নাহি চলে ।

ব্রাহ্মণী। নাথ!

থাকে যেন মনে ছুধিনী ব্রাহ্মণী ব'লে ।

[প্রস্থান ।

বিদু। ওঃ! কথাটা নির্ঘাত চোট ,

বামুন,

ছোট, ছোট,—নইলে, যেতে পারবি না ।

(পুঙ্কর ও রক্ষীর প্রবেশ)

পুঙ্কর। বন্দী কর পাপিষ্ঠ ব্রাহ্মণে ।

বিদু। দেখ, বুঝি বিভ্রাট ঘটায় !

রক্ষী। আরে ধূর্ত, কোথা যাস ?

বিদু। বলি, নূতন রাজার কি পথ চলতে মানা ?

পুঙ্কর। উত্তরীতে বাধা কিরে তোর ?

বিদু। কেন ? হাঁড়ি ;

যাচ্ছি খশুর বাড়ী।
রাজ্যের এ শুভ সংবাদ দেব—
আর, মিষ্টমুখ করাব।

পুঙ্কর। রে ব্রাহ্মণ! মুখভাব কদাকার মোর?

হাসি নাই মুখে?—

দেখি, কারাগারে অন্ন-ধানে
কত দিন বাঁচে তোর প্রাণ!

বিদু। আহা, ধর্ম কল্পতরু!—ব্রহ্মবধে স্নক!

যদি গরুর দরকার—মহারাজ!

আমার গোয়ালে আছে;

দিও ধানে চালে;

কিন্তু,

রোজ একবার সামনে দাঁড়াতে হবে—
তা হলেই পেট ভ'রে যাবে।

পুঙ্কর। ল'য়ে চল বর্ষের ব্রাহ্মণে।

বিদু। ছি বন্ধু! অত প্রেম সকালে—

এর মধ্যে ভুলে গেলে?

পুঙ্কর। জিহ্বা তোর পোড়াব অনলে।

বিদু। বলি, গুণ কত! নইলে, লোকে বলে এত?

শুন পুঙ্কর!

যদি গর্দানাও ফেল কেটে—

তোমার যে বদনায়েসি একচেটে

তা ব'লতে আমি ছাড়ব না।

যদি মোগার হাঁড়ি ল'য়ে বাড়া বাড়ি—

মোগার হাঁড়ি লও—আমায় ছেড়ে দাও।

পুঙ্কর। যমালয়ে দিব তোরে ছেড়ে।

বিদু। মহারাজ! যদি কষ্ট দিতে চাও—

তবে,

আপনার রাজ্যেই আটক রাখুন।

যে রকম চুটিয়ে

রাজ্য আরম্ভ ক'রেছেন—

যম রাজা এসে শলা ল'য়ে যাবে।

হয় ত, নরক থেকে তুলে

পাপীগুলোকে হেথা ছেড়ে দে যাবে।

শুনেছি ইন্দ্রেতে শচীতে বাজী হ'য়েছে,—

যম বড়—কি পুঙ্কর বড়।

পুঙ্কর। নাহি মান, ব্রাহ্মণ বলিয়ে;

বাধ—ল'য়ে চল কারাগারে।

বিদু। মহারাজ! ভবপারে যেতে হবে—

এক বার ভাব।

সেথা' ত নলরাজা নাই—যে, পাশা খেলে,—

অত জুলুম সেথা' চলে বা না চলে!

যাচ্ছি চ'লে,—

আমার সঙ্গে এত বাড়াবাড়ি কেন?

পুঙ্কর। রক্ষি, ল'য়ে এস কারাগারে।

[পুঙ্করের প্রস্থান।

রক্ষী। চল, ঠাকুর।

বিদু। বলি চ'লব না ত কি? ষণ্ডা তুমি—

তোমায় ঠেলে পালাব?

বলি,—উনিই না হয় পুঙ্কর,

তোমরা না হয় দেবতা-বামুন মানলে!

গিয়ে দেখগে—

এত ক্ষণে কারাগার ভবতি।

কেন বাবা, ভিড় বাড়াবে?

রক্ষী। ঠাকুর!

গর্দানাটা তখন তুমি আমার হ'য়ে দেবে?

বিদু। ভাল, ছেড়ে দাও বা না দাও—

একটু সঙ্গে এস;

মহারাজ উপবাসী—

খুঁজে কিছু মিষ্টান্ন পাওয়াই।

রক্ষী। ও বামুন! ধনে-প্রাণে মাবতে চাও?

রাজা আর ঘুরছে কেন?

সন্ধান নিচ্ছে—

কে ব'সতে দিয়েছে—কে পেতে দিয়েছে;

যার উপর ধোঁকা হ'চ্ছে—

অমনি চালান দিচ্ছে।

বিদু। কে বলে—আমি মূর্খ বামুন?

মা সরস্বতি!

তুমি আমার কণ্ঠে ব'সে আছ,—

পুঙ্কর, যমরাজার বাবা।

[উভয়ের প্রস্থান।

পঞ্চম গর্ভাঙ্ক

নগর-প্রান্তর

নল ও দময়ন্তী ।

নল । বহুদূর—বহুদূর যেতে হবে ।
অন্ধকার ! চলিতে না পারি আর ;
উঃ !—বহুদূর ;—কেও ?

দম । নাথ ! আমি দাসী ।

নল । না না—দময়ন্তী ! প্রিয়ে ! আছ সাপে ?
বহুদূর—বহুদূর যেতে হবে ;
কালি প্রাতে দেখাইব বিদর্ভের পথ ।
দেখ, একা আমি অসীম সংসারে ।

দম । একা তুমি নহে, নাথ !
দেখ, প্রণয়িনী দময়ন্তী তব
পদ-সেবা-আশে আছে পাশে ।

নল । ঐ ত ভাবনা !
ভাবি নাই ? অনেক ভেবেছি,
ভেবে কোথা কুল নাহি পাই !
পণে বন্ধ আমি,—
পুঙ্করের অধিকার হেথা,—
কোথা' বিশ্রাম করিতে নারি ।
না না—পদ নাহি চলে আর ;
অন্ধকার—কোথা যাব ?—
যথা যায় দু'নয়ন ।
কে ও ?

দম । কিঙ্করী তোমার, প্রভু !
নল । প্রিয়ে ! এখনো রয়েছে ?
কষ্ট পাবে—তাই করি মানা ।
দেখ, হয়েছে স্বরণ—
এই পথ বিদর্ভ যাইতে ।
বন-প্রান্ত—
হেথা পুঙ্করের নাহি অধিকার !
দেখ, অসীম প্রান্তর ;
অন্ধকার—অন্ধকার সমুদয়,
মম ভবিষ্যৎ ছবি !

সে আধারে রবি না ফুটিবে আর ।

গর্ভ মম ছিল অতিশয়—

তাই পরাজয় ।

মায়া-অক্ষ পণ মম মিথ্যা নয় ।

দম । দেখ নাথ ! হেথা নবতৃণ স্বকোমল ;

অঞ্চল বিছায়ে দিই ।

মম উরু'পরে মতক রাপিয়ে,

শ্রম দূর কর, প্রভু !

নল । মম কর্ণমূলে কে যেন কি বলে ;

আর না চরণ চলে ।

প্রিয়ে ! এখনো এখানে ?

নিদ্রা যাও—নিদ্রা যাব তবে ;

দেখ, ধীর বায়ু স্নিগ্ধ করে প্রাণ ।

(শয়ন)

দম । হায়, কি শয্যায় আজি হেরি মহারাজে !

আরে, আরে, দুর্দৈব প্রবল,

অনশনে ধরাসনে মহারাজা নল !

দৈর্ঘ্য, বীর্ঘ্য, গাভীর্ঘ্য ষাঁহার

প্রচারি ভুবনময়—

ক্ষিপ্ত প্রায় চঞ্চল প্রকৃতি—

বারেক নহেন স্থির ।

শূন্য অভিপ্রায়, পুতলির প্রায়—

যথা আঁধি ধায় যান তথা,

ছিন্ন পদ কঠিন পাষাণে,

শ্রমে অভিভূত ;

নিদ্রাগত - কুসুম-শয্যায় যেন !

হায় ! এত ছিল কপালে আমার—

এ দশায় রাজারে দেখিতে হ'ল ?

আজি মম জীবনের বাড়ে সাধ,—

আমা বিনা প্রাণধনে কে দেখিবে ?

কে বুঝাবে—শাস্ত কে করিবে ?

হায় ! পুণ্যমতি ধর্ম-আত্মা পতি—

দুর্গতি কি হেতু হ'ল ?

ছি ! ছি ! কেন মিছা কাঁদি ?

পতি ক্ষিপ্ত প্রায়—

কাঁদিবার নহে ত সময় ।

প্রাণেশ্বরে আদরে রাখিব,
বস্ত্রে ভূলাইব হৃৎ ;
পতি-দেবা-সময় উদয় ।
ফাটে প্রাণ রাজার এ দশা হেরে ।
হায় ! প্রাণেশ্বর গম—

কত যত্নে রেপেছিল মোরে !—

উপবনে অরুণ-কিরণে

হ'ত যদি রঞ্জিত বদন —

করে ধরে বতনে আমার,

প্রাণনাথ বসিতেন তরুতলে ;

বস্ত্র দিয়ে মুছাইয়ে মুখ,

রণে বেতে শতবার স্মৃতিতেন মোরে —

'অপ্তে কি লেগেছে ব্যথা' ?

হায় ! যত কথা সব আছে মনে ;

কি বতনে এ বতন দিব প্রতিশোধ ?

নাথে পুনঃ রাজ্যেশ্বর হেরি, মরিবারে পারি—

সে দিন ভুলিব জালা ।

নল । (উঠিয়া)

না, না, বহুদূর - বহুদূর যেতে হবে ।

হেথা নাহি রব, লোকে মুখ না দেখাব ;

ক'বে সবে, — এই ছন্নমতি নল ।

দম । নাথ ! স্বপ্ন হও — শ্রম কর দূর ।

নল । কে ও ? দময়ন্তী !

এখনো রয়েছে হেথা ?

যাও—কিরে যাও ; ঘোর বনে যাব প্রিয়ে !

নিবিড় কানন—বহুদূর—বহুদূর ।

দম । নাথ ! ধীরে যাও—ক্লান্ত তুমি অতিশয় ।

[উভয়ের প্রস্থান ।

তৃতীয় অঙ্ক

—::—

প্রথম গর্ভাঙ্ক

কানন

নল ও দময়ন্তী ।

নল । বারি, তুমি জীবের জীবন !

দময়ন্তী ! অভাগিনি ! বারি কর পান ;

শ্লিষ্ট হবে প্রাণ ।

দেখ, দেখ, স্বর্ণ-পাখা বিহীন

ব'সে আছে ডালে ;

দেখ, অনাহারী আছি তিন দিন ;

পাব ধন—নগরে বেচিব ;

অল্প তাহে হবে, প্রিয়ে, জীবন-বাপন ।

(পক্ষী ধরিতে গমন)

পক্ষী । পক্ষীরূপে কলি আমি,—শুন রে অজ্ঞান !

যেই অক্ষে সর্কনাশ তোর—

সেই অক্ষপাটি ছাপর আমার সখা ।

অবহেলি' মো সবারে

দময়ন্তী বরিল তোমারে ;—

প্রতিকল দিব হতজ্ঞান ।

[বস্ত্র লইয়া পক্ষীর উড়িয়া যাওয়া ।

নল । প্রিয়ে ! প্রিয়ে ! এস'না এখানে ;—

বিবসন, কিরাত-অধম,

দিগম্বর আমি ;

বস্ত্র ল'য়ে পক্ষী পলাইল ।

দম । নাথ ! এক বস্ত্র পরিব ছ'জনে ;

বনে অর্থহীন শ্রমজীবী মোরা—

লজ্জা কিবা তাহে প্রভু ?

(দময়ন্তীর গমন ও বস্ত্রদান)

কো । স্বকর্ণে শুনিলে প্রিয়ে ! কলিগ্রস্ত আমি ;—

মার মনে কেন আর রবে ?

বহু দুঃখ পাবে ;—
 যাও তুমি পিত্রালয় ।
 শুন প্রিয়ে !
 রাজবালা—ক্লেশ তব নাহি সয় ।
 দেখ, অতিশয় দুর্গম কানন—
 নর-ঘাতী জন্তু ফিরে কত ;
 যাও দময়ন্তি ! ফিরে যাও ;
 যবে কলির প্রভাবে
 পড়িব অশেষ ক্লেশে,
 একমাত্র বুঝাইব মনে—
 স্থখে আছ তুমি চন্দ্রাননে ।
 প্রিয়ে ! বাড়ে দুঃখ দ্বিগুণ আমার,
 তোমার এ দশা হেরে ;
 প্রিয়ে !
 প্রভাত-মমীর লাগিলে বদনে তোর,
 ভাবিতাম—ব্যথা বুঝি পাও ;—
 তিন দিন আছ অনাহারে !
 যাও প্রিয়ে ! অভাগারে ছেড়ে যাও ।
 মরি ! বিমলিনী—
 শুকায়েছে স্বর্ণ-নলিনী !
 অভাগিনি ! কেন অভাগারে বরেছিলে ?
 আমি পাপাচার—
 দেব-কার্য্য না করি উদ্ধার ;
 আহা ! সরলা ললনা—
 আমি তব দুঃখের কারণ ।
 দম । নাথ ! কি বল—কি বল !
 প্রাণ বিচঞ্চল—
 ভেদি' বক্ষঃস্থল এখনি বাহির হবে ।
 কোথা যাব ?—কেবা আছে তোমা বিনা ?
 তাজিলে আমার—
 ঠেকিবে হে নারী-বধ-দায়,
 কেন বল নিষ্ঠুর বচন ?
 গুণমণি !
 আমি তোমা' বিনা কহু কি হে জানি ?
 পতি বিনা কিবা স্থখ আছে মোর ?
 তোমা ল'য়ে নিরবধি র'ব ;

তোমারে সেবিব—
 স্থখ-সাধ এ হ'তে না করি ।
 ওহে মহামতি ! জান ধর্ম-নীতি—
 ভার্যা চিরসার্থী ;
 তবে কেন দাসীরে বিমুখ প্রভু ?
 বনে বহু ক্লেশ পাবে—
 সেবা কে করিবে ?
 আশ্রিতা কিঙ্করী—চরণে ঠেলনা, প্রভু !
 চল, দৌহে যাই বিদর্ভনগরে ;—
 আদরে তোমারে রাখিবেন পিতা মোর ।
 নল । প্রিয়ে ! বুঝনা সরলা তুমি, --
 কলিগ্রন্থ আমি --
 সে আদর এ সংসারে নাহি আর,
 সাধে কি হে ছেড়ে যেতে চাই ?
 বন দেখে অন্তরে শু'কাই !
 প্রিয়ে ! তুমি কুহুম জিনিয়ে স্বকোমল ;
 হেরি' মুখপদ্ম মলিন তোমার,
 জীবনে না হয় সাধ আর ।
 কলির ছলনে আত্মহত্যা উঠে মনে !
 দম । প্রাণনাথ ! বাঁচাও আমায় ;
 এ কি কথা বল, প্রভু ?
 নল । কেঁদ না—কেঁদ না প্রিয়ে !
 সতর্ক করেছে কলি ;
 পাপে মন নাহি দিব আর ।
 দুর্ভতি আমায় লোভে মজাইতে চায় !
 অক্ষ-যুদ্ধে লোভে না ফিরিছ ;
 লোভে পক্ষী-আশে গেল বাস ,
 শাস্তি-আশে আত্ম-বিসর্জন
 কদাচন করিব না, প্রাণেশ্বর !
 কহি সত্য করি,—
 জান তুমি—সত্য মম নাহি টলে ।
 প্রিয়ে ! তোমা বিনা রহিতে কি পারি ?
 তোমা ছেড়ে যেতে কি হে চায় প্রাণ ?
 দৈব-বিড়ম্বনে, চন্দ্রাননে ! যেতে বলি ;
 প্রিয়ে ! ক্লান্ত দৌহে অতিশয়—
 এস করি শ্রম দূর ।

দম । (স্থগত)
 আছি এক
 নয়ন মেখি
 নল । এই ত
 হায় ! এ
 "যাও চলে
 একবস্ত্র,—
 না—না—
 দময়ন্তী কে
 চলে গেলে—
 যাবে সতী
 মরি ! প্রাণে
 পূর্ণ-শশী ধর
 বিবসন !
 এ কি ! খড়
 এও মায়া—
 করি নিজ ক
 এই ত ছেদি
 মম অদর্শনে
 পতিপ্রাণা বা
 চন্দ্রাননে ! ফ
 হুদিন উদয় ব
 প্রিয়তমে !
 নহে, এই শেষ
 ছি ! ছি ! আ
 আমি বিনা যে
 একা রেখে দুর্গ
 কোন্ প্রাণে বা
 হায় ! কে যেন
 "এস, এস, বিল
 যাই প্রিয়ে ! যা
 দেখ দেখ, যত
 সতী একা বনমা
 হে মধুসূদন !

দম। (স্থগত) শকা হয়, রাজা যদি ছেড়ে যায় ;
আছি একবাসে - কেমনে যাইবে ?
নয়ন মেলিতে নারি। (উভয়ের শয়ন)

নল। এই ত সময়—অভিভূত প্রায়—
হায় ! এ শব্দায় চন্দ্রাননী।—
“বাও চলে” কে আমারে বলে ;—
একবস্ত্র,—কেমনে পলাব ?
না—না—ছেড়ে যাব ;—
দময়ন্তী কোথা যাবে আমা' সনে ?
চলে গেলে—আমারে না হেরে
যাবে সতী বিদর্ভ নগরে ।
মরি ! প্রাণের প্রেয়সী
পূর্ব-শশী ধরাতলে ।
বিবদন ! কেমনে পলাব ?

(পার্শ্বে অস্ত্র দেখিয়া)

এ কি ! খড়্গা হেথা এল কোথা হ'তে ?
এও মায়া—হ'ক মায়া—
করি নিজ কার্যোদ্ধার ।

(বসনচ্ছেদন)

এই ত ছেঁদিলু বাস ;
মম অদর্শনে
পতিপ্রাণা বাঁচিবে কি প্রাণে ?
চন্দ্রাননে ! ক্ষমা কর অধমেরে,
স্বদিন উদয় যদি কভু হয় —
প্রিয়তমে ! দেখা হবে ;
নহে, এই শেষ দেখা !
ছি ! ছি ! আমি কি নির্দয়,—
আমি বিনা বে কভু না জানে,
একা রেখে দুর্গম কাননে
কোন্ প্রাণে যাব চ'লে ?
হায় ! কে যেন রে বলে—
“এস, এস, বিলম্বে জাগিবে বালা” ।
যাই প্রিয়ে ! যাই ;
দেখ দেখ, যতেক দেবতা,—
সতী একা বনমাবে ।
হে মধুসূদন !

শ্রীচরণ অভাগীরে দিও ;—
আহা, ছুখিনীর কেহ আর নাই ।
দেখ দেখ কর' হে করুণা—
অবলা ললনা—
আমা বিনা হবে উন্মাদিনী ;
চিত্তামণি ! নিরুপায়—দিও হে, আশ্রয় ।
আর কেহ নাই—
শ্রীচরণে পত্নী স'পে যাই ;
দয়া করো দয়াময় ।
আসি প্রিয়ে ! নাগি হে বিদায় ।

(ফিরিয়া) প্রাণ কাঁদে—চলে যেতে নারি ;
সাধে কি হে ফিরি ?
দেখে যাই—দেখে যাই আঁখি ভ'রে ;
আহা ! দময়ন্তী ধূলায় লুটায়—
এ দশায় কেমনে ফেলিয়ে যাব ?
না - না—সুকুমারী রাজার ঝগারী
কষ্ট পাবে মোর সনে ;
যাই দূর বনে, নহে জনক-ভবনে—
প্রিয়া মম না ফিরিবে ;
অনাথিনী—অর্দ্ধবাস এ কানন মাঝে—
দেখো, রেখো, দীননাথ !
যাই, যাই পলাইয়ে ।

[নলের প্রস্থান।

(কলির প্রবেশ)

কলি। তবু মম মন না পুরিল ;
বিচ্ছেদ হইল—
কিন্তু,
প্রাণে প্রাণে অবিচ্ছেদ প্রবাহ বহিছে !
ফেলে গেছে - ফেলে গেছে ;
যার তরে দেবে অনাদর—
দেখিব নয়ন ভ'রে ;—
হতাশ বিকল বামা কি করে কাননে ।

[কলির প্রস্থান।

(উঠিয়া) নাথ !
কোথা প্রাণনাথ ?

এ কি ! অর্দ্ধবাস মন পরিধানে ?
নাথ ! প্রাণেশ্বর ! কোথা তুমি ?
দাও দেখা ; - নহে, যায় প্রাণ ।

(কলির পুনঃ প্রবেশ)

কলি । ছেড়ে গেছে—তবু চায় নলে ;
ঐধ্যানলে প্রাণ মন জলে ।
না, না—প্রাণে প্রাণে বিচ্ছেদ না হবে কভু ।

[কলির প্রস্থান ।

মন । প্রাণেশ্বর ! দাও দেখা,—
একা আমি বননাঝে ;
ওহে গুণমণি ! একা আমি বননাঝে ।
দাও দরশন ;—নহে, না রবে জীবন ।
প্রাণনাথ ! কোথা গেলে ?
ঘোর বন—হৃদি কম্প হয় ঘন ঘন ;
দেখা দাও—দেখা দাও—প্রাণেশ্বর !
রাখ নাথ ! রাখ পরিহাস ।
হ'তেছে হতাশ ;—
কত মহে কামিনীর প্রাণে আর ?
মরে হে অধিনী, হৃদয়ের মণি !
দেখ যাও মনে যদি নাহি লও ।
বল স্রোতস্বতি ! কোথা গেল পতি ?
পূণ্যবতি ! বাঁচাও এ অভাগীরে ;
বন পাখি, শাখি,
প্রাণনাথে দেখেছ হে যেতে ?—
কোন পথে ব'লে দাও মোরে ;
লতা ! কহ কথা ;—
কাদালিনী চায় পতি-দরশন ;
উর্দ্ধশির দেখ, গিরিবর !—
কোথা প্রাণেশ্বর,
বল হে, মস্তুর—যাব আমি পতি-পাশে,
পতি বিনা বাঁচি না হে শূদ্রবর !
প্রাণেশ্বর ! দেহ না উত্তর—
কাতরা কিঙ্করী তব ।
হায় ! কোন পথে যাব ?
প্রাণনাথে কোথা দেখা পাব ?—

পদচিহ্ন নাহি হেরি পথে ।
মন প্রাণেশ্বরে কে নিল হে, হরে ?
দে রে, কিরে দে রে, অভাগীর নিধি !
হায় ! হায় ! কি হ'ল, কি হ'ল,—
কিবা ছলে ভুলে—তাজে গেল প্রাণনাথ ?
প্রাণ, মন, জীবন, যৌবন
শ্রীচরণে ক'রে সমর্পণ,
আশ্রয় লয়েছে দাসী ;—
ভুলে তারে কোথা আছ প্রভু ?
এ কি ! এ কি !
দেখা দিয়ে কেন হও অদর্শন ?
এই—নাথ ! এই যে তোমারে হেরি ;
প্রাণনাথ ! পলাইও না আর ;—
দেখ, বুঝি যায় প্রাণ ।

[প্রস্থান ।

দ্বিতীয় গর্ভাঙ্ক

বন

নল ।

নল । চল—চল—ভাবিলে কি হবে ?
পতি-পরায়ণা পশ্চাৎ আসিবে ;
দূরে—দূরে—দূরবনে যাই পলাইয়ে ;—
নহে প্রাণ-প্রিয় আসিবে খুঁজিতে ।
ওই বুঝি, আসে প্রিয়তমা ?
পদ নাহি চলে আর !
না—না—যাই পলাইয়ে ।
আসে ধেয়ে উন্মাদিনী—
আহা ! মুক্তকেশা,
অর্দ্ধবাসা, একাকিনী বনে ।
এ কি দাবানল ? না ; এও নায়া ।
কোথা যাব ? পলাব কোথায় ?
চলিতে না পারি আর ।
আহা ! পতিপরায়ণা—
এতক্ষণ জীবিত কি আছে অভাগিনী ?

(নেপথ্যে)—

চলিতে ন

পুড়ে মরি

নল । নাহি

(নেপথ্যে)—

আসে অ

নল । নাহি

কলি । মনো

এ দশায় দ

প্রতিশোধ

দেখ পূণ্য-

দম্পপ্রায়—

এত কষ্ট !

জ'ল মরি,

না পুরিল

মন । শূত্রে, সম

যে শুন রোদ

বলে দাও,—

সে আমার—

আহা ! কভু

হৃগ্ন কাননে

নদে নাহি দা

তাই যেতে চ

কোথা স্বামী

কে রাখিবে অ

এ কি ! ভয়ঙ্ক

(নেপথ্যে)—কে আছ এ বনে ? যায় প্রাণ দাবানলে !—
চলিতে না পারি। রক্ষা কর—রক্ষা কর—
পুড়ে মরি।

নল। নাহি ভয়—কে বাচে আশ্রয় ?

(নেপথ্যে)—দেখ ! দেখ !

আসে অগ্নি গর্জিয়ে গ্রাসিতে মোরে !

নল। নাহি ভয়—নাহি ভয়।

[নলের প্রস্থান।

(কলির প্রবেশ)

কলি। মনোরথ না পূরিল মোর ;—

এ দশায় দয়া-ধর্ম নাহি গেল ;

প্রতিশোধ কি হ'ল—বল না ?

দেখ পুণ্য-বলে—তেজঃপুঞ্জকায় ;

দমপ্রায়—দেহে তার রহি' !

এত কষ্ট !—তবু নাহি ধর্মভ্রষ্ট হয় ;

জ'লে মরি,—জ'লে মরি,—

না পূরিল মনস্কাম।

[কলির প্রস্থান।

তৃতীয় গর্ভাঙ্ক

বন

দময়ন্তী।

দম। শূন্যে, সমীরণে, দুর্গম অরণ্যে

যে শুন রোদন মোর,

বলে দাও,—কোথা প্রাণনাথ ;

সে আমার—আমারে না ছেড়ে রহে ;

আহা ! কতু ক্লেশ নাহি সহে ;—

দুর্গম কাননে কেমনে ভ্রমিবে একা ?

নদে নাহি দাসী সেবিতো চরণ ছুটি ;

তাই যেতে চাই ; তাই, কাঁদি—উন্মাদিনী ,

কোথা স্বামী ? কে বা ব'লে দিবে ?

কে রাখিবে অবলারে ?

এ কি ! ভয়ঙ্কর অজাগর

আসিতেছে মেলিয়ে বদন ;

প্রাণনাথ ! দেখ আসি'—

কালসর্প বধে প্রাণে।

অস্তিনে হে, অন্তরের সার !

রূপা করি, দেখা দাও একবার।

দময়ন্তী মরে,—বারেক দেখ হে, আসি' ;—

যায় প্রাণ অহি-গ্রাসে ;

ভগবান্ ! রক্ষা ক'রো নলরাজে ;

প্রাণনাথ ! প্রাণ যায় ;—

কোথা তুমি এ' সময় ?

(নেপথ্যে ব্যাধ) চট্ চট্ গর্জনা ফেল্ছি কাটি হে,
খেড়ে সাপ্টা।

(সর্পবধ করিয়া ব্যাধস্বয়ের প্রবেশ)

১ম ব্যাধ। দেখ, দেখ,—টুক্ টুক্ টুক্ !

যাই, যাই,—বুকে লিয়ে, মুখে চুমা খাই।

দম। মা গো ! জগৎ-জননি !

এই কি মা, ছিল তোর মনে ?

বনে ছেড়ে গেছে স্বামী—অর্ধবাসে ভ্রমি—

শিব-সীমন্তিনী ! সতীর সতীত্ব রাখ।

মরিতাম—সেও ছিল ভাল ;

দেখ মা, কি হ'ল,—

নলের রমণী কিরাত স্পর্শিতে আসে !

দেখ মা অভয়ে ! ঠেকেছি গো মহাভয়ে ;

পদাশ্রয়ে তনয়ারে রাখ, তারা !

দাক্ষায়ণি ! দেখ হুঁহিতায়।

২য় ব্যাধ। ওরে, এগো, এগো ; ওরে ধবুনা।

১ম ব্যাধ। উঃ উঃ—বড় তাত্ রে !

উভয়ে। ওরে পুড়ে গেল—পুড়ে গেল !

[উভয়ের প্রস্থান।

দম। হায় ! যায় প্রাণ—চরণ চলে না আর ;

না—না—বাব,—যতক্ষণ দেহে আছে প্রাণ,

নাথেরে খুঁজিব।

[মুর্ছা।

(মুনির প্রবেশ)

মুনি। আহা ! কে রমণী, ছিন্ন কমলিনী সম

প'ড়ে ভূমিতলে ?
 হেরি' জ্ঞান হয়—সামান্য এ নয় নারী।
 আহা ! এ' দশায় কেন অভাগিনী ?
 কে মা, তুমি যোর বনে আছ পড়ে ?
 এ কি ! স জাহীন ? খাস বহে ধীরে ধীরে,—
 জল দিই মুখে ।

দম । প্রাণেশ্বর ! প্রাণেশ্বর ! কোথা তুমি ?
 মুনি । আহা ! বুঝি উন্মাদিনী—পতির বিরহে ।

মা গো ! সন্তান তোমার আমি ;
 ল'য়ে যাই কুটারে তোমায় ;—
 নহে, পথে প্রাণ হারাবি গো অভাগিনি !

দম । পিতঃ ! ব'লে দাও কোথা পতি মোর ।

মুনি । মা গো ! জ্ঞান হয়—আছ অনাহারী ;
 চল মা কুটারে, বিশ্রামে সবল হবে ;
 কর বারি পান ।

দম । পিতঃ ! ব'লে দাও—কোথা মহারাজা নল ;
 বনে ফেলে কোথা গেছে মহারাজ ?

মুনি । চল মা, কুটারে,
 ধ্যানে হব অবগত—কোথা পতি তোর ।

দম । পিতা, পিতা, পতির কি দেখা পাব ?

[উভয়ের প্রশ্নান ।

(কলি ও ছাপরের প্রবেশ)

কলি । সখা ! মজ্জিলাম নলরাজে ছলে ;
 একে পুণ্য-তাপ দেহে তার—
 তাহে, ককট-গরলে
 অহরহ অন্তঃস্তল জলে !
 ভাবি—নলে ছাড়ি ; ঈর্ষ্যা পুনঃ করে মানা ।
 অহরহ যে নিগ্রহ সহি—
 কি কব তোমারে আর !
 আগে কি হে, জানি,—
 ধর্মভ্রষ্ট করিতে নারিব ?
 দয়া আছে যার—

আমা' হ'তে কিছু নাহি হয় তার ।

ছাপর । কেমনে করিল তোমা' ককট দংশন ?

কলি । ককট, অনন্ত-সহোদর,

নারদের শাঁপে ছিল কানন-ভিতর,—
 দম্ব হয় দাবানলে ;

হেন কালে নল তারে উদ্ধারিল ।

বুকে তুলে ল'য়ে যায় নল—

বক্ষে তার দংশিল ককট ;

তিরস্কার করি, কহে নল,—

“ভাল তব আচরণ” !

কহিল ভুজঙ্গ—“হের নিজ অঙ্গ

হইয়াছে কুংসিত-আকসর ;

হুঃসময় স্বর্ণ-কায়, কিবা কাজ ?

স্মরণে আমার পূর্বকাস্তি পাবে, রাজা ;

জেনো, মহারাজ !—আমি সখা তব ।”

এত বলি' অহি গেল চলি,

বস্ত্র দিয়ে নলরাজে ।

ছুষ্ট ফণী নলে না দংশিল—

দংশেছে আমায় ;—প্রাণ যায় বিষে তার !

ঋতুপর্ণ রাজার আশ্রয়

নলরাজা যায় ;

কি হয়—কি হয়—ভয়ে কাঁপে কায় মম !

আছে হে, গণনা-বিছা রাজার বিশেষ,

সেই বিছাবলে মম ছল নাহি চলে ;

গণনায় মতি স্থির হয় ;

হ'লে স্থিরমতি—অক্ষে কে জিনিত নলে ?

সে বিছা যত্নপি নল পায়,

বধিবে আমায় ;

ঈর্ষ্যায় ঠেকি'ছি মহাদায়,—

ঈর্ষ্যার প্রভাবে নলে ত্যজিবারে নারি !

রব দেহে তারি—

যা হবার হবে অবশেষে ।

[উভয়ের প্রশ্নান ।

চতুর্থ গর্ভাঙ্ক

বন
নল।

নল। কীষ্টি মম ঘৃষিবে জগতে,—
আইলাম ঘোর বনে পত্নীরে ছাড়িয়ে !
সত্য কথা কর্কট আমার ;
কুসিং আকার হিত হেতু মম ।
কান্তি আর নাহি চাই ;
হেমকান্তি দময়ন্তী দিছি ডালি ;—
পূর্ন রূপে হব লোকে ঘৃণার ভাজন ।
অধীনতা কেমনে স্বীকার করি ?
কিরে বাই চ'লে ; ফলে মূলে
কোন মতে কেটে যাবে দিন ।
ছি! ছি! পরের অধীন?—
এত ছিল ভাগ্যে মোর?—
দময়ন্তি! প্রাণেশ্বরী!
প্রাণ ছিড়ে সাধে কি এসেছি চলে?
হতে হবে পরের অধীন—
জীবন-নির্দাহ হেতু ।
আহা! প্রাণেশ্বরী আছে কি আমার?
জাহ্নু পান্ডি' জুড়ে কর, তুলে চাঁদ মুখ,
বার বার ব'লেছিল—'ছেড়না আগায়!'
আহা! অবলায় কোথায় ভাসায়ে এম্মু!
আহা! কেহ যদি বলে—স্থখে আছে প্রাণেশ্বরী,—
প্রাণ দিতে না হই কাতর ।
প্রিয়ে! গিয়েছ কি বিদর্ভনগর?
অহো! চিন্তায় উন্মাদ হব ।
বা হবার হয়েছে আমার,—
থুচেছে জগৎ ।—
প্রিয়া সনে আর নাহি হবে দেখা ।
একা—একা আমি বিপুল সংসারে!
ভগবান! নাহি ক্ষতি, করেছ দুর্গতি—
ধর্মে যেন রহে মতি!

ছি! ছি! পত্নী-ঘাতী—ধর্ম কোথা মোর!
আহা! প্রাণের প্রতিমা—
কোথা ফেলে আসিলাম চলে?
আহা! পড়ে মনে—ধরণী-শয়নে—
পূর্ণ-শশী জিনি' রূপছটা;—
আহা!
বয়ান বহিয়ে পড়েছে রোদন-ধারা;
আছে রেখা রঞ্জিত বদনে;—
আহা! প্রাণেশ্বরী আমা-হারা উন্মাদিনী!

(বুদ্ধার প্রবেশ)

পথ নাহি জানি,
কোন্ পথে অবোধ্যা যাইব?
মাতা, রূপা করি' বলিবেন মোরে—
কোন্ পথ অবোধ্যা যাইতে?

বুদ্ধা। ওমা! কে তুমি?

নল। আমি, আমি—

বুদ্ধা। বাবা গো! মলুম গো! গেলুম গো!

বন থেকে বেরুল আই আই করে গো!

নল। ছি! ছি! ধিক্ প্রাণে—

সবাকার ঘৃণার ভাজন আমি।

(একজন লোকের প্রবেশ)

লোক। কি গো? কি গো?

বুদ্ধা। দেখ গো, তালগাছ যেন মিন্‌সে—

খোনা খোনা রা, বাঁকা ছটো পা,

বলে—“আয়না, আয়না,

বনের ভিতর আয়না, ঘাড় ভাঙ্গি।”

লোক। কে তুমি?

নল। আমি বনবাসী।

লোক। বাসী আছ বাসীই আছ,—বনে লোককে কেন

ভয় দেখাও?

নল। মাত্র জিজ্ঞাসিছ—

কোন্ পথ অবোধ্যা যাইতে?

নাহি জানি বুদ্ধা কেন পলে ভয়।

লোক। কেন পলে ভয়? যে বর্ণের ঘটা—সাঁকচূর্ণী
ডরায়। চল গো চল, ও একটা মুরোদ, বলেন বাসী; বাসী

আমরা জানি না,—বাসী অমন ফিট ফাইট ?—জটা হবে,
নথ হবে।

[বৃদ্ধা ও লোকের প্রস্থান।

নল। ভাল হ'ল—

নল বলে কেহ না জানিবে আর ;
সখা ! সখা ! তোমার রূপায়
নল নাম ডুবিল ধরায় ;—
অদীন হইতে আর নাহি হয় ডর ;—
আর নাহি লজ্জা ভয়,—কেহ না চিনিবে।
আহা ! প্রাণেশ্বর !—আর কোথা দেখা পাব ?

[প্রস্থান।

পঞ্চম গর্ভাক্ষ

চেদিনগর—রাজবাটীর সম্মুখ

নাগরিকগণ ও দময়ন্তী।

দম। ব'লে দাও—রাথ মোর প্রাণ—

এ' পথে কি গেছে পতি ?

১ম নাগ। আরে ও পাগলি ! এ জানে।

দম। বল, বল—রাথ গো মিনতি,

জান যদি,

বল—কোন পথে গেছে মোর পতি,—

আয়ত লোচন—

বর্ণ যেন উত্তপ্ত কাঞ্চন—

গুণধাম, সর্বস্বলক্ষণঠাম ;

ব'লে দাও, কোন পথে যাব—

কোথা তাঁর দেখা পাব ?

আহা ! কোথা তুমি, প্রাণেশ্বর !

বনে ভ্রমি' হয়েছ কাতর ?

এস নাথ ! দাসীর নিকটে।

(ছাদের উপর রাজমাতা ও ধাত্রী)

রাজ-মাতা। ধাত্রী ! দেখ পাগলিনীপ্রায়

কে রমণী যায় ;

অধ্ববাসে—বিমলিনী-বেশে—

তবু দেন কাঞ্চন মুক্তিকামাঝে।

আন, অভাগীয়ে আন ; পরিচয় জান,—

কেন বানা কাঞ্চালিনী !

আহা ! ভূজপিনীশ্রেণী

কেশগুচ্ছ ধূলা-বিগুণ্ডিত।

দম। প্রাণেশ্বর ! নিশ্চয় বলে হে প্রাণ,

পাব পুনঃ দরশন।

তবে কেন রয়েছ অন্তর,

অন্তরের অন্তর আমার ?

(ধাত্রীর দ্বারে আগমন)

ধাত্রী। কে তুমি গো পাগলিনীপ্রায়,

কর, কার অন্বেষণ ?

দম। স্বভাষিনি ! পতিহারা পাগলিনী আমি ;

পার বলে দিতে—কোথা গেছে স্বামী ?

ধাত্রী। এস, রাজমাতা ডাকিছে তোমায়।

দম। মা গো, যাব আমি পতি-অন্বেষণে ;

বিলম্ব করিতে নারি।

ধাত্রী। একা নারী ধরামাঝে—

পতি কোথা খুঁজে পাবে ?

রাজমাতা—বড় রূপাময়ী।

লহ আসি' আশ্রয় তাঁহার,—

উপায় হইবে তাহে।

দেখ, রাজমাতা দাঁড়ায়ে ছয়ারে,

আদরে গো ডাকেন তোমারে।

দম। মা গো ! দেবে কি গো পতির আনিয়ে মোর ?

রাজ-মাতা। শান্ত হও ; শুনি আগে বিবরণ,—

কে তুমি ? কোথায় পতি তব ?

দম। সৈরিঙ্ঘী আমার পরিচয় ;

ছিল, পতি মম বহুগুণাধার।

হায় ! বঞ্চনা ধাতার—

দ্যুত-পণে সকলি হারিল ;

বনে গেল আমা ছাড়ি।

মা গো ! বহু ক্রেশে খুঁজি দেশে দেশে—

প্রাণেশে কোথায় পাব ?

হয়েছি হতাশ—দে গো মা আশ্বাস—

পতির আনিয়ে দেবে।

ও মা ! রাথ প্রাণ—প্রাণনাথে হারিয়েছি।

রাজ-মাতা। শুন স্থলোচনে! রহ এ ভবনে,

ক্লেষ কিছু নাহি হবে ;
পূজা হেতু কুসুম তুলিবে—
অন্ত ভার নাহি দিব ;
বলিও লক্ষণ—

দেশে দেশে পাঠাব ব্রাহ্মণ,
তব পতি-অন্বেষণ হেতু ;
কতাসম থাকিবে হেথায় ।

কৈদো না মা, অভাগিনী,
ওমা! পতিপ্রাণা! কতই সয়েছ!

দম। মা! মা আমার রূপাময়ি!

তনয়ায় রাখ দায়ে ;
রেখে মা, দাসীর প্রাণ—
ও মা! জান ত নারীর ব্যথা ।

[সকলের প্রস্থান ।

(বিদুষকের প্রবেশ)

বিদু। অলপ্পয়ে পুঙ্করে যে রাখলে ধরে—তা না হলে
কি রাজা হাত-ছাড়া হয়? সাত দিন গেল কাঙ্ক্ষার থেকে
বেকতে—এখন কোন্ পথে কোথায় গে ধরুবো? বাবা!
ভাষা জান্না ভগবান্ দেখিয়ে দিলে। বামূনের ছেলে ধানে-
চালে দে মারবে! আর খুঁজবো কোথায়?—বাপের জন্মে যে
নাম শুনি—এমন মূলুক বেড়িয়ে এলুম। আবার এর নাম
শুন্ছি—চেদি। রাজ-বাড়ী কি সাধে দেখে যাই?—পাকে
বাঙ্ থাকে! হোমা পাখী—গিরিশুদ্ভই বসে।

(ছই জন লোকের পুনঃ প্রবেশ)

১ম লোক। দেখ, দেখ, তখন সেই পাগলী “স্বামী
কোথা ব'লে দাও” বলছিল; আর এখন এ পাগলা বামুন
আপনা আপনি কি ব'কছে।

বিদু। ব'কছি—তোমার বাড়ী আশ্রয়স্থান খাব; বলি
পাগলী কে? কি বলে—“পতি কোথা ব'লে দাও মোরে”?

২য় লোক। দেখ, দেখ, এও খেপলো—

বিদু। বলি—এ কি পাগল-করা-দেশ? সাদা কথা
বলছি, তবু পাগল ব'ল্ছিস আমার? দাঁড়া, দাঁড়া—আমি ও
শিখলুম। দেখ, দেখ—পাগলা বেটা হাসছে দেখ।

১ম লোক। বাঃ! এ রঙের বামুন।

বিদু। বা! এ সঙের মিন্‌সে।

২য় লোক। বামুন পাগল নয় ধুঁকু।

বিদু। চটে চলে বাও কেন বাবা? আপোসে ছ' কথা
হয়ে গেল—এখন চল—তোমার বাড়ী ভোজন করিগে।

১ম লোক। রসের সাগর!

বিদু। না, না—উদরটা বড় ডাগর! তাই ভাব'ছিলাম—
তোমায় কৃতার্থ ক'রুব। তায় আর কাজ নাই; এ পাগলী
কোথা গেল বল দেখি?

[ছইজন লোকের প্রস্থান ।

(এক জন স্ত্রীলোকের প্রবেশ)

স্ত্রী। আহা! পাগলীকে খুঁজ'চ? পাগলী তোমার
কে গা? আহা! কোন্ আবাগী—স্বামী হারিয়ে পাগল
হয়েছে,—আদর করে রাজমাতা তারে বাড়ী নিয়ে গেছেন।

[প্রস্থান ।

বিদু। বুকি, দময়ন্তী বেঁচে আছে; নইলে, পাগল হয়ে
স্বামী খুঁজে বেড়াবে কে? রাজাটা চিরকাল জানি—এক
বগুগা;—কোথা চলে গেছে; মাগী কৈদে কৈদে পথে
বেড়াচ্ছে। দেখ, আমার বুকি আছে; ও মশাই শালা যে
কান মলে দিলে,—নইলে ক, প, শিখ'তেম। আজ এখানে
ধাকন, পাগলী দেখন—তবে গমন; যদি ঠিক জানতে পারি—
তবে ধরি; সন্ধান নিই।

[বিদুষকের প্রস্থান ।

শ্রী গভাক্ষ

কক্ষ

সুনন্দা ও দময়ন্তী।

(সুনন্দার গীত)

মালকোষ বাহার—কাওয়ালি।

প্রাণে প্রাণে ভালবাসি তারে।

কোথা রবে?— বেথা বেথা

ভালবেসে সে আশারে।

কাদে প্রাণ তারি তরে সে ত তা বুঝে অস্তরে;

জেনে শুনে কোমল প্রাণে

বেবনা সে দিতে পারে।

সুনন্দা। আহা !
 হেথা তুমি সখি, নীরবে রোদন কর ?
 কর নি শয়ন ? ক্লান্ত তুমি অতিশয় ।
 দম। রাজবালা ! স্বধাময় সঙ্গীত তোমার !
 শুনে গান উন্মাদিনীপ্রাণে
 আশা পুনঃ হয় বিকশিত ।
 সুনন্দা। সখি। কেন লো নিরাশ হ'বি ?
 ভালবাসি যারে—
 সে আমারে কোথা ফেলে রবে ?
 দম। সখি ! যত্ন বিনা হারাই রতন ;
 কাল-নিদ্রা এল গো, আমার ;
 হায় ! কেন পুনঃ জাগিছ কাদিতে ?
 কাল-নিদ্রা এল সখি !
 তাই ত হারান্ন নাথে ।
 সুনন্দা। আহা ! বিস্তর সয়েছ, সখি !
 কথা কও ; মনোবাণা রেখো না লুকায়ে ।
 আমি ভয়ী সস ;—
 কাদ, সখি ! প্রাণ খুলে কাদ মোর কাছে ।
 সংজ্ঞা-হীনা বনপথে ছিলে যবে প'ড়ে—
 না জানি গো, কি হ'ল তোমার মনে ।
 সখি !
 বল মোরে কে তোমারে করিল চেতন ?
 আহা !
 কাঙ্ক্ষালিনী, পতি-হারা, কতই সয়েছ !—
 বল তব দুঃখ-কথা,—
 অশ্রুজল দিব বিনিময়ে ।
 দম। মুর্ছাগত বন-পথে ছিলাম পড়িয়ে,
 সংজ্ঞা লাভ করি এক তাপস-রূপায় ।
 তেজঃপুঞ্জ উদাসীন কছিল। আমায় ;—
 “বাও, বৎসে !—পশ্চিম প্রদেশে,
 পুরিবে গো, মনোরথ ।”
 আচম্বিতে তপাচারী হ'ল অদর্শন ।
 নাথ বিনা সব শূন্য হেরি,
 চলি ধীরি ধীরি ;—
 পথে দেখা বণিকের মনে ।
 দলবদ্ধ যায়, দেখিয়া আমায়

এক জন রূপায় করিল সাথী ;
 পরে হেরি' রম্যস্থল, বণিকসকল
 বিশ্বামের হেতু রহে ;
 হেন কালে দৈব বিড়ম্বন,—
 মত্ত করী আইল তথায়—
 চরণের ঘায়, হত হ'ল কত জন ।
 প্রাণ-ভয়ে পলায়ে আইছ ;
 রাজ-মাতা দেখিয়ে আমায়
 রূপায় আনিল পুরে ।

সুনন্দা। আহা !
 ফেটে যায় বুক দুঃখ-কথা শুনে তব ।
 সাক্ষী তুমি, পতিরতা, গুণবতী,—
 সখি ! এ' দিন না রবে তোমার ।
 বরাননে !
 মলিন বদনে কেন গো, রহিতে সাধ ?
 কেন নাহি পর বেশ-ভূষা ?
 দম। নাহি জানি স্ববদনি !—কোথা' প্রাণেশ্বর,—
 কি দশায় আছেন কোথায় ;
 অর্দ্ধবার্শে গিয়াছেন ফেলে ;
 ভাগ্য-ফলে যদি দেখা পাই—
 অর্দ্ধবাস তাজিব তখন ;
 নহে, ভিখারিণী পতি-কাঙ্ক্ষালিনী আমি ;—
 অর্দ্ধবাস—যোগ্য পরিচ্ছদ মম ।
 সুনন্দা। আহা ! সতি, পতিভক্তি শিখি তোমার কাছে ।
 দম। নৃপতি-নন্দিনি, আমি অভাগিনী—
 পতিভক্তি যদি গো জানিব—
 কেন তবে প্রাণধনে রাখিতে নাহিব ?
 যুগপ্রায় দিন বয়ে যায়,—
 কোথায় আমার নাথ ?
 বজ্রঘাত করিয়া বিপিনে
 চলে গেল—আর ত এল না ;
 কাল-নিদ্রা আসিল আমার ;—
 প্রাণনাথে হারাইছ ।

(ধাত্রীর প্রবেশ)

ধাত্রী। ওগো ! একজন গণংকার এসেছে ; সব ঠিক ঠাক ব'লছে ।

স্বর্ণ-পদ্ম তখনি শুখায় ;
এত দিনে আছে কি আমার প্রিয়া ?
হায় ! বলা নাহি হ'ল—
কত কথা মনে ছিল ;
প্রাণের জালায় পলায়ে এসেছি, প্রিয়ে !
ওহো ! জালা নিভিবার নয় ;
বুক কাটে—অর্ধবাসা—
অরণ্যের দশা মনে হ'লে !

বিদু। (স্বগত) এই যে—সেই হাত পা চালা, ওপর
চাউনি ; আমি ও চিনি—আমার ঠিক মনে আছে ; সেবার
ধ'রেছিলেন স্বর্ণহীস—এবার কাটুচেন ঘোড়ার ঘাস ! (প্রকাশ্যে)
বলি, মশাই, আজ অতিথ হেথায় ।

নল। শুভ দিন মম ;
প্রভু ! করুন বিশ্রাম ।

বিদু। (স্বগত) সেই স্বর ;—নল না হ'য়ে আর যায়
কোথায় ? (প্রকাশ্যে) বলি, মশাই, আপনাকেই হয় ত
যেতে হবে ।

নল। কোথা ?

বিদু। বিদর্ভ নগরে ।

নল। কোথা ?

বিদু। বিদর্ভ নগরে ;—দময়ন্তী—

নল। দময়ন্তী ? কোথা ? কে সে ?

বিদু। (স্বগত) হ' হ' হ' গলা বে কাপে !

(প্রকাশ্যে) দময়ন্তী হবে স্বয়ম্বর—

আসিয়াছি নিমন্ত্রণ দিতে,

রাজ-দরশন সহজে না পাওয়া যায়,

ভাব্লেম—আছেন বাহক মশাই,

অতিথ গে হই সেথা ।

নল। দময়ন্তী—স্বয়ম্বর বিদর্ভ নগরে ?

এ কোন্ বিদর্ভ নগর ?

বিদু। মশায়ের জন্ত আবার ক'টা বিদর্ভতয়ের হবে ?

নল। দময়ন্তী—স্বয়ম্বর ?

বিদু। তা'হলে তাড়ান্ না কি ?

নল। না—না, শুনিয়াছি—

দময়ন্তী স্বয়ম্বর হ'য়েছিল একবার ।

বিদু। বলি, মশাই, রাজারাজড়ার কারখানা—তার

ঠিকানা কি ? সব সখের উপর কাজ ; স্ক ক'রে দেখুন—
নলরাজা গেল ছেড়ে—

নল। আঃ !

বিদু। মশাই কি ব্যাজার হ'লেন ?

নল। ভাল, মহাশয় !

দময়ন্তী—পুনঃ স্বয়ম্বর ?

নিশ্চয় জানেন সমাচার ?

বিদু। মশাই, হলপ না নিলে কি বিশ্বাস ক'রবেন না, না

কি ? না মশাই, স্বয়ম্বর নয় ; চলুন ঘরে—ক্ষুধার্ত্ত ব্রাহ্মণ !

নল। প্রভু ! ক্ষমুন আমার,

ভুলে আছি কথায় কথায় ;

আয়োজন কি করিবে দাস ?

বিদু। ভাল রকম এসে না রন্ধন,

মোণ্ডা পারি বিলক্ষণ ।

নল। মিষ্টান্ন প্রস্তুত এখানে ।

বিদু। দিন এনে ।

(নলের মিষ্টান্ন দান ও ব্রাহ্মণের বন্ধন)

নল। মহাশয় ! ক্ষুধার্ত্ত আপনি, করুন ভক্ষণ ;

আরোঁ দিব মিষ্টান্ন আনিয়ে ;

যত ইচ্ছা যাবেন লইয়া ।

বিদু। দেন আরও বেধে লব ; কি জানেন—রাজার বাটী
একটু চাপাচাপি হয়েছে ; তিন্ ধবুলে তালটা খেতুম ;
কিন্তু সে যোগাড় আর নেই—মহারাজ দাঁড়িয়ে খেবেই
খাওয়ালেন ।

নল। বলিলেন—হয় নাই রাজ-দরশন ।

বিদু। বলুমই বা ; বলুম বলে কি আর রাজাকে খাওয়ালে
নাই ? (স্বগত) না মন, মোণ্ডার লোভ সাম্লাও ; ধরা পড়ে
যাবে ; রাজা ত হু'হাতে বদনে ফেলা দেখেছে ।

নল। (স্বগত) এ কি বাতুল ব্রাহ্মণ ?

মহাশয় ! দময়ন্তী পুনঃ স্বয়ম্বর হবে ?

বিদু। নইলে কি, মশাই, ছেলে খেলার পথ ?—ক'র
পা—নইলে, হাঁটু অবধি ক্ষয়ে যেত !—বাবা ! তর বেলে
দেশ, প্রাণ পুরে হাঁটো ।—

নল। পুনঃ স্বয়ম্বর ?—

হেন কথা শুনি নাই কভু ?

বিদু। মার পেট থেকে পড়েই কি শোনে ? ক'র

ধাক্কে ধাক্কে শুন্তে হয়। আগে কি কেউ শুনেছে—যে
আধখানা শাড়ী পরিয়ে, বনে জী ছেড়ে যায়? পুণ্যলোক
নলরাজ্য পথ দেখালেন।

নল। (স্বগত) তিরস্কার উপযুক্ত মোর;
দেশে দেশে গাবে এই যশ!

দময়ন্তী পুনঃ স্বয়ম্বর?।

না, না,—পতিপ্রাণা,—মিথ্যা কহে স্বিজ;

কিন্তু কে বুঝে নারীর প্রাণ?

দময়ন্তী—আমার সে ধন, আমি তার;—

স্বচক্ষে না দেখে এ বিশ্বাস না হারাব।

হায়! আশা গায়—

বুঝি পাইতে আমার

সরলা, এ প্রেমের ছলনা করে।

(প্রকাশ্যে) মহাশয়! এ সত্য স্বয়ম্বর?

বিদু। আর কথায় কাজ নাই,—আপনি তাঁবা-তুলসী
আছন।

নল। (স্বগত) এও কি কলির ছল?

ইল—নিশ্চয় এ ছল।

প্রণয়িনী সে আমার—

সে ত নয় স্বিচারিণী;

বুঝি এত দিন বেঁচে নাই;

আমা বিনা সে রহিতে পারে।

দময়ন্তী পুনঃ স্বয়ম্বর?

জানিলাম তবে—ধরায় রমণী নাই;—

ধর্মপত্নী, জীবনসঙ্গিনী,

পতিপ্রাণা নারী নাই।

এই বার সৃষ্টিলোপ হবে;

সে আমার প্রাণের প্রতিমা,—

সে আমার ভূপে গেছে?

এ কথায় নল না প্রত্যয় করে।

(ঋতুপর্ণের প্রবেশ)

ঋতু। শুন হে বাহক, বিচার পরীক্ষা দেখ;

বেতে পার বিদর্ভনগরে?

কালি স্বয়ম্বর তথা।

নল। মহারাজ,

কালি প্রাতে উত্তরবে রথ তথা।

ঋতু। হে বাহক! সত্য, কি কৌতুক?

নল। মহারাজ! অধীনের কৌতুক না সাজে।

ঋতু। অহুমান আছে কি তোমার—

কত দূর বিদর্ভ নগর?

নল। মহারাজ! গুরু রূপায়

মম হস্তে—হয় তড়িৎ-গমনে ধায়;—

বিদর্ভ নগরে যেতে নহে বড় কথা।

ঋতু। হও ত্বর, এখনি যাইতে হবে।

বিদু। এখন আমার কি উপায়?—পায় পায়?

ঋতু। হেথায় ব্রাহ্মণ তুমি,—

যাবে পিছে চতুরদ দল;

যেও অচ্য রথে।

বিদু। মহারাজ! বিস্তর ক্রেশ পেয়েছি পথে;—

দেশ নয়—যেন বাঘ!

তাই প্রাণটা চাচ্ছে দেশে যেতে;

বামুনের ছেলে—

নিয়ে যাবে রথের এক ধারে ফেলে।

ঋতু। হও তবে প্রস্তুত সত্বর।

[ঋতুপর্ণের প্রস্থান।

বিদু। সত্বর!—তবে মোণ্ডা বেঁধেছি কেন?

মহারাজ! প্রস্তুত—জানবেন পা বাড়িয়েছি যেন।

নল। স্বিজবর! যাই রথ করিতে প্রস্তুত।

বিদু। চলুন মশাই, আমিও যাই; কিন্তু, দোহাই যদি

মুছাঁ যাই, এক বার থামিও; শুনেছি, বেজায় তোমার

রথের টান।

[উভয়ের প্রস্থান।

দ্বিতীয় গর্ভাঙ্ক

উদ্যান

দময়ন্তী ও কেশিনী (সখী)।

দম। জান ত সজনি, হংস-মুখে শুনি,

এই তরুতলে বসিয়ে বিরলে—

ভাসি অবিরল নয়নের জলে।

ভাবিতাম—সে আমার হবে কি না হবে।

সখি, হেরিলে এ কুঞ্জ-আমোদিনী

চমকি—তখনি ; মনে পড়ে—
 এই খানে প্রাণনাথে প্রথমে দেখিছ ;
 লাজ পরিহরি,
 আঁখি ভরি, হেরিলাম অতুল মাধুরী !
 সই রে ! আজি কোথা সে আমার ?
 দিক্ প্রাণ !
 অভাগীর তরে কলি সনে বিসংবাদ ;—
 মনে হলে মৃত্যু হয় সাধ—
 অভাগীর তরে রাজ্যেশ্বর বনবাসী !
 সখি, আগে কি গো জানি—
 উন্মাদিনী—পাব গুণমণি ?
 আগু পাছু না ভাবিছ—
 নলেরে বরিছ,—
 প্রাণনাথে ভাসাইছ অকুল পাথারে !
 এত যদি জানিতাম সখি !
 ত্যজিতাম ছার প্রাণ ;
 কলি-কোপে না পড়িত প্রাণপতি ।
 ছি ! ছি ! আমি স্বামীর ছুঃখের হেতু ।
 কেশিনী । সুদিন কুদিন আছে চিরদিন ;
 ভেবনা—ভেবনা ;
 পত্তি-পরায়ণা তুমি স্থলোচনা ;
 যত, সখি, সরেছ পতির তরে—
 দ্বিগুণ আদরে হবে পুনঃ রাজ্যেশ্বরী ;
 মেঘ-অন্তে পূর্ণচন্দ্র উদয় যেমন—
 তব প্রাণধন পুনঃ আসি দেখা দিবে ।
 সতর্ক, সত্বর,
 দেশে দেশে গেছে রাজচর,—
 নলরাজে পাইবে নিশ্চয় ;
 দৈবের ছলনে—
 ফেলিয়ে কাননে গিয়াছেন পতি তব ;
 বার্তা পেয়ে আসিবে সে ধৈর্যে,
 হৃদয়ে ধরিতে তোরে ;
 রাজ-সখা বান্ধব-বৎসল,
 করি' নানা ছল—
 দেশে দেশে করে অন্বেষণ ;
 জান তুমি—অতি বিচক্ষণ সে ব্রাহ্মণ ;

অন্তঃপুরে অন্বেষণ করিল তোমারে ;
 শুনি তব পুনঃ স্বয়ম্বর,
 নল নৃপবর যথায় রহিবে,
 ব্যগ্র হয়ে আসিবে সত্বর ;
 কেঁদনা, সজনি, আর !
 দম । সখি ! প্রভাত-সমীরে
 পত্র যথা কাঁপে তর তর—
 কাঁপিছে অন্তর স্বয়ম্বর কথা ক'য়ে ;
 কি জানি লো, যদি গুণনিধি,
 ঘৃণা করি' পাপিনী ভাবিয়ে
 আর নাহি দেন দেখা ।
 মনে কত হয়—
 নিশি-দিন স্থির নহে প্রাণ ;
 কি হবে, কি হবে—মরি ভেবে ভেবে,
 এ যাতনা সহিতে না পারি ;
 তবু মরিতে না চাই সই !
 কই প্রাণনাথ কই ?
 মরিব লো ! দেখিতে দেখিতে তাঁরে ;
 সই রে, কাঁদিতে জনম গেল !
 কেশিনী । সখি, অনল-উত্তাপে
 কাঙ্ক্ষন দ্বিগুণ শোভা ধরে ;
 ছুঃখ তব গৌরবের তরে,—
 প্রেমের পরীক্ষা তোর ;
 প্রাণকান্তে পাবে, ছুঃখ ভুলে যাবে,
 গল্পচ্ছলে ছুঃখ-কথা কহিবে সোহাগে ;
 নব অল্পরাগে—
 পুনঃ হবে সুখ-সম্মিলন ।
 দম । সখি, আর সোহাগের নাহি সাধ ;
 না জানি গো, কত অবতনে
 কোথায় বঞ্জন নাথ ;
 রাজ্যেশ্বর—কভু নাহি সহে ক্রেশ ;—
 প্রাণেশে কি পাব আর ?
 সই, যত কাঁদি—
 বাড়িতে যন্ত্রণা
 পোড়া আশা তত করে মানা ।
 শরৎ-বর্ষণে বিরাম যেমন—

কত হাসি, কত কাদি ;
 কত ভাবি মনে—
 নাথ অশেষণে পুনঃ যাই বনে ;
 দুঃখে, অভিমানে
 কিরাতের সনে বুঝি বা আছেন নাথ ;
 কিম্বা কোন্ বিজন গহ্বরে—
 নাহি হেরে নরে—
 আছেন বা প্রাণেশ্বর ;
 হায় সখি, মম ভাগ্যে পতি-সেবা নাই ;
 তাই প্রাণনাথ পলাইল আমা ছাড়ি' ;
 নহে, সে তেমন নয়—
 আমা বিনা কোথাও না রয় ;
 মই ! সে আমার—
 আমার সে হৃদয়ের রাজা ;
 তবে কেন হ'ল গো, এমন !—
 কোথা মোরে আছে ভুলে ?
 কেশিনী । পতি-ধ্যান, পতি-জ্ঞান,
 পতি-পূজা দিবা নিশি—
 ইষ্ট দেব পতি তব ;
 পরি' অর্ধ শাড়ী
 তপাচারী তুমি পতির সাধনে ;
 এ সাধন বিফল না হয় ।
 পতি ভক্তি উঠিবে ধরায়,
 পতিব্রতা পতি যদি নাহি পায় ;
 সতীর বাসনা পূর্ণ করে নারায়ণ ।
 যার তরে ঝরে আঁখি-নীর—
 সে কি আছে স্থির ?
 দিয়ে অর্ধ চীর ছেড়ে গেছে বনমাঝে—
 নিশি দিনে শেল সম বাজে তাঁর প্রাণে ।
 আসিলে যামিনী,
 চক্রবাক-চক্রবাকী যথা—
 কাঁদে দৌহে ছুই পারে,
 তেমতি তোমরা মই !
 পোহায় রজনী,
 আসে দিন,—হবে লো মিলন ।
 দম । রাজরাণী ছিলাম সজনি !

প্রাণনাথে শত শত কিঙ্কর সেবিত ;
 ভেবেছিছ—বনে থাকি' নাথ সনে
 রাজ্যস্থত ভুলাইব সেবা করি ;
 ছি ! ছি ! বিড়ম্বনা, রহিল বাসনা,—
 হায় পতি-হারা কত দিন রব আর ?
 কেশিনী । সখি, চল যাই রাণীর আগারে ;
 শুনি গিয়ে—
 কোথা হ'তে কিবা আসে সমাচার ।
 দম । চল যাই ; যত দিন রব—
 আশা কত না ছাড়িব ।

[প্রস্থান ।

তৃতীয় গর্ভাঙ্ক

নগর-প্রান্ত

বিদূষক ।

বিদু । আমার তবু অভ্যাস আছে,—ঋতুপর্ণ বুঝি
 মরণাপন্ন ! আজ রিশের উপর রথ চালান ! রাজা আজ
 ঘূমবে—ওর রঙটা আমি ধুয়ে ফেলছি । বাবা ! এ খোস
 খত রঙের মসলা পেলে কোথা ? কি—ঘেঁটু পাতা ফাতা
 মেড়ে বুঝি ক'রেছে । আমার সন্দ হয়, ছটাক খানেক পুকুরে
 ঘাম আছে । এই রইলেন গোপ—আর এই রইলেন দাড়ি ;
 বাবা ! সারারাত্ কুটকুটিয়ে মরি । এই বার পাড়ি দিই
 রাজ-সভায় । ঋতুপর্ণটা কি ক'রবে ?—খানিক আমতা
 আমতা ক'রবে আর কি ।

[প্রস্থান ।

(নল ও ঋতুপর্ণের প্রবেশ)

নল । মহারাজ, আশ্চর্য্য গণনা-বিদ্যা তব,
 দৃষ্টিমাত্র গণিলে রাজন !
 দেখিলাম মূনাধিক এক পত্র নয় ;
 রূপা করি, দেহ বিদ্যা মোরে ।
 ঋতু । গুণবান্ তুমি হে বাহক !
 যোগ্য পাত্র এ বিদ্যা লইতে ;
 চিত্ত-স্বৈর্য্য এ বিদ্যার মূল ।
 মনের নয়ন—সদা উন্মীলন ;

নিমেষে সংসার হেরে !
সদা সচক্ষু—ধারণা না রহে তার ।
দীক্ষা নাহি দিব—সমবোগ্য তুমি মম ;—
বৃক্ষপত্রে মন্ত্র লিখে দিই ।
নল । মহারাজ, দাস আমি—অধীন তোমার ।
ঋতু । হে বাহক !
কতু তুমি নহ সাধারণ ।
হেন অশ্ব-সঞ্চালন সামান্তে কে জানে ?
ভাঙাও না মোরে ;—
চিরদিন গুণের গৌরব রাখি ,
লহ বিছা ।

[পত্র প্রদান ।

নল । অশ্ব-বিছা রূপা করি, লন যদি প্রভু,
রুতর্প হইবে দাস ।

ঋতু । তুমি—সখা মম ;
সখা, লব বিছা তব ঠাই ।
ভাল, কোথা গেল সে ব্রাহ্মণ ?
(ছদ্ম-শ্রম পতিত দেখিয়া)

হের ছদ্ম-শ্রম কার হেথা ।

নল । ছদ্মবেশী ব্রাহ্মণ নিশ্চয় ;
আছে বৃক্ষি রথে ।

ঋতু । কর মন্ত্র-পরীক্ষা বিরলে ;
ততক্ষণ দেখি বন-শোভা ;
পশ্চাৎ আনিহ রথ ।

নল । যথা আজ্ঞা, মহারাজ !

[ঋতুপর্ণের প্রস্থান ।

এ কি ! অচ্চ চক্ষু কোথা ছিল এত দিন ?
এই বৃক্ষ কোটি পত্র ধরে !

(কলির প্রবেশ)

কলি । মহারাজ, রক্ষা কর মোরে ।
তুমি দয়াময়—রূপা কর, আমি কলি ;
ছলিয়া তোমায়—
কি কহিব কত দুঃখ সহিয়াছি নররায় !
একে তব পুণ্য-তাপে তন্ন দহে,
দময়ন্তী-দীর্ঘশ্বাসে সম্ভাপিত প্রাণ ;

তাহে, কষ্ট-গরলে
দেহ মম অহরহ জলে ;—
আর শান্তি নাহি দেহ রাজা ।
নল । বাও, কলি, দিলাম অভয় ।
কিন্তু, জিজ্ঞাসি তোমায়—
নির্দোষীরে ছলি' কিবা ফল ?
কলি । অদিক না বল রাজা ;
অপকীর্ষি রহিল আমার ;
গৌরব বাড়িল তব ।
সত্য করি সম্মুখে তোমায়,—
যেবা তব নাম লবে—
মম অধিকার—

ততুপরে না রহিবে আর ।
নল । মম দুঃখে ঘুচে যদি মানব-বজ্রণা—
ছল নহে—বর তব কলি !
যাও নিজ স্থানে, করেছি মার্জনা ;
নহ তুমি দোষী,—
ভুলিলাম নিজ কর্ম-ফল ।
রূপায় তোমায়,—
কীর্ষি মম রহিল ধরণী-তলে ।
কলি । আজ্ঞা কর—বাই নিজস্থানে ।

[কলির প্রস্থান ।

নল । অদূরে নগর,—
কিন্তু, মহোৎসব-ধ্বনি কিছু নাহি শুনি ।
মিথ্যা স্বয়ম্বর,—
ছদ্মবেশী ব্রাহ্মণ নিশ্চয় ;
স্বর যেন পরিচিত ।
নহে, কার শ্রম হেথা ?
সে আমারে তুলিতে কি পারে ?
পিত্রালয়ে থাকিত যতনে—
কেন তবে আসিবে গহনে ?
ইন্দ্রাণী হইত, কেন বা বরিবে মোরে ?
মিথ্যা স্বয়ম্বর !
ভুলেছে আমায় ?—
এ সংসার দৈত্যের রচনা তবে !
হেন ধরা—ত্যাগ-প্রয়োজন,

যথা সতী নিজ পতি ছাড়ে।
হায়! জানি সে আমার -
তবু কেন যন্ত্রণা ঘোচে না?
কৰ্কটে না করিব স্মরণ;—
ছদ্ম-বেশে দেখিব এ স্বয়ম্বর।
ছাড়িয়াছে কলি—তবু কেন প্রাণে জলি?
(ঋতুপর্ণের প্রবেশ)

“ঋতু। দেখিলে কি মন্ত্র মোর পরীক্ষা করিয়া?
নল। বিদ্যা তব অদ্ভুত সংমারে!
ফুটিয়াছে নূতন নয়ন মম।
মহারাজ, আসিছেন বিদর্ভ-ঈশ্বর,
তব অভ্যর্থনা হেতু।
আসিয়াছি নগরের ধারে—
সমাচার দেখে বুঝি ব্রাহ্মণ যাইয়ে।
(ভীমসেনের প্রবেশ)

ঋতু। (নলের প্রতি) এই মহারাজ ভীম?
ভীম। অবোধ্যা-ঈশ্বর! বড় রূপা তব।
পবিত্র বিদর্ভপুরী তব আগমনে!
করুন জ্ঞাপন—
কোন্ প্রয়োজনে পদার্পণ মনাগারে?
ঋতু। (স্বগত) কোন্ প্রয়োজন?
(প্রকাশ্যে)

মহাশয়! গৌরব তোমার প্রচার ভুবনময়;
আসিয়াছি সৌহার্দ্য—কারণ।
ভীম। পরম সৌভাগ্য মম;
হেথা আর বিলম্ব কি কাজ?
কৃতার্থ করুন মোরে হ'য়ে অগ্রসর।
[ভীমসেন ও ঋতুপর্ণের প্রস্থান।

নল। কৃহকে আচ্ছন্ন প্রাণ মোর;
কিছু না বুঝিতে পারি।
মিথ্যা স্বয়ম্বর।
কে বা সে ব্রাহ্মণ? যেন পরিচিত স্বর।
সখা মম!
কি আশ্চর্য! কলির ছলনে
নারিলাম সখারে চিনিতে?
রথ ল'য়ে যাই পাছু পাছু।
[প্রস্থান

(বিদূষকের প্রবেশ)

বিদু। বাবা! দূর থেকে দেখিয়ে দিয়েই পেছ
কাটিয়েছি। ঋতুপর্ণ কিছু বিশ্বাস্যপন্ন! এখন ত বাহক
মশাইকে না মেজে নিলে নয়! যদি রাজা-রাণীতে জোট
থায়—আমিও ঘরের ছেলে ঘরে গিয়ে বামণীর আঁচল ধরি।
সংসদে কাশীবাস; দেখনা—গরীব বামণের ছেলে—
আমাদের পিরীতে বাবা বিচ্ছেদ কেন? পিরীতে কিছু
ছোঁয়াচে রোগ;—রাজার ছোঁচ লেগেচে—বামণীটাকে ছেড়ে
আনতে হয়েছে। কিন্তু, পিরীত অত গড়ায় নি,—নিম্পাতা
বেঁটে মুখে মাখতে হয় নি! দেখ, কেমন আমোদ হ'চ্ছে,
যদি সেদিন হয় রাজা যদি সিংহাসনে বসে—তা হলে
পুকুরেকেও আশীর্বাদ করি, আর লোককে গাল-সন্দ দেওয়া
ছেড়ে দিই। তা নয়—সভাব বায় না মোলে।
প্রস্থান।

চতুর্থ গর্ভাঙ্ক

কক্ষ

দময়ন্তী ও কেশিনী (সখী)।

দম। দেখ সখি, অদ্ভুত সারথি—
যার করে বায়ুভরে অশ্বগণ ধায়!
সখি, প্রাণ বায়—নহ পরিচয়।
বল গিয়ে—ছদ্মবেশ মাজে নাক আর।
সই, লোকলাজে কহিতে না পারি,
কত মনে করি;
ভাবি পুনঃ—অদৃষ্ট প্রসন্ন নয়।
শুনি' রথধ্বনি কত কাঁদি আমি উন্মাদিনী,
প্রাণসই, বিধি কি প্রসন্ন হবে?
কেশিনী। রাণি, এত দিনে দুঃখ অবসান তোর;
রাজপুরে যে কথা শুনিছ—
মম মনে ঘুচেছে সংশয়।
অন্য কেহ নয়—নল মহাশয়
উদয় সারথিবশে।
অগ্নি বিনা করেন রন্ধন,
দৃষ্টিমাত্র স্নিগ্ধ নীরে শূন্য কুম্ভ ভরে,

নীরস কুহুম সরস কর-মর্দনে ;
ক্ষুদ্র ছার হয় দীর্ঘাকার
সারথিরে দিতে পথ ।

বল, এ' লক্ষণ নরে আর কার ?
ভাব যদি মলিন বরণ —
দেখ চেয়ে আপন বদন,
নিজ অঙ্গ হের হেমাঙ্গিনি !

দম । সখি, এ' লক্ষণে—
প্রত্যয় না মানে মন ।
যাও তুমি, কথায় কথায়
জানাইও ছুঃখের বারতা মম ।
ব'লো আসি'—কি পাও উত্তর ।
পার যদি বুঝিও অন্তর ।
ব'লো ব'লো—পুত্র-কন্যা ত্যজি,
পতি মনে পশি বন মাঝে ।
একাকিনী নিত্রিতা কামিনী
ছাড়ি কোথা গেল স্বামী ।
দেখ' দেখ'—এ কাহিনী শুনি,
আসে বা না আসে চক্ষে জল ।
ব'লো যত পেয়েছি যজ্ঞা ;
দীর্ঘখাস করিও গণনা—
দেখ'—কোন' বেদনা আছে কি প্রাণে তার ।
পার যদি কথায় কথায়,
আছি যে দশায়,
ব'ল' সখি, সারথিরে ।
প্রাণে প্রাণে জানিলে লক্ষণ—
মম প্রাণধন তবে ত জানিব সহি ।

[দময়ন্তীর প্রস্থান ।

(রাঘবগীর প্রবেশ)

রাগী । শুন মা কেশিনি ! লোকমুখে শুনি—
বাহুক সারথি অদ্ভুত-প্রকৃতি নর !
কার্য তার লোকাভীত সব ।
নলরাজসম সকলি লক্ষণ তার ।

কেশিনি । দেবি ! নিশ্চয় এ নলরাজা ।

রাগী । দময়ন্তী বিনা সত্য-মিথ্যা কে বুঝিবে ?

কেশিনি । দেবী আদেশ দেছেন মোরে
ল'তে পরিচয় ।

[উভয়ের প্রস্থান ।

পঞ্চম গর্ভাঙ্ক

তোরণ

নল ।

নল । (স্বগত) ছিল দিন—চতুরঙ্গ দলে
এসেছিছ বিদর্ভ নগরে ;
প্রতিবাদী ইন্দ্র স্বয়ম্বরে !
আজি—বাহুক সারথি !
দময়ন্তী আছে স্থখে—
আর কিছু নাহি প্রয়োজন ।
লোকালয়ে আর নাহি রব ।
ছি ! ছি ! কেন হব ঘৃণার ভাজন ?
সকলি রহিল—আশা ফুরাইল ;—
প্রাণ' যেন তরঙ্গে তরঙ্গে দোলে ।
মনে হয়—সে যেন জেনেছে —
সে যেন চিনেছে ;
পলে পলে জ্ঞান হয়—আসে,
কহে সকাতির ভাষে,—
কেন নাথ ! ভুলে ছিলে ?
বিড়ম্বনা—বিড়ম্বনা !
ছি ! ছি ! পুনঃ স্বয়ম্বর !—
দেব নর সকলে জেনেছে ।
সত্য, মিত্র কর্কট আমার ;
যদি প্রাণ যায়—নাহি দিব পরিচয় ।

(কেশিনীর প্রবেশ)

কেশিনি । মহাশয় ! রাজকন্যা প্রেরিলেন মোরে ।
মহামতি আছিলেন নলের সারথি,—
জ্ঞান যদি বল স্তবধর !—
বনবাসে অর্দ্ধবাসে ত্যজি' ব'মা,
কোথা গেছে মহারাজ ?
ক'র না চাতুরী—কহ সত্য করি'—

কিবা অপরাধে,
 প্রমদায় ফেলিয়ে প্রমাদে
 পলাইল নৃপবর ?
 ছি! ছি! নিদ্রাগতা—
 হেরিয়ে বয়ান কাঁদিল না প্রাণ ?
 ইন্দ্র ছাড়ি' বরে যারে—
 হায়! হায়! কেমনে সে গেল ছেড়ে ?
 ব'লেছেন রাজবালা মোরে,
 স্মিনতি জানাতে তোমারে—
 যদি কভু রাজারে দেখিতে পাও—
 ব'লো তাঁরে রূপা করি'—
 নিদ্রা পরিহরি, হেরে বামা শূন্য পাশ,
 স্বামী নাই কাছে ;
 উন্মাদিনী ধনী—
 উন্মাদ রোদনধ্বনি—জাগাইল প্রতিধ্বনি বনে ;
 বামারে নিরখি,
 অশ্রুজল বরষিল পাখী,—
 বনশাখী স্মিয়মান তাপে ।
 শূন্যপ্রাণা শূন্য মনে ধায়
 বধা পদ যায়—কভু ওঠে, কভু পড়ে ;
 যদি দেখা পাও, ব'লো নলরাজে—
 হেন কাজ তাঁহারে কি সাজে ?
 নল। মিছা তিরস্কার কর তাঁরে স্থলোচনে !
 দেব-বিড়ম্বনে কলির ছলনে—
 আচ্ছন্ন আছিল নল ;
 রাজ্য ধন হারাইল গ্রহকোপে ;
 কলির ছলনে,
 ভাষ্যা ত্যজি' গিয়েছে কাননে,—
 নল তাহে নহে দোষী ।
 স্তন হে রূপসি,
 কেই নারী পতি-পরায়ণা—
 দদা করে পতির মার্জনা ;—
 পুনঃ স্বয়ংরা সে ত কভু নাহি হয় ।
 কি ভাবে কোথায় বঞ্চে নররায়—
 অপোচর কথা ;—
 সে বারতা কহিব কেমনে ?

কিন্তু জানি পুরুষের মন,—
 নারীর যেমন পলে পলে বিচঞ্চল,
 পুরুষের নহে তাহা,—
 নহে জল-রেখা—তখনি মিলায়—
 প্রান্তরে অঙ্কিত ছবি চিরদিন রয় !
 নলরাজ আছে কি দশায়,
 কেমনে হে, বলিব তোমায় ?
 পরে কি পরের কথা বুঝে ?
 যার ব্যথা আছে মনে, স্তন চন্দ্রাননে,
 অশ্রু জনে সে ত নাহি বলে ।
 নারী বিনা শূন্য ধরা যার,
 এমন বিকার
 সে নাহি প্রকাশে ভাবে—
 পাছে লোকে হাসে ।
 কাল সর্প হৃদয়ে সে পোষে ;
 অধীর দংশনে, তবু রাখে সে যতনে !
 কেশিনী । সত্য মহাশয় !
 পরের হৃদয় পর না বুঝিতে পারে ।
 নহে, দেহ মন জীবন যৌবন সঁপি'
 নারী কেন হবে দোষী ?
 পতি প্রাণের আশ্রয়,
 পতি বিনা সব শূন্যময়,—
 এ কথা ত পুরুষ বুঝিতে নারে !
 কঠিন অন্তর—
 নানা রসে বঞ্ছি' নিরন্তর,
 ভালবেসে দেয় নাই দেহ প্রাণ,—
 তারে কে বুঝাতে পারে ?
 ভালবাসা নারীর প্রাণের সাধ ;
 প্রাণপতি অন্বেষণ তরে
 কলকে না ডরে ;—
 পুরুষ-অন্তরে এ বোধ না পশে কভু ।
 দেশে দেশে পাগলিনীবেশে
 প্রাণেশে খুঁজিয়ে ধায় ;—
 কঠিন পুরুষ জাতি
 অনায়াসে ভাষ্যা ত্যাগ করে ;—
 সে অন্তরে প্রত্যয় কি হয় কথা ?

প্রাণ ছলময়!—

তাই ভাবে নারীর প্রণয়—ছল।

আত্ম-বিসর্জন পুরুষ শিখেনি কতু ;

কথায় কথায় প্রয়োজন গেছি তুলে,—

কোথা নলরাজ গোচর নহেক তব ?

বলুন আমায়, কি বলি সখীরে গিয়ে।

নল। ধরামাঝে চাহে কেহ নলের সংবাদ—

জানিলে এ কথা—

সমাচার আসিতাম জেনে।

আসিয়াছি স্বয়ম্বরে রাজারে লইয়ে—

বল, কি উত্তর দিব ?

কেশিনী। ভাল, শুনিলাম অগ্নিবিনা করেন রক্ষন,

দৃষ্টিমাত্র পূর্ন হয় ঘট—

সত্য কি এ কথা ?

অদ্বিত এ বিজ্ঞা—কোথা পেলো মহাশয় ?

নল। শুন স্ববদনি!

বিদেশী সারথি আমি—

লোকে মন্দ কবে—

হেথা তব রহিতে উচিত নয়।

বিজ্ঞা মোরে দিয়েছেন নলরাজ ;

যাও স্থলোচনে, যাব আমি অশ্বশালে।

[নলের প্রস্থান।

কেশিনী। ঘন ঘন দীর্ঘশ্বাস— নয়নের নীর—

আর কি ভূলাতে পার ?

অভিমানে নাহি দেয় পরিচয়।

(বিদূষকের প্রবেশ)

বিদু। হ্যা গা ঠাকুরণ!

বাহক মশাই কোথায় ?

কেশিনী। গিয়েছেন অশ্বশালে।

বিদু। বলি ঝামেলা কিছু বেশী করেছিলেন কি ?

আপনাদের ত রোগ আছে। তা বলুন তাড়াতাড়ি ধরি,

একবার ঘোড়সোয়ার হলেই পগার পার। রাণী ঠাকুরণকে

বলুন—বদলী চলবেনা, স্বয়ং আসরে নাবতে হবে। রঙ

ধুনো দিয়ে চিটে ধরিয়েছে—জলে ধোবার কাজ নয় ; চক্ষে

জলে ধুতে হবে। চান কর্তে যাচ্ছে, আমি বলি ভাণ কচ্ছে ;

—পেছ নিলুম—জল থেকে উঠলো, থানকে থান রঙ বজায়।
বাবা! এ আঁতের কালী, মুখে ফুটে বেরিয়েছে! চল
আমরা যাই। রাণীকে পাঠিয়ে দাও ;—আমি হেথা নিয়ে
আসছি।

[উভয়ের প্রস্থান।

(নলের পুনঃ প্রবেশ)

নল। পূর্ন কান্তি কর্কট ফিরায়ে দিল ;

বলে গেল উপযুক্ত এ সময়।

আত্ম-পরিচয়,

গোপনে কেমনে রাখি আর ?

(দময়ন্তীর প্রবেশ)

দম। নাথ! কেন নাহি দেহ পরিচয় ?

ভাব—ভুলাইয়ে যাবে ?

প্রাণেশ্বর! আর না পারিবে -

কাল-নিদ্রা আর না আসিবে চক্ষে ;

আর ছেড়ে নাহি দিব।

নল। শুন প্রিয়ে! নাহি অপরাধী ;—

কলির তাড়নে, বরাননে,

বনে ফেলে পলাইছ ;

জান তুমি—

স্বৈচ্ছায় কি যেতে পারি তোমা ছেড়ে ?

সারথির বেশে এসেছি এ দেশে

তোমারে দেখিতে প্রিয়ে !

কার গলে পুনঃ দেহ মালা—

রাজবালা, দেখিতে হইল সাধ।

কোন্ ভাগ্যধর—

আদরে ধরিবে পুনঃ কর!—

দেখে গেছি মলিন বদন,

চাঁদ মুখে দেখে যাব হাসি,—

হে প্রেয়সি, এই হেতু এসেছি এ স্থানে।

দম। নলরাজ-আশে হয়েছিহু স্বয়ম্বর ;

নলরাজ-আশে পুনঃ স্বয়ম্বর ভাণ।

হের বেশ—

পুষ্পহার করে নাহি সাজে আর!—

নয়ন-আনারে গের্ণে মালা দিব গলে।

সাক্ষ্য

বল কা

প্রভু, ন

নলে ভা

অন্ত দো

কতু নল

যদি হই

দেবগণ!

প্রাণপতি

নহে, প্রা

দৈববাণী। সং

সাক্ষী সতী

নল। একি!

পুষ্পবৃষ্টি কবি

কিষ্কর চরণে

ক্ষমা কর, প্র

দম। প্রাণেশ্বর,

দাসারে মিনতি

(ঋতু

ভীম। বৎস,

যে আনন্দে পু

করি আশীর্বাদ

সে আনন্দে বক

রাণী। বৎস, এত

নল। মাতা, কর

সকলি গো দৈব-

ঋতু। মহারাজ, তু

(দময়ন্তীর প্রতি

সখী তুমি মম।

দম। অযোধ্যা-ঈশ্বর,

(বি

বিদু। স্বয়ম্বর বিদর্ভ ন

সাক্ষ্য হও, জগত-প্রাণ সমীরণ! —
বল কার তরে প্রাণ-বায়ু বহে মোর ?
প্রভু, নলরাজ-অভিলাষী,
নলে ভালবাসি,
অন্ত দোষে নহি দোষী ;—
কতু নল বিনা অস্ত্র জনে নাহি জানি ।
যদি হই সতী—

দেবগণ ! করি হে মিনতি—
প্রাণপতি দেহ মোরে ;
নহে, প্রাণে কাজ কি আমার !

দৈববাণী । সংশয় না ভাব তুমি, পুণ্যশ্লোক নল !—
মাস্তী সতী পত্নী তব ।

(আকাশ হইতে পুষ্পবৃষ্টি)

নল । একি ! দৈববাণী ?
পুষ্পবৃষ্টি করিছেন দেবগণে !
কিঙ্কর চরণে তব—
ক্ষমা কর, প্রাণেশ্বর !

দম । প্রাণেশ্বর,
দাসীরে মিনতি নাহি সাজে ।

(ঋতুপর্ণ, ভীমসেন ও রাণীর প্রবেশ)

ভীম । বৎস,
যে আনন্দে পূর্ণ আজি হৃদয় আমার—
করি আশীর্বাদ—
সে আনন্দে বঞ্চ চিরদিন ।

রাণী । বৎস, এত দিন কোথা ছিলে ভুলে ?

নল । মাতা, কর আশীর্বাদ ;—
সকলি গো দৈব-বিড়ম্বনা ।

কতু । মহারাজ, ভুলে আছ সথারে কেমনে ?
(দময়ন্তীর প্রতি) দেবি ! স্বধাও স্বামীরে তব—
সখী তুমি মম ।

দম । অযোধ্যা-ঈশ্বর, চিরঞ্জী আমি তব ।

(বিদূষকের প্রবেশ)

বিদু । স্বয়ম্বর বিদর্ভ নগরে—

সত্য মিথ্যা দেখুন, বাহুক মশাই !—
রাজা, রাজা !

সখা বলে ডাক হে, বারেক ।

নল । সখা, যে গুণ তোমার—

তব ধার শত জন্মে

নাহি হবে পরিশোধ ।

(পুঙ্কর, কলি ও অহুচরের প্রবেশ)

কলি । মহারাজ, এই সহোদর তব,
কিঙ্কর আমার,
আজি হ'তে কিঙ্কর তোমার—
আমি তব অহুগত ।

পুঙ্কর । কেন ? কেন ? কিঙ্কর কি হেতু ?
পাশায় জিনি ছি রাজ্য, কিরে নাহি দিব ;—
মৃত্যু পণ মম ।

নল । যুদ্ধ কিম্বা পাশাক্রীড়া যোবা তব মন—
করহ পুঙ্কর ত্বরা ।

কলি । ত্যজ আশা,—
স্বাপর না সহায় হইবে আর ।
জাহ্নু পাতি' যাচহ মার্জ্জনা—
পুণ্যশ্লোক নলরাজা ক্ষমিবেন তোরে ।
নহে, সত্য কহি,
ধন-প্রাণ কিছু না রহিবে তোর ।

পুঙ্কর । না বুঝে করেছি কাজ—
ক্ষমা কর, নৃপবর !

নল । ওঠ, চিন্তা কর দূর ;
নাহি ভয়—করিছ মার্জ্জনা ।

বিদু । বলি, পুঙ্কর মশাই ! দেখে শুনে শিখতে হয় । বাগে
পেলেই ধানে-চালে দিতে হয়—এমন নয় ; মহারাজ ! এখন
নয়—যখন রাজ্যে গিয়ে ব'সবেন—রঙের মসলা গুলো আয়ায়
ব'লবেন । বলি, পুঙ্কর মশাই ! বল্লে না প্রত্যয় যাবেন—
আপনার উপর এক পৌচ ।

(সখিগণের প্রবেশ ও গীত)

পরজ-বাহার—কাওয়ালী ।

কে এল—কি ভাবে—রথে করে ?
ওলো এ কি ছালা !—সরলা রাজবালা,
বুঝি ভুলায়ে বিদেশী—নে যায় ধ'রে ।
জানে নানা হল,

হুটি আঁধি করে ছল ছল,—

হেরে মুখশী হয় প্রাণ বিকল ;
ফুটে মলিনী কুমুদিনী হেরি নিশাকরে ।

চণ্ড

(ঐতিহাসিক নাটক)

[১১ই শ্রাবণ, ১১২৭ সাল, ষ্টার থিয়েটারে প্রথম অভিনীত]

অনন্তরিকা

(সূচনা ও পরিশিষ্টের প্রবেশ)

সূচনা।—

হেথা কেন লাজহীনা, হেথা কি লো তোর ?
ধরা নাঝে ইন্দ্ৰাসন, বাম্বারাও সিংহাসন,
ভুবন-বিখ্যাত পুরী পবিত্র চিতোর ।
সূর্য্যসম সূর্য্য অ শ, শিশোদীয় মহাবংশ,
কবি যার গুণ-গানে আনন্দে বিভোর,—
হেথা কেন লাজহীনা, হেথা কি লো তোর ?

পরিশিষ্ট।—

দেখি দেখি স'রে থাকি, দেখি কিসে জোর,
ধাকে ব না থাকে শেষ গুমোরের ঘোর ।

সূচনা।—

শোন্ তবে কিসে এত গুমোর আমার ।
উচ্চ তানে করি গান, লাক্ষ্মীরাণা মতিমান,
জ্যেষ্ঠ পুত্র চণ্ড তাঁর, গুণের আধার ।
রাঠোরীয় রণমল্ল, শত্রু যার জানে ভল্ল,
চণ্ডে দিতে ছুহিতা হইল বাহা তাঁর ।
রাজপুত-প্রথা মানি, ভট্ট নারিকেল আনি,
রাঠোরের অভিপ্রায় করিল প্রচার ।
কোতুকে কহিলা রাণা, "ভট্টরাজ, বৃষ্টি মানা,
নারিকেল প্রদানিতে শুভ্র গুন্দু যার ?"

রহস্য শুনিয়া সবে,

হাস্ত কৈল উচ্চরবে,—

শুনিয়া চণ্ডের মনে জন্মিল বিকার ;—
শোন্ শোন্ কিসে এত গুমোর আমার ।

পরিশিষ্ট।—

বল্ বল্, সেই ভাল, শেষ ভাল যার,
স'য়ে থাকি, দেখি কিসে শেষে হও পার ?

সূচনা।—

হীন সনে দ্বন্দ্ব করে হীন যেই জন,
সরস আখ্যান মম শোনে সূধীগণ ।

পরিহাসি নররায়,

সম্বোধিল যে কথায়,

মনে মনে কুমার করিল আন্দোলন,—
মাতা সন তারে মানি, গ্রহণ করিব পাণি
কেমনে তাহার, দিয়ে ধর্ম-বিসর্জন ।

রাণা কত বুঝাইল,

নারিকেল নাহি নিল,

নরপতি নারিকেল করিল গ্রহণ ।
রাখিতে রাঠোর-মান, করি রাণা অভিমান,
কহিল, "এ কথা-গর্ভে জন্মিলে নন্দন—

দিব রাজ্য অধিকার,

সিংহাসন হবে তার,

পুত্র হ'য়ে বার বার ঠেলিলি বচন ।"

দ্বাদশ বর্ষীয়া বাণা,

বৃদ্ধগলে দিল মালা,

হর-বরে হলো পুন গৌরী সমর্পণ ।

দেখ্লে আখ্যান মম শুনিছে সূজন ।

পরিশিষ্ট ।—

হয় যদি শেষ বেশ, বুঝিব তখন ।—

সূচনা ।—

কুমার জন্মিল পরে, নৃত্য গীত ঘরে ঘরে,
নব সূত, নবীন প্রণয়ে দৃঢ় ডোর ।
পঞ্চম বর্ষীয় পুত্র, দেখ কিবা কর্মহুত্র,
হিন্দু যবনের যুক্ গয়াধামে ঘোর ।

• জ্যেষ্ঠ পুত্রে ডাকি রায়, প্রকাশিল অভিপ্রায়,
“নিকট হইল কাল পরামায়ু চোর !
ধর্ম-যুদ্ধে বিসর্জন, এ জীবন মম পণ,
তুমি মম প্রতিরূপ লহ রাজ্য মোর ।”

কহে চণ্ড, “হে ধীমান, ক’রেছেন বাক্য দান,
বিমাতা-নন্দন অধিকারী এ চিতোর ।”

কোলে তুলে এত বলি, সিংহাসনে মহাবলী,
বসাইল শিশু ভ্রাতা মুকুল কিশোর ।—

যাই চ’লে, নাহি সহে নীচ সঙ্গ তোর ।

পরিশিষ্ট ।—

হৃদী-পদে নমস্কার, ও তো ক’রে অহঙ্কার,
কত বলে গেল চলে, দাসী আছে শেষ ।
গুণহীনা—তাই ভয়, নিবেদন সবিনয়,
মার্জনা প্রার্থনা সবিশেষ ।

৮৩

১০৭

নাট্যোন্মিথিত ব্যক্তিগণ ।

পুরুষ

চণ্ড ... লাক্ষরাণার জ্যেষ্ঠ রাজকুমার ।
রঘুদেবজী... ঐ মধ্যম রাজকুমার (সংসার-ত্যাগী) ।
মুকুলজী ... ঐ কনিষ্ঠ রাজকুমার (অধুনা মিবারের রাণা) ।
শিখণ্ডী ... ধাত্রী-পুত্র ।
পূর্ণরাম ... ভাট ।
রণমল্ল ... রাঠোররাধিপতি ।
যোধরাও ... ঐ রাজকুমার ।
থাণ্ডাধারী ... ঐ বয়স্ক ।

সভাসদগণ, প্রজাগণ, জনৈক লোক, ভীলসর্দার ও তাহার
অহুচরগণ, ঘাতকদ্বয়, রাঠোর সৈন্যগণ, কয়েক জন
আহত সৈনিক, রাঠোরীয় বৃদ্ধ ও বালকগণ,
চিতোরবাসীগণ ইত্যাদি ।

স্ত্রী

গুণমালা ... লাক্ষরাণার কনিষ্ঠা মহিষী ।
বিজরী ... ঐ সখী ।
কুশলা ... ধাত্রী ।

স্ত্রীলোকগণ, চিতোরবাসিনীগণ ইত্যাদি ।

প্রথম অঙ্ক

—:~::~—

প্রথম গর্ভাঙ্ক

উপবনস্থ দেবালয়

চণ্ড, পূর্ণরাম, শিখণ্ডী ও রঘুদেবজী ।

চণ্ড । যতদিন মহারাণা লাক্ষ্মী বীর্ঘ্যবান্
বসিতেন সিংহাসনে, ছিলে উদাসীন
ভাই রাজকার্যে তুমি ; ক্ষতি কিছু জন্মে
নাই তাহে । এবে তিনি গয়াধামে, পণ
ঠার আশ্রয়-বিসর্জন যবন-সংগ্রামে ।
সিংহাসনে বালক মুকুল বোধহীন,
একা আমি, রাজকার্য করিব কিরূপে ?
'সোদর—দোসর,' শুনি শাস্ত্রের বচন,—
তবে ভাই, সহায় না হও কি কারণ ?

পূর্ণ । হ্যা হ্যা, তুই খুব বাহাদুর ! বাহাদুরী ক'বলেই হয়
না—বাহাদুরী ক'বলেই হয় না, রাখতে পারলে হয় । সিনি
দেখে এগুলো হয় না—সিনি দেখে এগুলো হয় না, কৌংকা
দেখে না পেছোও—কৌংকা দেখে না পেছোও ।

শিখণ্ডী । এ কে ?

চণ্ড । পূর্ণরাম ভাট ।

রঘু । ও পাগল ।**

চণ্ড । না—না,

মহাজ্ঞানী । শিরোধার্য তব উপদেশ ;

মতিভ্রম পদে পদে মানব-জীবনে ।

রঘু । বীর বিনা বীরকার্য করিতে সাধন
কেবা পারে ? হীনজনে গুরুভারার্পণ
নহে তো সঙ্গত । আমি দীন-হীন, জান
চিরদিন, অলস অবশ চিত্তদাস ;—
সে কারণ যবে মহারাণা রোবভরে
কহিল তোমারে "সিংহাসন দিব তোর
বিমাতা-নন্দনে," তুমি চাহিলে বদন

পানে যোর ; করিলাম পণ সেই কালে,
সভাস্থলে—"দেবকার্যে বিসর্জন দিব
এ জীবন—র'ব সদা সংসারে বিরত ।"
আশ্রয়ত্যাগী মহাজন, স্বার্থ পরিহারি
রাখিলে পিতার মান । পদানত জনে
দেহ শক্তি মহেবাস, প্রতিজ্ঞা-পালনে ;
কি কারণ পুন মোরে দিতে চাহ রাজ-
কার্য-ভার ? কর নাই উদ্বাহ-স্বীকার,
রাঠোর-নন্দিনী সনে জনক-বচনে
কর্তব্যের অহরোধে, যবে প্রভু তুমি
নারিকেল করিলে বর্জন, পিতৃ-রোষ
ক'য়ে শিরে পরে । ঘোর সংসার-বন্ধন
সন্ন্যাসীর নিষেধ, শোন হে মহাজন !
ধর্মপথে অগ্রসর, সদাশয় পিতা
করিলেন দার-পরিগ্রহ, আমা দৌহা
হেতু ; দেহ' আজ্ঞা, করি প্রতিজ্ঞা পালন,
বীর তুমি, বীর-কার্য তব স্বশোভন ।

পূর্ণ । হ্যা হ্যা, তোরা ছ'জনেই খুব বাহাদুর—তোরা
ছ'জনেই খুব বাহাদুর ! আমি আর জানি না, আমিই তো
নারিকেল এনেছিলেম । খুব নাম, খুব সূখ্যাতি, খুব আশ্র-
ত্যাগ, সে তো সূখ্যাতির পালা । এখন নিন্দার জালা সইতে
পার, তবে না বাহাদুরী । তুমি সন্ন্যাসী—ছুরি মাঝে কণা
না কও, তবে তো জানি । তা না হ'লে রাজকার্যের ভার
নিয়ে, ঘোড়া চ'ড়ে, সূখ্যাতি নিয়ে আমিও বেড়াতে পারি,
চেলি প'রে বাহাদুরী আমিও ক'বতে পারি ।

চণ্ড । আশীর্বাদ কর ভট্ট, কর্তব্য-পালনে
যেন কভু নাহি হই পরাধুখ ।

রঘু । যেন—
দেবকার্যে মতি গতি রহে চিরদিন ।

পূর্ণ । যেন'র কর্ম নয়—যেন'র কর্ম নয়, মন বাণা চাই—মন
বাধা চাই ।

[পূর্ণরামের প্রধান ।

শিখণ্ডী । বাতুল—বর্কর, চণ্ডে দেয় উপদেশ !

চণ্ড । ভট্টের মহিমা ভাই, না জান বিশেষ ।

হেরি তব ও চন্দ্রবদন, বিচলিত
মন, এ কেমন বিধাতার বিড়ম্বনা,—

সুকুমার রাজার কুমার উদাসীন,
সহায়-বিহীন! সিংহাসন শোভা পায়
যার পদার্পণে, জন-মন ফুল্ল-কর,
সুন্দর স্বভাব, কান্তি রতিপতি জিনি—
সন্ন্যাসী হেরিয়া তোরে এ বিজন বনে—
কাদে প্রাণ! রহ উচ্চাশয়, উচ্চাধানে—
বারিষ না উচ্চ কার্য্য তব। পড়ে মনে
জননীর কোলে যবে শুইতে ছুলাল,
রাজগৃহ করি আলো, হেন সহোদর
বিজন-নিবাসী বৃত্তিহীন, তাই তাই,
জননীর নামে সাধি করিতে গ্রহণ—
'কাবেরিয়া কৈলবারা' বৃত্তির কারণ;—
জননীয়ে স্মরি রাখ ভ্রাতার বচন।
সুদ্র দুই জনপদ প্রদানি তোমায়,
মম দান ল'য়ে কর, কৃতার্থ আমায়।

রঘু। সন্ন্যাসী—আকাশ-বৃত্তি ভোগী; তব দান
মতিমান গ্রহণ আমার, মাতৃস্বর্গ
কামে, বৃত্তি-ভোগী হবে দীন-হীন জনে।
রেখো নিজ দাসে মনে, দেবকার্য্যে যাই।
সন্ন্যাসীর আশীর্বাদ লহ ধাত্রী-ভাই।

৮৩। রাজকার্য্যে বিব্রত, কি জানি কবে হায়,
ও চন্দ্রবদন দেখা পাব পুনরায়।

রঘু। দাস তব; সদা ধ্যান করি শ্রীচরণ,
বারেক দর্শনে পুন জুড়াব নয়ন।

[রঘুদেবজীর প্রস্থান।

৮৩। প্রাণ কাদে ভাই, রঘুদেব—রঘুদেব,
স্বর্গকান্তি রঘুদেব! চল কার্য্যে যাই।

শিখণ্ডী। দ্বিতীয় প্রহর নিশা, এবে কার্য্য কিবা?

৮৩। জান না কি, রাজদাস আমি নিশি-দিবা।

[উভয়ের প্রস্থান।

দ্বিতীয় গর্ভাঙ্ক

বারান্দা

গুণমালা ও কুশলা।

গুণ। রাজমাতা—রাজমাতা—রাজমাতা নাম,
রাজদণ্ড প্রকৃত চণ্ডের করে, সবে
অহুগত; গৌরব-বিহীন সিংহাসনে
মুকুল স্থাপিত, যেন ক্রীড়ার পুত্তলী,—
রাণা নাম, উজ্জল মুকুট শিরে (আত্ম-
ত্যাগী চণ্ড!) শূন্য রাজদণ্ড, শূন্য রাণা-
খ্যাতি, (চণ্ড অতি দীর মহাত্মা সৃজন!)
দিয়াছেন বিমাতা নন্দনে! কিবা আত্ম-
ত্যাগ—কিবা আত্মত্যাগ, বিরল ভুবনে!
রাজকার্য্য করেন সকলি রূপা করি,
কনিষ্ঠের কল্যাণ-সাধন হেতু! আহা—
কি আদর্শ পুরুষ-প্রধান, মায়া গণ্য
রাজ্যমাঝে, নাহি আত্মোন্নতি-অভিলাষ।
রাজমাতা রহ চেড়ী সম, কর যদি
কোন কার্য্য অহুগত,—চণ্ডের এ মানা,
চণ্ডের ও মানা, কিবা প্রভুত্ব রাণীর।
সোদর তাহার দেব অবতার, শাস্ত
রঘুদেব, সদা দেব-পূজা-রত, যেন
যবে অভিমত, সেই ব্যয় প্রয়োজন,
রাজকোষ হ'তে হয় তখনি পূরণ।
ধিক রাজ্যে, ধিক রাণা, ধিক ধিক মোরে,
নফরে প্রভুত্ব করে, প্রভু তার দাস!

কুশলা। সে কি রাজমাতা? এ কি আচার তোমার—

কেমনে ভুলিলে রাণি, পূর্ব-বিবরণ?

গয়াধামে ধর্ম্মরণে লাফরাণা যবে

করিল গমন, চণ্ডে দিতে সিংহাসন

বাঞ্ছা ছিল তাঁর; কেবা হ'তো প্রতিবাদী,

জেষ্ঠপুত্র রাজ্য-অধিকারী চিরদিন;

কে করিত নিবারণ মুকুট গ্রহণ

চণ্ডের, কেমনে বল মুকুল পাইত

রাজ্যভার? উদার-স্বভাব মতিমান,

পিতারে প্রতিজ্ঞা হ'তে করিল উদ্ধার,
তোমার নন্দনে করি রাজ্য-সমর্পণ ।
গুণ । হীনমতি ধাত্রী, কি বুদ্ধিবি সমাচার ।
আমিও ছিলাম অন্ধ চণ্ডের কৌশলে,
ক্রমে তার আচরণে খুলিল নয়ন ;
সন্দ যেবা ছিল, এবে ঘুচেছে সকল ;
রাজ্যে হেরি উচ্চ নীচ সবে মোর অরি ।
কুশলা । রাজমাতা, এ কি কথা শুনি তব মুখে ।

জান না—জান না রাণি, চণ্ডের মহিমা ;—
রাজভক্ত, পিতৃভক্ত, স্বদেশ-বৎসল
চণ্ড সম কেহ কি জন্মেছে ত্রিসংসারে ?
শোন পূর্ক-বিবরণ, জনক তোমার
পাঠাইল নারিকেল রাজার সভায়—
ভট্ট হস্তে, তব শুভ বিবাহ-কারণ,
ছিল মন—চণ্ড তোমা করিতে অর্পণ ।

গুণ । জানি সে কাহিনী, কেন কর গণ্ডগোল ?
আজ্ঞা চণ্ডের ঘৃণা পিতৃ-বংশোপরে,
তাই নারিকেল নাহি করিল গ্রহণ
অহঙ্কারে ; মারবারপতি মম পিতা,
চণ্ডরাণা লাক্ষের নন্দন, নারিকেল
তাই নাহি করিল গ্রহণ ; জানি পূর্ক-
কথা, কেন মিছে তোলো আর ? সেই চণ্ড—
যার মম পিতা প্রতি হেন ব্যবহার—
মুকুলের কল্যাণ সে চাহিবে এখন !

কুশলা । অকারণ কেন রাণি, কহ কটু বাণী ?
ঘৃণা-দেহ-বর্জিত স্বজন মহামতি
চণ্ড, সে কি কভু করে মারব-দৈশ্বর
অবহেলা ?

গুণ । সম্বার্কজনী মম নীচ মুখে
উচ্চ কথা ।

কুশলা । কেন রাণি, বৃথা দাও ব্যথা,—
জান না যে বিবরণ, দোষ' সে কারণ ।

গুণ । শুনি, শুনি স্ববামুখি, শ্রীমুখে তোমার
সে কাহিনী ; কহ—কহ, কেন নারিকেল,
ভট্টে করি অপমান, নাহি নিল চণ্ড
মহামতি, রাণা লাক্ষে অবজ্ঞা করিয়ে ?

কুশলা । নারিকেল যবে ভট্ট আনিল সভায়,
কৌতুক করিয়া রাণা কহিলা ভট্টেরে,
“তব নারিকেল বুদ্ধি নহে বৃদ্ধ হেতু—
শুভ গুণ্ড যার তার নাহি অধিকার ?”
সভাসদৃ হাঙ্গল সে রহস্ত শুনিয়া,
এ রহস্ত-কথা ক্রমে শুনি চণ্ডদেব
মনে মনে বিচার করিল, পিতা সেই
কথা ল'য়ে রহস্ত করিল, কি প্রকারে
সেই কথা পুত্র হ'য়ে করিব গ্রহণ ।
প্রকাশিল অসম্মতি সেই সে কারণ ।

গুণ । আহা, কিবা ধর্মজ্ঞান—পিতৃ-বাক্য হেলা ।
হীন-বুদ্ধি লাক্ষরাণা জগতে প্রচার,
পাপকার্যে বার বার কৈল অছরোধ,
স্ববোধ তনয় কেন শুনিবে বচন ।
ধাত্রী তুমি, কি বুদ্ধিবে প্রকৃতি উহার,
চির-অহঙ্কার করে রাণাবংশ বলি,
হীন বংশে করিবে বিবাহ, তাই—ওই
না করিল কর্ণপাত নৃপতি-কথায় !

কুশলা । হেন মিথ্যা সমাচার কে দিয়েছে রাণি ?
নাহি জান তুমি, নহে—নহে অহঙ্কার,
জননা ভাবিয়া তোমা কৈল নমস্কার ।
করিলেন রাণা যেই বংশের সম্মান,
হেয় জ্ঞানে সত্বক করিল অবহেলা
কভু কি সম্ভব, সেই রাণার সন্তান
য়ে জ্ঞানে সত্বক করিল অবহেলা ।
হেন হীনমতি চণ্ড কেন ভাব রাণি ?

গুণ । জান যদি বিবরণ, কহ দেখি শুনি
চণ্ড প্রতি ভূপতি কি করিল ব্যাভার,—
আছে কি স্বরণ, কিবা নাহি তাহা মনে ?
দেখ, যদি স্বতিপথে উঠে সেই কথা,
পুত্রের ব্যাভারে রাজা পাইলেন ব্যথা,
নারিকেল করিলা গ্রহণ—আছে স্বতি ?
কোণে চণ্ডে লক্ষ্য করি কহিল ভূপতি,
“এ কণ্ডার গর্ভে যেই জন্মিবে নন্দন,
বন্ধিয়ে তোমারে তারে দিব সিংহাসন ।”
অশীতি বৎসর বৃদ্ধ আছিল বাসনা

বাণপ্রস্থে করিবেন দেব-উপাসনা,—
করিতে হইল গৃহধর্ম-আচরণ ।

হেন কোথা জন্মে কার সুবোধ নন্দন
পিতৃধর্ম-পথে কাঁটা ! ছাদশ বৎসর
বয়ঃক্রম সেইকালে মম, ছিল ভাগ্যে
পুত্র ফল, তাই কোলে পাইছ মুকুলে ।

চণ্ডের আছিল মনে, এই বৃদ্ধকালে
হবে কি নন্দন,—হের বিধি বিড়ম্বনা,—
পুত্রিল না পিতৃভক্ত চণ্ডের বাসনা ।
রাজার প্রতিজ্ঞা জানে সভাশু সকলে,
অর্পিবেন মুকুট মুকুলে, কি বিভ্রাট,—
সিংহাসন-অধিকারী বিমাতার স্ত ।

কুশলা । প্রতিজ্ঞায় বন্ধ রাণা নাহি ছিল কভু,
ধাকিলে প্রতিজ্ঞাবন্ধ, গয়াযাত্রাকালে
কি হেতু করিল রাণা চণ্ডেরে জিজ্ঞাসা
“কি সম্পত্তি মুকুলে করিব সমর্পণ ?”
দেখ রাণি, ধার্মিক-নন্দন পূর্বকথা
করিয়া স্বরণ, বসাইলা সিংহাসনে
মুকুলে তোমার, পিতৃবাক্য রক্ষা হেতু ।
স্বয়ং নৃপতি, যত সভাসদু আর,
ভূয়সী প্রশংসা দানে কৈল পুরস্কার ।

শুভ । তোরই মুখে ব্যক্ত যত চণ্ডের কৌশল ।
করেছিল, ছল রাণা বুদ্ধিতে চণ্ডের
মন, নহে চিত্তোর-ঈশ্বর মিথ্যাবাদী ।
ছিল তাঁর প্রতিজ্ঞা স্বরণ, চণ্ড কিবা
বলে, সিংহাসনে তার লালসা কেমন,
চণ্ড সনে পরামর্শ সেই সে কারণ ।
বুদ্ধিবারে মন ধাত্রি, বুদ্ধিবারে মন,—
আপন প্রতিজ্ঞা তার আছিল স্বরণ ।
কৌশল-আকর চণ্ড বুদ্ধিরা আভাস,
প্রকাশিল আশ্রয়ত্যাগ মহিমা আপন—
ভালমতে জানে লক্ষভূপে, অসম্মতে
অনর্থ ঘটাবে, নিজ প্রতিজ্ঞা পালিবে,
দুরীকৃত হবে চণ্ড, অধিকার বাবে ।
ভাবিল কৌশলী, এই বালক মুকুল,
নাম মাত্র রাজ্য তারে করিয়া অর্পণ,

চিত্তোরে হইব আমি প্রকৃত ভূপাল ।
পুত্রিয়াছে সকল বাসনা, রাজ্য তার—
প্রকৃত সে অধিকারী, মুকুল পুত্রলী !
দেখি আর কয় দিন রহে যদি প্রাণ,
পুত্র লয়ে পিতৃরাজ্যে করিব প্রয়াণ,
সহে না যজ্ঞা আর পর-অধীনতা !

কুশলা । শোন শোন, হিত বাণী কহি রাজমাতা,
মুকুলে ধরেছ গর্ভে, পালিয়াছি আমি,
ধ্যানে জ্ঞানে করি তার কল্যাণ-কামনা ;
বিহঙ্গিনী করে যথা শাবকে রক্ষণ,
সেইমত অহঙ্কণ রাখি মুকুলেরে ;
কেবা বন্ধু কেবা তার অরি, জানি ভাল ;
চণ্ড তার পরম স্তম্ভদ, দিবানিশি
হিত চিন্তে, চিন্তে সদা গৌরব উন্নতি ;
তার সনে বিসম্বাদ নহে তো যুক্তি ।

শুভ । যা—যা, ডাকি নাই তোরে পরামর্শ তরে ;
হিত চিন্তে—হিত চিন্তে, ফিরায় ইন্দিতে !
আমি ক্রীতদাসী,—তিনি রাজ্য-অধিকারী,
রাণী হ'য়ে এ যজ্ঞা সহিতে না পারি ।

কুশলা । বুদ্ধিয়াছি বাসনা তোমার, ইচ্ছা তব
চিত্তোরে করিবে রাজ্য মারবার বাসী ;—
পিতা ভ্রাতা আনিবে চিত্তোরে, বসাইবে
সিংহাসন 'পরে, কর মনোমত কার্য,
কে তোমারে বারে ! হিতকথা শুনে যেই—
হিত কহি তারে ; রাজ্যে অনর্থ ঘটাবে,
শুনে যদি এ সকল, চণ্ড যাবে চলে—
ভাসিতে হইবে শেষ নয়নের জলে !

শুভ । অগোচর নহে মোর তোর অভিপ্রায় ;
চণ্ড সনে ছায়াসম তোমার কুমার
ফিরে নিশি দিন, যদি চণ্ড রাজ্য হয়,
রাজমন্ত্রী-পদ পাবে তোমার তনয়,
সে কারণে করিস্ রে চণ্ডের গরিমা ।
কি আস্পাঙ্ক, বাদী হয়ে হেন কাজ তোর !

কুশলা । বাদী সত্য, সত্য কথা কহিতে না ডরি—
রাজপুত্র-স্বতা আমি, কেন মিথ্যা কব ?
দণ্ড দেহ রাজমাতা, অকাতরে সব ।

সাধুপুত্র, সদা সেবা করে সাধুজনে,
বিপরীত হের তুমি বিদেহ-নয়নে!
গুণ। স্বদিন পাইলে দণ্ড দিব সমুচিত।
কুশলা। রাজমাতা, চিরদিন ধাত্রী কহে হিত।

[ধাত্রীর প্রস্থান।

(মুকুলজীর প্রবেশ)

মুকুল। মা মা, দাদাজী কেমন আমার জন্মে ঘোড়া কিনে
এনেছে দেখেছ?

গুণ। তোর শক্র! তোর শক্র! তোর দাদা নয়—
তোর দাদা নয়, বুঝেছিস্ অভাগা, বুঝেছিস্?

মুকুল। না মা, না মা, আমার দাদাজী! আমার দাদাজী!

গুণ। ছি! ছি! ছি! কি অদৃষ্ট! আপনার সন্তান
পর! আহা—বাছা বালক, কি বুঝবে! আহা বাছা রে,
তোকে নিয়ে আমি কোথায় যাব, এ শত্রুরের হাত কেমন
করে এড়াব!

মুকুল। হ্যা মা, শক্র? দাদাজী বলে, শত্রুরের সঙ্গে যুদ্ধ
করতে হয়। তবে কি আমি দাদাজীর সঙ্গে যুদ্ধ করবো?
দাদাজী আমায় ভাল তলোয়ার এনে দিয়েছে, আমি খেলতে
শিখেছি; আমি চলেম, আমি যুদ্ধ করবো।

[মুকুলজীর প্রস্থান।

গুণ। আরে অভাগা সন্তান, কোথায় যাস্—কোথায়
যাস্?

(বিজরীর প্রবেশ)

বিজরী। ধাত্রী মনে—হীনজন—কিবা পরামর্শ

তব রাজমাতা? পরাধীনা কেন আর

রহ? বাধ বুঝ, দেহ পরিচয় তুমি

রাঠোর-ঝিয়ারী নহ সামান্য রমণী,

কেবা জীয়ে পদতলে দলিয়ে ফণিণী!

এই দণ্ডে—এই দণ্ডে বিলখে কি কাজ?

অত্থা ক'রোনা কথা। সরলা কামিনী,

ছিলে এত দিন ছলে ভুলে, এবে রাণি,

প্রত্যক্ষ দেখিলে সত্য কিবা মিথ্যা মম

বাণী; হও প্রস্তুত সত্বর ক্ষত্র-স্বতা।

বুঝেছ কি—বুঝেছ কি ধাত্রীর ব্যাভার,

অত্মগত সেবক চণ্ডের, পুত্র তাঁর!

গুণ। যেই দিন পদার্পণ করেছি চিত্তোরে,
চিনিয়াছি কে কেমন সেই দিনে। কিন্তু,
শুন লো সজনি, আমি পরাধীনা নারী,
কি উপায় করি, চণ্ড বলবান্ অরি,
হ'লে তার বিরুদ্ধ-আচারী, প্রাণসখি,
ডরি পাছে মুকুলের বধে সে জীবন,
নিবারণ কেমনে করিব? বৈরিপুরী
বিপক্ষ সকলে। তবে কেমনে বল না

অরি মাঝে কি করিব অবলা ললনা?

মনোসাধ মিলায়েছে মনে। যেই দিন

মুকুল বসিল সিংহাসনে, ভেবেছিছ

রাজ্যভার করিব গ্রহণ; পিতা-ভ্রাতা

আনিব চিত্তোরে, মনস্থখে যাবে দিন,

উল্লাসে উৎসবে রব, প্রজায় শাসিব

ইচ্ছামত কার্য হবে ইচ্ছায় আমার।

হের সব বিপরীত! পরাধীনা, হীনা,

কি করিব, হায় হায়, বিধি-বিড়ম্বনা;

অবলা—কি বুঝিবে লো খলের ছলনা।

খুলেছে নয়ন, কিন্তু আশা পরিহরি,

কোন মতে হরি কাল ভগবান্ স্মরি;

ভয়ে নাহি কহি কথা দুষ্টজনে ডরি।

বিজরী। কেন ডর, কিবা ডর? শোন রাজমাতা,

প্রকাশ্য বিরুদ্ধাচার করিতে নারিবে

লোকভয়ে। তবে কহে চণ্ড মহামতি,—

উন্নত প্রকৃতি তার জানাও সবার।

গুণ। প্রেরিয়াছি পত্র আমি পিতার সদনে,

লিখিয়াছি আসিতে ভ্রাতায়, এত দিনে

সমাগত প্রায় যোধরাও। বেবা হয়

করিব ভ্রাতার আগমনে, নহে সখি,

অনর্থ ঘটাবে চণ্ড তিরস্কার শুনি।

বিজরী। কালি যদি কৌশলে মুকুলে বধে প্রাণে,

কি করিবে যোধরাও আসি? জান না কি,

বোঝ না, কৌশলময় চণ্ড দুষ্টমতি?

আনিয়াছে ঘোটক নূতন মুকুলের

তরে, বস্ত্র দুষ্ট বাজী, পৃষ্ঠ আরোহণ

আকিঞ্চন মুকুল করিবে, পদতলে

দলি তারে তুরঙ্গ বধিবে, কিবা যাবে
মুগয়ায় কে কোথায় ছুটিবে কুরঙ্গ
অশেষে ;—বালকে বধিতে কিবা ভার ?
ভেনেছি নিশ্চয় এই যড় যন্ত্র হয় ।

৩৪। শূন্য দেখি, শোন প্রাণসখি, উপায় কি
করি ? দেখি চক্ষুপরে বুকেছি সকলি
পলকে শিহরে প্রাণ ! কেঁদে কেঁদে মরি ।

বিক্রমী। স্বযোগ কি হেতু ঠেল পায় ? আছে দিবা
উপায় এখন, যবে সভাসদগণ

ল'য়ে চণ্ড বসিবে সভায়, উপনীত
হ'য়ে তথা করিবে প্রকাশ, "রাজমাতা
আমি, নিজ হস্তে লব রাজ-কার্য-ভার ;
চণ্ডের শাসন নহে মম অভিমত ।"
ছায়া কথা গ্রাহ্য করি ল'য়ে সব যত
সভাসদে, চণ্ড হবে বিষহীন অহি ।
মিছে ডরি সখি, রহ যদি সহি, কহি
শোন, জেন—জেন স্থির, অনর্থ ঘটবে !
অকুলে নয়ন-জলে কেন লো ভাসিবে ?
স্বযোগ থাকিতে কর উপায় বিধান ।
নাহি ভয় নাহি ভয়, সভাস্থ সকলে
সাপক্ষ হইবে তব জানিহ নিশ্চয় ;
মিপিড়িত সবে তার কঠিন শাসনে ।

৩৫। আসে চণ্ড, চল সখি, বসিয়া বিরলে
যুক্তি করি, যেন নাহি মজি শক্রছলে ।

[উভয়ের প্রস্থান ।

(শিখণ্ডী ও চণ্ডের প্রবেশ)

৩৬। ধাত্রী-পুত্র তুমি মম, সোদর সমান ;
মতিমান, ত্যজি অভিমান, রাজ-মাতা
জননী আমার, যদি ক্রোধভরে ক'ন
মন্দ কথা, তাহে কিবা ব্যথা, মাতা ভাল
মন্দ কহে, পুত্র সহে, সহিতে উচিত ।
রমণী-স্বভাবে কবে কি কহিল রাণী,
অমঙ্গল ঘটবে করিলে কর্ণপাত
তাহে । আজি অসন্তোষ জন্মেছে মাতার
মনে, কালি সঙ্কট হবেন আমা প্রতি,
নারীজাতি কটু কহে স্বভাব-প্রভাবে ।

শিখণ্ডী। না শুনিলে কেমনে বুঝিবে বিবরণ ।

সামান্য কারণে নাহি করি নিবেদন
তব পদে, প্রাণ কাঁদে রাণীর বচনে ।

৩৭। ভাল ভাল শুনিব পশ্চাৎ, অতি ক্লান্ত
এবে আমি, রাজদাস—বিরামের নাহি
অবকাশ, তিরস্কার—পুরস্কার সম
মম ভাই, রাজকার্য করিব সাধন
সাধ্যমত, ভাল মন্দ কথায় না ডরি ।

(মুকুলজীর প্রবেশ)

মহারাণা ! কি কারণ হেথা আগমন ?
নিরুপিত এ সময়ে বিছা উপার্জন ।

মুকুল। দাদাজি, তোমার সঙ্গে আমি যুদ্ধ ক'রবো ।

৩৮। কেন মহারাণা ? আমি রাজদাস, আমার
সঙ্গে যুদ্ধ কেন ?

মুকুল। কেন দাদাজি, তুমি যে বল, শক্রর সঙ্গে যুদ্ধ
ক'রতে হয় ।

৩৯। আমি তো শক্র নই, আমি রাজ-অমাত্য—আমি
রাজবন্ধু—আমি মহারাণার শক্রর শক্র ।

মুকুল। কেন দাদাজি, তুমি যে বল, মা যা বলে, তা
শুনতে হয়, মা যে বলেন, তুমি শক্র ।

৪০। ভাই শিখণ্ডি, তুমি রাজ-অমাত্য সকলকে আহ্বান
ক'রে সভায় নিয়ে এস, ব'লো বিশেষ কার্য ! মহারাণা, মা
কি বলেন আমি শক্র ?

[শিখণ্ডীর প্রস্থান ।

মুকুল। দাদাজি, তুমি যোড়া কিনে এনেছ, আমি চ'ড়লে
ফেলে দেবে । বলে, আমি ম'রে যাব, আর তুমি রাণা হবে ।

৪১। এও কি মা ব'লেছেন ?

মুকুল। দাদাজি, তুমি শক্র হ'ও না, আমি যুদ্ধ ক'রতে
ভয় পাই নি । দাদাজি, তুমি শক্র হ'লে আমি কার সঙ্গে
বেড়াব ? দাদাজি, তুমি শক্র হ'ও না, তুমি মাকে ব'লবে
এস, তুমি শক্র নও ।

৪২। মহারাণা, এখনি সভায় যেতে হবে, রাজবেশ
পরিধান ক'রে বার দিতে হবে ।

মুকুল। আমি যাচ্ছি, রাজবেশে সভায় আসছি । দাদাজি,
তুমি মাকে ব'লবে চল, তুমি শক্র নও ।

চও। আমি সেইজন্মই সভায় যাচ্ছি।

মুকুল। দাদাজি, তুমি শক্র নও—শক্র নও ?

চও। না।

মুকুল। দাদাজি, তুমি সভায় যাও, আমি এখনি যাব, মাকে নিয়ে যাব। দাদাজি, তুমি সকলের সামনে মাকে ব'লো, তুমি শক্র নও। দাদাজি, আমি পরিচ্ছদ প'রে আসি।
[মুকুলজীর প্রস্থান।]

চও। অস্তরের গুচ স্থল কর অব্যেথন

মন। পশি অভ্যন্তরে গুহ্যতম স্তরে
হের কোপা স্বার্থ লুকায়িত। উচ্চ আশ,
উন্নতি প্রয়াস, আছে কি গোপনে ধরি
স্বদেশ-বংশল ভাব ? আধিপত্য-লিপ্সা,
ক্রিমা চিত্তোরের হিতে চালিত অস্তর ?
সত্য-তব কর নিরূপণ। দেখ মন,
স্বার্থ-শূন্য নহে কি অস্তর ? কহ তব
আছে কি সন্দেহ তায় ? প্রকাশ সত্তর।

পাপ-ইচ্ছা লুকায়িত রহে ধর্ম-ভাণে,
তুলায় মানবে, পুষ্ট হয় যদি মাঝে,
শেষে করে আপন প্রকাশ, কৃতদাস
হেরে যবে মন। পশি স্তরে স্তরে বন্ধ-
মূল বসে সে অস্তরে, নারে হীনবল
নরে, তারে করিতে উচ্ছেদ, প্রিয় হয়
প্রাণের হুসার সম। সে দশা কি মন ?
আধিপত্য-লালসায় বহি রাজ্যভার ?

নহে কেন জননী বিরূপা, নহে কেন
লোক-নিন্দা ডরি ? বড় সাধ করেছিলে
মন, বড় আশে রাজকার্যে প্রাণপণ
তব, ভাব নিশিদিন কেমনে মুকুলে
শিখাইবে মহাকার্য প্রজার পালন ;—
বাগ্নারাও-মুকুটের গৌরব রাখিতে
সদা যত্ন ; সেই সিংহাসন-যোগ্য হবে
নব রাণা নিয়ত বাসনা, এ কি ছল,

প্রতারণা করেছে কি যদি অধিকার ?
নির্ণয় করিতে নারি,—পেয়েছি আঘাত
আচম্বিতে, বিচঞ্চল মতি নহে স্থির।
ধৈর্যের বন্ধন বাধ ধৈর্যের বন্ধন,

হীনজন সম কেন হও বিচলিত ?
থাক যদি ধর্মপথে কি হেতু ব্যথিত ?

[চওর প্রস্থান।]

(পূর্ণরাম ও বিজরীর প্রবেশ)

বিজরী। বলি বুড়ো দাদা, কি মনে ক'রে ?

পূর্ণ। তোমার তরে, দেখতে তোমায় নয়ন ভ'রে ;
বেঁধেছো রূপের ডোরে, থাকতে আর পারি ঘরে ? তাই
তোমার তরে ঘুরে ফিরে, ঠোনা খেয়ে ঘরে পরে, হজুরে
দাঁড়িয়েছি করে করে—বলি দেখি, রূপসী রূপা করে
না করে।

বিজরী। ইস, আজ রস যে ধরে না, মারবার থেকে
আসছে নাকি ?

পূর্ণ। জনার না চিবুলে মুখে এত রস হয় কি বিধুমুখি ?
ভাবলেম রসিক হয়েছি, রসনাগরীর কাছে যাই, মারবার
থেকে এলেম তাই।

বিজরী। মহারাজকে আমার পত্র দিয়েছিলে ?

পূর্ণ। ভাটের হাতে পত্র পেয়ে আছলো আটখানা—
রাজা আছলো আটখানা ! আর মন মানে না মানা,
তোমার কথাই তোলাপাড়া, তোমার কথাই শোনা, শুন্ছি খুব
চালু চালো, আট ঘাট বাঁধছো ভালো, দেখিস লো দেখিস—
শেষ কালে না পত্তাও, মুখে তুলতে গিয়ে না বিষম খাও, কোন্
পথে যাও, ভাল ক'রে ঠাউরে নাও।

বিজরী। আমি আবার কি আট ঘাট বাঁধছি বল। বুড়োর
কথা শোন !

পূর্ণ। রাজ-মহলে থাক, রাজা-রাজড়াকে পত্র লেখ,
মন্ত্র দাও রাজরাণীর কাণে, শেষে প্রাণ না বেরোয় হেঁচক
টানে ; সাপের রোঝা সাপে ছুঁলে মারে, ভুতের বোকা
ভুতে ধরে ;—খেলে যে নিয়ে যাবে, কেমন বিধাতার কল—
পেয়ে বসে তারে। দেখ সাবধান, বুড়োর কথায় পেত কাণ,
যার বিশ ত্রিশটা প্রাণ, সেই রাজা-রাজড়াকে চিঠি লেখে
পিরীত কতদূর টেকে, একটু বুঝে স্বজ্ঞে দেখ।

বিজরী। আ মন বুড়ো, আমি রাজাকে পিরীতের পর
লিখেছি নাকি ?

পূর্ণ। এই পিরীতেই পিরীত বাঁধে—এই পিরীতেই
পড়ে ফাঁদে—এই পিরীতেই আগে হাসে, শেষে কাঁদে।

বিজরী। আ মব বুড়ো, কি ব'ল্ছি?

পূর্ণ। যা ব'ল্ছি—বুঝলে এখনি বুঝতে পার, ফিরলে এখনি ফিরতে পার, আর বুড়োর কথার ধার না ধার, যা ইচ্ছে তাই কর।

বিজরী। বুড়ো দাদা, একটা কাজ পার, কিন্তু গোপনে?

পূর্ণ। পারবো না কেন? আমরা বর যোটাই, তোমার মত রস-নাগরীর গোপনের কাজই তো চাই।

বিজরী। না না, সে সব কাজ নয়, জান তো আমি কুমারী।

পূর্ণ। কুমারী নিয়েই তো কাজ, নইলে ভাটের কাজ কি সাতভাতারী নিয়ে?

বিজরী। বুড়ো দাদার কেবলই তামাসা! আমার বড় দয়া হয়েছে, দেখ দেখি, চণ্ডের আচরণ দেখ দেখি, আপন্যার মার পেটের ভাই, তাকে বনে দিয়েছে। তুমি এই পত্রখানি যদি রঘুদেবকে দাও—চুপি চুপি, কেউ যেন টের না পায়—আর তারে ব'লো, তোমায় পত্র লিখেছে, সে তোমার ভাল ক'রবে।

পূর্ণ। আচ্ছা দাও—যা বোল্ছো ব'লবো, কিন্তু ঘুরিয়ে নাক দেখাচ্ছ, আর তোমায় মানা করবো না, এখানে স্ত্রীলোক বানা শুনে না।

বিজরী। বুড়ো দাদা, তুমি কি ব'ল্ছো? আবার খেপেছ নাকি?

পূর্ণ। খেপেই আছি, যত দেখ্ছি, ততই খেপ্ছি; খাপার হাতে কে ভাল থাকে বল? কই, পত্র দাও।

বিজরী। এই নাও—দেখ—চুপি চুপি দিও।

পূর্ণ। আমি চুপি চুপি দেব, কিন্তু তুমি আপনিই ঢাক বাজাবে। লোকে গোল করে না, যারা পিরীত করে, তারা নাম্নাতে গিয়ে আপনা আপনি মরে।

বিজরী। তুমি একশোবারই পিরীত পিরীত কি ক'রছো? পিরীত-পেরেত আমার পায় নি, তোমার ভয় নাই।

পূর্ণ। ভয় পন্ন মধু খায়, আর কাটগোকরা কাঠে কাটগোকরা—যার যে মথ! যার যে মথ!

[পূর্ণরামের প্রস্থান।

বিজরী। এ বুড়ো মড়া সব টের পেয়েছে না কি? না, ও অবনি মরে। আমি মনের আঙুন মনে চেপে রেখেছি, রঘুদেবকে দেখা অবধি আমি জ্যান্তে মরা হ'য়ে রয়েছি। ওই পত্র—চণ্ডা আমার কাল! চণ্ডা যদি দূর হয়, রাণীকে যে

দিকে ফেরাব, সেই দিকে ফিরবে; আমারই রাজ্য হবে, আমারই রাজ্য হবে; রঘুদেবকে বলে পারি, ছলে পারি, যেমন ক'রে পারি নেবো। কি নীরস, কি নীরস—একবার স্ত্রীলোকের পানে ফিরে চায় না। যাই, রাণীর কাছে ভাল ক'রে ফোন্লাই, ভয়ে না পেছোয়। চণ্ডাকে দূর ক'রতেই হবে, কি কুক্ষণেই চিত্তে এসেছিলেম, রঘুদেবকে দেখে সকল স্বপ্নে বঞ্চিত হলেম! যদি না পাই, কুমারী আছি, কুমারীই থাকবো। কি অদৃষ্টের ফের, যৌবনটাই বুড়ো-রাজার সখী হ'য়ে কেটে গেল।

[প্রস্থান।

তৃতীয় গর্ভাঙ্ক

রাজসভা

সভাসদগণ অসীন।

১ম সভা। মহাশয়, অকস্মাৎ এ সভা-সম্মিলন কি জন্ম ব'লতে পারেন? কোন শত্রুর সংবাদ এসেছে না কি?

২য় সভা। আমি তো কিছুই অবগত নই, এই যে রাণাকে নিয়ে মহামতি চণ্ড আসছেন। এ কি! অন্তঃপুর পরিত্যাগ ক'রে রাজমাতাও উপস্থিত!

১ম সভা। কোন গুরুতর কার্য, সন্দেহ নাই।

(চণ্ড, মুকুলজী ও গুণ্ডমালার প্রবেশ)

চণ্ড। মহারাণা, নিবেদন—শোন সভাসদ সবে, যে কারণ সভা সংযোজন; শুনি লোকমুখে বাণী,—মহারাণী অসন্তুষ্ট মম প্রতি, রাজকার্য করি—নহে তাঁর অভিমত; সন্দিগ্ধ মাতার মন মম আচরণে;—অরি আমি জন্মেছে প্রতীতি; আপন উন্নতি হেতু বহি রাজ্যভার, রাজ্য-লিপ্সা হৃদয়ে আমার,—স্বার্থ মাত্র অভিপ্রায়, স্বার্থের আশায় সদা ফিরি। মনোগত জননীর, প্রজার পালন করেন গ্রহণ নিজ করে, এ নফরে দিবেন বিদায়। দাস অবকাশ চায়; সভামাঝে রাজ্যভার জননীর পায়



করি সমর্পণ। আকিঞ্চন - হাশ্বমুখে
না আমার করুন বিদায়। মাতৃপদে
দাসের মিনতি, যদি অপরাধী হ'য়ে
থাকি শ্রীচরণে, নিজগুণে মহারাণী
করুন মার্জনা,—করি মেলানি কামনা।

গুণ। কুমার আমার, ভাল মন্দ তার মম
ভার, ইথে কেন নানা কথা ওঠে—কেন
মার্জনা মেলানি, নানা কথা শুনি—কেন
সভা-সংযোজন? ইচ্ছা হয় রাজ্যভার
কর সমর্পণ, নহে যাই পিত্রালয়ে
মুকুলে লইয়ে, স্বন্দ নাহি করি—স্বন্দে
ডরি; সদা ভয় মম, সহায়-বিহীনা
নারী, ইচ্ছা থাকে কর রাজ্য, কিবা তার
বাধা? তুমি বলবান্, সৈন্তগণে তোমা
মানে, রাজ্যে সবে গণে রাজকোষ তব
করে, প্রজাগণে বশ—গায় তব বশ,
তব অভিপ্রায়মত রাজকার্য্য হবে;—
কি বলে অবলা তাহে কিবা হবে যাবে!

চণ্ড। মাতা, নমস্কার—লহ রাজ্যভার, রাজ-
কার্য্যে নাহি সাধ আর, ছিল বহু আশা—
দিছি জলাঞ্জলি, কয়বোড়ে শ্রীচরণ
ধরি নিবেদন করি, চিতোর-আসন—
বাপ্পারাও-সিংহাসন বিখ্যাত ভুবনে,
উচ্চ কুলে মুকুল উদ্ভব, সে গৌরব
যেন নাহি হয় তিরোহিত,—অতি উচ্চ
শিশোদীয়বংশ যেন ধ্বংস নাহি হয়।

গুণ। রাজ্য কর, কে বাবে তোমারে, চ'লে যাই
পুল ল'য়ে; আমি ক্ষুদ্র রণমল্ল-স্বতা—
শিশোদীয়-বংশের মমতা নাহি মম!
তুমি কুলধ্বজ, তুমি কুলের শেখর,
গৌরব উজ্জল কর বসি সিংহাসনে,—
নাহি আর লাক্ষরাণা, কি ভয় তোমার?

চণ্ড। থাকিলে সে সাধ মনে বল গো জননি,
কে করিত প্রতিরোধ? কে তোমারে আজি
সম্বোধিত রাজমাতা বলি? সভাসদ
সবে জানে, জিজ্ঞাস আপনি, মহারাণা

রূপায় কি করে অর্পিলেন রাজদণ্ড
যবে কেবা কোলে তুলে মুকুলে বসালে
এ আমনে? কে দিলে কিরাট তার শিরে?
শ্মর পূর্বকথা! অকারণ কেন গল্প
মাতা? বিনা দোষে কেন বৃথা কটুবানী?
লহ রাজ্যভার, মা গো, খেদ নাহি তার,
কাপে কায় ভবিষ্যৎ ভাবি, আছে কিবা
বিধাতার মনে কেবা জানে! সযতনে
পাল মা নন্দনে; রেখো বংশের সম্মান
উপযুক্ত উপদেশ ক'রো মা প্রদান,
সুশাসনে পুত্র সম পালিহ প্রজায়,—
রাজ্যে যেন সবে গায় বশ, যেন সবে
রহে বশ রাজভক্তি হৃদয়ে ধরিয়ে,
অতুল গৌরব যেন নাহি হয় ক্ষয়,
শতমুখে গায় যেন মুকুলের জয়।

গুণ। উপদেশ শুনিবার নাহিক বাসনা,
যেবা ইচ্ছা কর বংস! নাহি মম মানা।

চণ্ড। ধৈর্য্য ধর রাজরাণি, যাইব এখনি।
এই মাত্র খেদ মনে শুন গো জননি,
ছেড়ে যাই পিতৃ-পিতামহ-রাজধানী
জনমের মত। শোন মহারাণী, আজি
বিদায়-সময়, তাই ডাকি ভাই ব'লে,—
দাদা ব'লে এস ভাই কোলে, দেহ মোরে
আলিঙ্গন জন্মের মতন, চন্দ্র-মুখ
করি দরশন, ল'য়ে মস্তক আঘ্রাণ
চলে যাই যথা পথ দেখাইবে আঁধি;
তুমি প্রাণাধিক কি অধিক কব আর—
দেখো—দেখো, রেখ' রাণা-বংশের সম্মান।
মুকুল। দাদাজি—দাদাজি, তুমি কোথায় যাবে? আমি
যেতে দেব' না।

চণ্ড। ছেড়ে তোরে যেতে কি রে চাহে মম প্রাণ
জীবন সর্ব্ব্ব তুমি হৃদয়ের ধন!
কি করিব, দৈব-বিড়ম্বনা—তাই সহি
দারুণ যন্ত্রণা, কেবা বুঝিবে বেদনা
মম? রাখি তরবারি জননীর পায়,
কৃতান্তলিপুটে দাস মাগে গো বিদায়।

মুকুল। দাদাজি,—দাদাজি, তুমি কোথায় যাও? দাদাজি
বেও না।

[মুকুলজীর প্রশ্ন।

১ম সভা। অথ এ কি চমৎকার? এ কি?

২য় সভা। আশ্চর্য!

[সভাসদগণের প্রশ্ন।

(বিজরীর প্রবেশ)

বিজরী। নাও তলোয়ার নাও—দাঁড়িয়ে কি দেখেছ?
যতক্ষণ বিদায় না হয়, নিশ্চিত থেকে না। ও ভারি নায়াবী,
তুমি জান না—চল, আগে রাজকোষ হাতে নাও।

[উভয়ের প্রশ্ন।

দ্বিতীয় অঙ্ক

—:~::~—

প্রথম গর্ভাঙ্ক

রাজ-তোরণ-সম্মুখ

প্রজাগণ ও পূর্ণরাম।

১ম প্রজা। কি কৃত্য! কি কৃত্য! রাজা চণ্ডের
প্রতি এই ব্যবহার!

২য় প্রজা। ওহে বোঝনা, এক মুখে শুন্তে ভাল।
ভিতরে ভিতরে কি হ'য়েছে—কে জানে?

৩য় প্রজা। কি, তুমি এমন কথা বল? স্বদেশ-বংশল,
দরিদ্রের পিতা, দুঃস্থের দমন, শ্রায়বান্, দয়াবান্, আত্মত্যাগী
মহাপুরুষ!

২য় প্রজা। কি জানি ভাই, রাজপুত্রের কথা।

পূর্ণ। মুখ দে বেরোয় হাওয়া, শূণ্ণে চলে হাওয়া,
উত্তরে বয় হাওয়া, আবার দক্ষিণে বয় হাওয়া, কখন ঘোরে
কখন ফিরে—এ হাওয়ার ওপরে যে নির্ভর করে, তার চোখ
পুরুষ আটকুড়ে। এই নামের ডাকে গগন ফাটে, আবার

সে পায়ে হাঁটে, কখন হাতীতে যায়, কখন লোকে গায়ে
ধূল' দেয়; এল অদৃষ্টের উপাসনা করে? এই অদৃষ্ট—
অদৃষ্ট করে মরে! আমি বুড়ো ভাট ঠ্যাটা, অদৃষ্টের
অদৃষ্টে মারি পাচ ঝাঁটা। বালির ওপর বাস, নারীর
মুখের হাস, নদীর ধারে চাষ আর স্ব-অদৃষ্টের আশ—এর
উপর বার বিশ্বাস, তার সাত পুরুষ কাটে ঘাস।

১ম প্রজা। কি ভাট ম'শায়—কি ভাট ম'শায়, কাকে
ঘাস কাটাচ্ছেন?

পূর্ণ। আপনিই ঘাস কাটছি।

২য় প্রজা। কেন ভাট ম'শায়, ঘাস কি হবে?

পূর্ণ। বিধাতাপুরুষের ঘোড়া খাবে।

২য় প্রজা। আর বিধাতাপুরুষকে কি দেবেন?

পূর্ণ। তার পেট ভরা আছে, অনেক গাল খেয়েছে,
অনেক গাল খাচ্ছে; তবে যদি আমার ঠেঁয়ে কিছু খেতে
চায়, তা হলে বলি,—বাবা কপালের লেখাটুকু চেটে খাও,
তোমার ভাল মন্দ তুমি নাও, এখন বুড়া হ'য়েছি, ছুটি
দাও।

৩য় প্রজা। তবে তার ঘোড়ার জন্তে ঘাস কাটছেন কেন?

পূর্ণ। লোকের মুখে দেব' কি?

৩য় প্রজা। ঘোড়ার ঘাস কাটছেন, তা লোকের মুখে
দেবেন কেন?

পূর্ণ। বিধাতাপুরুষ কি আর টাটু ঘোড়া চড়ে?
লোকের জিবে জিবে ফেরে, লোকই তো সব করে। কখনও
কেউ ভাগ্যান্ হয়, কখনও কেউ আবার অধঃপাতে যায়—
কখন কেউ মহৎ, কখনও কেউ অসৎ! লোকের জিবেই সব
ফারখতাখতি হ'চ্ছে।

২য় প্রজা। আচ্ছা ম'শাই, এই রাজবাড়ীর কথাটা কি
ব'লতে পারেন?

পূর্ণ। তুমি কি ভাবছো—পরের জন্তই ঘাস কাটছি?
আগে আপনার মুখে এক বুড়ো দিয়েছি; অনেক বয়স
হয়েছে, অনেক দেখেছি, এখন কথায় আর হাওয়ায় আমার
বিশ্বাস নাই, যে বিশ্বাস করে, সে তোমাদের মত রাত্তর ধারে
ঘুরে বেড়ায়।

২য় প্রজা। আপনিও তো রাত্তর ধারে ঘুরছেন?

পূর্ণ। বেশ ব'লেছো ভাই, রোগ এখন মারে নাই—তা
নইলে ঘোড়ার ঘাস কাটি?

(চণ্ড ও শিখণ্ডীর প্রবেশ)

শিখণ্ডী। এ কি মহাশয়, হেন অত্যাচার কার

প্রাণে সয় ? কি নির্দয় ! হেন কৃতঘ্নতা
আছে কি ধরায় আর ! জীবন-যাপন—
প্রাণপণ শিশোদীর উন্নতি-সাধনে,
ধ্যানে জানে শয়নে স্বপনে রাণা-হিত
বিনা নাহি তব, সৌরভ গোরব, হৃদি-
আশ—আত্মবিসর্জন করি, প্রতিফল
এই কি ফলিল ? এই তার পরিণাম ?
বিধি বাম, তব নির্দাসন ! কেন আর
রাপি এ জীবন ? দেহ-ভার অকারণ
বহি, কত সহি, কত সহে প্রাণে ? এ কি
কি দুর্জয় প্রকৃতি-বিকার, কৃতঘ্নতা-
পূর্ণ এ সংসার, করে নরক বিহার
ধরামাঝে ! দিক্ দিক্ ! ছুটের দমন,
শিষ্টের পালন তুমি মতিমান, কর
দুর্জনে দমন, রাখ কুলমান, কেন
অকূলে শিশোদী-কূলে দেহ বিসর্জন ?
তব সূশাসনে, প্রজাগণে দুঃখ নাহি
জানে,—নির্দাসনে হবে রাজ্য অত্যাচার-
ময় ; মহা ভয় বিরাজিবে ঘরে ঘরে,
প্রাণাধিক মুকূলে মজাবে, ছারখার
হবে তোমা বিনা হাশুময়ী রাজধানী,
রোদনের ধ্বনি পূর্ণ হবে অচিরাৎ ।
ভাসায়ো না—মজায়ো না সবে, কবে তুমি
আত্মবিসর্জনে পরাধুখ ? ফের' ভাই,
লহ ভার, কর পুনঃ প্রজার পালন,
তাজ অভিমান, ঘৃণা করহ বর্জন ।

চণ্ড। ঘৃণা অভিমান নাহি পায় স্থান মম
মনে, অভিমানে নাহি যাই নির্দাসনে ;
কি কব তোমায় ভাই, কিবা বেদনায়
ছেড়ে যাব চিতোরনগরী । অধিকারী
মহারাণা, তাঁর জননীর মানা, আজ্ঞা
মম প্রতি ত্যজিতে বসতি ; ছায়মতে
বালকে মাতার অধিকার, অল্পমতি
তাঁর রাণা-আজ্ঞা সম মানি । করি যদি

অবহেলা, শিখাইব রাজ্যে অনিয়ম,
প্রজাগণ হবে মতিভ্রম, সূশাসন
কেহ না মানিবে । বোঝ' ভাই, রাণাপদে
গোরব টুটিবে, মম আদর্শ লইবে
সবে ; কায়মনোবাক্যে আমি রাণা-দাস ;
প্রভুর সম্মান যাবে কিঙ্কর হইতে ?
অহুচিত উপদেশ তব হে ধীমান !
অস্থি রাণা-অংশে, জন্ম রাণা-বংশে, রাণা-
পুত্র বলি লোকে গণে, ত্যজি জন্ম ভূমি—
রাণার সম্মান হেতু, ছিল সাধ—সাধে
বিসংবাদ,—কি করিব দৈব-বিড়ম্বনা !
সবে মিলে রেখ ভাই, মুকূলে যতনে,
জীবন উৎসর্গ কর তার প্রয়োজনে ।
বিধি বাদী মম ভাগ্যে রাজসেবা নাই,—
স্বখে থাক, মনে রেখো, যাই ভাই—যাই !
শিখণ্ডী। তব সেবা ভিন্ন ভাই, অস্ত্র নাহি মন ;
এ জীবন শ্রীচরণে করেছি অর্পণ,
তব নির্দাসনে অস্ত্র মম নির্দাসন ।

(মুকুলজীর প্রবেশ)

মুকুল। দাদাজি—দাদাজি, তুমি যেও না, আমার কেলে
যেও না, আমার মন কেমন ক'রুছে । দাদাজি ! তোমায় না
দেখে আমি থাকতে পারবো না ।

চণ্ড। শূণ্যদেহে চ'লে যাই, প্রাণ তোর ঠাই—

সম্পদ সম্পদ তব, সর্বস্ব আমার,
প্রাণাধিক তুমি, যবে আপন গৌরবে
রাজদণ্ড ল'য়ে করে শাসিবে প্রজায়—
করিলে স্বরণ, দাস দিবে দরশন ।
যাও ভাই, জননী-সদনে—রেখো মনে,
কিঙ্কর তোমার আমি জীবনে মরণে—
নির্দাসনে তুমি ধ্যান জ্ঞান । থেকে ধর্ম-
পথে, সাধুবাক্যে রেখো প্রীতি, সদা কায়-
মনে জননী-চরণে রেখো মতি, মাতৃ-
সেবা-রত রহ অবিরত, স্বখে থাক
দেবগুরু-আশীর্বাদে, মাগি হে বিদায় ।

মুকুল। না দাদাজি, যেও না দাদাজি—তুমি যেও না,
তোমায় ছেড়ে আমি থাকতে পারবো না ।

(গুণমালা ও বিজরীর প্রবেশ)

গুণ । চণ্ড অতি মহৎ স্বজন, চণ্ড অতি
আত্মত্যাগী,—না না ? কহ কিবা প্রজাগণে ?
বড় ধীর, বড় শাস্ত, বড় উচ্চাশয়,
করণাসাগর !—এ কি, কেহ নাহি কহ
কোন কথা ? হের বিঘ্নমান পান পাত্র—
মুকুলের পান-পাত্র এতে হলাহল
কে দেখে ? বিচার কর, রাজমাতা আমি,
বিচার প্রার্থনা করি, বল সবে এক-
বাক্যে, আমি নিতান্ত কলহপ্রিয়, বল—
বল, কেবা আছ প্রজামাঝে—আমি নীচ,
অতি হীন ! জান কি সকলে বহুবাজী-
বিবরণ ? আসিয়াছে তুরঙ্গ সুন্দর,
পৃষ্ঠে লয় যারে—তার জীবন সংশয় !
সেই ঘোড়া—চণ্ড মহাশয়—যার গুণ-
গান রাজ্যময়, এনেছেন মুকুলের তরে
মহা সমাদরে, আদর না ধরে আর ;—
বিমাতার পুত্রের কারণ আয়োজন
হয়, জান বা না জান সমুদয়, শোন
পরিচয়, মুগয়ায় মুকুল যাইবে—
চণ্ড মহামতি—রাণা প্রতি ভক্তি অতি,
আপনি যাবেন সাথে, পরে মুগয়ায়
কেবা কোথা যায়, কেবা তার দায়ী বল ?
মুকুল বিহনে রাজসিংহাসন শূন্য
নাহি রবে, আছে রাণা লাফ-স্বত চণ্ড,
গৌরবে বরিবে শিশোদীয় কুলমান
করিতে উজ্জল, সবে কর স্ববিচার,
নহি অস্ত্র অপরাধী, পুত্রের কল্যাণ-
কামনা নিয়ত মম ; নারী হীন-জ্ঞান,—
কে দোষী নির্দোষ শীঘ্র কহ প্রজাগণে—
দোষী হই, দণ্ড মোরে দেহ এইক্ষণে ।
৩য় প্রজা । এ কি সম্ভব ! এ কি সম্ভব ।
২য় প্রজা । সত্য মিথ্যা কে জানে, আমরা তো আর
স্বপ্নে বাইনি । রাজ্য-আশা বড় আশা ।
১ম প্রজা । তুমি কি বল ? এ কি কথা !

বিজরী । স্বচক্ষে দেখেছি পাত্রে দিতে হলাহল ;
স্বকর্ণে শুনেছি যত মুগয়া-মঙ্গলা ;
এতে যদি কোন জন করে অপ্রত্যয়,
করিব প্রমাণ, বল কার অবিস্থান ?
মুকুল । দাদাজি—দাদাজি, তুমি যাও—দাদাজি তুমি
যাও ! মা তোমায় মেরে ফেলবে, হেথা থেকে না দাদাজি,
তুমি যাও !
চণ্ড । (স্বগত) দ্বিধা হও 'ও মা শ্রামা-ধরা ! এ অধম
সন্তানে দেহ মা স্থান, দারুণ কলঙ্ক-
ভার সহিতে না পারি আর ! বজ্র নাহি
ধরে জলধর ! কাল বিষধর বৃষি
তাজিয়ে গম্বর, নাহি আসে মম পাশে,
কলঙ্ক আশঙ্কা করি,—কত সহে ! কোথা
মৃত্যু—বন্ধু অভাগার, করহ উদ্ধার,
কত সব, কত সহে মানব-হৃদয়ে ?
২য় প্রজা । দেখ, কোন উত্তর নাই—কি বৃষি ভাই, কি
বৃষি ।
৩য় প্রজা । মাহাত্ম্য ! বৃষিতে পার্চো না ?
২য় প্রজা । অত মাহাত্ম্য ভাই আমাদের নাই ।
১ম প্রজা । তুমি বর্ষর ! তোমাতে আর চণ্ডেতে কি
বিশেষ নাই ?
শিখণ্ডী । ভাই—ভাই, কি কারণ আছ অধোমুখে ?
কি হেতু শ্রীমুখে নাহি বাণী ? দেহ আজ্ঞা,
এই কি সংসার ! শঠ খলের আগার,
এই পরিণাম ! ছরদৃষ্ট তুমি ধন্য !
চণ্ড । কেন মাতা, স্তনদানে পালিলে আমায় ?
মেদিনী,—কেন মা স্থান দেছ অভাগায় ?
কেন পিতা, আদরে পালিলে ভাগ্যহীনে ?
এস তাত, বারেক চিতোরে—দেখে যাও
তনয়ের দশা, দেখে যাও কলঙ্কের
ভার ; হতমান তবু আছে হীন প্রাণ !
মুকুল । দাদাজি, তুমি যাও—আমি তোমায় ছেড়ে
থাকতে পারুবো দাদাজি !
গুণ । দেখ দেখ, কিবা যাছ জানে বাছকর !
বালক সহজে ভোলে অরি নাহি চিনে ।
৩য় প্রজা । দেখ—দেখ, কি কালমাপিনী দেখ ।

বিজয়ী। রাজমাতা, চল যাই,— মুকুলকে নিয়ে চল যাই,
প্রজাদের মনোভাব কিছু বুঝতে পাচ্ছি নি।

গুণ। এস মুকুল এসো, তুমি হেথায় কেন, রাজ-
সিংহাসনে বসবে চল।

মুকুল। আমি যাচ্ছি মা, তুমি দাদাজীকে আর কিছু
বলো না।

বিজয়ী। চল রাণি,— চল, সৈন্যদের আজ্ঞা দাও, প্রজারা
না রাজপথে গোল করে। ভয় নাই, চণ্ড চলে যাবে; ও
রাজ্য ছেড়ে চলে যাবে বলেছে, তা যাবে। আপনার কথা
রাখবে, তা না হলে প্রজারা যে মিথ্যাবাদী বলবে। লোকের
কথায় বড় ভয়। সাপ যেমন বৃকে হাঁটে, এরা তেমনি
লোকের কথায় মরে বাচে; না হলে কি পৃথিবীতে মাছঘের
বাস থাকতো।

গুণ। এস রাণা।

মুকুল। দাদাজি, আমি যাই—তুমি যাও দাদাজি, হেথা
থেকো না।

[গুণমালা, বিজয়ী ও মুকুলজীর প্রস্থান।

শিখণ্ডী। তোমরা হেথায় কি করছো, আপন আপন
কাজে যাও।

২য় প্রজা। সেই ভাল, আমাদের কেন মাথা ব্যথা।

১ম প্রজা। আহা, চণ্ডের নির্কাসন! চণ্ডের নির্কাসন!
কি সর্বনাশ হলো!

[প্রজাগণের প্রস্থান।

পূর্ণ। যে লোকের কথায় মরে বাচে, কলঙ্কে যার ভয়—
যার একটু এদিক ওদিক হলে ম'রতে ইচ্ছা হয়—কোন কাজে
হাত দেওয়া তার নয়। কেনা জানে রকম রকম কত হাওয়া
বয়—যার কড়া জান, যার কড়া প্রাণ, ঠিক যে দেখে আপ-
নাকে বলিদান—সে পাষণ; সে আপনার কাজ চায়, সময়
বুঝে নয়, আপনার কথা নিয়ে নয়; সে কি কোন কথায়
পাতে কাণ, তার কি এত মানের ভাণ! আমি বুড়ো ভাট,
মিছে কেন বঁকে মরি? থাকি একটু শেষটা দেখে মরি।

চণ্ড। সত্য কেন মিছে করি মরণ-কামনা?

গেছে কিবা আছে তো সকলি; আছে ধর্ম-

হই নাই ধর্মপথ-চ্যুত; তবে কেন

মরণ-কামনা করি? মৃত্যু চিন্তা যোগ্য

নহে মন? ধর্মাশ্রয়, ধর্মপথে মতি

গতি মম; পাপশূন্য হৃদয় আমার;
মন নাহি করে তিরস্কার, তবে কেন
মৃত্যু-চিন্তা? হয় তায় অধর্ম-সঞ্চার।
কিন্তু কাঁপে কায় হেরি ভবিষ্যৎ ছবি।
মারবারবাগী আসি বেড়িবে চিতোর
শিশোদীয়। বিদ্বেশী রাঠোর, প্রজাগণে
শত্রুর শাসন সহি রহিবে কেমনে?
চাবে কেবা মুকুলের মুখপানে, যবে
হরস্ত রাঠোরগণে করিবে পীড়ন?
কি জানি বা বধিবে জীবন! রাজমাতা
সহায়-বিহীন নারী, নির্কাসিত আমা
হঁতে কি উপায় হবে?—বুঝি বা মজিবে
সুন্দর চিতোরপুরী! বিধাতার লীলা—
নরে কি বুঝিতে পারে! দেখি যেন হয়,
ভাবিয়ে কি হবে, করি সাহসে আশ্রয়।
থাকিতে জীবন, নাহি সব কোন মতে,
দেশ-হিতে দিব প্রাণ দেখিবে জগতে।
পূর্ণ। যে বড় সকল কার্যে দড় কিছুতে হয় না জড়সড়;
বড় হও পড় যদি বড়র মত পড়। আ মবু বুড়ো ভাট,
কেন করছিস হড় বড় সড়? কে জানে, মেলা কথা জিবে
হঁচে জড়।

(রঘুদেবজীর প্রবেশ)

রঘু। শ্রীচরণ দর্শন মানসে আসিয়াছে
দাস তব, পূজ্যপাদ কর আশীর্বাদ।
চণ্ড। এস ভাই দেহ আলিঙ্গন, পিতৃদামে
বঞ্চিত অভাগা—যাই নির্কাসনে! হেরে
তোর মুখস্বধাকর, উথলে অন্তর
সাগর-সলিল সম। প্রাণের সোসর
সোদর দোসর তুমি, জুড়াল নয়ন-
মন তব আগমনে। যাই দূরদেশে,
স্বদেশে নাহিক স্থান, হত মান—বহি
কলঙ্ক-কালিমা-ভার। বিমাতা বিরূপা,
ক'ন মাতা মুকুলের প্রাণনাশ আশে
ফিরি সদা, সাধ মম রাজসিংহাসনে;
লোক-মাঝে এ কলঙ্ক দিল মাতা শিরে,

প্রাণ আছে
ছুরাম—দু-
বেজেছে হন
জীবন-বহন
ধর্মে স্মরি, ড
মান হত,—
রঘু। মেঘে ঢাব
মেঘাস্তে স্বব
ছিন্ন মেঘমাল
হেমরশ্মি মা
ধর্ম-বলে অ
উজ্জল গোর
শোভিবে ধর
ছটা, মেঘ ঘট
রবে মাত্র ম
বিদায় লইতে
জান ভাই, ভ
মৃত্তিকায়, ক
তাই ভাই, হ
রেখো মনে প
ক্রিয়াহীন উদ
চণ্ড। দেখা কি
আর চাঁদ মুখ
কেন রে ব্যথ
যাবে কি ভ্রম
যথা যাও থাক
কেমনে বিদায়
সরল কমল মুখ
রঘু। ত্যজ খেদ,
ভ্রুর সংসার,
চণ্ড। কঠিন সঙ্ক
আজি বাল্যকা
মনে কেলি গৃহ
থানি পড়ে মনে
সংসার-বিরাগী,
পরিহরি পশিতে
১৬

প্রাণ আছে এত অপমানে ! কি কহিব,
ছনাম—ছনাম জুড়ি জগৎ-সংসার,
বেজেছে ছনাম ভাই,—ভাই রে আমার,
জীবন-বহন লাগে ভার ; কত সহি
ধর্মে স্মরি, ডরি পাছে ধৈর্যচ্যুতি হয় !
মান হত, — মান হত, অপবশ দশে !

রঘু । মেঘে ঢাকা সূর্য্য নাহি রবে চিরদিন ;
মেঘাস্তে স্বর্ণ রশ্মি অধিক স্নন্দর !
ছিন্ন মেঘমালা শোভে ইন্দ্র-চাপরূপে
হেমরশ্মি মাখি কায়, আখি বিনোদন ।
ধর্ম-বলে অচিরে ঘুচিবে এ কালিমা,
উজ্জল গৌরবে নিজ উন্নত বৈভবে—
শোভিবে ধরণী মাঝে ; কলঙ্ক-কালিমা-
ছটা, মেঘ ঘটা-সম যাবে দূরে স্বরা,
রবে মাত্র মহিমা বর্ধনে । আসিয়াছি
বিদায় লইতে পায় জনমের মত ।
জান ভাই, ভঙ্গুর শরীর বিনির্মিত
মুক্তিকায়, কবে যায় কেবা জানে । ভাবি
তাই ভাই, হয় কি না হয় দেখা আর ।
রেখো মনে পদাশ্রিত অকৃতী অধমে,
ক্রিয়াহীন উদাসীন মাগিছে বিদায় ।

চও । দেখা কি হবে না ! হাঁসারে দেখিতে পাব না
আর চাঁদ মুখ তোর হৃদি ফুল্লকর ?
কেন রে ব্যথিত প্রাণে কর বজ্রাঘাত—
যাবে কি ভ্রমণে ? কিরিলে কি পুণ্যধামে ?
যথা যাও থাক স্মৃতে, মনে রেখো ভাই ;
কেনে বিদায় দিব, বিদায় মাগিব,—
সরল কমল মুখ পুনঃ কি হেবি ?

রঘু । ত্যজ খেদ, কাষ্ঠ তৃণ স্রোতে সংযোজন,
ভঙ্গুর সংসার, কিবা বিচ্ছেদ মিলন !

চও । কঠিন সঙ্কল্প তব মমতা-বিহীন ।
আজি বাল্যকাল পুনঃ পড়ে মনে, পড়ে
মনে কেলি গৃহ, তব কিশোর-বদন-
খানি পড়ে মনে, যেই দিন উদাসীন
সংসার-বিরাগী, রাজপুত্র ভোগস্থ
পরিহরি পশিলে বিজনে ! বুধা খেদ,

চ'লে যাই, চিত্তোরে নাহিক মম স্থান ।
মেলানি তোমার ঠাই মাগি হে চিত্তোর !
স্নন্দর নগর, জন্মভূমি স্বর্গাধিক
গরীয়সী, মাগি হে বিদায় ! হে চিত্তোর-
বাসি, পুণ্যধাম অধিকারী, নমস্কার—
ছেড়ে যাই সহোদর জীবন সোসর ।
হে শিখণ্ডি, তব ঠাই মাগি হে বিদায়,
প্রণাম জানায়ো তব জননীর পায় ;
মাতৃসম ধাত্রী-মাতা, যার করুণায়
অসহায় বাল্যকাল কাটিল হেলায় ।
শিখণ্ডী । সাথে লও, প্রভু, তব কিঙ্করে রূপায় ।
চও । কোথা যাবে—নির্কাসিত আমি, কেবা বল
দেখিবে মুকুলে ? যদি মম প্রিয়কার্য
ইচ্ছা তব, বাক্য ধর, রহ এ নগরে ;
রেখো—রেখো যতনে রাখায়, শত্রু নাহি
ছায়া স্পর্শে তার । যদি হয় প্রয়োজন,
ক'রো প্রাণদান, রেখো শিশোদীয়-মান,
দিও না হে ব্যথা, কথা করিয়ে অশ্রুতা ।
হা ধিক মমতা, প্রাণ যেতে নাহি চায়,—
সোণার চিত্তোরপুরী বিদায়—বিদায় !

(রণমঙ্গ, যোধরাও ও খাণ্ডাধারীর প্রবেশ)

রণমঙ্গ । কি চও ম'শায়, কোথায় আগমন ? নীচজনের
কথায় কর্ণপাত করেন না, না কি ? পদব্রজে কোথায়—
পদব্রজে কোথায় ? কিছুই চিরস্থায়ী নয়—কিছুই চিরস্থায়ী
নয়, অহঙ্কার মানব-জীবনে ভ্রম মাঝ ।

[চওর প্রস্থান ।

খাণ্ডা । ইন্—এখনও অহঙ্কারে মটমট করছে ।

যোধরাও । মহারাজ, শত্রু এখনও বলবান, সমস্ত প্রজা
বশীভূত, বারণকে অক্ষুশ আঘাতে উত্তেজিত করবেন না,
আস্থন আমরা পুরী প্রবেশ করি ।

রণমঙ্গ । এ ব্যক্তিকে অচিরে প্রতিশোধ দেওয়া কর্তব্য ।

যোধরাও । অগ্রে রাজকার্য গ্রহণ করুন, অতীষ্ট সিদ্ধি
করুন ।

[রণমঙ্গ, যোধরাও ও খাণ্ডাধারীর প্রস্থান ।

শিখণ্ডী । পালিব বচন জ্ঞাতা, হব না কাতর ।

বন্ধের শোণিত-দানে রাখিব চিতোর।
তব প্রিয়কাষ্ঠ, মম প্রিয় এ জীবনে ;
পারি যদি কভু, দণ্ড দেব দহ্যগণে।

[শিখণ্ডীর প্রস্থান।

পূর্ণ। বাঃ বাঃ! কি মণিকাঞ্চন যোগ! চিতোরে
রাজভোগ, আর বিলম্ব নয় নি, তা না নয়—না সোক, বা
হবার হোক, তোর কেন মাথা ব্যথা বুড়ো ভাট? আঃ মরি, এ
বয়সে এত ঠাট! আহা, তোর কি বুদ্ধির জোর—কেমন
মেলানি,—চিতোর আর রাঠোর! কেমন শুভ-ক্লেমে সখন্ধ
বাগালি, কেমন শুভ-ক্লেমে নারিকেল এনেছিলি?—যেমন
ম'রেছি ক'রে ঘোঁট, তেমনি শুভ ঘোঁটাবোট, চিতোর গড়াবে
রাঠোরের পায়—তোর কি তায়? চিতোর বজায় হয় কি না
হয়, তোর কি এত দায়? আছে দায়—আছে দায়, নইলে
কি বুড়ো ভাট ফ্যাল-ফ্যাল ক'রে চায়? ম'শায়, আপনার
একখানি পত্র আছে।

(পত্র প্রদান)

রঘু। কি পত্র ভট্টরাজ?

পূর্ণ। ওর ভেতর তো সেঁধুইনি, তবে ভাটের হাতে
চিঠি, হ'তে পারে পিরীতের কাহিনী, কি জানি। যে পত্র
দেছে, গোপনে ব'লতে ব'লেছে, সে তোমার ভাল ক'রবে ;
কদুর তোমার মনে ধ'রবে, তোমার আপনার বোঝা-বুঝি,
বুড়ো ভাট চ'লে যায় সোজাসুজি।

[পূর্ণরামের প্রস্থান।

রঘু। (পত্র পাঠ করিয়া)

দংশে অহি আয়ুহীনে ; মহাকাল ফিরে
সাথে মহাকাঁস ধরি, মৃগয়া-কানন
তার এ সংসার। কিবা লীলা! ঘৃণা, ঘেব,
ভালবাসা এক বস্তু—বহুরূপ ধরে।
মগ্ন নরে স্নেহে গলে বিদেহ ঘৃণায়,
সম ঘৃণ্য স্নেহ ঘেব নাহি বোঝে হায়!

(বিজরীর প্রবেশ)

বিজরী। হঁ, তোমায় কে পত্র লিখেছে, আমি জানি,
ব'লবো কেন?

রঘু। জান যদি জননি, কহিও সমাচার—
কুমার সম্যাসী, আমি কুমার তাঁহার ;

ছলনা নন্দন-সনে মাতার কি সাজে !
বিলাসীর প্রেম, চিতাভস্ম সম্যাসীর
সার। ভট্ট বাতুল নিশ্চয়—প্রেম-লিপি
দিল মোর করে, খরশিরে রত্নময়
কিরীট স্তম্বর। লহ ফিরায়ে লিখন,
জানায়ো জননী-পদে মম নমস্কার—
জগতে রমণীগণে জননী আমার।
বিজরী। সম্যাসী হইয়ে কর ধর্ম বিসর্জন,
ব্যথা দাও রমণী-হৃদয়ে। তব প্রেম-
অভিলাষী দাসী, সম্যাসি, সকাতরে
কামিনী প্রণয়ী মাগে ; ক'রো না বঞ্চিত,—
হবে ধর্ম-কর্ম নাশ কাঁদালে অবলা।
নারীর স্বভাবজাত লাজ পরিহরি,
ভিখারিণী প্রেম-ভিক্ষা চায় পায়, পদে
রাখ তায়। মজায়েছ অবলা বালায়,
দেছে বালা আত্ম-বিসর্জন, সমর্পণ
জীবন-যৌবন শ্রীচরণে। গুণমণি,
কাতরা কামিনী, নিদারুণ বাণী কেন
হেন শেল সম? কত নয়—কত নয়
রমণী-হৃদয়ে? তাজ ভয়, হীনজন
নাহি করে তব আকিঞ্চন। অযতনে
নবীন যৌবন যাবে, কি হেতু বিরাগ?
অহুরাগে কেন বিতরাগ, প্রাচীনের
সাজে ত্যাগ, প্রেম-রাগ সোহাগ যৌবনে।
রঘু। কে মা তুমি, দেবী কি মানবী—বিজ্ঞাধরী,
অপসরী, কিম্বরী কিবা? কি করে ছলনা
ক'রো না, করুণাময়ি! দাস দীন অতি,
হিতাহিত নাহি জ্ঞান, ধর্মে নাহি মতি!
বিজরী। নাহি কি অধরে রাগ, আবেশ নয়নে,
যৌবন-তরঙ্গ কলেবরে, উচ্চ হৃদি—
প্রেমের আবাস বুঝি করে না প্রকাশ
বুঝি মোরে ভুলায় দর্পণ, কেশদাম
নহে সূচিকণ, রতিপতি সনে রতি—
নিতম্ব-বিহারী গেছে বুঝি পরিহরি
বিলাস-ভবন, তাই বুঝি মনে নাহি
ধরে! রূপ-অহঙ্কারে পিপাসীরে বারি

নাহি কর দান, কিবা কৌমার আতঙ্ক,
প্রেমরঙ্গ কিবা, কিবা লোকলাজে বাধে ?
কিশোর সন্ন্যাসি, কেন বাদ সাধ, সাধে ?
তোমার কৌমার ব্রত—কুমারী কিঙ্করী ;
রূপ হেরি পরিণয় স্থখ পরিহরি,
দিবানিশি ঝুরি তোমা স্মরি, জ্বলে মরি
স্মরশরে ; তাজি কুলমান, পদে রাখি
প্রাণ, ধরি পায় কর প্রেম-স্বধাদান ।

রঘু । মায়া'র নিদান তুই করে পিশাচিনী ?
মাতৃ-সম্বোধনে জানি পলায় প্রেতিনী !
কে রাক্ষসি ! পুত্রের শোণিত কর আশ,
লজ্জাহীনা, শত ধিক্ তোমার প্রয়াস ।

[রঘুদেবজীর প্রস্থান ।

বিজরী । কি লজ্জা ! কি ঘৃণা ! এ কি, এ কি অপমান !
তবু তো না বোঝে মন, নাহি ফিরে প্রাণ !
কি লজ্জা—কি ঘৃণা, কি দারুণ অপমান !

দ্বিতীয় গর্ভাঙ্ক

কক্ষ

মুকুল ও কুশলা ।

মুকুল । দাই-মা, তুমি দাদাজীর কথা মাকে আর ব'লো
না, না তোমার ওপর রাগ ক'রবেন । মা তোমায় কারাগারে
পাঠাতেন—আমি কান্দলেম, পায়ে ধ'রলেম, মিনতি ক'রলেম,
তাই তোমায় কিছু বলেন নি । দাই-মা, তুমি কিছু ব'লো
না, দাদাজী চ'লে গেছে,—আমি তোমায় না দেখতে পেলে
বাঁচবো না ।

কুশলা । না বাবা—না বাবা, আমি কিছু ব'লবো না ।
আহা, আমার নয়নের নিধি !

মুকুল । দাই-মা, তুমি মা'র কাছে যেও না, সখী-মার
কাছে যেও না, তুমি তোমার ঘরে থেকো, আমি লুকিয়ে
তোমার কাছে যাব ।

কুশলা । আমার আঁধার ঘরের দীপ, তোমায় দেখলে
আমি সকল ছুঃখ ভুলি ।

মুকুল । দাই-মা, দাদাজী বলে, ভয় ক'রতে নেই, কিন্তু

মৃতন দাদাজী আমার পানে চাইলে—আমার প্রাণ শুকিয়ে
গেল ! মৃতন দাদাজীর হাসি দেখে আমার কান্না এলো !
মৃতন দাদাজী ভাল না—দাই-মা, মৃতন দাদাজী ভাল না ।

কুশলা । ভয় কি বাবা, ভয় কি ? তোমার দাদাজী
তোমায় আদর ক'রবে, ভয় কি ?

(গুণমালা ও বিজরীর প্রবেশ)

গুণ । সর্কনাশী বাদী, তুই মুকুলকে কি শেখাচ্ছিস, মৃতন
দাদাজীর কথা কি ব'লছিস ?

বিজরী । বাদি, তুই প্রাণের ভয় করিস্ নি ?

কুশলা । না ।

মুকুল । না—মা, দাই-মা আমায় কিছু বলে নি, ব'লছে
মৃতন দাদাজী আমায় আদর ক'রবে ।

বিজরী । তোর বড় আশ্পর্কী, তুই মুকুলের দাই, তাই
রাজমাতা তোরে মার্জনা ক'রেছেন, তুই জানিস্ ?

কুশলা । আমি রাজমাতার কাছে কোন অপরাধী নই ।

মুকুল । দাই-মা, তুমি যাও । না, সখী-মা, আমায় কিছু
শেখায় নি । দাই-মা, তুমি যাও ।

কুশলা । না, যার কখন' জীবনে স্থখ-স্বপ্ন ভাঙে নি, যে
আশা-ভরসা জলাঞ্জলি দেয় নি, যার উচ্চ অভিলাষ হৃদয়ে
পরিপূর্ণ, তার প্রাণের ভয় ? আমি বৃদ্ধা রাজপুত্র-কুমারী,
ধর্ম্মাশ্রিতা, সত্যবাদিনী—আমার প্রাণের ভয় কি ? মিবার-
রমণীর পরিচয় জান না, তাই ভয়ের কথা উত্থাপন ক'চ্ছে ।

গুণ । বাদি, ফের তোর ছোট মুখে বড় কথা ?

মুকুল । ও মা, তুমি দাই-মাকে কিছু ব'ল না ।

গুণ । না বাবা—না বাবা ।

মুকুল । দাই-মা, তুমি যাও—দাই-মা, তুমি যাও ।

[কুশলার প্রস্থান ।

বিজরী । মুকুলের আশ্পর্কীতেই বেড়েছে ।

গুণ । আমার মুকুলকে প্রাণের মত দেখে, তা না হ'লে
এত সই ? পিতা আসছেন, খুব হর্ষ দেখছি,—মৃতন সংবাদ
কি ?

বিজরী । আমি যাই, বোধ হয় তোমার সঙ্গে কি কথা
আছে ।

[বিজরীর প্রস্থান ।

মুকুল । আমিও এই সময় দাই-মার কাছে যাই ।

[মুকুলজীর প্রস্থান ।

(রণমল্পের প্রবেশ)

রণমল্প। গুণমালা, প্রজারা সব তোমার কথা প্রত্যয় করেছে। আমি তোমার নামে রাজ্যে ঘোষণা দিয়েছি, যে চণ্ডকে রাজ্যে স্থান দেবে, তার প্রাণবধ হবে। চণ্ডকে বধ ক'বতে যোধরাওকে পাঠিয়েছি;—সে যেতে চায় না, আমি তোমার নাম ক'রে পাঠিয়েছি।

গুণ। কেন পিতা, অকারণ নরহত্যা কোন্ প্রয়োজন? চণ্ড গেছে নির্কাসনে, কিবা ভয় আর? এবে চূর্ণ অহঙ্কার, দর্পী—নহে অস্ত্র দোষে দোষী; ভূলাতে প্রজায় করিলাম দোষারোপ, জীবন নিধন—কি কারণ? মুকুলের হবে অকল্যাণ বিনা দোষে বধিলে তাহারে।

রণমল্প। নাহি বোঝ,

ভূজঙ্গ জীবিত হয় বায়ুর সেবনে,
অগ্নিদানে ভস্ম কর অহি; খল পুষ্ঠ
শঠজনে কদাচিৎ দয়া অহুচিত।
ও কে—যুক্তি শোনে?

গুণ। অস্ত্র নহে—সখী মম।

রণমল্প। কে—কে, কিবা নাম? কোথা ধাম? কি সুন্দরী!

গুণ। বিজরী।

রণ। বিজরী,—সেই বিজরী হেতায়?
ডাক না—ডাক না, সখী তব, লজ্জা কিবা?
আছে গুপ্ত-কথা বিজরীর সনে; ডাক—
ভূসম্পত্তি-অধিকারী হ'য়েছে বিজরী—
কেহ করেছে প্রদান—কোন বন্ধু, নানা
নাম নিতে; বিজরী বুঝিবে সবিশেষ;
ডাক না—ডাক না, কোথা?

গুণ। বিজরি—বিজরি!

(বিজরীর প্রবেশ)

রণমল্প। এত লজ্জা কিসে? এত লজ্জা কিসে? আমি
বৃদ্ধ, আছে কোন সবিশেষ কথা, গুণ
কথা; এস সাবকাশমত মোর ঘরে!
গুণমালা, যাই—আছে বহুকার্য, সখী

তব! আহা, বালিকা যখন, নিছি কত
কোলে, লজ্জা মোরে! এস সাবকাশমত।
গুণ। পিতা—পিতা, প্রের দূত, বার' যোধরায়ে,
চণ্ড-সনে আর দ্বন্দ্ব নাহি মম।

রণমল্প। যাই,
তাই যাই। বিজরি—বিজরি, সাবকাশ
মত এস, আছি প্রতীক্ষায়।

গুণ। প্রের দূত,
শীঘ্র বার্তা দেহ যোধরায়ে; ছিল বাদ—
যুচেছে বিবাদ; কেন জ্ঞাতির নিধন
অকারণ? যেই অস্থি মুকুলের দেহে,
সেই অস্থি-বিনির্মিত চণ্ডের শরীর।
যাও পিতা, নিবারণ কর যোধরায়ে।

রণমল্প। যাই—যাই; এস—এস, রব অপেক্ষায়!
কি সুন্দরী! আহা মরি, হরে মন প্রাণ।

[রণমল্পের প্রস্থান।]

বিজরী। কেন সখি, অসম্মত চণ্ডের নিধনে?

গুণ। না—না, উদ্ধার হয়েছে কার্য, বধে কিবা
ফল, হবে তায় মুকুলের অকল্যাণ।

[গুণমালার প্রস্থান।]

বিজরী। চঞ্চল কটাক্ষ হেরি বৃদ্ধের নয়নে,
এত কি গোপন কথা আছে মোর সনে?
ভূসম্পত্তি কে দিল আমায় মারবারে?
নাহি তিন কূলে কেহ। রাখি হস্তগত,
নারীর ইপ্সিতে ফেরে মদন-পীড়িত;
রঘুদেব—রঘুদেব—হৃদয়ের ধন!
কত দিনে তোমা-সনে হবে সম্মিলন?
এই যে আবার বুড়ো আসছে।

(রণমল্পের পুনঃ প্রবেশ)

রণমল্প। বিজরি—বিজরি!

বিজরী। কি—কি?

রণমল্প। তুমি আমার পত্র লিখেছিলে—তুমি আমার পত্র
লিখেছিলে? তুমি আমার বড় সুহৃদ—তুমি আমার বড়
সুহৃদ। তুমিই গুণমালাকে বুঝিয়েছিলে?
বিজরী। পত্রে তো রাজপদে নিবেদন করেছি।

রণমল্ল । তোমার পত্র পেয়েই তো এলেম—তোমার পত্র পেয়েই তো এলেম । গুঞ্জমালার পত্র পেয়ে আসিনি, তোমার সঙ্গেই পরামর্শ ক'রবো, তোমার কথা শুনেই চ'লবো । বিজরি, বিজরি ! অনেক পরামর্শ আছে—অনেক পরামর্শ আছে, এস না—এস না, আমার প্রকোষ্ঠে এস না ।

বিজরী । এখনি রাজমাতা আমার ডাকবেন ।

রণমল্ল । কোন দাসীকে দিয়ে ব'লে পাঠাও না, তুমি ব্যস্ত আছ । এ চিতোরপুরী কার জান ? যদি আমি হেথা থাকি—তোমার ।

বিজরী । সে কি মহারাজ ! চিতোরপুরী আমার কি ?

রণমল্ল । হ্যা—হ্যা, আমার কথার নড়চড় নাই ; পরে বুঝতে পারবে—পরে বুঝতে পারবে ; সমস্ত চিতোর তোমার কথায় উঠবে ব'সবে, তোমার বুদ্ধিতে আমি ফিরবো, যেথা তুমি, সেথা আমি । দেখ, এ পরামর্শের স্থল নয়, আমার প্রকোষ্ঠে এস ।

বিজরী । সে কি মহারাজ, এই রাজমাতা এলেন ব'লে ?

রণমল্ল । বটে—বটে, তবে আমি যাই, তবে আমি যাই ; রজনীতে পরামর্শের উত্তম সময় ।

বিজরী । এখনি রাজমাতা আসবেন ।

রণমল্ল । আমি যাই—আমি যাই ; দেখো ম'নে থাকে যেন—ম'নে থাকে যেন ?

[রণমল্লের প্রস্থান ।

বিজরী । রঘুদেব, নিশ্চয় ফলিবে মম আশা,
বৃদ্ধ মম নাচিবে ইন্দ্রিতে ; ছলে বলে
কৌশলে অভীষ্ট সিদ্ধ করিব নিশ্চয় ;
গাইব বসিয়া দৌহে মদনের জয় ।

[প্রস্থান ।

তৃতীয় গর্ভাক্ষ

একখানি কুটারের সম্মুখ

একজন স্ত্রীলোক ও চণ্ড ।

স্ত্রী । বাছা, বসো, বড় ক্লান্ত হ'য়েছ, এ অতি শীতল স্থান, এইখানে একটু ব'সো ।

চণ্ড । না, একটু জল দাও—পিপাসায় ক'ঠ শুক হ'য়েছে ।

স্ত্রী । আহা, বাছা রে, চাঁদমুখখানি শুকিয়ে গিয়েছে ! একটু ব'সো বাবা, জল এনে দিচ্ছি, একটু শীতল হও । আহা, কোন্ অভাগীর সর্বনাশ ক'রে চ'লে এসেছিল, বাবা !

(উক্ত স্ত্রীলোকের স্বামীর প্রবেশ)

স্বামী । ওরে কি ক'রেছিল, সর্বনাশ ক'রেছিল, কাকে ব'সতে জায়গা দিয়েছিল ?

স্ত্রী । তুমি কি ব'লছো, এ কি দহ্য ? দেখ দেখি, যেন পূর্ণিমার চাঁদটি ! না বাবা, তুমি ব'সো, ওঁর কথা তুমি শুনো না, আমি জল আনছি ।

স্বামী । না—না, তুমি ওঠো ; যাও—যাও, এখনি আমাদের সর্বনাশ হবে । তুমি চণ্ড, আমি চিনেছি !

স্ত্রী । কি সর্বনাশ হবে ? কে টের পাবে ? তুমি ঘরের ভেতর এসো । আহা, লুকিয়ে একটু জল খেয়ে যাক, এসো বাবা, উঠে এসো ।

চণ্ড । না—না, মধুরভাবিনি, তোমার কথায় আমার প্রাণ পরিতৃপ্ত হ'য়েছে । আমি অভাগা, যেথায় যাই সর্বনাশ হয়,—আমি চলেম । ওঃ ! আর পদ চলে না !

স্বামী । ওই সর্বনাশ হ'লো ! ওই রাজরক্ষী এলো, ওঠো ওঠো, পালাও—পালাও ।

(যোধরাওয়ার প্রবেশ)

যোধরাও । যোধরাও নাম, মারবার-অধিপতি

পুজ্য রণমল্লের নন্দন ; বীরবর,
আসিয়াছি পিত্রাদেশে ; অরি তব, বন্দী
করিব তোমারে, হও প্রস্তুত সত্বর
সম্মুখ-সংগ্রামে ; লহ অস্ত্র, অস্ত্রহীন
তুমি ; ক্লান্ত যদি, কর ক্লান্তি দূর ধীর,
আতিথ্যগ্রহণে কর কৃতার্থ আমার ;
মম দাসগণে তব সেবারত রবে,
হ'লে শ্রম উপশম, বিক্রম প্রকাশি,
বীরশ্রেষ্ঠ, বিপক্ষে বিমুখ ; কিবা আজ্ঞা
কহ মহাশয়, আছি আজ্ঞা অপেক্ষায় ।

চণ্ড । মহাশয়, সবিনয়ে যাচনা আমার,
রাজমাতা-আদেশে, কি, পিতৃ-অহুরোধে
হেথা আগমন তব ? কহ সবিশেষ
মহাশয় ; রাজকার্য্যে পরিব বন্ধন—

রাজমাতা-আজ্ঞা রাণা-আজ্ঞা সম মানি ।
কিন্তু যদি মহাশয়, হয় অশ্রমত,
নহি আমি মারবার-অধীন, বদবধি
দেহে রবে প্রাণ, সাধ্যমত নিবারিব
বিপক্ষ সংগ্রামে ; বীর তুমি, বীরধর্ম
অবগত, স্বেচ্ছায় না পরিব বন্ধন ।

যোধরাও । মহাশয়, মারবার-পতির কিঙ্কর
আমি, মম আগমন পিতার আজ্ঞায়,
নহি বীর, চিতোর-অধীন, রাজ-আজ্ঞা-
বাহী, রহি সদা যত্ববান্ পিতৃ-আজ্ঞা
পালিতে জীবনে, রাজমাতা নাহি জানি ।

চণ্ড । তবে ত্বরা হও যত্ববান্, ক্ষমা কর
বীর, অস্ত্র তব না স্পর্শিব ; এই বৃক্ষ-
শাখা আয়ুধ আমার—বার অরি, তীক্ষ্ণ
অস্ত্র ধরি ।

যোধরাও । রাজ-আজ্ঞা করিব পালন ;
কিন্তু হে ধীমান্, কেন কলঙ্ক দানিবে
মম পরে, নহে রীতি বিপক্ষ-নিরস্ত্র-
আক্রমণ, যোগ্য অরি-সনে কর যোগ্য
ব্যবহার । ধর অস্ত্র, রাখ হে মিনতি ।

চণ্ড । রাজপুত্র, করুন মার্জনা ।

যোধরাও । এস তবে ।

(উভয়ের যুদ্ধ)

(খাণ্ডাধারীর প্রবেশ)

খাণ্ডা । (সৈন্তগণের প্রতি) কর আক্রমণ, কর আক্রমণ ।

যোধরাও । আরে,

সাবধান, নাহি মোরে কর অপমান !

খাণ্ডা । চণ্ড—চণ্ড, রাজমাতার আজ্ঞা, ক্ষান্ত হও ।

চণ্ড । তবে কর বন্দী, রণ অবসান মম ।

(ভীলসর্দার ও তাহার অহুচরগণের প্রবেশ)

সর্দার । আরে এই রে এই রে, চণ্ডা এই রে—তোরা
কে বটে রে—কে বটে ? হুম্মন কি মিতে বটে ? ওরে আয়
রে আয়, এই চণ্ডা রে—চণ্ডা ।

সকলে । আরে, কই বটে রে—কই বটে, চণ্ডা
রে—চণ্ডা ?

খাণ্ডা । বাধো—বাধো, দেরি ক'রো না, দেরি ক'রো না ।
সর্দার । আরে, কে বাধে রে—কে বাধে ? আমি ভীল-
সর্দার, আমি ভীল-সর্দার, হুম্মননৈরে মার—মার—মার—
ভীলগণ । মার—মার—মার—

(খাণ্ডাধারীর পলায়ন ও যোধরাওকে ধৃত করণ)

চণ্ড । সর্দার, ক্ষান্ত হও—ক্ষান্ত হও ।

সর্দার । আরে, কি বটে রে—কি বটে ?

চণ্ড । আমি রাজমাতার আজ্ঞায় বন্দী । রাজদূতদের
নিবারণ ক'রো না ; তোমরা প্রজা, রাজ-বিরুদ্ধাচরণ উচিত নয় ।
সর্দার । আরে তাই বটে রে—তাই বটে, রাজ-মা কে
বটে ; চণ্ডা রে চণ্ডা, বাপ মা তুই বটে, ভীলের আর কে
বটে—চণ্ডা বটে, চণ্ডা বটে ।

সকলে । চণ্ডা রে—চণ্ডা, বাপ মা তুই বটে ।

চণ্ড । কি, তোমরা রাজমাতাকে মান না ?

সর্দার । মেয়ে-রাজার প্রজা মোরা নই বটে রে—নই
বটে, দশ কুড়ি ভীল মোরা ঘর ছেড়ে যাই বটে, যাই বটে
রে—যাই বটে !

সকলে । যাই বটে রে—যাই বটে ।

সর্দার । তুই যেথা যাবি, ভীল সেথা পাবি, চণ্ডা রে চণ্ডা,
বাপ মা তুই বটে রে—তুই বটে ।

সকলে । চণ্ডা রে চণ্ডা, বাপ মা তুই বটে রে—তুই বটে ।

যোধরাও । বীরবর, আমি পূর্বেই নিবেদন করেছি, রাজা
রণমঞ্জের আদেশে আপনাকে বন্দী ক'রতে এসেছি ; আপনি
এক্ষণে স্বাধীন, আমাকে যুদ্ধে পরাভব ক'রেছেন ।

চণ্ড । সর্দার, আমার অনুরোধে রাজপুত্রকে পরিত্যাগ
কর ।

সর্দার । ওরে ছাড় বটে রে—ছাড় বটে, চণ্ডা বটে
ছাড় বটে ।

চণ্ড । ক্ষত্রিয়-প্রধান, আপনার সম্মান, আপনার
মাহাত্ম্য !—আমি নির্দাসিত, আপনার পূজা কি ক'রবে,
অহুমতি প্রদান করুন, আমি আসি ।

যোধরাও । আপনি মহাশয় !

সর্দার ও ভীলগণ । ওরে, হুম্মনটা বেশ বটে রে—বেশ
বটে, চণ্ডারে মাছে, বাহওয়ারে বাহওয়া ! রাজার ব্যাটা, শির

নওয়া, শির নওয়া ।

[যোধরাওয়ের প্রস্থান]

যার অপমানে ঘৃণা, সভাকার্য্য তার
সাধ্যাতীত, মাগি অবসর, নমস্কার।

[১ম সভাসদের প্রস্থান।

রণমল্ল। অবজ্ঞা আসনে, হের সভাসদগণে।

২য়-সভা। চক্ষুর্কর্ণহীন মোরা সবে, অবসর

মাগি, নমস্কার রাণাসনে, নমস্কার।

[সভাসদগণের প্রস্থান।

মুকুল। দাদাজি, দাই ভাইজী আমায় বড় ভালবাসে,
কারাগারে দিও না দাদাজি।

রণমল্ল। আমার হৃদয়-চন্দ্র, যত্নের নিধি, তুমি জান না।

মুকুল। না দাদাজি, দাই-ভাই আমার শত্রু নয়, দাই-
ভাইকে ছেড়ে দিতে আজ্ঞা দাও।

রণমল্ল। যাও—খেলা কর' গে, আমার চক্ষু-জুড়ানো
ধন, খেলা কর' গে।

মুকুল। না দাদাজি, ভাইজীকে ছেড়ে দাও।

রণমল্ল। হাঁ যাও, খাণ্ডধারি, ছেড়ে দিতে বল' গে।

সোনার চাঁদ, খেলা কর' গে।

[মুকুলজীর প্রস্থানঃ।

খাণ্ড। মহারাজ, ওদের ছেড়ে দিলেন কেন, বন্দী
ক'রলেন না?

রণমল্ল। ক্রমে ক্রমে; তরুর যেমন দ্বারে আঘাত করে
গৃহস্থ নিদ্রিত কি জাগ্রত বোঝে, সেইরূপ শিখণ্ডীকে বন্দী
ক'রে চিতোরের ভাব বোঝা যাউক, সভার দ্বারা অপমানিত
হ'য়েছি—প্রজারা জানলে, অনেকে আমার পক্ষ হ'তে পারে;
কতক প্রজা বশ চাই, নতুবা কার্য্য হ'তে পারে না।

খাণ্ড। তাই তো বলি—তাই তো বলি, বুড়োরাজ
কত বুদ্ধি ধরে!

রণমল্ল। খাণ্ডধারি, তুই একবার বিজরীকে ডেকে আন,
বল' গে রাজার আজ্ঞা, তুমি সভায় এসো, সে নিরুজ্জনে আমার
সঙ্গে দেখা করে না, রাজ-আজ্ঞা বলে অমান্য ক'রতে পারবে
না। বাপ্পারাওয়ের সিংহাসনে আমায় আসীন দেখুক, আমার
বৈভব দেখুক, তার লোভ জন্মাক; যা যা, এই স্থান এখন
নিরুজ্জন, কেউ আসবে না।

খাণ্ড। রাজবুদ্ধি নইলে বুদ্ধি!

[খাণ্ডধারীর প্রস্থান।

রণমল্ল। একটা ক্ষুদ্র কণ্টক—একটা ক্ষুদ্র কণ্টক! যুতরাষ্ট্র
যেমন আলিপনে লৌহ-ভীম চূর্ণ করেছিল, সেইরূপ ইচ্ছা হয়—
সহসা সাহস হয় না!—যাক—কয়দিন। রঘুপেব, রঘুদেবকে
আমার ভয়, সমস্ত মিবার তার পদানত! বালক-বধের
উপায় অতি সহজ। আজ আজ্ঞা দিয়েছি, রাণার ভোজ্য-
সামগ্রী অগ্রে আমার নিকট আসবে; একদিন কোন দ্রব্যে
একটু—ওই বিজরীকে আনছে, কি বোঝাচ্ছে—খাণ্ডধারী
আমার দক্ষিণ হস্ত। আমি লুকিয়ে শুনি।

(সিংহাসনের নিম্নে লুকায়িত হওন)

(খাণ্ডধারীর সহিত বিজরীর প্রবেশ)

বিজরী। কই, রাজা কই?

খাণ্ড। মহারাজ যেখানেই থাকুন, তোমার কপালে
রাজসিংহাসন আছেই আছে,—এই যে তোমার হাতে যে দাগ
দেখ'ছো, এতে রাণী ক'রবেই ক'রবে; তুমি যে তেমন নও,
বড় আপনার কাজ ভোল।

বিজরী। কিসে?

খাণ্ড। মহারাজের মন কিনে নাও—মন কিনে নাও।

বিজরী। মহারাজের মন কিন'ব কি?

খাণ্ড। হঁ, মন কিনবো কি—মন কিনবো কি—বুড়ো
মাছুষ, দুটো গায়ে হাত বুলোলেই হ'লো (সিংহাসনের নিম্নে
রাজার অঙ্গভঙ্গীকরণ) কিন্তু দেখ, আমি এত করছি, শেখটা
আমায় ভুল' না।

বিজরী। (স্বগত) বুড়ো মড়া এই সিংহাসনের নীচে
লুকিয়ে আছে। (প্রকাশ্যে) দেখ খাণ্ডধারি, তুমি আমার
বন্ধু বটে; কিন্তু আমার মনের সাধ মনেই রইলো।

খাণ্ড। কেন, তোমার যে সাধ ইচ্ছা কর না, যার রাজা
হাতে, তার আবার সাধের ভাবনা?

(রণমল্লের সিংহাসন নিম্ন হইতে উত্থান)

রণ। খাণ্ডধারি, যাও।

[খাণ্ডধারীর প্রস্থান।

বিজরি! কি সাধ আমায় বল, এ কার সিংহাসন জান?
বাপ্পারাওয়ের এ সিংহাসনে কারে বসাবো? তোমায়, তোমার
সাধ পূর্ণ হয় নি!

বিজরী। সে কি মহারাজ, এ রাজসিংহাসনে আমি

ব'সবো কি?

কে?
বিজ
রণম
সাধ কি
বিজ
রণম
জীবিত
বিজ
ক'রবেন,
গেল।
রণম
নির্কাসিত
কারাগারে
বিজরী
গায় অঞ্চল
বদি দাসীকে
বন্দী ক'রে
আমি তার
তবে আমার
রণম
বিজরী
হেন, কিন্তু অ
পদাঘাত স্বরণ
মনের খেদ দূর
প্রাণে প্রয়োজ
রণম
সামান্য কথা,
বল নি?
বিজরী।
রণম
তোমার পায়ে
বিজরী।
বলেন।
রণ। বলি,
শাসিত করি।

রণমল্ল । তবে কে ব'সবে? আমার সঙ্গে ব'সবার উপযুক্ত কে?

বিজরী । এ মুকুলজীর সিংহাসন ।

রণমল্ল । যাক্—যাক্, তোমার সাধ কি বল—তোমার সাধ কি বল?

বিজরী । আমি শক্র-ভয়ে সদা সশঙ্কিত ।

রণমল্ল । তোমার শক্র, আমায় বল নি? সে এখনো জীবিত আছে? কে বল—কে বল?

বিজরী । মহারাজকে ব'ললে এখনি তার প্রাণ বধ ক'রবেন, আমার প্রতিশোধ কি হ'লো? ম'রে গেল ফুরিয়ে গেল ।

রণমল্ল । তুমি কি চাও বল? নির্কাসিত ক'রতে বল, নির্কাসিত করি,—অগ্নিতে পোড়াতে বল, অগ্নিতে পোড়াই—কারাগারে রাখতে বল, কারাগারে রাখি ।

বিজরী । মহারাজ, আমি পূজা ক'রতে গেছেলম, শিবের গায় অঞ্চল ঠেকেছিল, এই নিমিত্ত আমাকে পদাঘাত ক'রেছে । যদি দাসীকে পায়ে রাখেন, কিঙ্করীর প্রতি সদয় হ'ন, তা হ'লে বন্দী ক'রে আনুন, বন্দী-গৃহের চাবি আমায় দিন; নিত্য আমি তার আহার নিয়ে যাব আর তিন পদাঘাত ক'রবো, তবে আমার মনের খেদ মিটবে ।

রণমল্ল । কে বল—কে বল, এই দণ্ডেই বন্দী ক'রছি ।

বিজরী । মহারাজ, রূপা ক'রে কত দিন দাসীকে ডেকেছেন, কিন্তু আমার দিবানিশি প্রাণ কাঁদছে, দিবানিশি সেই পদাঘাত স্বরণ হ'চ্ছে, দিবানিশি প্রাণ জ্বলছে; ভেবেছি, যদি মনের খেদ দূর হয়, তবেই প্রাণ রাখবো, নতুবা এই ছার প্রাণে প্রয়োজন কি?

রণমল্ল । ছি! ছি বিজরি! ও কথা মুখে আনে? এ সামান্য কথা, এ আমায় এদিন বল নি—এ আমায় এদিন বল নি?

বিজরী । মহারাজ কি দাসীর কথায় কর্ণপাত ক'রবেন?

রণমল্ল । জ্যা, এমন কথা বিজরি! আমি রাজমুকুট তোমার পায়ে রাখতে পারি ।

বিজরী । মহারাজ, দাসীকে অহুগ্রহ ক'রে সকলি বলেন ।

রণ । বলি, কথার কথা বলি, আগে তোমার শক্রকে শাসিত করি । কে বল? এখনি বন্দী ক'রে আমি ।

বিজরী । মহারাজ, যদি করুণা ক'রেছেন, তো ধানীকে এই ভিক্ষা দিন—

রণ । ভিক্ষা কি বিজরি—আজ্ঞা বল?

বিজরী । আমি নিত্য কারাগারে যেতে পারবো না, আমার মহলে যদি বন্দী ক'রে আনেন, তা হ'লে আমার মনোবাঞ্ছা পূর্ণ হয়, যখন অবকাশ পাই, তখন গিয়ে শান্তি দিই ।

রণ । তাই হবে বিজরি, তাই হবে, এর জন্তে এত মিনতি কেন, তোমার শক্র কে বল?

বিজরী । মহারাজ, আমার শক্র রঘুদেব ।

রণ । রঘুদেব! রঘুদেব আমারও শক্র! বোধ বিজরি, তোমায় আমায় মিল বোধ!

বিজরী । আমার মনস্কামনা পূর্ণ হ'লে আনন্দে মহারাজের পদসেবা ক'রবো ।

রণ । পদসেবা কি বিজরি, তুমি আমার বৃকের বন! চিতোরের ঈশ্বরী! মুকুলজী আর ক'দিন—বুঝেছ বিজরি, বুঝেছ? তুমিই চিতোরের ঈশ্বরী! সন্দারগুলোকে দূর ক'রতে পারলে হয়—কাকেও নির্কাসিত, কাকেও বন্দী, কাকেও বধ ক'রতে হবে । আর বিলম্ব নাই, প্রায় সকল উচ্চপদই মারবারীদের দিয়েছি, কেবল সভাসদেরা চিতোরবাসী, তা আজ তাদের সর্বনাশ আরম্ভ হ'য়েছে ।

বিজরী । রাজমাতা আমার অহুসন্ধান ক'রবেন, বাই মহারাজ, বিদায় হই ।

রণ । আর রাজমাতা, রাজাই কে, তার রাজমাতা?

বিজরী । না—না মহারাজ, প্রকাশ হবে, আমি চল্লেম ।

[বিজরীর প্রস্থান ।

রণ । চিতোরেশ্বরী, আমায় মনে রেখো; খাণ্ডাধারি—খাণ্ডাধারি:—

(খাণ্ডাধারীর প্রবেশ)

খাণ্ডা । ওঃ—হো—হো—হো!

রণ । হাস্ছিস্ কেন?

খাণ্ডা । মহারাজের কি অদৃষ্ট, ধূলো ধরেন তো সোণা

হয়! আজই বিজরী আপনার হবে, আমি সব শুনেছি ।

রণ । আজই কি ক'রে পাব? রঘুদেবকে বন্দী করা তো সহজ নয় ।

থাণ্ডা। আরে, সে সহজ হোক আর নাই হোক, বিজরীকে পাওয়া ত সহজ।

রণ। না, রঘুদেবকে বন্দী না ক'বতে পারলে, বিজরী আমার হবে না।

থাণ্ডা। হবে না? আমার নামই না!

রণ। কিসে—কিসে?

থাণ্ডা। মহারাজ, কি বুঝলেন?

রণ। কি?

থাণ্ডা। ও রঘুদেবকে ভালবাসে, ও হো—হো—হো! ও রঘুদেবের জন্তে মরে। তাই তো বলি, ও রঘুদেবের কাছে ভাল ভাল সামগ্রী পাঠায়, পদাঘাত ক'ববে! আপনার শোবার ঘরে বাহ বেড়ে বন্দী ক'ববে; ও—হো হো—হো—হো! আজই বিজরীকে দিচ্ছি।

রণ। বলিস্ কি—বলিস্ কি? আমার অপুত্রী নে। কি করে—কি করে? কি ক'রে আজই বিজরীকে পাব? আবার যোধরাও আসছে, ও গেলেই তুই আসিস্। বলিস্ কি—বলিস্ কি, আজই পাব?

থাণ্ডা। না পান, আমার কাণ কেটে দেবেন।

[থাণ্ডাধারীর প্রস্থান।

রণ। আঃ! এমন সময় আবার কি ক'বতে এলো? যা হোক, থাণ্ডাধারী একটা ঠাউরেছে, বিজরীর জন্তে জ্বলে মলুম।

(যোধরাওয়ের প্রবেশ)

কি সংবাদ, যোধরাও?

যোধ। রাজপদে, পিতৃ-

পদে মম নমস্কার, রাজ্যে শুনি হল-
স্থূল, অসম্ভষ্ট সভাসদগণ, তাহে
অনর্থ সম্ভব, নরনাথ! নিবেদন
জানায় কিঙ্কর, সবে কহে অপরাধ
বিনা শিখণ্ডীর কারাবাস, মানী জনে
অসম্মান যুক্তিসিদ্ধ নহে কদাচিত্।

রণ। কিবা শঙ্কা? মারবার-সর্দারে বেষ্টিত
আমি, উচ্চপদে প্রতিষ্ঠিত যত মম
আত্মীয়-স্বজন, দুর্গ মারবার-সেনা-
করগত, কি আশঙ্কা সভাসদগণে?

যোধ। বুঝিতে না পারি হৃদয়ে কিবা প্রয়োজন,
চিতোর-নিবাসিগণে বঞ্চিত করিয়ে,
উচ্চপদে প্রতিষ্ঠিত কি হেতু রাঠোর?
মিবারের রাজকার্য্য মিবারবাসীর,—
পরকার্য্যে অযশ অর্জন কি কারণ?
ক্রায়মত স্বশাসন-স্থাপন উচিত।

রণ। পরকার্য্য—পরকার্য্য?—রাজপুত্র হেন
বোধহীন! কার? এ চিতোর, অধিকার
কার? এ বুঝি ভূতের বোকা বহি! পূর্ণ
এত দিনে সকল বাসনা; শুভক্ষণে
নারিকেল পাঠাই মিবারে, ফলবান্
তরু, রক্ষা হেতু হও স্মৃচেষ্টিত, আশা-
অতীত সংযোগ বিধাতার সজ্জটন।

যোধ। বুঝিতে না পারি পিতা, অভিপ্রায় তব,
চিতোরে কি করিব বসতি? পরাধীন—
রাণার অধীন রব স্বদেশ তাজিয়া?

রণ। কার অধীনতা, কেবা রাণা? শীঘ্র হব
নিম্ফটক, কার্য্য কর আজ্ঞামত, স্বরা
কণ্টক ঘুচিবে; শোন পুত্র, পণ মম,
শিশোদীয় বংশ আর চিতোরে না রবে।

যোধ। অহির অস্তর পিতা, বচনে তোমার,
কুট অভিসন্ধি এ কি শুনি, মহারাজ!
মুকুল সম্মান তব, মম সম পিও -
অধিকারী দৌহিত্র-সম্মান, রাজ্যভূমি
করে লোকে দান, রক্ষাকর্ত্তা তুমি তার,
চাহ কি সম্মানে তাত, করিতে সংহার?
এ কি অহি সম আচরণ, ধর্ম্মকর্ম্ম-
নাশ—মহুম্যত্ব-বিসর্জন! হে রাজন্,
কাঁপে প্রাণ হেন কথা শ্রীমুখে শুনিয়ে—
বৃদ্ধকালে বিষময় বিষয় লালসা!—
নাহি নরকের ডর, আছ মৃত্যু প্রাসে।
ক্ষম দাসে, কটু কহি তব ভাষে, ত্রাসে—
কর দেব, ছরাশা বর্জন।

রণ। রাজবংশে
জন্ম, নাহি উচ্চাশয়? তাজিব স্বযোগ—
ইন্দ্রের বাঞ্ছিত এই বিপুল সম্ভোগ?

যোধ। কর ভোগ, পিতা তুমি, কি কহিব আর,
রহিব না হেরিব না ছনীতি-ব্যাজার,
রক্ষক ভক্ষক, নিজবালক-নিধন,
ধন উচ্চ আশা, কর সম্ভোগ রাজন্ !
রণ। বোঝ—বোঝ, শোন কথা, কোথা যাও ? কোথা
যাও ? ফেরো,—ফেরো, শোন—শোন না বচন ?
যোধ। উভয় সঙ্কট, স্থান করিব বর্জন।

[যোধরাগের প্রস্থান।]

রণ। বুঝি সর্কনাশ করে, যেওনা—যেও না।

[প্রস্থান।]

দ্বিতীয় গর্ভাঙ্ক

গুণ্ডমালার কক্ষ

মুকুল ও কুশলা।

মুকুল। দাই-মা, তুমি হেথায় এসেছ, মা রাগ ক'রবেন,
আমি তোমার ঘরে গিয়েছিলেম।

কুশলা। কেন বাবা ?

মুকুল। দাই-মা, তুমি আমায় নিয়ে পালাও, দাদাজী
আমায় মেরে ফেলবে, দাদাজীর চোখ দেখে আমার ভয়
করে। আমার মুখপানে চায়—আমার মনে হয়, আমার
খেয়ে ফেলবে—দাই-মা, আমায় নিয়ে চল—চও-দাদাজীর
কাছে আমায় নিয়ে চল।

কুশলা। ভয় কি বাবা, ভয় কি ?

মুকুল। দাই-মা, তুমি জান না—আজ ভাইজীকে বন্দী
করেছে, বোধ করি, মেরে ফেলবে, যারা আমায় ভালবাসে,
তাদের মেরে ফেলবে ; যারা আমার কাছে থাকতো, যারা
আমায় সঙ্গে যেতো, যারা আমায় ভালবাসতো, তাদের সব
সঙ্গে তাড়িয়ে দিয়েছে। এখন যারা আমার সঙ্গে যায়, তাদের
সঙ্গে আমায় ভয় করে, আমি চমকে চমকে উঠি, মনে হয়,
আমায় কেটে ফেলবে। ঐ মা আসছে, তুমি মাকে ব'লো
দাই-মা, আমি লুকুই, তুমি মাকে ব'লো না। মা যদি

দাদাজীকে ব'লে দেয়, তা হ'লে আজই আমাকে মেরে
ফেলবে।

[মুকুলজীর প্রস্থান।]

কুশলা। (স্বগত) কি হবে, কি ক'রবো ? শিখণ্ডীও বন্দী
হ'য়েছে, আমি একা জ্বীলোক, মুকুলজীকে নিয়ে কি ক'রে
পালাবো !

(গুণ্ডমালার প্রবেশ)

কুশলা। আসিয়াছে পুন তব পাশে লাজহীনা ;

সর্কনাশ উপস্থিত, বুঝেও বোঝ না,
দেখেও দেখ না ; রাজকার্য ছিল তব
মাধ, পুরিল কি সে বাসনা ? কেবা তুমি
চিতোর নগরে ? রাজমাতা, ছিলে 'রাজমাতা'
চও ছিল পুরে যবে, নহ এবে
রাণী, তুমি সামান্য রমণী, পরাধীনা
রাঠোর-নন্দিনী, পিতৃ-অন্নদাসী নিজ পতি-
অধিকারে—কে গণে তোমারে ? পরিপূর্ণ
রাঠোরে নগর, হের রাঠোর-ঈশ্বর
রাজপুরে, উচ্চপদে রাঠোর স্থাপিত ;
আজি শুনি রাজমতা ভঙ্গ অত্যাচারে,
উচ্চ কোন সভাসদ বন্দী কারাগারে,
রাজ-মন্ত্রী খাণ্ডাধারী, বেষ্ঠার ঘটক,
ক্ষুধ নহি তাহে, আমি ধাত্রী—রাজকার্যে
নহি অধিকারী, অধিকারমত কথা
কহি ; রাজমাতা, আসিয়াছি বড় ব্যথা
পেয়ে।

গুণ্ড। গুনিয়াছি পুত্র তব বন্দী পিতৃ-
রোধে, নিরুপায়—কি উপায় করি, ধাত্রী !
কহি যদি পিতার, গুনিব কটু বাণী,
বুদ্ধিব্রমে দাসী আমি হ'য়ে রাজরাণী !

কুশলা। আসি নাই পুত্রের কারণে—গর্ভে যবে
ধরেছি নন্দনে, জানি রাণি, রাজপুত-
রমণী, পালিত রাজপুত-গৃহে, ঘোর
বঞ্চাবাতে, রণে বনে ছুর্গমে কান্তারে,
কারাগারে কাটিবে জীবন তনয়ের,—
কুসুম-বিস্তৃত পথে বীর নাহি চলে।
মুকুলের ধাত্রী, মম অন্তর শিহরে,—
ব্যাকুল হয়েছি রাণি, মুকুলের তরে।

গুণ্ডা। অ্যা—অ্যা ধাত্রি, কি বল—কি বল ?

কুশলা। দেখ কিবা,
ষড়্বজ্জ ভেদিতে কি নার, রাজমাতা ?

গুণ্ডা। কুঠার মেরেছি ধাত্রি, আপনার পায় !
তুমি মুকুলের মাতা, সাপিনী জননী
আমি, কহিয়াছি কত কটু বাণী, ক্ষমা
কর, কি জানি লো কি ফলে কপালে, শৃঙ্খ
হেরি, কি উপায় করি—শকায় শুকায়
কায় ! ধাত্রি, কি হবে—কি হবে ? এ বিষম
বিপদে বাধব নাহি হেরি ; কি ক্ষুণ্ণে
আধিপত্য-আশে হয়, চণ্ডেরে বিদায়
দিহু, সাধু জন—বুঝি তার অভিষাপে
মনস্তাপে মরি লো কুশলা ! কিবা লয়
তোর মনে, অভিপ্রায় পিতার বুঝিতে
নারি। নাহি অশ্রু আশ, করি মুকুলের
জীবন-প্রয়াস ; কৰ্ম-ফেরে বন্দী নিজ
ঘরে। যা হবার হইয়াছে ফিরিবে না ;
ভাবি পরিণাম ; তুমি হিতৈষিণী, তুমি
বিপদমাগরে সখী, মন্দ অভিপ্রায়
মন্দ কর কি পিতায় ? কাঁদি দিবানিশি,
ভাবি মনে, মা হ'য়ে কি হইহু রাক্ষসী !

কুশলা। কি কহিব রাজমাতা, ডরে মম কথা
নাহি সরে ; পিতার তোমার রাজ্য-লিপ্সা
বিকট বদনে ; খরে আরক্ত নয়নে
ছুটাকাঙ্ক্ষা ; কুটিল কঠোর দৃষ্টি হেরি
বালক শিহরে—যেন কেশরী-শাবক
কিরাতের তীব্রলক্ষ্য ! শুনি দৌহিত্রের
মনে হবে একত্রে ভোজন, পাছে কেহ
মুকুলের ভোজ্যদ্রব্যে দেয় হলাহল ;
তুমি মাতা, তোমায় প্রত্যয় কিবা, প্রাণ-
সম প্রিয়তম তাঁর দৌহিত্র ছলল ;—
মা হ'তে অধিক স্নেহ, কেবা সেই জন !

গুণ্ডা। কহ মোরে মঙ্গলভাষিণি, কোথা যাব—
কুমারের প্রাণরক্ষা করিব কেমনে—
আছে কি উপায় কিছু ? বিপক্ষ চৌদিকে,—
বিজরীর ব্যবহার বুঝিবারে নারি,

মন্দ হয়, সদা যেন গুপ্ত-তবে ফেরে,
বিপক্ষের পক্ষে যেন রয়েছে প্রহরী।
সৰ্কনাশ কিরূপে নিবারি ? নাহি চাই
রাজ্যধন, সিংহাসন যাক্ ছায়েথারে,
কেমনে বাছার রাখি প্রাণ ? এ মঙ্কটে
কিসে হই পার ?—নারী সহায়বিহীনা !
বুদ্ধিমতী তুমি লো কুশলা, সুকৌশল
কর গো বিধান, চল, যাই পলাইয়া
নিশিযোগে, চল পশি বনে, বন্য-মনে
করি বাস।

কুশলা। কোথা যাবে—বিজরী প্রহরী,
কাণে কাণে কথা তার খাণ্ডারী মনে ;
নিশ্চয় রাক্ষসের পক্ষ ; বিপক্ষ সতর্ক
অতি, চ'খে চ'খে রাখে ; গুপ্ত অচুচর
বধিবে জীবন পথে, এখনো প্রকাশে
কিছু করিবারে নারে, প্রজাগণে ডরে,
বধিবে কুমারে তোমা মনে, কবে দহ্য-
গণে হত্যাকারী, অর্থলোভে মিথ্যা কবে
দীন-জনে, হত্যা-দোষ করিবে স্বীকার
সভাহলে, প্রাণদণ্ড হবে সে সবার ;—
প্রজাগণ বুঝিবে, হইবে কার্যোদ্ধার।

গুণ্ডা। কি হবে কুশলা, তবে কে করিবে জাণ ?
অকুল সাগর-মাঝে কুল নাহি দেখি !

কুশলা। শোন রাণি, আছে এক বিপদে কাণ্ডারী।

গুণ্ডা। কোথা, কে সে ? কহ ত্বরা ওলো সুভাষিণি,
জান যদি, উপায় কি হেতু নাহি কহ ?
আমা হ'তে কুমারে তোমার স্নেহ।

কুশলা। চণ্ড !
চণ্ড এই অকুল পাথারে কর্ণধার,
আছে মান্দুদেশে, প্রের সংবাদ সত্বর।

গুণ্ডা। বুঝি ধাত্রি, নিরুপায়—তাই হেন কহ
প্রবোধিতে মোরে ; নির্বাসনে পাঠায়েছি
যারে, যারে নৃশ-স ব্যাভারে, বিনা দোষে
দিয়াছি বিদায় ; রাজপুত্র পথে পথে
করিল ভ্রমণ, নিদারুণ পিত্রাদেশে,

1
2
3
4
5
6
7
8
9
10
11
12
13
14
15
16
17
18
19
20

সভীত মিবায়, প্রজাগণে নাহি দিল
স্থান, কোথা নাহি পাইল আশ্রয় শ্রান্তি-
দূর হেতু, পথরাশ্ত মুমূর্ষু যখন
রাজভয়ে বারি-বিন্দু কেহ না দানিল,
ঘাতক রক্ষকগণে কৈল আক্রমণ,
অঙ্গহীন নিঃসহায় যবে;—সত্য, নহে
মম আজামত—কিন্তু সে তো জানে মম
অহুমতি বিনা ঘটে নাই এ সকল,—
কোন মুখে পাঠাব সংবাদ—কি কহিব,
মার্জনা কি করে কেহ হেন অপরাধ ?

কুশলা। চণ্ডের প্রকৃতি তুমি নহ অবগত
মতি, অতি উচ্চ-মতি স্বদেশবৎসল,
বার ধীর গভীর সাগর সম, শ্রেষ্ঠ
শ্রেষ্ঠ হতে, দেবোপম উদার-হৃদয়,
কুমারের প্রতি কত স্নেহ তব রাণি!
চণ্ডের সর্বস্বধন তোমার নন্দন।

কুলমান-বংশের গৌরব একমাত্র,
উদ্বেগ জীবনে তার, সেই কোলে তুলে
বসিয়েছে সিংহাসনে বালক মুকুলে;
শুনিলে সঙ্কট, স্থির কতু না রহিবে,
হেন লয় মনে, কতু নিশ্চিত সে নহে,
ব্যগ্রচিত্ত নিয়ত রাণার তত্ত্ব হেতু,
রাণা তার ধ্যান জ্ঞান, কল্যাণ-কামনা
বিনা কিছু আর নাহি তার ত্রিসংসারে।

গুণ। কহ ধাত্রি, কেমনে সংবাদ দিব, চারি
ভিতে অরি, অরিপুত্রে বাস, সন্ধে অরি,
কুটিল সতর্ক চক্ষু এড়াব কেমনে ?
কেবা যাবে—

কুশলা। বৃষ্টি দেবি, সদয় দেবতা,
আসে পূর্ণরাম ভাট, ওই দূত তব।

গুণ। প্রত্যয় করিব ভাটে ?

কুশলা। সাধু ভট্টরাজ,
বিশ্বাস না হবে ভঙ্গ, কর চিন্তা দূর।

(পূর্ণরামের প্রবেশ)

পূর্ণ। যেখানে যাই, চোখ আছে, তাই দেখতে পাই; খালি
কাণাকণি, খালি ফুশফুশানি, এ সব হানাহানির পূর্বলক্ষণ!

আ মর বুড়ো, তোর কেন ভিরকুটি, তোর কেন এত বচন ?
যে আগু ভেবে না কাজ করে, শেষে পত্তায়, তোর কি
তায় ? আছে একটু দায়, নইলে ঘুরে বেড়াই ? যার ধন
কেন সেই নিক না, তা হ'লে তো এত গোল বাধে না,
বুড়ো ভাটের মন কাঁদে না।

গুণ। কি লিখি ?

কুশলা। লিখ, বিপদ।

গুণ।

কিছু নয় আর ?

কুশলা। অঙ্কিত করিয়ে দাও মোহর তোমার।

পূর্ণ। ভারি কাণাকণি, শেষটা দেখছি, তোরে
নিয়েই টানাটানি।

কুশলা। ভট্টরাজ, একটি কাজের ভার নেবে ?

পূর্ণ। আর কেন পাতনামা, দাও না কি দেবে।

গুণ। চণ্ডকে এই চিঠি দিতে হবে।

পূর্ণ। বুঝেছি, কেন দেরি ক'রছো তবে ? দেখছি
মন, লোকে আপনার বুদ্ধিফেরে সন্দেহ করে মরে, চারদিক
ফরসা, এখন নির্ভরসাই ভরসা ! হ্যা, খুব নে কথা ক'য়ে,
এ দিকে যাক সময় ব'য়ে। এক পলে কি হ'য়ে যায়
জানিস ? এক পল আগে জ্যাস্ত ছিল, এক পলে কাটা
গেল। পল যোড়া দে সময় বাড়ে, পলের ভেতর বজ্র
পড়ে, যে পলের হিসাব রাখে কড়ে, তার পা কি বেতাকে
পড়ে ? আ মর বুড়ো গ'ড়ে, এখানে দাঁড়িয়ে কেন রে
ভেড়ের ভেড়ে, পল যদি তুই এত মানিস ?

[পূর্ণরামের প্রস্থান।

গুণ। কি উপায়ে করি নিবারণ, পিতা সনে

একত্রে ভোজন মুকুলের, কহ মোরে ?

কুশলা। যদি কুমারের সনে একত্র ভোজন

আকিঞ্চন করেন ভূপাল, দূতপণে

প্রকাশিবে অসম্মতি,—বৃষ্টিবে অন্তরে

রাজা, কিছু না করিবে সন্দেহের ডরে ;

প্রবল সর্দারগণ হয় নি দমন,

পাপাভীষ্ট পাপিষ্ঠ না করিবে সাধন,

যাই আমি—

গুণ। কহ ধাত্রি, নাহি কোন ভয় ?

কুশলা। ক'রো না সম্মতি দান, হোক যেকা হয়।

[উভয়ের প্রস্থান।

তৃতীয় গর্তাক্ষ

কারাগার

শিখণ্ডী ও ঘাতকবয়।

শিখণ্ডী। কে তোমরা ?

১ম-ঘা। মাহুব আর কে !

শিখণ্ডী। তোমরা কি ঘাতক ?

২য়-ঘা। যদি হই, তার আর কি ?

শিখণ্ডী। তবে বধ কর।

২য়-ঘা। তুমি বেশ মাহুব, বাঃ ! কেউ আংকে ওঠে, শিউরে ওঠে—কেটে স্থখ মেটে না।

শিখণ্ডী। দেখ, আমার ঠেঙে একটা বিছা ছিল, আমি ভাল লোহা পেলে সোণা কর্তে পারি। তোমরা কেউ সে বিছা শিখে নেবে ?

১ম-ঘা। সত্যি ?

শিখণ্ডী। এই প্রত্যক্ষ দেখ না, তোমার তলোয়ার তো ভাল লোহার ?

১ম-ঘা। ইম্পাতের, কাটবো বখন টের পাবে।

শিখণ্ডী। তবে আর কি, একজন একটু সিঁদূর আন দেখি ?

১ম-ঘা। বা না—বা না, থপু করে নিয়ে আর না।

২য়-ঘা। তুই বা না।

১ম-ঘা। আচ্ছা, আমি যাচ্ছি, তুই দাঁড়া।

[প্রথম ঘাতকের প্রস্থান।

২য়-ঘা। দেখ, তুমি ওকে শিখিও না, আমায় শেখাও।

শিখণ্ডী। কি করে শেখাব, সিঁদূর না হলে তো হবে না।

২য়-ঘা। তুমি মস্তরটা শিখিয়ে দাও না ?

শিখণ্ডী। আরে, সে কি করে সিঁদূর দিতে হয়, না দেখলে পাববে না।

২য়-ঘা। তবে তুমি আমার সঙ্গে এস, আমি তোমায় শিকলি খুলে দিচ্ছি।

শিখণ্ডী। কি করে যাব, রক্ষীরা যে ধ'ববে ?

২য়-ঘা। আরে, আমরা লুকোনো পথ দিয়ে আসি যাই, রক্ষীরা কি জানে আমরা এসেছি। হাঃ হাঃ হাঃ !

রাজাদের কথা তুমি জান না, আমাদের লুকিয়ে পাঠিয়ে দেয়, সে কথা কি কাকে-কোকিলে জানতে পারে ;—আমরা মেরে যাই, রক্ষীরা এসে দেখে খবর দেবে। 'কে মারলে,—কে মারলে' একটা গোল পড়ে যাবে ! আমাদের বুড়ো রাজা কি একটা কম সেয়ানা ঠাউরেছে ? এমনি মারতুম, লোকে ঠাওরাতো তুমি আপনিই ম'রেছ ! একজন চেপে ধরতুম, আর একজন গলার শির কাটতুম। নাও—চল, সে আবার এসে প'ড়বে।

[উভয়ের প্রস্থান।

চতুর্থ গর্তাক্ষ

কক্ষ

রণমল্ল ও খাণ্ডাধারী।

রণ। কই, এখন' ত আসছে না ?

খাণ্ডা। মহারাজ, ভাবছেন কেন—যে ফাঁদ পেতেছি, প'ড়লো বলে ; এখন রাণীর কাছে আছে, আমি যাব না—রাণী আমায় বড় সন্দ করবে।

রণ। ঠিক তো ?

খাণ্ডা। আর একটু বসুন না।

রণ। তুই রঘুদেবের কাপড় কোথায় পেলি ?

খাণ্ডা। তার ঠেঙে যে যা চায়, তাই দেয় ; আমি বলনুম, "বাবা, এই কাপড়খানি আমায় দাও",—তখন ছেড়ে দিলে।

রণ। এখন তোকে এক কাজ কর্তে হবে—লোক নিয়ে যা, আজ রঘুদেবকে বধ কর্তে হবে।

খাণ্ডা। বড় সোজা কথাটা কি না—একে ত সেই বগা জোয়ান, তার পর সর্দারদের সেই খানে আত্মনা হয়েছে—সহরের বত লোক আনছে যাচ্ছে, দিনরাত পা পুছো কর্তে।

রণ। এ কাজ কর্তেই হবে—যেমন করে হয় ; খুব পাকা দেখে লোক নিয়ে যা।

খাণ্ডা। ও কাঁচা পাকার কর্ম নয়।

রণ। না পারিন্ তো তোর আর মুখ দেখবো না ; দেখ

না, এত ফিকির জানিন্।

খাণ্ডা। বড় শক্ত।

রণ। ক'রুতেই হবে, ও থাকতে আমার রাত্তিরে ঘুম হয় না—ও এখন মনে ক'রলে মেবার শুদ্ধ তোলপাড় ক'রতে পারে; সর্দারদের নিয়ে কি একটা ষড়যন্ত্র ক'রছে; আর ও থাকলে বিজরীর মন পাব না।

থাঙা। মহারাজ, মন নিয়ে কি ধুয়ে থাকেন?

রণ। না—না, ঐরাবতের আহার ভেক হ'য়ে চায়!

থাঙা। সে ফিরেও তাকায় না।

রণ। আরে, তুই বুঝিস নে, সে বেঁচে থাকলে সর্কনাশ হবে; এ কাজ যদি না পারিস, তুই আর আমার সামনে আসিস নি। তুই জানিস, ও আজ মনে ক'রলে রাজা হ'তে পারে; যত দিন ও আছে, মুকুলকে মারতে আমার সাহস হয় না। গুঞ্জমালা বোধ করি ওর ভরসা পেয়েছে নইলে আজ আমার মুখের ওপর ব'ললে, “না, আমি মুকুলকে তোমার সঙ্গে খেতে পাঠাব না।” আমি থেমে গেলেম, বুঝলেম, অবশ্য কারুর সাহস পেয়েছে। কে আর সাহস দেবে, ঐ রঘুদেব বেটাই দিয়েছে।

থাঙা। মহারাজ, ওরে মারলে একটা গোলযোগ হবে।

রণ। হয় হবে, ও ম'লে সকলের বুক ভেঙ্গে যাবে।

থাঙা। ঐ শিকার প'ড়েছে, আপনি চুপক'রে এই চাঁদর-খানা মুড়ি দিয়ে বহন। আহা! কি ত্রিভঙ্গ রঘুদেবই এসে দেখবে! ওর পেটের কথা আপনাকে শোনাই, শুছন।

(বিজরীর প্রবেশ)

বিজরী। কই খাণ্ডাধারি, রঘুদেব কই?

থাঙা। আমায় কি দেবে আগে বল?

বিজরী। যা চাও।

থাঙা। শেষটা মনে রেখো, আর কিছু না; তুমি খুব বুদ্ধি ক'রেছ, একটা কাজ ক'রতে পারলেই ব্যাস; মুকুলকে তো রাজা মারবেই—সে তোমাকে তো এক রকম বলেইছেন। তুমি একদিন যোগাড় ক'রে মদের সঙ্গে এন্টু বিষ দিতে পারলেই রঘুদেবকে নিয়ে সিংহাসনে ব'সো। কেমন তোমার মনের কথা টের পাইনি, বল?

বিজরী। রাজা মদ খাবে কেন?

থাঙা। তুমি দিলে কৌত কৌত গিলবে।

বিজরী। খাণ্ডাধারি, তুমি কি চাও?

থাঙা। আগে রঘুদেবের বামে সিংহাসনে ব'সো, তবে বলবো।

বিজরী। তোমায় আমি রাজমন্ত্রী ক'রবো, তুমি আমার সহায় হও।

থাঙা। তোমার কোন্ কাজটা না ক'রছি বল?

বিজরী। ও সব রক্ষীরা রয়েছে কেন?

থাঙা। তোমার প্রাণখন বে ষণ্ডা, যদি পালায় তো তুমি ধ'রে রাখবে, না আমি ধ'রে রাখবো? যাও, ঐ গৌ হ'য়ে ব'সে আছে।

[খাণ্ডাধারীর প্রস্থান।

(রণমন্লের বিজরীর নিকটে রঘুদেবের বস্ত্রে আচ্ছাদিত হইয়া আগমন)

বিজরী। প্রাণনাথ, তাজ অভিনান, কথা কও,

চাও চাঁদবদন তুলিয়ে, তৃপ্ত কর

নয়ন চকোর, সদা স্খা-অভিলাষী;—

ক্ষমা কর, দাসী উন্মাদিনী—গুণমণি,

ধরি পায় প্রাণ রাখ, প্রাণের জালায়

এনেছি তোমায় বন্দী করি; প্রাণেশ্বর,

সদয় অন্তর তুমি, নিদয় হয়ো না

অবলায়; যেবা যেই মাগে তব পায়,

তখন সে পায়, তবে কেন রূপানিধি

তাপিতা তরুণী, বারিবিন্দু নাহি কর

দান? কুল শীল মান জীবন-বোঁবন

সমর্পণ করে নারী, করহে গ্রহণ;

যায় প্রাণ, খোল মুখ, তোলা আবরণ!

রণ। এই যে প্রাণ-প্রেরয়ী, প্রাণের ফাঁসী,

আমি তোমার তরে দিবানিশি বসে—

চ'থের জলে ভাসি।

বিজরী। কি সর্কনাশ, এ কে!

[বিজরীর প্রস্থান।

রণ। হাঃ! হাঃ! হাঃ! আপনি শেকল পরেছ, এখন কোথায় পালাচ্ছে? যাও—যাও, ঘুরে এস, ঘুরে এস, রঘুদেবকে ফেলে থাকতে পারবে না!

(বিজরীর পুনঃ প্রবেশ)

বিজরী। পিতা তুমি মহারাজ, ধর্ম-অবতার,

আমি তব তনয়ার সখী—ক্ষমা কর,

ধর্ম ভিক্ষা চাহে পদে কুমারী কামিনী ;
নৃপমণি, ফেল না হতাশে, বধ প্রাণ
ইচ্ছা যদি, কর নির্কাসিত, দেহ দণ্ড
যেবা আজ্ঞা হয়, সদাশয় রাখ ধর্ম-
ভয়, নিরাশ্রয় অবলায় কর' না হে—
করো না পীড়ন ; বীর ধর্ম ধর্ম রক্ষা,
বীর তুমি, ধর্মনাশ করো না প্রয়াস।

রণ। কারে বলছো ? আমি রঘুদেব, চিন্তে পারছো না ?
এ কার কাপড়, রঘুদেবের না ? দেখ—ভালো করে দেখ,
রঘুদেবের আশা করছো—সিংহাসনে বসাবে !
বিজরী। প্রাণ দণ্ড কর—তহু খণ্ড খণ্ড করি

লহ প্রাণ, অনল দহনে, বিষ-দানে,
কুকুর চর্কণে, শূলে, হস্তিপদতলে—
কঠিন নিয়মে বধ কর নরপতি ;
করো না অধর্ম, রাখ কঙ্কার মিনতি।

রণ। ইস, এত ধর্ম ! তুমি কার আশায় আমাকে
বঞ্চিত করিতে চাও ?—রঘুদেব ! রঘুদেব যমালয়ে, এই দেখ—
ঘাতক তাকে বধ করে আমার তার কাপড় এনে দিয়েছে।
দেখচো, চিনেচো—এ রঘুদেবের কাপড়।

বিজরী। এ্যা—এ্যা ! (মুর্ছা)

রণ। তুমি একা নও, অনেকেই মুর্ছা গিয়েছে।

(ঘাতকের সহিত খাণ্ডাধারীর প্রবেশ)

খাণ্ডা। মহারাজ, সর্বনাশ হয়েছে—সর্বনাশ হয়েছে !
কারাগার হ'তে শিখণ্ডী পালিয়েছে ! শীঘ্র আসুন, সৈন্যদের
আজ্ঞা দিন, প্রজারা মহা গোল করছে, বিদ্রোহী বা হয়। এই
বেলা দমন না করলে মহা সর্বনাশ হবে।

রণ। এ্যা, বলিস্ কি ?

[বিজরী ব্যতীত সকলের প্রস্থান।

বিজরী। আমি কোথায় ? এই তো আমার গৃহ,—ওহো,
এখনি নরাদম আসবে, কোথায় পালাব ? এই গবাক্ষ হ'তে
উজানে পড়ি। উঃ ! বড় উচ্চ—প্রাণ যায় যাবে !

[প্রস্থান। ২য় সভা। শ্রীমুখে পাইলে আজ্ঞা, চিতোর-নিবাসী

অগ্নি সম গর্জিয়ে উঠিবে, যুবা বৃদ্ধ
বালক বনিতা অস্ত্র ধরি নিবারিবে
অত্যাচারী দেশ-অরি, লাফরাণা-বংশ-

পঞ্চম গর্ভাঙ্ক

দেবালয়-সম্মুখ

প্রজাগণ, রঘুদেব ও সভাসদগণ।

প্রজাগণ। জয় রঘুদেবজীর জয় ! জয় রঘুদেবজীর জয় !

১ম সভা। পূজা ধর পরমাত্মা পরম-পুরুষ
সনাতন ! আর্ঘ্য, মজে রাজ্য অত্যাচারে,

মহাশকা ঘরে ঘরে, রাজদূত—যমদূত-

সম ফেরে, কবে কারে ধরে, কবে

বধে বিনা অপরাধে ; কবে হরে ধন,

গোধন হরণ করে ; কুলের কামিনী

নাহি মানে—সুন্দরী রমণী ঘরে যার,

অকস্মাৎ বৃকে ছুরি তার ; ধনী জন

সদা সশঙ্কিত, প্রজা ছিন্নভিন্ন, মানী-

গণ মানচূর্ণ—পাপাচার পরিপূর্ণ

ছায়শূণ্য রাজ্যভার যার ; হাহাকার

ধ্বনি ওঠে প্রতিধ্বনি রাজধানী

বেড়ি নিরস্তর ; উচ্চপদ যার, প্রাণ কাঁপে

তার, ঘাতকের গুপ্ত ছুরি চারিদিকে ;

কারাগারে শিখণ্ডীনিধন হত্যাকারী-

হস্তে শুনি ; প্রজাগণে সৈন্য বধে রাজ-

পথে ; কর পূজাপাদ উপায় বিধান

এ বিপদে, নহে প্রভু, মিবার মজিবে,

অন্ত যাবে সূর্য্যবংশ-বিখ্যাত গোরব।

রণ। বনবাসী দীন দাস, কিশোরে সন্ন্যাসী—

ফলমূলে জীবন যাপন, কার্য্য মম

দেবসেবা কুসুম-চয়ন ; রাজ্য-কোলা-

হল, অস্ত্র-বনংকার, রণ-সিংহনাদ,

বাদ-বিসংবাদ কভু কর্ণে নাহি পশে ;

সহায়-বিহীন, নাহি কার্য্য-কুশলতা

মম, কহ—আমা হ'তে উপায় কি হবে ?

[প্রস্থান। ২য় সভা। শ্রীমুখে পাইলে আজ্ঞা, চিতোর-নিবাসী

অগ্নি সম গর্জিয়ে উঠিবে, যুবা বৃদ্ধ

বালক বনিতা অস্ত্র ধরি নিবারিবে

অত্যাচারী দেশ-অরি, লাফরাণা-বংশ-

ধর তুমি দেব, দেহ প্রজারে আশ্রয়,
মহাভয় দূরীকৃত কর মহাশয় !

রঘু। স্বধর্মপালন শ্রেয়ঃ শোন মতিমান্ ;
রাজা রাজধর্মে, যোদ্ধা যুদ্ধধর্মে, কৃষি-
কার্যে কৃষী রবে রত ; সন্ন্যাসীর ব্রত—

ঔদাস্ত সংসার কার্যে, স্বধর্মপালন
মঙ্গল-সাধন, অমঙ্গল ধর্মে হেলা,
বিষয়ী-সন্ন্যাসী করে অধর্ম অর্জন।

অধর্ম বারণ কভু অধর্মে না হয়,
নিজ নিজ ধর্ম পালে যেই রাজ্যে সবে,
সে রাজ্যের নাহিক পতন ; নিজ-কার্যে

রত রহ সবে, অনিষ্ট না হবে, ইষ্ট-
সিদ্ধি তাহে অসংশয় ; যবে অত্যাচার-
পূর্ণ ধরা, ধর্মরক্ষা-হেতু সাধুজন,

শোণিত-প্রদানে হরে ধরণীর তাপ ।
সেই রক্তশ্রোতে হয় অত্যাচারী নাশ—
স্থখের আবাস পুনঃ হয় এ মেদিনী।

সাধুর শোণিতে যবে ধৌত হবে ধরা—
জেন' হবে অত্যাচার নিবারণ স্বরা ।
নিয়ত প্রার্থনা মম ঈশ্বরের পায়,

মঙ্গলবিধান বিভূ করুন রূপায় ।
হুয়োগ নিকটে, সবে কর হে গমন ।
দত। নমস্কার দেব, যেন পদে রহে মন ।

প্রজা। জয় রঘুদেবের জয় ! জয় রঘুদেবের জয় !
[প্রজাগণ ও সভাসদগণের প্রস্থান ।

রঘু। ঘোর ধুমবর্ণ মেঘমালা বেগে ধায়
বটিকা-বাহনে, ক্ষণপ্রভা-প্রভা রহি

রহি লকলকে ভূজঙ্গিনী-জিহ্বা সম,
নৃত্য করে প্রভাময়ী কঠোর নাদিনী,
ঘূর্ণবায়ু গর্জনে ভীষণ ; গণ্ডগোল,

ঘন ধূলি মাখি কায় উন্নাদ কানন
ধরায় নোয়ায় শির, বিকৃতি প্রকৃতি,
তিনির-বসনা ঘোর রণরঙ্গে মাতি !

শাস্ত হও ভয়ঙ্করি, দিব বলিদান,—
সন্তান-শোণিতে যেন পুরে মা পিপাসা,
দাসের রুধিরে যেন শাস্তি লভে ধরা ।

(খাণ্ডাধারী ও ঘাতকদ্বয়ের প্রবেশ)

১ম-ঘা। উঃ ! বেজায় জোয়ান ।

খাণ্ডা। ভয় কি, তিন জন আছি। মহাশয়, মহারাজ
এই পরিচ্ছদ আপনাকে উপচৌকন পাঠিয়েছেন।

রঘু। কৃতার্থ এ দাস ; ওই রুধির—রুধির !

খাণ্ডা। মহাশয়, রাজপোষাক গ্রহণ করুন।

রঘু। (হস্ত প্রসারণ করিয়া)

কিঙ্করে করুণা অতি শাস্ত হও ভীমা,

সন্তানে লহ মা বলি, পিও রক্তধারা—

(ঘাতক কর্তৃক আঘাত)

পুরাও কাননা, তৃপ্ত হও রক্তে মম !

(পুনর্বার আঘাত)

চৌদিকে রুধির-শ্রোত, রুধির—রুধির !

রুধির-তরঙ্গ বায়ে যায়, মুণ্ডমালা

ভাসে শত শত, ওই রুধির—রুধির !

(পতন)

[খাণ্ডাধারী ও ঘাতকগণের প্রস্থান ।

ওই—ওই—ওই রাডাচরণ-তরণী—

ওই রাডা পা ছ'খানি,—বিদায় ধরণি !

চতুর্থ অঙ্ক

—:—:—

প্রথম গর্ভাঙ্ক

রঘুদেবের সমাধি মন্দির

চিতোরবাসী পুরুষগণ ও স্ত্রীলোকগণ।

১ম-পু। শাঁক বাজাস্ নে, শাঁক বাজাস্ নে, চুপি চুপি
চল, ফুল দিয়ে আলো রেখে চলে যাই।

২য়-পু। শাঁকটা বাজাই, কে আর টের পাবে ?

১ম-পু। ওরে না না, বুঝিস্ নে—রাজ-দূত কাণ খাড়া
ক'রে রয়েছে, এখনি টেনে নিয়ে যাবে।

১ম-স্ত্রী। ধরে ধ'রবে, তাই বলে পূজো ক'রবো না ?

(গাহিতে গাহিতে স্ত্রী-পুরুষগণের সমাধি-মন্দির
প্রদক্ষিণকরণ ও তাহাতে পুষ্পবরিষণ)

(গীত)

পুরুষগণ।—

জয় জয় রঘুদেব, জয় জয় জয়,
কিশোর কাননবাসী করুণা-নিলয়।

স্ত্রীগণ।—

জয় কমনীয় কায়, শশিকর রাঙা পায়,
জয় জয় কৌশিক-বসন।

পুরুষগণ।—

জয় সবর-হৃদয় !

স্ত্রীগণ।—

প্রসন্ন বদনে শান্তি, হেরে কান্তি হরে ত্রাস্তি,
জয় জয় প্রফুল্ল-নয়ন।

পুরুষগণ।—

জয় জয় প্রেমময় !

জয় জয় রঘুদেব, জয় জয় জয়,
কিশোর কাননবাসী করুণা-নিলয়।

স্ত্রীগণ।—

জয় বনফুল-হার, নিরঞ্জন নিরাধার,
কুমার, কুমার অবতার ;

পুরুষগণ।—

জয় মদনবিজয়।

স্ত্রীগণ।—

চলনচলিত অঙ্গ, মন্থ-মানভঙ্গ,
স্মরণে হরণ হৃৎভার।

পুরুষগণ।—

জয় সবয়ে অভয়।
জয় জয় রঘুদেব, জয় জয় জয়,
কিশোর কাননবাসী করুণা-নিলয়।

১ম-পু। ঐ রে কে আস্ছে, পালা—পালা—পালা।

(শিখণ্ডীর প্রবেশ)

শিখণ্ডী। রঘুদেব, রঘুদেব, ভাই—ভাই, আহা

কিশোর সম্যাসী, দেব অবতার ! বুঝি

মমতায় এতদিন ধরি এ জীবন, -

হ'লো না—হ'লো না প্রতিদান, রহিল রে

প্রতিহিংসা-তৃষা, তবে কেন দেহভার—

ভার গুরু ভার ; আহা, তোমার মরণ !

রঘুদেব, কুমার, কিশোর-যোগি, কোথা

ভাই, কোথা তুমি, দেখা দাও দেখা দাও !

ওহো রঘুদেবজি ! ওহো রঘুদেবজি !

ক'রো না রে ঘণা, এস ভাই মৃত্যুকালে।

(বিজরীর প্রবেশ)

বিজরী। এ কি, তুমি না ক্ষত্রিয় ! আত্মহত্যা-

প্রতিশোধ ? ধিক্ ! আত্মহত্যা রমণীর,

এ কি বীর ব্যবহার, প্রতিহিংসা-পরাম্ভুথ !

ধরণীর গর্ভে রঘুদেব, রণমল্ল

সিংহাসনে, কাঁদে শিশোদীয় কুল, দস্য

রাঠোর উল্লাসে ভাসে, বীরত্ব প্রকাশ

এই তব ? আত্মবলিদানে ? হেয় মৃত্যু-

প্রতিদান ! ছিঃ ছিঃ, আমি নারী, ঘণা হয়

মম ; শোক পরিহর, বীর কার্য ধর,

শত্রুর শোণিতে কর অনল নির্বাণ ;

মৃত্যু ইচ্ছা যদি, শত্রু-শরশয্যাপরে

লভিও বিরাম শুয়ে অনন্ত-শয়নে।

মৃত রঘুদেব, নারী আমি তবু প্রাণ

ধরি, বহি দেহ প্রতিবিধানের তরে ;

বীর তুমি, বহ ব্যথা বীর ব্যবহারে,—

নারীর প্রকৃতি কভু সাজে কি তোমারে ?

শিখণ্ডী। কহ মাতা, বৃথা কেন রাখিব জীবন ?

জ্বলিল বিদ্রোহানল, সাজিল আবাল-
বৃদ্ধ রণে, রক্তশ্রোত ঢালিল সলিল
সম, তৃণ জ্ঞান করি প্রাণ। অন্ধাশনে
অনিদ্রায় বিনা আচ্ছাদনে, বারিধারা
প্রথর রবির কর, তরু যথা মাথা
পাতি নিল। অর্ধশূণ্য, অন্ধহীন, ধনু-
গুণ বেণী বিনিশ্চিত, অপূর্ণ তুণীর,
ভয় অসি, কুঠার আয়ুধ কাঁর করে,
পশিল সমরে হায়, মাংসাহারী জীব
পোষণ কারণ; বলবান্ অরি মহা
অগ্নে হুমজ্জিত, ভোগপুষ্ট, রাজকোষ
অনাবৃত রণব্যয়ে, সঞ্চালিত শ্রেণী—
হৃদক সামন্তবৃন্দে; দমিল সহজে
অরক্ষিত অশিক্ষিত প্রজাগণে; পুঞ্জ
পুঞ্জ অস্থি স্তূপাকার নেহার প্রান্তর-
বক্ষে, হের চক্ষে দম্ব গৃহ, রাজ্য যুবা
শূণ্য, মূহ রোলে কাঁদে অনাথা বিধবা
শিশুহৃত ফোলে ল'য়ে! অস্বাক্ষিত হের
অঙ্গ মম, পুনঃ কেন প্রতিহিংসা সাধ;—
দুর্ধার রাঠোর, দুর্গপূর্ণ রাঠোরীয়
চম্; রণবহি প্রজ্জলিত করি পুনঃ
কিবা ফল স্বগণ-নিধনে; তাজি দেহ,—
দেখিতে সহিতে নারি বিপক্ষ-প্রভাব।
বিজরী। হয়েছে দুর্দিন গত, সুদিন উদয়,
আদিছে চিত্তে চণ্ড বিপক্ষ-বিজয়,
ভাবিবে দৌভাগ্য-স্বর্ঘ্য উজল কিরণে,
রাঠোরীয় বংশ ধ্বংস হবে আজি রণে।

শিখণ্ডী। কে তুমি, কি হেতু কহ প্রবোধ বচন ?

আদিবে না নরশ্রেষ্ঠ জ্যেষ্ঠ ভ্রাতা আর,
রাজমাতা-অহুমতি বিনা। রঘুদেব-
মহুবার্তা শুনি মম মুখে—হাহা হবে
পড়িল ধরণীতলে, কুঠার আঘাতে
শালবৃক্ষ যথা, অবিরল চক্ষুজলে
তাদিল দুকুল, তাজি শ্বাস রক্ত আঁখি
পঙ্কিয়ে উঠিল দস্তে অধর চাপিয়ে;

চণ্ড

১৩৯

কিন্তু হায়, ভালে কর হানি বার বার
কহিল গভীরে, “কি করিব বন্ধ হস্ত-
পদ, নাহি রাজমাতা অহুমতি, রাণা-
প্রতিনিধি রাজমাতা—বালক কুমার—
অধিকার জননীর, চিত্তের প্রবেশ
নিষেধ আমার! তবে কি করি বিধান,—
রাজ-আজ্ঞা অবহেলা করিবারে নারি।”

বিজরী। কর চিন্তা দূর, শূর, নাহি বাধা আর,
রাজমাতা-আজ্ঞামত আসে মহাবল।

শিখণ্ডী। আসে চণ্ড মতিমান্ রাজ্ঞী-আজ্ঞামত ?

অগণ্য রাঠোর-সৈন্য, দুর্গ স্বরক্ষিত,—
আসে একা কিবা সৈন্য সাথে, কোথা এবে ?

নাহি শুনি আয়োজন নিবারিতে তারে,
সতর্ক রাঠোরগণে বার্তা নাহি জানে,

এ কেমন! কেন বোধ দেহ অকারণ ?
বিজরী। ধীর! হও স্থির, চণ্ড মহাবীর আজি

নিশিযোগে পশিবে চিত্তে ছদ্মবেশে।
দেওয়ালি-উৎসবে মত্ত হবে সবে, আছে

রণদক্ষ সেনা তার দুর্গ-মাঝে ভূতা-
সাজে; কয় দিন হতে নগরে নগরে,

গ্রামে গ্রামে বিলায় মিষ্টান্ন মহারাণা,—
ফিরে যামিনীতে; নিত্য নিত্য আনাগোনা,

অসতর্ক প্রহরী সকল সন্দিহান
নাহি হবে, স্বল্প সৈন্য ল'য়ে দুর্গমাঝে

চণ্ড প্রবেশিবে; ছলে ভুলেছে রাঠোর।

শিখণ্ডী। এ মিষ্টান্ন বিতরণ চণ্ডের কৌশলে ?


আসা-যাওয়া নিত্য নিত্য বাহিরে ভিতরে
শত্রুরে করিতে অন্ধ? না না, দ্বন্দ্ব উঠে

মনে। কহ বিবরণ সবিশেষ—কোথা
চণ্ড, কিরূপে বা সৈন্যগণ তার আছে

দুর্গে দাসভাবে, কেহ সন্দ না করিল ?
কি ছলে ভুলিল ক্রুরমতি সন্দিহান

অরি ?
বিজরী। কয় জন মাত্র আইল প্রথমে ;
চণ্ডগত-প্রাণ যত ভীল অহুচরণ,

অতাল্প বেতনে করি দাসত্ব স্বীকার,



সেবার তুবিলা ছুটগণে ; প্রয়োজন-
মত ক্রমে আনিল বাহুব যত ছিল ;
ভীল ভিন্ন অত্র ভূত্য নাহি সামন্তের
প্রায় এবে ।

শিখণ্ডী । বুঝিলাম—বুঝিলাম, কহ—
কিরূপে এ গুহ্যবার্তা তুমি অবগত ?
বিজরী । আমি অবগত ! কি বুঝিরে কি আশ্রয়

হৃদি-মাঝে, কি পিপাসা—রণমল্ল-বক্ষ-
রক্ততৃষা, কি অশান্তি—কি অশান্তি !
নিশিদিন ভ্রমি অবিচ্ছিন্ন গতি, হেরি ছিন্ন
পদ, হেরি রুক্ষকেশ ধূলি-পূসরিত,

হেরি ক্ষত অঙ্গ বস্ত্রপথে শত শত
কটক আঘাতে—মান্দুরাজ্য—চণ্ড যথা

নির্ধাসিত, ইষ্ট স্থান মম, আসি যাই
তনুবায়-তুরি সম ; উৎসুক-নয়নে

দেখি, তীর কর্ণে শুনি, জানি চণ্ড-সেনা-
গণে জনে জনে, দাস মাজে দুর্গমাঝে

দেখি এবে সবে, দূর হ'তে দূরান্তরে
দিন দিন মিষ্টান্ন-উৎসব, ব্যগ্র-চিত্তে

করি আন্দোলন হেতু কিবা, নিত্য ভ্রমি
উৎসবের সনে, আজি মহা সমারোহ

গোস্থন্দায়, হোথা গুপ্ত পথে ছদ্মবেশে
চণ্ড আসে গোস্থন্দাভিমুখে ; অকস্মাৎ

বিদ্যুৎ-ঝলক সম চকিল হৃদয়ে
তব যত, পরে ধাত্রী-সনে ঠারেঠোরে

রাজীর বচনে আজি নিশ্চিত হইল
অহুমান, হেরিছ প্রমাণ সমাগত-

প্রায় চণ্ড, উজ্জ্বাসে এসেছি নগরে,
আশা মনে, আক্রমণে, পারি যদি কোন

সাহায্য করিতে ; দেহ বিগুস্ত সর্দারে
সমাচার, হও সবে প্রস্তুত গোপনে,

ঘোর সিংহনাদে যবে চণ্ড আক্রমিবে,
মিলিয়ে সদল-বলে দিও রণে হানা ।

শিখণ্ডী । কে তুমি মা ?

বিজরী । কে আমি ? কে আমি ? উন্মাদিনী—
রণমল্ল-বক্ষরক্ত-পান-আকাজ্জিণী !

করালিনী ! মণি-হারা কাল-ভুজদিনী !

[বিজরীর প্রস্থান ।

শিখণ্ডী । অহুত-চরিত্র বামা ! উষ্ণ রক্তস্রোত
বহে কায় ভীনার কথায়, বিভীষণা—
সংহাররূপিণী, সত্য বাণী,—রক্ত আঁধি
মুখ-ভঙ্গী দর্শন-পেষণে প্রকাশিত ;
দেখিব কি হয়, আশা ধরি নিরাশায় ।

[প্রস্থান]

দ্বিতীয় গর্ভাঙ্ক

প্রাস্তর

মুকুলজী, গুপ্তমালা ও কুশলা ।

গুপ্ত । চিতোরী প্রাকার ওই নেহার সম্মুখে,

আইল যামিনী, কোথা চণ্ড ? চিহ্ন তার

নাহি হেরি, নাহি শুনি সৈন্ত-কলধ্বনি ;—

কি করিবে একা পশি অসংখ্য বিপক্ষ-

মাঝে, ফিরে গেলে সর্ধনাশ ! আজি সাধ

হ'লো এ উৎসব, পুনঃ কি কোশলে বল

দুর্গ হ'তে আসিব বাহিরে ? বহু কষ্টে

অহুমতি করেছি গ্রহণ, নিরুপায়—

হতাশে শুকায় প্রাণ, কি হবে সজনি,

মুকুলের কল্যাণ না হেরি ! ফিরে অরি

স্বযোগ-প্রয়াসে, কবে ভাঙ্গে লো এ পোড়া

কপাল, কি হবে ! ক্রুর-কার্য পরায়ণ

কুটিল বিপক্ষ বুঝি ভেদিল মন্ত্রণা,

পথে চণ্ড করেছে নিধন, দুর্গ-দ্বারে

গুপ্তচর আছে বা লুকায়, আক্রমিবে

উত্তরিলে তথা মোরা সবে, আজি বুঝি

সকলি ফুরায় ; মহোৎসব অবসান,

জনশূন্ত এ প্রাস্তর, এবে কাঁপি ত্রাসে ;

নাশে পাছে নরঘাতী গুপ্তচর আসি ।

কুশলা । যেবা হয় রহি সবে প্রতীক্ষায় এই

স্থানে, নিরুপায় হয়, চণ্ড না আইলে ।

সদা সন্দ হয় মম সহজে নৃপতি

দিল অহুমতি এ উৎসবে, দুর্ভীষ্ট

কি আ

খলমতি

দীপমালা

দেওয়ালি

হেরি, বৃন্দ

ইষ্ট ভ্রষ্ট হ

কোন দি

গুপ্ত । পলাই

বনে, যেবা

কুশলা ।

বোধ নাহি

হেরি, কোথ

ঘাতকের বি

বাগকে ধরি

কোথা শক্র,

কে দিবে আ

পড়িবে ঘোষণা

তব দিবে নিঃশ

পলায়নে ; টু

মুকুল । মা, প

মিথ্যা বলে না, দাদ

আমি বাচুবো মা—

আমি দাদাজীর সঙ্গে

আমার ভয় করে না ;

পাব্বে না ।

গুপ্ত । ধাত্রী—ধাত্রী,

প্রবোধ বচনে, বাছ

জানে, শুনে চণ্ড অ

আর, জন্ম জন্মান্তরে

পাপ ; অগ্নে দিছি ছ

করিছি লো কত, ঘ

ছুরি বুকে, সতিনী-ন

সদাশয় পাঠায়েছি নি

ভূক্তি প্রতিকল ; নিজ

শমনভবন সম হেরি,

বংশধর রক্ষিবারে না

কি আছে, কে জানে, নহে কথায় না ভোলে
খলমতি ; বাড়িল যামিনী ক্রমে ওই
দীপমালা সাজায় আধারে পুরবানী
দেওয়ালি-সম্মান হেতু ; দূরে কাঁরে নাহি
হেরি, বৃক্ষমাত্র ব্যোমচক্রে সম্মিলিত ;—
ইষ্ট ভ্রষ্ট হ'লো, গেল সকলি মঞ্জিল,
কোন দিকে নাহি দেখি কল্যাণ বিধান ।

গুণ । পলাইয়া চল রাখি প্রাণ, চল পশি
বনে, যেবা হয় পরিণামে ।

কুশলা । ভাল মন্দ
বোধ নাহি আর, শূন্যকার অন্ধকার
হেরি, কোথা ত্রাণ, কোথা যাব, ক্ষতপদ-
ঘাতকের বিলম্ব না হবে, পথশ্রান্ত
বাগকে ধরিতে । পূর্ণ রাঠোরে মিবাব,—
কোথা শত্রু, কোথা মিত্র কিছুই না জানি,
কে দিবে আশ্রয় কহ, রাজদণ্ড-ভয়ে ?
পড়িবে ঘোষণা রাজ্যময়, ধনলোভে
তব দিবে নিঃস্ব জন, তবে কিবা ফল
পলায়নে ; টুটিল আশার বাসা মনে !

মুকুল । মা, পালিও না, দাই-মা, তুমি তো বল, দাদাজী
মিথ্যা বলে না, দাদাজী আসবে, তুমি দেখো মা, দেখো ;
আমি বাঁচবো মা—বাঁচবো ; আমার আর বুক কাঁপছে না,
আমি দাদাজীর সঙ্গে সঙ্গে থেকে যুদ্ধ ক'রবো, দাদাজী থাকলে
আমার ভয় করে না ; দেখো—দাই-মা, আমায় কেউ মারতে
পারবে না ।

গুণ । ধাত্রী—ধাত্রী, ওলো ফাটে প্রাণ বালকের
প্রবোধ বচনে, বাছা ভাল মন্দ নাহি
জানে, শুনে চও আসে—আনন্দ ধরে না
আর, জন্ম জন্মান্তরে করিয়াছি
পাপ ; অন্ন দিছি ছার, বিশ্বাস বিনাশ
করিছি লো কত, ঘরে ডেকে মারিয়াছি
ছুরি বৃকে, সতিনী-নন্দন আহা, সাধু
দশায় পাঠায়েছি নির্কাসনে, তাই
হুঁজি প্রতিকল ; নিজ পতি-রাজধানী
শমনভবন সম হেরি, একমাত্র
বংশধর রক্ষিবারে নারি, অভাগিনী

মম সম ধরণী কি ধরে আর ? যাই
পিতৃ-সম্মিধানে, করি আবেদন জাহ্ন-
পাতি, কর জুড়ি কেঁদে বলি, “লহ রাজ্য-
ধন, সিংহাসন নাহি প্রয়োজন, মাগি
মাত্র বালকের প্রাণদান, শিশুপুত্র—
দৌহিত্র তোমার, কর অভয় প্রদান
এই ভিক্ষা চাই, রাজ্য কর বিনা বাধে ।”
কুশলা । চাহ রাগি, পাষণে মলিল ? আকিঞ্চন
অমৃত ভূজঙ্গ-দন্তে ? বজ্রে কোমলতা ?—
শুনি রাগি অশ্ব-পদধ্বনি !—

গুণ । যাও ধাত্রী,
পলাও মুকুলে ল'য়ে, আসিছে ঘাতক,—
নিশ্চয় এ নরহস্তা, দেখ যদি কোন
মতে পার বাঁচাইতে, যাও—যাও, আছ
কি সাহসে ? রহি শত্রু বিলম্বিতে । যাও—
দেখ কিবা ? এলো, এলো—আসে বায়ুগতি !
মুকুল । মা, দাদাজী—দাদাজী ! অমন ঘোড়া কেউ
চ'ড়তে পারে না । দেখছো না—দাই-মা, দেখছো না,
ঝড়ের মত আসছে !

কুশলা । আসে এক অথারোহী, নামে অশ্ব হ'তে,
সুশিক্ষিত বাজী নাহি চলে এক পদ,
আসিছে আরোহী এই দিকে ।

মুকুল । মা, দাদাজী !
কুশলা । চুপ, মা গো চিতোর-ঈশ্বর, এত দিনে
প'ড়েছে কি মনে তব আশ্রিত মুকুলে ?

(চণ্ডের প্রবেশ)

চণ্ড । নমস্কার রাণা, মাতা কর আশীর্বাদ !

ধাত্রী মাগো, করে দাস শ্রীচরণ সাধ ।

কুশলা । চিরজয়ী হও বৎস, ঘুচাও বিবাদ ।

মুকুল । দাদাজি—দাদাজি, আমায় কোলে নাও ।

চণ্ড । ভাই—ভাই, মুকুল—মুকুল মহারাণা,

চণ্ডের প্রাণের নিধি, বাপ্পা-বংশধর !

গুণ । লজ্জাহীনা, বৎস, তাই আছি দাঁড়াইয়া,

অন্ত জনে পশিত মেদিনী-বক্ষে, তুমি

স্বজন স্বধীর, উচ্চ মনে তব হিংসা-

স্বৈর নাহি পায় স্থান, অবোধ রমণী
আনি, বাছা, কত ক্লেশ দিয়াছি তোমারে,
মাহাত্ম্যে তোমার, ধীর, চাব ক্ষমা, নাহি
অধিকার, নিজগুণে ক'রেছ মার্জনা।

চণ্ড। সন্তানে করো না অপরাধী মাতা; নাহি
অবসর, ধীর পদে হও অগ্রসর,
প্রবেশ ক'রো না পুরী, দূরে হের ভীল
অহুচর মম। যথা যাবে যেও পাছে,
ল'য়ে যাবে রঘুদেব সমাধি-মন্দিরে,—
কানন-মাঝারে অতি নিরাপদ স্থান,
নিশায় কেহ না যায় তথা আশঙ্কায়।

শুভ। বৎস, দূর কর চিন্তা, জিজ্ঞাসি তোমায়
লক্ষ লক্ষ বিপক্ষ-রক্ষিত রাজধানী,
একা তুমি কি করিবে, কেমনে বা পুরী
প্রবেশিবে, সাবধান সতর্ক প্রহরী
সদা ফিরে, পিপীলিকা প্রবেশিতে মানা।

চণ্ড। তাজ ভয়, রণজয় করিব নিশ্চয়,
প্রসন্ন ও পদধ্যানে মা প্রসন্নময়ি!
সংগ্রামে পণ্ডিত মম ভীল-অনীকিনী,
ভূতভাবে দুর্গে অবস্থিত। অতি স্বল্প
সেনা সহ পশিব নগরে, মহারণ্য
থাওবে অনুল যথা,—দহিব বিপক্ষ-
পক্ষ রোধনলে, কেহ না পাইবে ত্রাণ।
শোন মাতা, যে উদ্দেশে মিষ্টাম উৎসব
উপদেশ মম, নিত্য হবে আনাগোনা,
জিজ্ঞাসিলে রক্ষিগণ করব উত্তর,
আছিলাম রাণা সনে গোস্বন্দা নগরে
দেওয়ালি উৎসবে, আসিয়াছি দুর্গে রেখে
যেতে তাঁরে। জানে নিত্য লোক আসে যায়,
সন্দ না করিবে; যাও বাড়িছে রজনী।

কুশলা। হও গো চিতোরেরুখরি, সমরে সহায়,
আশ্রিতে রেখ মা পায়, দেহ রণ-জয়।

[চণ্ড ব্যতীত সকলের প্রস্থান।

(ভীলগণের প্রবেশ)

(গীত)

ভীলগণ।—

কাড়া সাড়া দিলে, খাড়া দান্দা মিলে,
কাড়ি বুড়ী বোলে,
কুড়-কুড় ঝাঁইরে—কুড়-কুড় ঝাঁই ;—
বড় মিঠা লড়াই রে—মিঠা লড়াই।
হাল্লা ওঠে গরনি ছোটে,
জোটে জোটে ধাঁই,
সাঁই সাঁই সাঁই রে—সাঁই সাঁই সাঁই ;
বড় মিঠা লড়াই রে—মিঠা লড়াই।
রণারণি, ঝনাঝনি, হানাহানি,
মজা উড়াই রে—মজা উড়াই ;
বড় মিঠা লড়াই রে—মিঠা লড়াই।

চণ্ড। হের ওই চিতোর নগর পূণ্যধাম—
উচ্চ শির-প্রাচীর-বেষ্টিত, ধরাধর
গর্ভ খর্ক যাহে, সূর্য্যবংশ-অবতংশ
গৌরব আকর বাপ্পারাও, কীর্তি যার
ব্যাপ্ত ধরাতলে, বসিতেন ওই পুরে ;
স্বর্গোপমা গরীয়সী মম জন্মভূমি—
পিতৃ-পিতামহ-দেবালয়, - আজি তথা
বিহরে রাঠের—রম্য নন্দনকাননে
দুরন্ত দানবদল, রাণা সিংহাসনে
মারবার-কিরাত-বর্ষর, কেশরীর
গহ্বরে জম্বুক, বসে চণ্ডাল বেদিতে,
রাজ-হস্তী ভূজঙ্গ-বেষ্টনে জরজর,
সুন্দর চিতোর এবে পিশাচের ঘর।

১ম ভীল।—

(গীত)

রণারণি, ঝনাঝনি, হানাহানি—
মজা উড়াই রে—মজা উড়াই ;
বড় মিঠা লড়াই রে—বড় মিঠা লড়াই।

সকলে। কাড়া সাড়া দিলে ইত্যাদি
চণ্ড। নৃত্য গীত-বাণরনি উঠিত যথায়
অবিরত, উঠে দিবানিশি হাহাকার !
ধনী ধনশূন্য—মানী-মানচূর্ণ—ছিন্ন
ভিন্ন রাজধানী পরিপূর্ণ পাপাচারে,—
হতাশ, হতাশ, দীর্ঘশ্বাস মহাত্মাস

বিহরে চিত্তোরে, মরে প্রজা অনাহারে,
 দক্ষ ঘর, শ্রীহীন নগর, নিরানন্দ
 রবহীন সবে, কার নাহি ভ্রাণ, বুকে
 অসম্মান, যুবাগণে বধে প্রাণে, করে
 বালকে প্রহার, নাহি নারীর নিস্তার,
 পৈশাচিক আনন্দে মগন, পুষ্ট হুষ্ট-
 দস্যদল পুরবাসী-রক্তপানে, রাণা
 বন্দীপ্রায় জীবন সংশয়, রাজমাতা
 নিরাশ্রয়,—ঘাতকের ছুরি চারিদিকে,—
 প্রকট বিকট অত্যাচার ভয়ঙ্কর,
 নাহি আর সে চিত্তোর আনন্দ-নগর।

১ম ভীল।—

(গীত)

হুম্ন চড়াই রে—হুম্ন চড়াই
 সামনে লড়াই রে—সামনে লড়াই।

সকলে। কাড়া সাড়া দিলে ইত্যাদি।

চও। জানিতে কি রঘুদেবে, কিশোর সম্মাসী
 রঘুদেব ? কুমার—কুমার অবতার !
 হাফ্তান স্বর্গকাস্তি প্রসন্ন-নয়ন,
 রূপানিধি প্রেমময় পরম পুরুষ
 সনাতন, কামজয়ী, বিষয়বর্জনে
 বসিত কাননে, উচ্চ-ধ্যানে নিমগন,
 কল্যাণ কামনা বিনা ছিল না জীবনে
 কিছু যার, হত সেই প্রজা-মনোহর
 ঘাতকের গুপ্ত অসিমুখে ; শোকে মগ্ন
 মিবার-নিবাসী, ডরে প্রকাশিতে নারে
 দারুণ মনোবেদনা, নীরবে নয়ন-
 জল ঝরে, শূন্য দৃষ্টি শূন্য-পানে চায়,—
 বেজে আছে প্রজার হৃদয়ে বজ্রাঘাত,—
 হয় নাই প্রতিশোধ—সে শোণিতপাত !

১ম ভীল।—

(গীত)

দে হানা, দে হানা,
 পড় পড় পড় স্বন্দনা।
 হুম্ন চড়াই রে—হুম্ন চড়াই,
 সামনে লড়াই রে—সামনে লড়াই।

সকলে।—

কাড়া সাড়া দিলে ইত্যাদি

চও

১৪৩

চও। আকুল নগর, চল যাই—আবাহন
 করে দীপ-মালা শিখা দোলাইয়া, ভল্ল-
 মুখে, তীক্ষ্ণ অসিধারে অভ্যর্থনা তথা,
 মিষ্টালাপ অঙ্গে অঙ্গে বনংকারে, ঘোর
 সিংহনাদে ; শিষ্টাচার শত্রু-শিরশ্ছেদ।
 মহোল্লাস মহারঙ্গ মহান্ মেলায়,
 ভৈরব-উৎসব আজি ভৈরবীনিশায়।

১ম ভীল।—

(গীত)

তাধেই তাধেই ধেই—লড়াই লড়াই রে।
 দে হানা দে হানা, পড় পড় স্বন্দনা,
 তাধেই তাধেই ধেই লড়াই লড়াই রে।

সকলে।—

কাড়া সাড়া দিলে ইত্যাদি।

চও। লহ সঙ্গে দোসর বিক্রম, পথশ্রম
 নাশি রণশ্রমে, চল যাই পাব তথা
 গৌরব অশন, তুষা-তুষি করি হেরি
 রক্তশ্রোত রক্ত-প্রস্রবণ, শত্রু-শবে
 রচিত কুহুম শয্যা, মুণ্ডে উপাধান,
 ফে-রব-সঙ্গীত-রোল বিকট করাল,
 চঞ্চুপুটে পাকসাটে গৃধ্র দিবে তাল।

১ম ভীল।

(গীত)

ধাঁই ধাঁই ধাঁই ভাই, আঁধিয়া উঠাই,
 দে হানা দে হানা, পড় পড় পড় স্বন্দনা,
 লাগে লড়াই রে—আঁধিয়া উঠাই।

সকলে।—

কাড়া সাড়া দিলে ইত্যাদি।

চও। হের ওই বিমানবিহারী ভয়ঙ্করী
 ইষ্টদেবী চিত্তোর-ঈশ্বরী, ধূমবর্ণা
 বিকট দশনা বিভীষণা রণপ্রিয়া
 রুধির লোলুপা, লক্ লক্ জিহ্বা, অটুহাস্ত-
 আশ্র-কপালিনী, কোলে খেলে স্বর্গ বর্ণ
 রঘুদেব, পিয়ে পীযুষপুত্রিত-
 স্তন, ওই আরক্ত নয়না চলে ভীমা
 চিত্তোরাভিমুখে, লটপট কেশদল,
 গলে দোলে মুণ্ডমালা, ওই শূন্যপথে

সংহাররূপিনী আগে আগে, চল পাছে,
কৃষ্ণ-তরঙ্গ-রঙ্গ ভীষণ নিশায়,
ভৈরব-কল্লোল ঘোর ভৈরবী পূজায়।

ভীলগণ।—

(গীত)

আদিয়া উঠাই রে—আদিয়া উঠাই।
কাড়া সাড়া দিলে ইত্যাদি।

[সকলের প্রস্থান।]

তৃতীয় গর্ভাঙ্ক

কক্ষ

রঘুমল্ল ও খাণ্ডাধারী।

রঘুমল্ল। খাণ্ডাধারি, ব'স না—ব'স না, আজ ভারি
আমোদ।

খাণ্ডা। মহারাজ, ব'সবো কি—কি হ'লো দেখি; আজ
আপনি অত মদ খাচ্ছেন কেন? রাণা ম'লেই একটা গোল
উঠবে, মহারাজকেই সকলে সম্মেহ ক'রবে।

রঘুমল্ল। তাই তো বুদ্ধি ক'রে মদ খাচ্ছি, বিজরী এলেই
ছ'জনে ভেঁা হ'য়ে প'ড়ে থাকবো। তুই তো সব ঘাতক ঠিক
ক'রে রেখে দিয়েছিস? মুকুল চুকবে, আর ঘাড়ে এক ঘা—
বুকেছিস?

খাণ্ডা। তা বুকেছি—সব ঠিক আছে, তারা না পারে
—আমিই সারবো। আর ভয় কি, কোন্ বেটা কি বলে—
যখন ও তিন বেটা সর্দার ধরা প'ড়েছে, আর আমি কিছু
ভাবি নি।

রঘুমল্ল। আমি ভয় করি নি, রঘুমল্ল ভয় করে না;
তবে কি জানিস, কাজ কি একটা গোলযোগে; এদিকে আমি
বিজরীকে নিয়ে প'ড়ে আছি, তুই ফাঁকে থাকবি, কোন বেটা
কি বলে—সন্দ কর, মনে মনে রাখুক। আঃ বাপ্পারাওয়ার
সিংহাসনে ব'সবো, কি আমোদের দিন—কি আমোদের দিন!
—বিজরীকে পাব! মুখের গ্রাস পালিয়েছে,—শিখণ্ডীকে খুঁজে
পেলি নি? তা হ'লে বেটাকে ছাল খুলে ফেলে মারতুম।

খাণ্ডা। সে কোথায় দেশ ছেড়ে পালিয়েছে।

রঘুমল্ল। বেটা দাইয়ের ছেলে, দেখ দেখি রাজ-বিদ্রোহিতা

করে! মুণ্ডটা কেটে দাই-বেটাকে দেখাতে পারতুম! বেটা
বড় গুণ্ডমালার সঙ্গে ফুস ফুস করে, মুকুলকে আগলে আগলে
বেড়ায়! এখন বিজরী আসছে না কেন?

খাণ্ডা। মহারাজ, 'বিজরী বিজরী' ক'রছেন, আমার
বড় সন্দ হয়, এদিনের পর বেটা যখন আপনি চিঠি লিখে
ঘেড়িয়েছে, কি একটা মনে আছে।

রঘু। আর কি মনে আছে, রঘুদেব তো নেই; আর
বা মনে থাকুক—আমার চাই, ওকে পেয়ে মরি সেও স্বীকার।
খাণ্ডাধারি, তুই ভাবিস নে—তুই ভাবিস নে; তুই ভাবছিস
বিজরীর তোর ওপর রাগ—বাসিফুল কি স্ব'কবো রে, বাসি-
ফুল স্ব'কবো না। খাণ্ডাধারি, একটু খা না?

খাণ্ডা। না মহারাজ, আর খাব না—সতর্ক থাকতে হবে;
আমি চলেম—দেখি ঘাতকেরা কি ক'রছে। ক'দিন তো
ফাঁকে ফাঁকে কেটে গেল, বেটারা রোজ বলে আজ মারবো।
দেখুন দেখি, ভীল বেটারা কি বেইমান, আপনি তাদের কথা
বিশ্বাস ক'রে রাজমাতাকে মিষ্টান্ন বিলাতে দিলেন। আজ
তারা না পারে, আমি অমূল্য ঠিক ক'রছি।

[খাণ্ডাধারীর প্রস্থান।]

১০
রঘু। বাঃ—বাঃ, খুব মজা—খুব মজা! এরা সব কে,
এরা সব কে? ইস সব হাড় বেরিয়েছে—মরা সর্দারগুলো, মরা
সর্দারগুলো! জ্যান্ত হ'য়ে এস, তলওয়ার নিয়ে এস, কেমন
দেখ রঘুমল্ল ভয় পায়! দেখেছো ত—দেখেছো ত, যুদ্ধ ক'রে
দেখেছো ত—রঘুমল্ল বুড়ো হ'য়েছে, তলওয়ার চালাতে জানে!
স'রে যাও—স'রে যাও, আমি তোমাদের মারি নি, ঘাতকে
নেরেছে, তাদের কাছে যাও! দেখেছো বাবা, মদের
খেয়াল,—আর মদ নয়, খালি সিদ্ধি আর আফিট।
বিজরীর সঙ্গে আমোদ ক'রে মদ ছেড়ে দেবো। ইস, বুকটা
কাঁপছে—বুকটা কাঁপছে; কোথায় কে, মিছে মরা আবার
আসে! তবে নেরে স্তম্ভ? যা—যা—যা, তোরা মরা—ও!
যেন হাড় ঠক ঠক শুনতে পাচ্ছি, যেন চারিদিক রক্তে লাল
হ'য়ে গিয়েছে! বিজরী বেটা যে একলা থাকতে ব'লেছে,
—না, কারকে ডাকি। খাণ্ডাধারি, খাণ্ডাধারি! আচ্ছা
রঘুদেবকে তো একদিনও দেখতে পাই নে, এই বেটারই
দেখি—এই বেটারই দেখি!—যাঃ! সব মিলিয়ে গেল,
আর ভয় নাই—এ কি? এই বিজরী এসেছে—এই বিজরী
এসেছে!

এস প্রে
কেন? খোলা
তোমার যে চিঠি
টাকা দিতে চাই
পেয়েছে—গুণ্ড

বিজরী।

রঘু। আ

প্রাণ জুড়াও।

বিজরী।

রঘু। ছি

ব'লছো?

বিজরী।

তবে দেখ, এ

হাঃ হাঃ!

রঘু। কে তু

বিজরী। আমি, ত

ছায়া, প্রাণশূন্য

হা হা হা হা!

রঘুদেব পাশে

শূন্য প্রাণ শ্মশ

চিতানল জলে

এই দেখ, এই

নহে সে বিজরী

রঘু। ওই—ওই!

বিজরী। দেখে

স্বপ্নের বাসর, ত

সুগন্ধি-চন্দন, ত

প্রাণী অগণন,

মৃত্যু করে সখী

শোন্ শোন্ পে

তাল দেয় কালি

রঘু। ও কি—ওবি

বিজরী। ওই—ওই

শহুনি গৃধিনী, ত

হে—হে ধ্বনি ক

(বিজরীর প্রবেশ)

এস প্রেমসি, কাছে এস—চাঁদবদন ঢেকে রেখেছ কেন? খোল, অনেক দিন দেখি নি—একবার দেখি। তোমার যে চিঠি এনেছিল, সে বেটা ভারি মজবুত, এত টাকা দিতে চাইলেম, কিছুতেই ব'ললে না, তুমি কোথায়। পেয়েছ—গুপ্তঘারের চাবী পেয়েছ?

বিজরী। হঁ।

রণ। আর হঁ হাঁ কেন? মুখ খুলে ছটো কথা ক'য়ে প্রাণ ছুড়াও।

বিজরী। দেখবে, দেখবে—মুখ দেখবে—দেখ!

রণ। ছি প্রেমসি! তুমি রসিকা হ'য়ে এমন কথা ব'লছো?

বিজরী। হাঃ হাঃ হাঃ হাঃ! মুখ দেখবি—দেখ তবে দেখ, এই দেখ, আমার বাসর-সজ্জা দেখ, হাঃ হাঃ!

রণ। কে তুই—কে তুই?

বিজরী। আমি, আমি—বিজরী, বিজরী—বিজরীর

ছায়া, প্রাণশূন্য কায়া, ছায়া—ছায়া—ছায়া!

হা হা হা হা! শূন্য কায়া—হা হা, প্রাণ গেছে

রঘুদেব পাশে—রঘুদেব পাশে, হা হা,—

শূন্য প্রাণ আশান,—আশান ধক্ ধক্

চিতানল জলে, ধু—ধু—ধু—ধু জলে দেখ,

এই দেখ, এই দেখ,—বিজরী বিজরী—

নহে সে বিজরী—ছায়া, বিজরীর ছায়া!

রণ। ওই—ওই! দূর হ—দূর হ!

বিজরী। দেখ দেখ স্বথের বাসর-সজ্জা আজি—

স্বথের বাসর, অস্থি-পুষ্প-মালা, রক্ত-

সুগন্ধি-চন্দন, অপঘাতী শূন্য দেহী

প্রাণী অগণন, ওই দেখ—ওই দেখ

নৃত্য করে সখী মম, সখী ওই—ওই,

শোন্ শোন্ পেচক গায়ক, ঝিম্ ঝিম্

তাল দেয় কালনিশা তাথেই তাথেই!

রণ। ও কি—ও কি!

বিজরী। ওই—ওই ডাকিনী হাকিনী সঙ্গে শিবা

শকুনি গৃধিনী, আসে হা—হা হ—হ

হে—হে ধনি কল্যাণ-বচনে নর-মুণ্ড

কৌতুকে যৌতুক দিতে স্বথের বাসরে—

স্বথের বাসরে ঘোর মঙ্গল-আরাব!

রণ। এঁয়া—এঁয়া!

বিজরী। ওই—ওই, হে—হে গায় ছায়া-দেহী,

ছায়া-নৃত্য, ছায়ায় ছায়ায় কোলাকুলি,

কিলি কিলি ঘন ঘোর হলুধনি, ঘন

করতালি, নীরবে ভৈরব সমারোহ!

রণ। ও—হো!

(প্রস্থানোত্ত ও পতন)

বিজরী। হঃ হঃ হঃ হঃ! হাঃ হাঃ হাঃ হাঃ! হিঃ হিঃ হিঃ

হিঃ হিঃ! মুচ্ছা গেছে, মুচ্ছা গেছে—নরহত্যা ক'র্বো না,

রঘুদেব ঘৃণা ক'র্বো—রঘুদেব ঘৃণা ক'র্বো। এই যে, এই

পাগড়ী, বেঁধে রেখে যাই, হাঃ হাঃ হাঃ! তারা এসে মারবে,

আমি আর মারবো না—আমি আর মারবো না, বেঁধে রেখে

যাই—বেঁধে রেখে যাই, হাঃ হাঃ হাঃ হাঃ!

[বিজরীর প্রস্থান।]

রণ। স'রে যা—স'রে যা! আমি না, খাণ্ডাধারী।

ঘুরছে ঘুরছে, পেত্নী ঘুরছে, পেত্নী ঘুরছে;—ঘোরে, ঘোরে,

ঘোরে—ঘোরো! (অচেতন)

চতুর্থ পর্ভাঙ্ক

তোরণ-সম্মুখ

জনৈক সর্দার ও শিখণ্ডী।

সর্দার। কে তব সংবাদদাতা? দ্বিতীয় প্রহর

হইল অতীত, দেখ ত্রিযাম উদয়,

দেওয়ালি-উৎসব তাজি পুরবাসিগণ

ফিরিতেছে, রাজপথ জনশূন্য-প্রায়,

স্বরামত্ত ভ্রমে মাত্র ভীল-দাসগণ;

কোথা চণ্ড, মিছে কেন নিশি-জাগরণ—

আশায় প্রত্যয় আর কেন অকারণ—

বৃথা পরিশ্রম, বৃথা প্রজা-সংযোজন।

শিখণ্ডী। কিঞ্চিৎ অপেক্ষা আর কর মহাশয়

এখনো ফেরেনি রাণা দেখি কিবা হয়।

সর্দার। পূর্ণরাম?

(পূর্ণরামের প্রবেশ)

শিখণ্ডী ভট্টরাজ, জাগ্রত এখনো ?

সংবাদ কি আছে কিছু, আজি নিশাকালে ?
পূর্ণ। সাধ করে যে পরের বোঝা বয়, তারে অনেক
সইতে হয়,—বোঝা না কেন, রাজি জেগে ঘোরে রাতাময়।
যদি ফেলতে পারি মাথার ভার, বোঝা নিয়ে কি বেড়াই আর !
আজ রাতটে থাকি স'য়ে, ব'য়ে ব'য়ে চাঁদি গেছে খ'য়ে। প্যাচে
প'ড়েছি জোটে বাধিয়ে। ভাব্লেম এক, হ'লো আর—মনে
করেছিলেম, একটা স্ববাদ হ'লে চিত্তোরে রাঠোর মিলবে, তা
নয়, এখনি কিলোকিলি চ'লবে। দূর দূর, ভাটের বুদ্ধি কি
না—বরের খেয়ে ঝগড়া কেনা ! আ মর, রাজায় রাজায় মিল
হয় ! যা নয় তাই তোর ;—দেখলি বুদ্ধির ফেরে কত ঘোর ;
চিত্তোরে আজ ব'সলে রাণা, তবে ঘুচবে তোর প'ড়েন আর
টানা।

শিখণ্ডী। ভট্টের আভাস বোঝ, সংবাদ নিশ্চয়।

সর্দার। ওই বুকি কুমার ফিরিল, অপারোহী

আগে, পাছে সেনা কর জন, নহে রাণা—

নিবারে রক্ষকগণে,—ছাড়িল দুয়ার,

দেখ ভীল-দাসগণ, মত্ততা বর্জন

করি, শ্রেণীবদ্ধ স্থশিক্ষিত যোদ্ধাসম,

জনে জনে অস্ত্র রেখেছিল সংগোপনে !

পূর্ণ। কাজ কি আর কাণাকানি, হ'লো ব'লে হানাহানি,
প্রাণ নিয়ে টানাটানি, বুড়ো ভাট কোথায় যাবি। আ মর,
এইখানে থাকবি ? কাটাকাটি দেখবি ? আচ্ছা দেখে নে—
ঠেকে শিখে নে, আর কখন' পরের কথায় থাকিসু নে, হ'লে
রাণার জয়, নাকথত দিও ভট্ট মহাশয় !

(নেপথ্যে) জয়, রঘুদেবজী ! জয় রঘুদেবজী !

(নেপথ্যে) সাজ—সাজ, শক্র—শক্র !

(নেপথ্যে) জয় রঘুদেবজী ! জয় রঘুদেবজী !

শিখণ্ডী। চও—চও, আক্রমণ—আক্রমণ ! এস

হে চিত্তোরবাসি, চল আনন্দ-উৎসবে,

রাঠোরীয় বংশ ধ্বংস হবে মহাহবে।

[শিখণ্ডী ও সর্দারদের প্রস্থান।

(চওর প্রবেশ)

চও। ওই শক্র—ওই শক্র, কর আক্রমণ—

ক্রতপদে ক্রতপদে, পশ্চাৎ পশ্চাৎ—,
ক্রতপদে—ক্রতপদে—ধাও ক্রতপদে।

[চওর প্রস্থান।

(কাড়া বাজাইতে বাজাইতে ভীলগণের প্রবেশ)

গীত

ভীলগণ।—

দে হানা দে হানা, পড় পড় পড় ঝন্ঝনা।

[ভীলগণের প্রস্থান।

(নেপথ্যে) হা রঘুদেবজী ! হা রঘুদেবজী !

(শিখণ্ডীর প্রবেশ)

শিখণ্ডী। ওই ঘোর মেঘের গর্জন শুন রণে,

কেবা বাবে মহারঙ্গে, এস সঙ্গে মম ;

হায় রঘুদেবজী ! হায় রঘুদেবজী !

(সর্দার ও চিত্তোরের সেনাগণের প্রবেশ)

সর্দার। চল চল, ক্রতপদে শক্র করি নাশ।

[সর্দারের প্রস্থান।

সৈন্তগণ। জয় রঘুদেবজী ! জয় রঘুদেবজী !

[সৈন্তগণের প্রস্থান।

(নেপথ্যে) জয় রাঠোর ! জয় মারবার !

(বিজরীর প্রবেশ)

বিজরী। হাঃ হাঃ হাঃ হাঃ ! মহা সনারোহ, হাঃ হাঃ হাঃ হাঃ !

ভাট—ভাট, দেখ—দেখ, মহা সনারোহ !

(নেপথ্যে) জয় রঘুদেবজী ! জয় রঘুদেবজী !

বিজরী। ওই শুন মুহুমুহুঃ ঘোর সিংহনাদ,—

ওঠ জাগো হে চিত্তোরবাসি, অবসান

হুঃখ এতদিনে ; জাগো পীড়িত চিত্তোর,

দস্যদলে দল' পদতলে, ওঠো—জাগো—

হাঃ হাঃ হাঃ হাঃ !

(নেপথ্যে) জয় রঘুদেবজী ! জয় রঘুদেবজী !

(নেপথ্যে) জয় রাঠোর ! জয় রাঠোর !

(পূর্ণরামের গমনোচ্ছতা বিজরীর হস্ত ধারণ)

বিজরী। ছাড় ছাড়, কেন বার, উন্মাদিনী আসি,

দেখিব সংগ্রাম, ছাড়'—পশিব সমরে,

হেরিব শক্রর বক্ষ-শোণিত-নির্ঝ'র।

পূর্ণ। সাধে কি করি টানাটানি, হোক না কেন হানা

হানি, তুমি

ম'র না,

একলা নয়,

বিজরী

দেখবো—হ

পূর্ণ।

চলে না ; বি

বিজরী। আ

দুঃস্বয়—

নাহি হে

ঝাঁকে ঝাঁ

টলিছে স্ব

অসংখ্য অ

উঠে পড়ে

চারিদিকে

হেরি, শুন

অন্ধকার, প

কি হয় কি

(নেপথ্যে) জয়

পূর্ণ। চও কো

আঁকা পতাক

বিজরী। ওই ধ

ভাতে গর্ভভ

কারী, ওই চ

শক্র মাঝে মে

হেথা সেথা, ও

ওই চও, লও

ওই যমদও তু

প্রচও বিক্রমে

রণজয়—রণজয়,

(নেপথ্যে) জয় রঘু

পূর্ণ। এখন অ

কে কোথায়—রাঠোর

বিজরী। স্বদক্ষ অধ

উক্তনাদে, পুনঃ র

অসংখ্য অরাতি চ

হানি, তুমি এইখান থেকে দেখ না, ম'বুতে হয় শেষে কেন
ম'র না, দেখে নাও শেষটা কি হয়; হ'লে রাণার জয়, তুমি
একলা নয়, ম'বুতে কে করে ভয়?

বিজরী। ঠিক বলেছ,—ঠিক বলেছ, রণমন্ডের রক্ত
দেখবো—হাঃ হাঃ হাঃ হাঃ!

পূর্ণ। এই খানটার ওঠ না—আমি বুড়োমানুষ, চোখ
চলে না; কি দেখছো, আমায় বল' না!

বিজরী। অন্ধকার, বারিধারা সম করে তীর,
দুর্জয়—দুর্জয় অরি বারে আক্রমণ,
নাহি হেলে নাহি টলে পদ, অস্ত্র হানে
ঝাঁকে ঝাঁকে চপলা চমকে; গেল—গেল,
টলিছে স্বপক্ষ সেনা, অরি বলবান,
অসংখ্য অসংখ্য অরি করে আক্রমণ,
উঠে পড়ে পলে লক্ষ অসি। অরি—অরি,
চারিদিকে অরি অরি বিনা কিছু নাহি
হেরি, শুন বন্দুক-নিলাদ, ঘনধূমে
অন্ধকার, পক্ষশ্রেণী সম চলে গুলী,
কি হয় কি হয় রণে মজে বা সকলি।

(নেপথ্যে) জয় রাঠোরের জয়! জয় মারবারের জয়!

পূর্ণ। চও কোথায়—চও কোথায়? দৃষ্টি রাখ স্বর্ঘ্য
আঁকা পতাকায়।

বিজরী। ওই ধ্বজা—ওই ধ্বজা, ধূমকেতু সম
ভাতে গরুভরে, ওই অরাতি সংহার-
কারী, ওই চও—ওই ভীমবাহু, ওই
শত্রু মাঝে মেঘাচ্ছন্ন মধ্যাহ্ন-মার্ভও,
হেথা সেথা, ওই বামে দক্ষিণে সম্মুখে,—
ওই চও, লওভও করে দস্যুদল,
ওই যমদণ্ড তুলে ফেলে শতবার,
প্রচণ্ড বিক্রমে ছিন্ন ভিন্ন শত্রুচমু,
রণজয়—রণজয়, কি ভয়—কি ভয়!

(নেপথ্যে) জয় রঘুদেবজী, জয় রঘুদেবজী!

পূর্ণ। এখন আমোদ রাখ, ভাল ক'রে দেখ আসে পাশে
কে কোথায়—রাঠোর কি পালায় এক কথায়?

বিজরী। হৃদয় অধ্যক্ষবৃন্দ ফিরায় বাহিনী
উচ্চনাদে, পুনঃ রণ পুনঃ আক্রমণ,
অসংখ্য অরাতি চারিধারে, ক্ষুদ্র সেনা

দ্বীপসম সাগর মাঝারে, রিপু-অস্ত্র-
তরঙ্গ-বেষ্টিত,—অগণন অনীকিনী।

(নেপথ্যে) জয় রঘুদেবজী! জয় রঘুদেবজী!

(নেপথ্যে) জয় রাঠোর! জয় রাঠোর!

পূর্ণ। এই যে হেঁকে হেঁকে গেল, দেখ দেখি চিতোরের
দল কি হ'লো?

বিজরী। দ্রুতপদে চলে ওই দৃঢ় চতুর্দিক
শিখণ্ডী-চালিত, বায়ুবেগে পড়ে শত্রু-
পরে, মিশামিশি মহারণে, অন্ধকার—
দৃষ্টি নাহি চলে, মেঘাকারে ধূলারাশি,
তীক্ষ্ণ অসি ভল্লশির বিজলী বলকে,
নাহি শুনি সিংহনাদ, নীরব সমর,—
চারিধারে নরমুণ্ড করে, রক্তশ্রোত
শত শত চিত্রে শরাসন, ওই চও—
অরাতিহৃদন চালে ভল্ল বাহুকীর
ফণা, ফিরে মণ্ডল-আকারে ভীম অসি,
উচ্চসম ধায় মহাবীর, পড়ে পাছে
রাশি রাশি হস্ত পদ শির, আর্তনাদ
রণস্থলে,—জয় জয়! শত্রু ভদীয়ান!
পলায় পলায়—ধায় রড়ে পাছে নাহি
চায়, নারে নায়ক বাধিতে ভগ্ন-শ্রেণী।

(নেপথ্যে)। মার মার, ধর ধর, পালা পালা,
এল—এল—জয় রঘুদেবজী! জয় রঘুদেবজী!

পূর্ণ। চারিদিকে ধবু ধবু, ম'রবার এই অবসর।

বিজরী। হাঃ হাঃ হাঃ হাঃ! [উভয়ের প্রস্থান।

(কতকগুলি রাঠোর-সৈন্তের বেগে প্রবেশ
ও ব্যস্তভাবে পলায়ন)

(জর্নৈক রাঠোর-সেনানায়কের প্রবেশ)

রা-সেনানায়ক। ফের'—ফের', রাঠোরীয় সেনা, কয়জন
মাত্র অরি, দল' পদতলে; ফেরো—ফেরো,

ভুবনবিখ্যাত বীর্ঘ্য তোমা সবাকার,
ফেরো—ফেরো—নিভীক হৃদয়, রণজয়

এখনি হইবে, কয়জন মাত্র অরি।

কয়জন মাত্র অরি, দল পদতলে।

(নেপথ্যে সৈন্তগণ)। জয় রাঠোর! জয় রাঠোর!

[রাঠোর-সৈন্তগণের প্রত্যাবর্তন ও প্রস্থান।

(চণ্ডের প্রবেশ)

চণ্ড । এই দেখ ভয়-সৈন্ত দলবদ্ধ পুন
আক্রমিছে নেহার চিতোর সেনাগণে,—
দেহ রণ, বীরদর্পে কর আক্রমণ,—
ছিন্নভিন্ন হইবে এখনি, বৃক্ষপত্র
যথা ঘূর্ণবায়ু ; বজ্র সম পড়' শক্র
মাঝে, স্বল্প শ্রম—প্রতি জনে শত দহ্য
বধিতে হইবে, শত দহ্য মাত্র এক
বীরের বিরোধী ; শ্রোতে তূণ রহে কত-
ক্ষণ ? কর আক্রমণ—কর আক্রমণ,
সিংহের বিক্রম শিবা সয় কতক্ষণ !

(ভীলগণের কাড়া বাজাইতে বাজাইতে প্রবেশ)

ভীলগণ ।— (গীত)

দে হানা - দে হানা, পড় পড় পড় ঝন্ঝনা ।

[ভীলগণের প্রস্থান ।

(নেপথ্যে) চণ্ড—চণ্ড, পালা—পালা—পালা ।

(রাঠোর-সেনানায়কের প্রবেশ)

রাঠোর-সেনানায়ক ।—

ফেরো—ফেরো,—চণ্ড কিবা ভয় ? নহে তার
অভেদ্য শরীর, তোমা সম অস্ত্র বিদ্ধে
কায়, ফেরো - এখনি হইবে রণজয় ।

(রাঠোর-সৈন্তগণের প্রবেশ)

রা-সৈন্ত । পালা—পালা, আর রণজয়ে কাজ নেই,
রাজা কোথা—কার জন্তে লড়ি ?

(ভীলগণের প্রবেশ)

ভীলগণ ।— (গীত)

দে হানা দে হানা, পড় পড় পড় ঝন্ঝনা ।

[সকলের যুদ্ধ করিতে করিতে প্রস্থান ।

(চণ্ডের পুনঃ প্রবেশ)

চণ্ড । অস্ত্রহীন বিকলাঙ্গ বৃদ্ধ বা বালক
নাহি ক্ষমা—কর বধ, ক্ষত্র-ধর্ম নহে
দহ্য সনে, নাহি ক্ষমা,—বধ' যারে পাও ।
হা রঘুদেবজী ! হা রঘুদেবজী !

(কয়েকজন রাঠোরীয় আহত সৈনিকের প্রবেশ)

রা-সৈন্ত । ক্ষমা কর—ক্ষমা কর, অস্ত্র রাখি পায়,
ক্ষমা কর—ক্ষমা কর—মৃতপ্রায় মোরা ।

(সসৈন্তে শিখণ্ডীর পুনঃ প্রবেশ)

শিখণ্ডী । বধ—বধ, নাহি ক্ষমা, বধ' দহ্যগণে ।
হা রঘুদেবজী ! হা রঘুদেবজী !

[সকলের প্রস্থান ।

(কতকগুলি রাঠোরীয় বৃদ্ধ ও বালকগণের প্রবেশ)

বৃদ্ধ ও বালক । আমাদের মেরো না—আমাদের
মেরো না ।

[বৃদ্ধগণ ও বালকগণের প্রস্থান ।

(সর্দারের প্রবেশ)

সর্দার । বধ' বধ'—রাঠোরীয় বংশ কর নাশ ।

হা রঘুদেবজী ! হা রঘুদেবজী ! [প্রস্থান ।

(বিজরী ও খাণ্ডাধারীর প্রবেশ)

বিজরী । এই খাণ্ডাধারী - এই খাণ্ডাধারী ! বধ কর,
বধ কর ।

খাণ্ডাধারী । দোহাই বাবা ! দোহাই বাবা !

(ভীল-সর্দার ও তদীয় অমুচরগণের প্রবেশ)

ভীল-স । ধব্ব বটে, মাব্ব বটে, খাণ্ডাধারী ওই বটে ।

(জনৈক সর্দারের প্রবেশ)

সর্দার । পোড়াও অনলে, দগ্ধ কর পাপীষ্টেরে ।

হা রঘুদেবজী ! হা রঘুদেবজী !

[খাণ্ডাধারীকে লইয়া সকলের প্রস্থান ।

পঞ্চম গর্ভাঙ্ক

কক্ষ

রণমল্ল ।

রণমল্ল । আর পিরীত না—ছেড়ে দে, ছেড়ে দে ;
বেটার জাঁহাবেজে ভুজপাশ ! আঃ—বাধারাও মুকুলকে
কে মাব্বলে—মুকুলকে কে মাব্বলে ? প্রাণপ্রেরসি, একটু
মর, হাঁপ ছেড়ে বাঁচি । আমি না—আমি না, খাণ্ডাধারী—

থাগাধারী। ওই পেত্নী! ওই পেত্নী! পেত্নী! পেত্নী!
(নেপথ্যে)। এই দিকে—এই দিকে, জয় রঘুদেবজী!

রণমল্ল। কিসের গোলমাল—কিসের গোলমাল?
থাগাধারী, আমায় বেঁধেছে—আমায় বেঁধেছে; খুলে দে—খুলে
দে, আমি খুলতে পাচ্ছি নে,—খুলে দে, খুলে দে থাগাধারী!

(বিজরীর প্রবেশ)

বিজরী। এই নরাধম, বাঁধিয়াছি শয্যা সনে,—
বধ কর—বধ কর।

রণমল্ল। কি, বধ করবে?—এসো।—

(চতুর্দিক হইতে রণমল্লকে আক্রমণ)

(কতকগুলি রাতোর সৈন্তের প্রবেশ)

রাতোর-সৈন্ত। রাজাকে রক্ষা কর—রাজাকে রক্ষা কর।

(শিখণ্ডীর প্রবেশ)

(শিখণ্ডী কর্তৃক যুদ্ধে রাতোর-সৈন্তগণ হত)

রণমল্ল। আয়—আয়, কে তুই—শিখণ্ডী? একথানা
অয় দে, দেখ—বুড়ো বয়সে বাহুতে বল আছে কি, দেখ!

বিজরী। বধ'—বধ', শীঘ্র বধ পাপিষ্ঠ দুর্জনে।

রণমল্ল। কে তুই—বিজরী! তুই পেত্নী নয়—তুই পেত্নী
নয়, তবে আর তোরে ভয় কি? এই আমার হাতে ম'রে
পেত্নী হ।

(বিজরীকে আক্রমণ, শিখণ্ডীর বাধা দেওন,

উভয়ের যুদ্ধ, শিখণ্ডী, বিজরী ও রণমল্ল সকলেরই পতন)

দেখ, ক্ষত্রিয়কুলের কালি, ম'রুতে জানি কি না; চল চল—স্বর্গে
যাই, সেখানে ল'ড়বো। পেত্নী, কাছে আসিস্ নে—পেত্নী,
কাছে আসিস্ নে,—স্বর্গে যাই—স্বর্গে যাই।

(মৃত্যু)

(চণ্ডের প্রবেশ)

চণ্ড। এ কি—শিখণ্ডী!

শিখণ্ডী। দেখ—

বীরেন্দ্র, দিয়াছি দেহ রাণা প্রয়োজনে,

তুমি জ্যেষ্ঠ—শ্রেষ্ঠ, তব বাক্য শিরে রাখি।

ভাই—ভাই, ব'লো জননীরে, পড়িয়াছি

রাণাকার্যে শক্র-শব শয্যাপরে, আজ্ঞা

মত তাঁর। হত পূজ্য রঘুদেব, আমি

ধাকিতে চিত্তোরে; প্রায়শ্চিত্ত এই মম!

বিদায় এখন, রঘুদেব—রঘুদেব—
কোথা ভাই, দেখা দাও পরম সময়!

(মৃত্যু)

চণ্ড। বীরের বাঞ্ছিত শয্যা রচি নিজ করে

শুয়েছ হে মহাবাহু, অনন্ত-শয়নে;

হা শিখণ্ডী, হা হা ভাই, দোসর আমার;

অর্দ্ধঅঙ্গ বিনিময়ে জয়লাভ আজি;—

হা শিখণ্ডী, হা শিখণ্ডী, কোথা গেলি ভাই!

বিজরী। শোন চণ্ড, আমি তব কুলের কামিনী,

করিয়াছি রঘুদেবে মানসে বরণ,

রঘুদেব প্রাণপতি; কুমার-লীলায়

রমণীর অঙ্গ অস্পর্শীয়, তাই দাসী

এ জনমে বঞ্চিত সেবায় শ্রীচরণ,

তাই না পাইছ, ত্যজি অপবিত্র দেহ,

ধরি দিব্যকায় রাক্ষা পায় পাব স্থান

পুলকে পরমধামে; মম প্রেতক্রিয়া

কর' তুমি, অগ্নি দিও মুখে, এই ভিক্ষা

মৃত্যুকালে। কোথা রঘুদেব—দেখা দাও!

ওই রঘুদেব! ওই রঘুদেব, ওই—

(মৃত্যু)

চণ্ড। বীরঙ্গনা তুমি মাতা, পালিব বচন,

মৃত্যুকালে রঘুদেবে ক'রেছ স্মরণ,

দিব্যধামে যাও—রহ রঘুদেব সনে।

রণমল্ল, এই—এই সে নর-পিশাচ;

জীবনে কলঙ্ক তব, গোরব মরণে;—

কর গতি বীর-মৃত্যু করিয়াছে লাভ,

শবদেহ সবে মিলি লহ দাহ-স্থানে।

[সকলের প্রস্থান।

শ্রী পরভাষ্য

দুর্গ

(চণ্ডের প্রবেশ)

(তুর্ধ্যাধ্বনি ও সৈন্ত-সমাবেশ)

চণ্ড। হের—

জনশূণ্য প্রাচীরনিচয়, গর্কভরে

ফিরিত যথায়, দহ্য রাতোর-প্রহরী

রাঠোর গর্দিসে ; হের বৃহন্নে বৃহন্নে
যথা দস্তাদল রবিকরে প্রদর্শিত
অস্ত্রের ফলক, ধাইতেছে মহারোলে
ফেরুপাল শকুনি গৃধিনী ; অট্টালিকা-
শ্রেণী যথা—রাঠোর তরুর, আনন্দের
মহারোলে কাঁপাইত নিশা, শূণ্ড রব-
হীন এবে ; নিঃশব্দ-হৃদয়ে ভ্রম নিজ
পিতৃধামে, নিজ দুর্গ কর অধিকার ;
পাতি পাতি চিত্তের করহ অন্বেষণ,—
যথা পাও, বধ কর রাঠোর দুর্জন !
হা রঘুদেবজী ! হা রঘুদেবজী !

(সৈন্যগণের প্রবেশ)

সৈন্য । মারো—ধরো—পোড়াও—কাটো ।

[সকলের প্রস্থান ।

সপ্তম গর্ভাঙ্ক

সমাধি-মন্দির

গুণমালা, মুকুল ও কুশলা ।

গুণ । হলো বৃষ্টি রণ অবমান ; আশা ভয়ে
দোলায় অস্তুর, শব্দ স্তব্ধ,—নাহি শুনি
অস্ত-বনুনি, বারকণ্ঠে উত্তেজনা-
ধ্বনি, নাহি ঘন ঘোর সমর-গর্জন,
বীর-পদভরে ক্ষত অশ্ব-সকালনে
নহে আর কম্পিতা মেদিনী, ধূম সম
ধূলী-রাশি না হেরি গগনে, কি জানি লো
কি হলো সংগ্রামে ; স্বল্প মাত্র ভীল-সৈন্য
চণ্ডের সহায়, অগণন রাঠোরীয়
দুর্ধন্দ-কটক শক্রপক্ষ রণদক্ষ
সামন্ত-চালিত,—বুদ্ধ-বাক্তী কেহ নাহি
দিল সখি, বিগ্রহে কি বিপক্ষ প্রবল ?

কুশলা । মম মনে নাহি লয়, পরাজয়, যবে
রণনাদে চমকিল নীরব ত্রিধাম,
শুনিলাম রাঠোরীয় ঘোর সিংহনাদ
মৃহশৃংহঃ ঘোর রবে বাধিল আহব,
অস্ত্রে অস্ত্রে বনংকার মহা কোলাহল

গিরিশ-প্রস্থাবলী

শুনিছ সত্যে, ক্রমে উঠে আর্জন্যদ,
“জয় রঘুদেব” শব্দ ভেদিল গগন,
আত্মপক্ষ-সিংহনাদ ক্রমে উচ্চতর,—
পরে সেনাভঙ্গ-রোল, মহাগণ্ডগোল,
পুনঃ পুনঃ ‘জয় রঘুদেব’ বিপক্ষের
হাহাকার ধ্বনি,—রাজরাণি, রণজয়
হয়েছে নিশ্চয় ।

গুণ ।

কহ কল্যাণ-ভাষিণি,

তবে কেন কেহ নাহি আনে সমাচার ?
হ’তেছে আকুল মন প্রত্যয় না মানে,
দুর্জয় রাঠোরগণ অটল সংগ্রামে,
শঙ্কা নাহি ঘোচে লো সজনি ; নহে মম
কপাল তেমন, তাই কত ওঠে মনে,—
কে আসে লো কে আসে ও ? স্বপক্ষ কি অরি
বৃষ্টিতে না পারি, এস পলাই মুকুলে
ল’য়ে, যদি বিজয়ী স্বপক্ষ এই হয়,
কেন নাহি জয়োল্লাস—আসিছে নীরবে,
গোপনে আসিছে শক্র মুকুলে বধিবে ।

কুশলা । এস এস বৃক্ষ-আড়ে, বৃষ্টিতে না পারি ।

মুকুল । কোথা যাব ? কেন ভীকর মত পালাব ? দাদাজী
যুদ্ধে পড়ে থাকে, আমিও এইখানে অস্ত্র হাতে ক’র
ম’ব্বো । আমি ক্ষত্রিয়—ক্ষত্রিয়ের মত প্রাণ দেবো ।
মা—মা, দাদাজী, দাদাজী ।

(চণ্ডের প্রবেশ)

চণ্ড । বন্দি রাণা !—মাতা, তব রচন-প্রসাদে
হয়েছে সমর-জয় ; ধাত্রী-মাতা, মহা-
মূল্য ধন বিনিময়ে, পড়েছে সমরে
শক্র শবোপরে শূর সংগ্রাম-বিজয়ী—
শিখণ্ডী দোসর, আর নাহি পাব তারে,—
স্বর্গবাসী স্বর্গধামে—তাজিয়ে আমারে !
ধাত্রী । খেদ নাহি কর, বৎস, ধন্য পুত্র মম,
ধন্য আমি তারে গর্ভে ধ’রে ! রাজকাণ্ডে
সম্মুখ-সমরে দেছে প্রাণ, ক্ষত্র চায়
অধিক কি আর,—ধন্য নন্দন আমার !
গুণ । অতুলনা প্রভুভক্তি তব, পুরস্কার

নাহি এ ধরায়, ধন্য তুমি বীরমাতা,
স্বরপুরে বীররাঙ্গনা বিহরে যথায়,
দেববালাগণ তথা তব কীর্তি গায় !

মুকুল। দাদাজি, দাই-ভাইজী রণস্থলে কোথায় প'ড়ে আছে
দেখবো ?

চণ্ড। চল', রঘুদেবের পূজা ক'রে যাই।

(ভীলগণের প্রবেশ ও গীত)

হাঁড়িয়া পিহি মোরা হাঁড়িয়া পিহি,
চাঁদমুখী ভিলনী ঢালি দিহি —
হাঁড়িয়া ঢালি দিহি।

দিং ছাঃড়া দিং ছাঃড়া মাদল বোলে,
ঠুমকি নাচি অ্যাং ঝুমকি বোলে,
ধমকে ঠমকে ভিলনী চমকে,
অঁধি ঠারি মুকঁপি লিহি।

চণ্ড। উল্লাসের দিন এবে নহে বন্ধুগণ,
নাহিক বিরাম, যতদিন রাঠোরীয়-
বংশ ধ্বংস নাহি হয় ; মন্দর নগরে
ফিরে গেছে দস্যুদল আপন আলয় ;
আত্মীয়-সংকার-অস্ত্রে যাইব তথায়,
আজি নিশাকালে তথা আক্রমিব সবে,
নির্কংশ রাঠোর হ'লে শাস্তি লাভ তবে।

(পূর্ণরামের প্রবেশ)

কি ভট্টরাজ !

পূর্ণ। হয়েছে রণজয়, আমোদ পড়েছে চিতোরময়—
একবার দেখতে এলেম রাণায়। তার পর নিয়ে বিদায়,
বন্দাবন কি মথুরায়, ভট্টরাজ পায় পায়, আর কি ভেড়ের
ভেড়ে ভাট থাকে হেথায় !

চণ্ড। সে কি ভট্টরাজ, আগে রাঠোর নির্কংশ দেখে যাও !

পূর্ণ। ক'রুতে গেলেম আঁটা আঁটি, নারকেল নিয়ে
ভিরকুটা ; তার পর ব'য়ে রাজমাতার আর বিজরীর চিঠি,
বাধলো এই লটখটি ;—শেষ কাটাকাটিতে মিটলো। আবার
কি হ'তে কি হয়, বুড়ে ভাট আর কি রয়। যার চিতোর;
সেই পেলে, ঘোটাঘোট সব ঘ'টলো ; আর দেখতে সাধ নাই,
গুড়ি গুড়ি যাই, আমার পাপের প্রায়শ্চিত্ত ত' চাই,—নিয়ে

সন্ধ্যায়ের বালাই, এই পালাই। তবে—রাণা ব'সবে সিংহাসনে,
দেখে যাব সাধটা মনে, দাঁড়িয়ে আছি তাই।

(চিতোরবাসিগণের প্রবেশ)

চি-বাসী। জয় বীরচূড়ামণি চণ্ডজীর জয় !

চণ্ড। আমি রাজভৃত্য মাত্র, বল' রঘুদেবজীর জয় !

চি-বাসী। জয় রঘুদেবজীর জয় !

চণ্ড। বল রাণাজীর জয় !

চি-বাসী। জয় রাণাজীর জয় !

চণ্ড। হা রঘুদেব—ভাই ! আর কি তোমার চন্দ্রবদন
দেখতে পাব না—হা রঘুদেব ! হা রঘুদেব ! হা পবিত্র-
আত্মা ! হা পরম-পুরুষ ! অভাগা চণ্ডকে একবার দেখা দাও !

চি-বাসী। জয় রঘুদেবজীর জয় ! জয় রঘুদেবজীর জয় !
জয় রাণাজীর জয় !

চণ্ড। রঘুদেব, প্রাণাধিক—সমাধি তোমার !

হা ভাই—হা গুণনিধি—চণ্ডের জীবন !

চিরপ্রিয় শিখণ্ডী তোমার, নেছ সন্দে

তারে, রেখে গেলে অভাগারে, কোথা আছ

ভুলে, এস ভাই, হেরি চাঁদমুখ ভাই !

হা রঘুদেবজী ! হা রঘুদেবজী !

চি-বাসী। হা রঘুদেবজী ! হা রঘুদেবজী !

সকলে। রঘুদেবজীর জয়, জয় রঘুদেবজীর জয় !

জয় রাণাজীর জয় !

(সকলের সমাধি-মন্দিরের উপর পুষ্পবর্ষণ)

সকলে।

(গীত)

ঠেলে পায় ভুলে আছ কেমনে,—
হও হে উদয় হৃদয়শশী, অঁধার তোমা বিহনে।
রাখ পায় কিশোর সম্রাসী,
রাজ্য চরণ-স্থধা পিপাসী,
চাও হে চাঁও কাননবাসী, কাতরে নয়ন-কোণে।
এস হে কুমার ফুলহার,
কৃপাময় মুছাও নয়ন-ধার,
ব্যথার ব্যথিত তোমায় জেনে,
ভাই এসেছি কাননে।
জয় জয় পরম পুরুষ সনাতন
কাকন-গঞ্জন-কায় মদনমোহন।

রূপ-সনাতন

(প্রেম ও বৈরাগ্য-মূলক নাটক)

[৮ই জ্যৈষ্ঠ, ১২২৪ সাল, ষ্টার থিয়েটারে প্রথম অভিনীত]

নাট্যোল্লিখিত ব্যক্তিগণ।

পুরুষ।

| | | |
|--|-----|-------------------------|
| শ্রীচতুর্দেব। | ... | ... |
| সনাতন | ... | নবাবের উজীর। |
| রূপ | ... | সনাতনের ভ্রাতা। |
| বল্লভ | ... | ঐ |
| ঈশান | ... | সনাতনের ভৃত্য। |
| বুদ্ধিমন্ত | ... | গোড়ের জনৈক জমীদার। |
| জীবন চক্রবর্তী | ... | গোড়বাসী জনৈক ব্রাহ্মণ। |
| হোসেন সা | ... | গোড়ের নবাব। |
| রামদিন | ... | কারাধ্যক্ষ। |
| নসির খাঁ | ... | কারারক্ষক। |
| শ্রীকান্ত | ... | সনাতনের ভগিনীপতি। |
| চৌবে বালক, দহুয়, অম্বুপম, চন্দ্রশেখর, চৌকিদার, চোপদার, সহিস, পাইকদ্বয়, বৈষ্ণবগণ, ওমরাওগণ, প্রহরীগণ, ইত্যাদি। | | |

স্ত্রী।

| | | |
|--------|-----|-----------------|
| অলকা | ... | সনাতনের স্ত্রী। |
| করুণা | ... | রূপের স্ত্রী। |
| বিশাখা | ... | বল্লভের স্ত্রী। |

চৌবে-রমণী, নারীগণ, প্রতিবাসিনীগণ ইত্যাদি।

প্রথম অঙ্ক

—:—

প্রথম গর্তাঙ্ক

ভাগীরথী-তীর।

(জীবনের অন্তরালে অবস্থান ও সনাতনের প্রবেশ)

সনা। কে আমার ডাকছে? কে আমার টানছে? আমি স্থির হ'তে পাচ্ছি না কেন? কে আমার ডাকছে? প্রভু, প্রভু, অধম ভৃত্যকে কি এতদিনে স্মরণ করেছেন? ঐ ডাকে—ঐ ডাকে! কে ডাকছে? আমি ত কিছুই বুঝতে পারি নি;—আমার অন্তরে কে আগুন জ্বলে দিলে? ডাকছে—নিশ্চয় ডাকছে, এ ভ্রম নয়;—অতি মধুর স্বরে ডাকছে! পতিতপাবনী জাহবি! তুমি নানা দেশ ভ্রমণ করে আসছ—আমার প্রভু কি আমার ডাকছেন? মা প্রেমময়ি! আমার প্রেমপূর্ণ কর, আমার হরি-পাদপদ্মে মতি দাও। মা গদে! আমার বৈরাগ্য দাও—বৈরাগ্য দাও—বৈরাগ্য দাও। মা, তোমার তটের রেণু অঙ্গে মাখছি—আশীর্বাদ কর—বৃন্দাবনের রজে যেন এইরূপ লুপ্তিত হই।

(ঈশানের প্রবেশ)

ঈশান। প্রভু, একবার বাড়ী চলুন; সমস্ত দিন অনাহারী—মা-ঠাকরুণ ডাকছেন।

সনা। ঈশান, ঈশান, ওই শোন্—আমায় ডাকছেন ;
ওই শোন্, অতি স্তমধুর স্বর—প্রভু আমায় ডাকছেন ; আমি
যাব—আমার প্রভুর কাছে যাব ; আর বাসা-বাড়ীতে
থাকব না ; শোন্ রে, শোন্—শ্রীগোরাঙ্গ আমায় ডাকছেন,
শোন্।

ঈশান। প্রভু, সন্ধ্যা হ'ল, একবার বাড়ী চলুন ; আজ
নবাবের লোক অন্ততঃ দশবার আপনাকে ডাকতে এসেছে।

সনা। হা গোরাঙ্গ ! দাসের পায়ে শৃঙ্খল বেঁধে রেখে-
ছেন ; রাজকার্য্য—সংসারকার্য্য আমি কাকে দিয়ে যাব ?
রূপ আমায় দিয়ে নিশ্চিন্ত হ'য়েছে, বল্লভ ফাঁকি দিয়েছে,
তার মাপু,—প্রভু, তাদের রূপা ক'রেছেন। আমি এ বিপুল
তার কাকে দিয়ে নিশ্চিন্ত হব ? ওই যে—ওই যে আবার প্রভু
ডাকছেন ! আমি আজই নবাবের কাছে বিদায় হয়ে যাব।

[উভয়ের প্রস্থান।

(জীবনচক্রবর্তীর প্রবেশ)

জীবন। ব্রহ্মশাপ হাড়ে হাড়ে ফ'লেছে। ফ'লবে না ?
ঈশাওদেব কি নাই ?—আঙুল ম'টকে গাল দিয়েছি—নিশ্চয়
বেটা পাগল হ'য়েছে। তা না হ'লে ধূল'র উপর গুড়াগড়ি
দেবে কেন ? এইবার, বেটা নেড়ের পুষ্টিপুত্র সাকর মল্লিক—
এইবার তোমার উজীরি কে করে ?

(বুদ্ধিমন্তর প্রবেশ)

বুদ্ধি। কে হে, চক্রবর্তী না কি ?

জীবন। বুদ্ধিমন্ত খুড়ো, নেড়ে শালা পাগল হ'য়েছে।

বুদ্ধি। আরে, নেড়ে কে হে ?

জীবন। ওই যে, ঐ বামুনের ঘরের হারাম-খোর।

বুদ্ধি। বটে বটে, মল্লিক সাহেব ? দেখলুম বটে—গাময়
পুলো মাথা, ঐ চাকরটা ধ'রে নিয়ে যাচ্ছে ;—যেন মাতালের
বতন চ'লেছে।

জীবন। খুড়ো, সে মজা যদি দেখতে ! খানিক বুক
গাপড়ালে—খানিক আকাশ পানে চেয়ে রইল—খানিক
গুই গুই—ঐ কল্লো—যেন ভূতে পেয়েছে !

বুদ্ধি। এই ? ও বৈষ্ণবী চং তুমি জান না, বেটাদের
পেটে পেটে হারামের ছুরি ! তোমার সেই বাড়ীটুকুর কি
হ'ল ?

জীবন। আর কি হবে ? খুড়ো, তুমি ঠিক ব'লেছ ;

সতি—বেটাদের পেটে হারামের ছুরি ! ভাবলেন—রূপটা
সব ত্যাগ ক'রে গেছে, সে যদি কিছু ব'লে ক'য়ে দেয়—রাজি
ছেড়ে গিয়ে বৃন্দাবনে ধ'বুলেন।

বুদ্ধি। তার পর ?

জীবন। তার পর আর কি ? একখানা খোলানকুচিতে
ইকড়ি মিকড়ি চাম্ চিকড়ি লিখে দিলে।

বুদ্ধি। আঃ ছ্যা ! তুমি যেমন বোকা, আমার কাছে
আসতে হয়।

জীবন। পাড়ায় ত সকলের কাছেই গিয়েছিলুম।

বুদ্ধি। আমার কাছে এলে হুই ধমকে সোজা ক'রে
দিতেন। আর এই উজীরি কার দৌলতে, তা ত তুমি জান ?
ঐ হোসেন সা বেটা আমার সেরেস্তায় চাকর ছিল ; ওর কাবা
খুলে দেখ গে—আজও কোড়ার দাগ আছে।

জীবন। বলি, আমি যে খং লিখে দিয়ে টাকা ধার
ক'রেছি।

বুদ্ধি। বলি কত টাকা ?

জীবন। ছ' হাজার ; তা খুড়ো, বামুনের ছেলে—বিপদে
প'ড়ে না হয় নিয়েই ছিলেম ; এই রোজ তাগাদা ! আমি,
বাপু, একদিন রাগের চোটে গালি-গালাজ করেছিলেম—মিথ্যা
ব'লব না ; এই বেটা বলে কি—'বাড়ীটুকু আমায় লিখে
দাও',—উনি অন্তরমহল বাড়াবেন ; ও বেটা উচ্ছন্ন যাবে—
কাথাসার হবে—বেটার ভিক্ষা জুটবে না।

বুদ্ধি। ও গালি-গালাজের কৰ্ম্ম নয় ; এক কাজ ক'রতে
পার ?

জীবন। কি ক'রব, বলুন ; খংখানা না চুরি ক'রতে
পাল্লো ত হবে না।

বুদ্ধি। আরে, বুদ্ধি থাকলে সকলই হয় ; আমি যা বলি
তা পারবে ?

জীবন। কি বলুন, আমি পারব।

বুদ্ধি। পারবে ?

জীবন। হ' ; বাড়ীখানি যদি থাকে, আমাকে যা ক'রতে
ব'লবেন, পারব।

বুদ্ধি। দেখ, পারবে ত ?

জীবন। আজ্ঞে হ্যা—পারব।

বুদ্ধি। এই গদ্যর তীরে ব'লে ?

জীবন। আজ্ঞে, যা বললেন, তার নড় হবে না।

বুদ্ধি। আমায় বাড়ীখানা লিখে দাও; আমি বাড়ী খালাস ক'রে খংসমেত পাটাসমেত ফিরিয়ে দেব।

জীবন। বাড়ী লিখে দেব ?

বুদ্ধি। হ্যাঁ হ্যাঁ; তুমি কি ওর সঙ্গে হুজুতে পারবে ? দেখ, তা তুমি ভেবো না,—তোমার খুড়ো তেমন নয়; আমি খুলি-কাথা নিইনি বটে, ভগামো নেই বটে, কিন্তু আমি নির্লিপ্ত সংসারী।

জীবন। খুড়ো, লেখাপড়ায় কাজ নেই, কি ক'রতে হবে, বল; আমি হুজুত টুজুত সব পারবো।

বুদ্ধি। হাঁ হাঁ, তোমার অবিশ্বাস হ'চ্ছে—অবিশ্বাস হ'চ্ছে; তা তুমি লিখে দাও আর না দাও, আমার মনের ভাব তুমি শোন,—আমি যে সংসারে আছি, সে কেবল দুর্জনের দমনের নিমিত্ত; আর, লোককে শিক্ষা দেওয়া যে, সংসার-ধর্মের অপেক্ষা আর ধর্ম নাই; শ্রীকৃষ্ণ যেমন নির্লিপ্ত-ভাবে সংসার ক'রেছিলেন, আমারও সেইরূপ, দুর্জন দমন—শিষ্টের পালন—এই আমার কাজ। তোমার ওটুকু লিখে নিতে চাচ্ছিলেম কেন জান ? আমার তালুকের মাল গুজারির সময়, ওদের সঙ্গে লাগতে গেলে অর্থব্যয় চাই; তোমায় ত কেউ আর কর্ত্ত দেবে না, আমি এটুকু বাধা রেখে টাকা নিয়ে ল'ড়'তেম—তোমার জন্তে গাঁটের পয়সা বার ক'রে কি ক'রে কি করি বল ? চলতি তহবিল থাকত ত দিতেম।

জীবন। আর বুঝেছি খুড়ো, নাও, হাত কেটে খং লিখে দিয়েছি, মামলা-মকদ্দমা ক'রে কি ক'রব ?

বুদ্ধি। আরে, আমি কি তোমায় মামলা ক'রতে ব'লছি—না যবনের কাছারিতে যাই ? সরকার লোকজন আছে, কাজ-কর্ম করে,—এর উপায় ছিল; তুমি ত কথা শুনলে না।

জীবন। উপায় আমার মাথা আর মুঁ ?

বুদ্ধি। তবে ব'লব ?

জীবন। আর কি ব'লবে ?

বুদ্ধি। বলি শোন; ওরা সমন্বয় ক'রবে;—মোছলমান্ অপবাদ আছে কি না;—বাড়ী বাড়ী ঘুরে, টাকা-কড়ি দিয়ে ত এক রকম ঠিক ক'রেছে—এই কাজটি ভুল ক'রতে হবে।

জীবন। কি ক'রে কাজ ভুল ক'রব ?

বুদ্ধি। সব তোমায় শিখিয়ে দেব; ব্যাপারখানা কি জান, রূপোর স্ত্রী নষ্ট হ'য়েছে।

জীবন। এঁ্যা! বল কি খুড়ো ?

বুদ্ধি। তুমি কথাটা রটিয়েই দেখ না; সত্য মিথ্যা জানতে পারবে।

জীবন। খুড়ো, তুমি ত বেশ লোক! নবাবকে ব'লে আমার গর্দানা নিগু।

বুদ্ধি। আগেই ত আমি ব'লেছি—তোমার কর্ম নয়।

জীবন। মিছে কথা কি ক'রে রটাই ?

বুদ্ধি। বলি, দেখতে চাও, না, শুনতে চাও ?

জীবন। তুমি যদি দেখাতে পার, তুমি যা ব'লবে, আমি তা ক'রব।

বুদ্ধি। আমার সঙ্গে এস; যখন থিড়'কি দোর দিয়ে বেরোবে, আমি ধরিয়ে দেব।

[উভয়ের প্রস্থান।

দ্বিতীয় গর্ভাঙ্ক

সনাতনের বাটী—অন্তঃপুরস্থ কক্ষ

অলকা, করুণা ও বিশাখা।

অলকা। ছোট বো এলি কেন ? মেজবোকে একটা কথা ব'লব।

করুণা। ও থাকলেই বা, কি ব'লবে, বলনা ?

অলকা। না ভাই, ও ছেলেমানুষ, ওর শুনে কাছ নেই।

করুণা। এখন না শোনে, আমি ওকে সব কথা ব'লব; কি ব'লবে বল না ?

অলকা। আচ্ছা, ভাই, তুমি কি পাগল হ'য়েছ ?

করুণা। পাগল হইনি দিদি—পাগল ক'রেছে।

অলকা। ছি, তোমার এ কি পাগলাম ? তুমি কুল কালি দিতে ব'সেছ ?

করুণা। কুল ত দেখি নি দিদি, যে কুলে কালি দেব; আমি অকুলে ভাসছি।

অলকা। তুমি অত অধীর হ'চ্ছ কেন ? স্বামী বিদেশে যায়, বিবাগী হ'য়ে যায়, যার বাড়ী নাই—যমকে দিতে হয়; তাল মানুষের মেয়ে তাতে কি করে ? ঘরে ব'সে কাঁদে, আর

ইষ্ট দেবতাকে ডাকে।

করুণা। আর, স্বামী যাকে নুতন স্বামী দিয়ে যায় ?

অলকা। দেখ ভাই, আমি মার মতন; শাস্ত্রী নাই, আমরা যদি বেচাল হই, কে স্ননীতি শেখাবে বল? তা নয়, তোমার এ কি কাজ? তুমি রাতজু'পুরে পান খেয়ে গয়না-গাঠি প'রে বাড়ীর বাইরে বেরিয়ে যাবে, লোকে টের পেলে যে মুখ দেখাবার যো থাকবে না।

করণা। তুমি লোকের কথা শুনতে বল, না স্বামীর কথা শুনতে বল?

অলকা। তোমার স্বামী কি তোমায় ব'লে গেছেন যে, তুমি এমনি ক'রে বেড়িয়ে বেড়াও?

করণা। তাই ত ব'লছিলাম; তুমি ত শুনলে না। আমার স্বামী আমাকে নুতন স্বামী দেখিয়ে দিয়ে গিয়েছেন।

অলকা। ভাই, তোমায় মিনতি করি, তোমার পায়ে ধরি, দুই ভাইয়ের শোকে তোমার ভাসুর যেন কাঁটা হ'য়ে র'য়েছে; তার উপর লোকে যদি ঘুণাফরে কোন কথা কাণে তোলে, তা হ'লে আর প্রাণ রাখবে না।

করণা। তিনি জানেন, আমার স্বামীর আজ্ঞা আছে। তোমার কথা আমি কাল শুনব'; আজ দেরি হ'য়ে যাচ্ছে, আমি চ'ল্লম।

অলকা। রাত্তিরে তুমি কোথায় চ'ল্লো?

(করণা ও বিশাখার গীত)

নানা ছাঁদে প্রাণ বাধে,
নাচে তাখেই তাখেইয়া ব'ধুয়া,
কিবা মধুর মঞ্জীর বাজিছে।
শুন'রুণু ঝুণু রুণু, গুণু গুণু গুণু,
অমরা শত গাজিছে, অঝলা-মন মজিছে।
কট বোলে, মরি! হেলে হলে চলে,
গোরা ভাবের টোরে পড়' চ'লে,
রাখা রাখা ব'লে গোরা নয়ন-জলে ভিজিছে;
দামিনী ঘন রাজিছে।

অলকা। ছোট-বৌ—ছোট-বৌ, তুইও কি হ'লি?

বিশাখা। আমিও আমার মনের মতন পুরুষ পেয়েছি।

অলকা। গহনা-গাঠি প'রে বাহার দিননে যে?

বিশাখা। আজ আমায় সে সন্ন্যাসিনী সাজ'তে ব'লেছে।

অলকা। এ কি?

বিশাখা। কি—কি?

অলকা। তোমাদের কি ঘুণা নেই, ভয় নেই, লজ্জা নেই?

করণা। ঘুণা লজ্জা ভয়, তিন থাকতে নয়।

অলকা। তোমাদের হেঁয়ালি আমি কিছু বুঝতে পারি নে; তোমাদের যা ইচ্ছা তাই কর; আমি কর্তাকে ব'লে বাপের বাড়ী চ'লে যাই। দেখলেই দোষী হ'তে হবে।

করণা। দিদি, রাগ ক'র না;—তোমায় কি ব'লব—তোমায় বল্লই কি তুমি বুঝতে পারবে? কিন্তু তুমি মনে স্থির-বিশ্বাস রেখো যে, আমি এক বই আর দুই জানি না।

অলকা। তবে তুমি যাও কোথা?

করণা। তাঁর কাছে।

অলকা। শুনেছি—তোমার স্বামী ত বন্দাবনে; তিনি কি কোথায় লুকিয়ে আছেন?

করণা। আমার স্বামী সর্ব্বত্র,—আমি চ'ল্লম, আর থাকতে পারিনি।

অলকা। ছোট-বৌ, তুইও চল্লি?

বিশাখা। আমিও থাকতে পারি নি; প্রাণ কেমন করে। [করণা ও বিশাখার প্রস্থান।

অলকা। এ কেবল নষ্ট মেয়ের ভিবুকুটা। কর্তাকে ত আর না ব'লে নয়।

(ঈশানের প্রবেশ)

ঈশান। মা-ঠাকুরণ! কর্তার যে রকম ভাব দেখছি—উনি যে আর ঘরবাসী হন, এমন ত বোধ হয় না; গন্ধার তীরে ধূলয় প'ড়ে গড়াগড়ি, আর "গোরাঙ্গ" "গোরাঙ্গ" ব'লে চীংকার! আমি তুলিয়ে ভালিয়ে বাড়ী আনছিলাম—তার উপরে আবার সর্ব্বনাশ!

অলকা। কি? কি? হায়! গোরাঙ্গ কি আমাদের সর্ব্বনাশ ক'রতে এসেছিলেন? প্রভু, শুনেছি, তুমি দয়াময়, —তা আমাদের কেন সন্ন্যাসিনী ক'রতে ব'সেছ?

ঈশান। মেজ-মা, ছোট-মা আর কতকগুলো মেয়ে সব গান গাইতে গাইতে এক দিকে চ'লে যাচ্ছে, উনিও তাঁদের পেছ পেছ চ'ল্লেন; আমি সঙ্গে বাচ্ছিলম, এমনি ধমক দিলেন যে, আর যেতে সাহস হ'ল না; ভাবছি,

মা, রাগের চোটে যদি একটা খুন-খারাপি করে
বসেন।

অলকা। ঈশান, তুই বাবা লুকিয়ে—পেছু পেছু যা;
কোন রকমে বাড়ীতে ফিরিয়ে নিয়ে আয়।

ঈশান। ও গো, তার যো নাই; তিনি আর এখন
সহজ নাহয় নাই, একবারে উন্নত; তবে আমি যাই,
দেপি—যদি আনতে পারি।

[ঈশানের প্রস্থান।

অলকা। আমার অদৃষ্টে কি আছে, তা জানি না;
গৌরাদ্র, অবলার অপরাধ মার্জনা কর; প্রভু! অবলার
ভয় ভঞ্জন কর,—প্রভু! অনাথনাথ! অনাথিনীকে পদে
ঠেলনা। একি! ছবিখানা ছুঁছে কেন? ও মা! গৌরাদ্র
যে হান্ধে। আমিও পাগল হব না কি? ও মা!
চোখ ঠারে কেন গো? আমার গা যে জুলি মেরে উঠছে,—
আমি এ ঘরে থাকব না, বাপু।

[প্রস্থান।

তৃতীয় পর্ভাক্ষ

দেবালয়

করুণা।

করুণা। ও লো, ক'নে সাজান হ'ল?

(বিশাখা ও প্রতিবাসিনীগণের প্রবেশ)

দেখ্ দেখ্, বর বড়, না ক'নে বড়?

(সনাতনের প্রবেশ)

সনা। (স্বগত) এ কি! দেবদানারা মিলে গৌরাদ্রের
বিবাহ দিচ্ছেন না কি?

করুণা। ও লো, বাসর ক'রে ব'স; কথা না কয়—
খুব কাণ ম'লে দিবি।

বিশাখা। না না না—কথা না কয়, না কবে,—সোণার
গায়ে ব্যথা লাগবে। বলি, ও বর, ক'নে পছন্দ হ'য়েছে?

২য় স্ত্রী। হ'য়েছে লো, হ'য়েছে; ঐ দেখ্—হেসে
হেসে ঘাড় নাড়ছে।

৩য় স্ত্রী। বলি, তোর বর মনে ধ'রেছে?

৪র্থ স্ত্রী। ইস! যোমটার ভেতর হাসি আর ধরে না।

(সকলের গীত)

নয়নে নয়নে হানে,

হাসি চাঁকবনে ধরে না আর।

তনু জর জর, হিয়া ধর ধর,

কে পারে হারে দেখ'ব এবার।

মধুর সমর নেহাবি রঙ্গ,

অনঙ্গ-রঙ্গ পুলকে ভঙ্গ।

রণে রুদ্র-মাঝারে, বাজে তারে তারে,

বারে বারে বাবে আপন পাশেরে সমরে,

কিশোরী কিশোর সমরে দোষর,

কেহ নাহি আঁটে করে;

ঘন ঘন প্রেম-বরিষণে,

বহে প্রেমের ধারা অঙ্গে দৌহার।

১ম স্ত্রী। ও লো! চল, সমস্ত রাত আর জাগিদনি।

২য় স্ত্রী। চল যাই;—বর-ক'নে শুইয়ে যাই।

৩য় স্ত্রী। ওলো! চল লো চল,—ভোর হ'য়েছে

—এখনি পূজারি বামুন আসবে।

[সনাতন ব্যতীত সকলের প্রস্থান।

সনা। এরাই ধন্য! যে গৌরাদ্রকে নিয়ে সংসার,
তারই যথার্থ সংসার। প্রভু! আমি আর কত দিন
কর্মভোগ ক'বুব? আর আমি কার জন্তে চিন্তা করি?
বধুমাতারা পরম-বৈষ্ণবী, আমার পরিবার—এ বৈষ্ণব সবে
তারও হরি-ভক্তি হবে।

(অপর দিকে বল্লভের প্রবেশ)

এ কে, বল্লভ না কি? বল্লভ! বল্লভ! আমার প্রাণ-
বল্লভ গৌরাদ্র কেমন আছেন?

(কোলাহুলি)

বল্লভ। আমি তাঁরই কাছ থেকে আসছি; রূপ গোষ্ঠাবনী
আর আমি সেই ব্রহ্মার ছলভ পদকমলে গিয়ে প্রণাম
ক'বুলেন। আহা, কি করুণা! প্রভু আমাদের আদি-
দ্বন্দ্ব ক'বুলেন, মধুর-ভাবে জিজ্ঞাসা ক'বুলেন, “আমার
সনাতন কেমন আছেন?” বৈষ্ণবরাজ, তোমার ভাগ্যের
সীমা নাই; পকানন বারে ধ্যানে পায় না—তিনি তোমার
সংবাদ জিজ্ঞাসা ক'বুলেন।

সনা। ওরে বল্লভ! আমি যে ঘোর পাপপঙ্কে পতিত,

আমি যে বিধরী। আমি কি শ্রীগৌরাদ্রের পাদপদ্ম আবার

দর্শন পাব?

বল্লভ। প্রভু! আপনি গৌরান্দ-অহরাসী; পদ্ম-পত্রে যেমন জল লিপ্ত হয় না, সেইরূপ বিষয়-বাসনা আপনাকে লিপ্ত ক'রতে পারে না; কেন না, আপনি গৌরান্দ্রের প্রিয়পাত্র।

সনা। ওরে, কেন—কেন আর আমার বৃথা আশা দিস? রূপ কি ক'রছে?

বল্লভ। তিনি অতুল বৈভব গৌরান্দ্রের পাদপদ্মধ্যানে নিযুক্ত আছেন।

সনা। আর দেখ, আমি পানর, দিব্যরাত্রি বিষয়-চিন্তায় যাপন ক'রছি; তোমরা সাধু, বিষয়-বাসনায় জলাঞ্জলি দিয়েছ; আমার কর্মভোগ কে নিবারণ ক'রবে?

বল্লভ। সাধুস্তম! ক্ষুধ হবেন না; সময়ে বৃক্ষ ফল-বতী হয়; আপনি গৌরান্দ্রের শ্রীচরণ সার ক'রেছেন। মহাসংসারে গৌরান্দ্র-ভক্তের ভয় নাই; মহামায়া ঈশ্বর শ্রীচরণ পূজা করে, তাঁর ভক্তের কি মায়া-বোর থাকে?

সনা। ই্যা রে! যদি বিষয়ে ভয় নাই, তবে তুই কেন ছেঁড়া কাঁথা সার ক'রেছিস?

বল্লভ। হায়! সে নবীন সন্ন্যাসীকে দেখে—সে কোপীন-ধারী গৌরান্দ্রকে দেখে, কার প্রাণ স্থির থাকে? আহা! গৌরান্দ্র যখন মস্তক মুড়িয়ে কাঁথা নিয়েছেন, তখন কোন প্রাণে আর অন্য বস্ত্রে দেহ আচ্ছাদন ক'রবে?

সনা। বল্লভ! আমিও কাল কস্থা-গ্রহণ ক'রুব; এ পরিচ্ছন্ন আমার অঙ্গে ফুটছে। সোণার গৌর কস্থাচ্ছাদিত—আমি রাজ-অলঙ্কার-ভূষিত! বল্লভ, কি করি, নবাবের সমস্ত ভার যে আমার উপর, তাঁর চারিদিকে শত্রু প্রবল;—আশ্রয়-দাতার বিপদ্ দেখেই বা কি ক'রে যাই? বল্লভ, আমার উপায় বল,—আমি কেমন ক'রে কস্থাধারী হব?

বল্লভ। প্রভু, উৎকণ্ঠিত হবেন না; শ্রীগৌরান্দ্রই উপায় ক'রবেন।

সনা। আঃ! নবাব আমার ইচ্ছায় ত্যাগ করেন—তা হলে এ ভব-যন্ত্রণা এড়াই। ইয়ারে! তুই ত এলি—রূপ কি আমার মনে করে?

বল্লভ। গোস্বামীই আমাকে আপনার কাছে পাঠিয়ে দিলেন। তাঁর মিনতি এই—তাঁর এখন' বিষয়-অভিমান আছে, সেই ভক্তিপথের কণ্টক সমস্ত সম্পত্তি যেন দীন লোককে দান করা হয়।

সনা। বল্লভ, তাঁর অভিলাষমতই হবে; লক্ষ ব্রাহ্মণ-ভোজনের আয়োজন করেছি; কলাই তাঁর সমস্ত সম্পত্তি বিতরণ ক'রে দেব। আয় বল্লভ, ঘরে আয়।

বল্লভ। প্রভু, অপরাধ মার্জনা করুন, তরুতল ভিন্ন ত আমার অপর গৃহ নাই; আপনি গৃহে যান—আমি আমার আশ্রমে যাই।

সনা। ই্যা রে, আমি অটালিকায়—আর তোরা তরুতলে?

বল্লভ। শ্রীগৌরান্দ্র যে তরুতলে তা কি তুমি জান না?

সনা। তবে আর আমি গৃহে যাব না।

বল্লভ। যখন গৌরান্দ্রের ইচ্ছা হবে, তখন গৃহে থাকতে পারবেন না; বলের প্রয়োজন নাই—শ্রোতের তৃণ হউন; গৌরান্দ্র যখন আকর্ষণ ক'রবেন, তখন সঙ্কল্প-বিকল্প-রহিত হবে; ঘরে যাব কি না যাব, এ কথা থাকবে না;—ভাসিয়ে নিয়ে যাবে—উদ্বিগ্ন হবেন না।

(বল্লভের গীত)

যখন আসবে তুফান ভাসিয়ে নে যাবে।
সে যে অকুলপাথর নাইক সঁতার,
কুল কিনারা কে পাবে?
আগে ধীর তরঙ্গ বয়,
তাঁতে হেলে হলে খেলে আশা ভয়,
হয় কি না হয়, কত হর উদয়,—
ক্রমে জোর ব'য়ে যায় হ'কুল ভাসায়,
টানের টানে কে রবে?
বৃষ্ণতে নারি প্রেম-তরঙ্গ চলে কি ভাবে।

দ্বিতীয় অঙ্ক

—:—

প্রথম গর্ভাঙ্ক

রাজপথ

বুদ্ধিমন্ত ও বলভ।

বুদ্ধি। বলি, তুই গাছতলায় শুয়ে কাটালি, আমার একবার ব'লতে হয়—আমি ঘরে নিয়ে যেতাম।

বলভ। দাসের এই স্থান।

বুদ্ধি। বলি, তোকে কি তাড়িয়ে তুড়িয়ে দিয়েছে—কি কিছু ঝগড়া-ঝাঁটি ক'রে গিয়েছিল? ছেলে বয়সে এ সব কি? কেন চ'লে গেলি ব'ল দেখি?

বলভ। প্রভু ডাকলেন, নফর কি আর থাকতে পারে?

বুদ্ধি। বলি, কি কথাটা বল না, তোর বকুরা টকুরা দিতে চায় নি না কি? তা আমার ব'ল না—তোর বাপের যা যা ছিল, আমি সব জানি; এক অন্ন ছিলি—ফাঁকি দিলে ত আর চ'লে না।

বলভ। হা গৌরাদ! হা করুণাময়! এ বুদ্ধকে রূপা কর; তোমার রূপা ভিন্ন ঘোর পঙ্ক হ'তে এ উঠতে পারবে না।

বুদ্ধি। বলি চ'লে যে?

বলভ। আজ্ঞে, আমি প্রভুকে ছেড়ে এসেছি, আর থাকতে পারি না।

বুদ্ধি। হাঁ, বুঝেছি, তোমার বৈরাগ্য হ'য়েছে; তা চ'লে যাচ্ছ কেন? শোন না,—আমার একটি উপকার কর, ভাই!

বলভ। আমার কি শক্তি? গৌরাদকে ডাকুন—তিনি পদাশ্রয় দেবেন।

বুদ্ধি। হ্যাঁ দেখ, তুমি আমার গৌরাদ; তুমি রূপা ক'রলেই মনোরথ সকল হয়। আর কিছু নয়—এই সাদা কাগজখানায় একটা সই ক'রে দিয়ে যাও।

বলভ। আমি ভিখারী, আমি কি সই ক'রব?

বুদ্ধি। দেখ, সেই ত তুমি সব ছেড়ে ছুড়ে যাচ্ছ—আমি বুড়ো মাছ কিছুর পাই, এতে আর তোমার আপত্তি কি? বলভ। আপনি সনাতন প্রভুকে জানান, তিনি আপনার দুঃখ মোচন ক'রবেন।

বুদ্ধি। তোমাদেরই ভালর জন্ত ব'লছিলাম; সনাতনের বাড়ী কেউ থাকে না, তা জান? তোমাদের আশ্পদী ত কম নয়; আমি এই আজ থেকে বেকলুম, রূপোর স্ত্রী আর তোমার স্ত্রী যদি ঐ বাড়ীতে থাকে—তা হ'লে কেউ পা ধোবে না; রাক্তিরে বাহার দিয়ে বেকন' হয়—তা কি আমরা জানি নে? বলভ। হা প্রভু! এ বুদ্ধ মোহ-অন্ধ;—একে জ্ঞানদৃষ্টি দিন।

বুদ্ধি। ব্যাটার সব ডাকাবুকে, মনে ক'রেছে—টাকার চোটে সব ক'রে নেবে। চক্রবর্তীটে কি ক'রবে? উত্তরপাড়ার বামুনগুলো কি ক'রবে? ঐ না আসছে? আ ম'ল! সনাতনের চাকর ব্যাটার সঙ্গে কি ষড়যন্ত্র ক'রেছে না কি? না—তা নয়; বোধ করি, এই গোলযোগ শুনে সনাতন ভয় পেয়েছে! এই চাকর ব্যাটা বুঝিয়ে ছ'কথা ব'লবে। আমি শীগ্গির হুচ্চি নি—একখানা তালুক না পেলে মেটাচ্ছি নি; একটু আড়ালে দাঁড়িয়ে দেখি, কি করে।

(অন্তরালে অবস্থান)

(ঈশান ও জীবনের প্রবেশ)

জীবন। বাবা ঈশান, আমি কিছুই জানি না; ওই বুড়ো বুদ্ধিমন্ত আমার সব শিখিয়ে দিয়েছে।

ঈশান। তোর আমি ভিটে মাটি চাটি ক'রব—তবে আমার নাম ঈশান।

জীবন। বাবা, আমি ব্রাহ্মণ, আমার কোন অপরাধ নাই।

ঈশান। তোর সাত পুরুষ বামুন না,—তুই মা-ঠাকুরপদের নিন্দা করিস?

জীবন। দোহাই বাবা! বুড়ো বুদ্ধিমন্ত আমার শিখিয়ে দিয়েছে, আমি দাঁতে কুটো ক'চ্ছি, নাকে খং দিচ্ছি; বুড়ো এখানে ছিল—তোমায় দেখে কোথা পালাল'।

● বুদ্ধি। (অন্তরাল হইতে) গতিক বড় ভাল নয়—আমি সটুকাই! যে দস্যি চাকর—একটা অপমান ক'রে কেনবে!

জীবন। বাবা ঈশান, ঐ বুড়ো ব্যাটা পালাচ্ছে।

ঈশান। দাঁড়া বুড়ো, তোর মুখে আমি আঙন জেলে দেব।
(সনাতনের প্রবেশ)

সনা। কি রে ঈশান, কি গোল ক'চ্ছিস্ ?

ঈশান। আজ্ঞে, এই চক্রবর্তী বামুন—আর এই বুড়ো
বুদ্ধিমত্ত, ঘরে ঘরে মা-ঠাকুরগণদের বদনাম ক'রে বেড়াচ্ছে।

জীবন। না বাবা, দোহাই বাবা, রূপ গৌসাই আমার
জানে বাবা,—আমি তেমন লোক নয় বাবা ! এই দেখ বাবা,
রূপ গৌসাই আমার লিখে দিয়েছে, বাবা !

সনা। ঈশান, ছেড়ে দে।

জীবন। (স্বগত) এইবারে সটকাই।

[পলায়ন।

সনা। ও ঠাকুর, দাঁড়াও—দাঁড়াও।

জীবন। আর দাঁড়ায়।

[জীবনের প্রশ্নান।

সনা। (পত্রপাঠ)

যত্নপতে: ক গতা মথুরাপুরী

রঘুপতে: ক গতৌত্তরকোশলা।

ইতি বিচিত্ত্য কুরু স্বমনস্থিরং;

ন সদিদং জগদিত্যবধারয় ॥

তাই রূপ, তুমি আমার গুরু ! সত্য, যত্নপতির মথুরাপুরীই
বা কোথায়—শ্রীরামচন্দ্রের কোশল রাজ্যই বা কোথায় ?

সকলই জানি, তবু আমার এ বিষয়ে আসক্তি—যেন কোন
কালে ছেড়ে যেতে হবে না। বলভকে ভিখারী দেখলেম,

তবু এসে অট্টালিকায় শয়ন কল্লেম। রূপ তরুতলে—আমি
রাজপুরে; প্রভু আমার সন্ন্যাসী—আমি উজীর-পদে মত্ত !

আমার উপায় কি হবে ? কবে আমি এ আসক্তি হ'তে
মুক্ত হব ? নবাব ত আমার ত্যাগ ক'রবেন না,—আমি

পলায়ন ক'রব। দেখ ঈশান, আমি চল্লেম; দাওয়ানকে
বলিস্—যার যা খং আছে, ছিঁড়ে ফেলে দেয়। তুই গিন্নীকে

দেখিস্ আর তাকে বলিস্—যৎসামান্য ভরণপোষণের জন্ত
রুখে সব দান করেন; আর তুই আমার এই নামাক্তিত
মোহর নে।

ঈশান। প্রভু, আপনি কোথায় যাবেন ? আমি আপনার
চলপ ছাড়ব না।

সনা। না না, তুই ঘরে যা;—গিন্নী ভারি অস্থির
হবে। আমার অভিভাবক কেউ নাই—তুই সকলের
রক্ষণাবেক্ষণ ক'রবি।

ঈশান। প্রভু, আমি আপনাকে জানি, আর কারকে
জানি না।

(তুই জন ওমরাওয়ার প্রবেশ)

ওমরাওয়ার। উজীর সাহেব, আদাব।

সনা। আদাব।

১ম-ও। জাঁহাপনা আপনার বাড়ীতে তস্মরিপ নিয়ে-
ছিলেন।

সনা। হাঁ, জাঁহাপনা।

১ম-ও। আপনার শরীর অস্থস্থ শুনে তিনি আপনাকে
দেখতে এসেছিলেন; কিন্তু আপনাকে না দেখতে পেয়ে
বিরক্ত হ'য়ে ফিরে গেছেন; আপনাকে নিয়ে যেতে বান্দার
প্রতি আদেশ আছে।

সনা। মিজা সাহেব, সতাই আমি মশ্বপীড়িত; কেবল
বায়ু-সেবনের নিমিত্ত একবার বেরিয়ে এসেছি; আমি হজুরে
হাজির হ'তে অক্ষম।

১ম-ও। উজীর সাহেব, গোস্তাকি মাফ হয়, নবাবের
আজ্ঞা লঙ্ঘন হবে না, আপনি অস্থগ্রহ ক'রে আসুন; নচেৎ
বড় কঠিন আজ্ঞা আছে; নফরদের আর অপরাধী ক'রবেন
না।

সনা। নবাব কি আমার ধ'রে নিয়ে যেতে ব'লেছেন ?

১ম-ও। আজ্ঞে, ছোট মুখে বড় কথা সাজে না—নবাবের
জোর তলব।

সনা। তবে চলুন।

১ম-ও। হাতী প্রস্তুত আছে, আসুন।

সনা। ঈশান, যা; বাড়ীতে বলিস্—হয়ত আর আমার
সঙ্গে দেখা হবে না।

[উভয়ের প্রশ্নান।

ঈশান। প্রভুও যেখানে, নফরও সেইখানে; নবাব
সরকারের খপর না নিলে প্রাণ স্থির হবে না; আমি ঘোড়া
চ'ড়ে পেছু যাই।

(জীবনকে লইয়া চৌকিদারের প্রবেশ)

চৌকি। হজুর, আপনি এই বামুনকে খুঁজেছিলেন না ?
ও দৌড়ে পালাচ্ছিল, আমি ধ'রে এনেছি।

ঈশান। ছেড়ে দাও। ঠাকুর, দাওয়ানের কাছে এস, তোমার খং ফিরিয়ে দেব।

[ঈশানের প্রস্থান।

চৌকি। যাও, ঠাকুর, বেঁচে গেলে।

[চৌকিদারের প্রস্থান।

জীবন। খানসামা ব্যাটার কড়কানি আর এই ত চৌকিদারের রন্ধা! আবার বাড়ী পুরে গন্ধানা নেবে—তাই তুলিয়ে ডাকচে। খতে কার নাই বাপ, নাকে খং! আমি সটকাই। টাকাই সব; বামুনের ছেলে—খামকা বেইজ্জত করলে! মাগের মুখে ছাই, বাড়ীর মুখে ছাই, যদি টাকা হয়—ত দেশে ফিরব, নইলে এই এক কাপড়ে বেরুলেম। ভাল কথা, বিখেরের কাছে ধরা দিয়ে যক্ষাকাল ভাল হ'চ্ছে—আমি সেইখানে গে হত্যা দিচ্ছি। টাকা পাই—ভাল, নইলে অনাহারে প্রাণ ত্যাগ করব।

[প্রস্থান।

দ্বিতীয় গর্তাঙ্ক

নবাবের দরবার

বুদ্ধিমস্ত, হকিম, নবাব, ওমরাও ইত্যাদি।

বুদ্ধি। জাঁহাপনা, ব্যামো-স্যামো সব মিছে। সত্য মিথ্যা—এই হকিম সাহেবকে জিজ্ঞাসা করুন।

হকিম। তোমরাই ত ভালমানুষকে বরবাদ দিতে ব'সেছ, যেমার নয় সচ, কিন্তু মনে ভারি রক্ত হ'য়েছে, তোমরা জাত মারতে চাও।

নবাব। কি, কি, কি হ'য়েছে?

হকিম। হজুর, বান্দা ওয়াকিব হ'লো যে, এই বুদ্ধিমস্ত বামুন ঠাকুর, হজুরে উজীরি করে ব'লে, উজীর সাহেবের জাত মারবার চেষ্টা করছে।

বুদ্ধি। হকিম সাহেব, আমার উপর মিথ্যা অপবাদ দিও না। ওর বৌ-ঝি সব বেরিয়ে যাচ্ছে—তাই দশ জনে একঘরে ক'চ্ছে, তা আমি কি করব?

হকিম। শুনিবে জনাব।

নবাব। তোমার বি জাত গিয়েছে, (মুখে জল দিয়া) এই থুক তোমার মুখে লাগল।

বুদ্ধি। নারায়ণ! নারায়ণ!

নবাব। তুমি জান, সনাতন হামারা লেড়কা হায়?—কৈ হায় রে—সহরমে এসকো লেকে টেটরা দেও “এসকা জাত গিয়া”। তুমি বড় লোক ছিলে, তাই তোমায় বহুত মাপ ক'রেছি।

[বুদ্ধিমস্তকে লইয়া জনৈক লোকের প্রস্থান।

(সনাতনের প্রবেশ)

মল্লিক, তোমার বড় দুষমনকে আজ জঙ্গ কিয়া;—বুদ্ধিমস্তকে মুখমে থুক দিয়া গিয়া—তুমি রক্ত ক'রে ঘ'রে ব'সে আছ, আমায় বল'নি? যে তোমার বাড়ী না থাকে, তার মুখে আমি গরুর টেংরি দেব।

সনা। জনাব, এ সর্কনাশ কেন ক'রলেন? গোলামের জন্ত আপনার অকলঙ্ক নামে কেন কলঙ্ক দিলেন?

নবাব। মল্লিক, তুমি আমার লেড়কা;—তোমার যে দুষমন, হামার সে দুষমন; তোমার ভাই ফকিরী নিয়েছে—আমার বুকে চোট লেগেছে।

সনা। জাঁহাপনা, আমার শত্রু আমার দেহে।

যড়পু সতত প্রবল,

সদা করে বল—

অস্তুর চকল দারুণ পীড়নে যার!

ইন্দ্ৰিয়-লালসা

হৃদিমাক্ষে করিয়াছে বাসা;—

দুরাশায় নিয়ত নাচায়।

ধরিয়াছি মানব-জীবন—

পণ্ডসম নিয়ত ভ্রমণ!

নিদ্রা, ভয়, আহার, মৈথুন,

এই মাত্র ক্রিয়া মম,—

পরমায়ু গত ক্ষণে ক্ষণ,

পাছে পাছে ফিরিছে শমন,

ভ্রাস্ত মন ভ্রমেও না ভাবে তাহা।

স্থখ-চিন্তা নূতন কল্পনা,

সাগর-তরঙ্গ সম উঠিছে বাসনা,

যেন কড় যেতে নাহি হবে,

ভঙ্গুর এ দেহ যেন চিরদিন রবে।

সেই মত উত্তেজনা প্রতিদিন;

শত্রু মম নাহিক বাহিরে,—

দুষ্ট অরি হৃদয়ে বিহরে।

বিবেক, বরাগ্য ভয়ে পলায়েছে দূরে,
অন্ধকারে করি বাস ;

ছলশত্রু হরিপদে করেছে বঞ্চিত ।

নবাব । হকিম, দেওয়ানা—হ'য়েছে—তুমি দাওয়াই দাও ।

হকিম । জনাব, হিন্দুলোককে বিচনে কি হাওয়া আয়া—
গোরা গোরা বোলকে বহত আদুনি এম্ মাফিক্ দেওয়ানা
হোতা ।

নবাব । মল্লিক, তুমি কি রূপের মত ফকিরী
নিবে ?

সনা । ধর্ম্মাবতার, আমার কি সে দিন হবে ?—

বৃন্দাবনে গদগদপ্রেমে

যমুনা-পুলিনে লুটাইব প্রাণ ভরে ?

গোরা বলে বাছ তুলে আনন্দে নাচিব,

কুঞ্জে কুঞ্জে কাঁদিয়া ফিরিব,

রাধারাণী চরণে দিবেন স্থান ?

দুরন্ত বিষয়-জ্বালা তুলি—

সাদু-সঙ্গে মনোরঞ্জে কেলি,

বনমালি-পদাঙ্কু ধ্যান,—

শূণ্য বাহুজ্ঞান—

রাধা-কৃষ্ণ হৃদয়ে হেরিব ?

গোলকের অধিকারী হব' নরদেহে ?

নবাব । মল্লিক, 'এ সব ফকিরী মতলব তুমি ছাড়,
কাজ-কর্ম্মে মন দাও । তোমার ভাই চ'লে গেল—তুমি কাম
ক'ব্বে না—আমি কি কুতাকে উজ্জীরি দেব ? আমি জান্লে
রূপকে ছেড়ে দিতেম না । আমি মনিব—আমার বাৎ শুন'বে
না, এতে শুনা হয়—জান ? যাও—উড়িষ্যার কাগজ-পত্র
দেখ ;—হাম্ জানতা, হ'য়া লড়াই হোগা ।

সনা । জাঁহাপনা,

অপার সাগরমাঝে ভাসে যেই জন,

কর্ম্মকম সে কেমনে হবে ?

যোগ্য জনে দেহ ভার ।

দিবানিশি বাতুলের প্রায়

ফিরিতেছি প্রাণশূণ্যকায় ;

মতি ধায় গৌরান্দের পদে !

গলগ্রহ রেখো না ভূপাল !

শীঘ্র দূর করহ জঞ্জাল ;

মৃত জনে কার্য্যে নাহি অধিকার ;—

জীবমৃত হইয়াছি গৌরান্দ-বিহনে ।

নবাব । কি, তুমি কাজ ক'ব্বে না ?

সনা । গোলাম—শক্তিহীন—

নবাব । দেখ, হ'সিয়ার হ'য়ে কথা কও ; আমি তোমায়
স্নেহ করি, অনেক মাপ ক'রেছি ।

সনা । পুত্র-সম নরনাথ, ক'রেছ পালন ;
তোমার রূপায়

ধন-মান-সম্মম-ভাজন আমি ;

কুবের-বাস্তিত ধন ক'রেছ অর্পণ—

উচ্চ জন নতশির হেরিয়া আমারে ;

হইয়াছি পাৎসার প্রসাদ-ভাজন—

মূলাধার আশ্রিত পালক তুমি ।

কিন্তু হায় ! ওহে নরস্বামী,

ভব ভয়ে ব্যাকুল হৃদয় ।

আসিতেছে চরম সময়—

সে হৃদ্দিনে কে দেবে আশ্রয় দীনে ?

দিন গেল—ঐহিক ফুরাল,

ভ্রমে সাথে কৃতান্তের চর,

ল'য়ে যাবে কৃতান্ত-নগর ;

ধন, মান কিছু নাহি হবে সাথী ;—

তাই, অগতির গতি গৌরান্দের পদে

শরণ লইতে সাধ ।

ভীত জনে মার্জ্জনা করিয়া

দেহ শীঘ্র বিদায় ভূপাল !

নবাব । তুমি ফকিরী নিবে ?

সনা । জাঁহাপনা বিদায় দিলে আমি সেই ফকিররাজের
আশ্রয় নেব ।

নবাব । আর যদি বিদায় না দিই ?

সনা । আমার প্রাণ গৌরান্দের পাদপদ্মে গিয়েছে ;

শবদেহ ল'য়ে জাঁহাপনার ফল কি ?

নবাব । ফল কি ত্বরন্ত জানতে পারবে ; কারাগারে

তোমার ফকিরী ছুটবে । কি কাকের, নবাবকে জানিস্ নি ?

বার বার কথা ঠেল্লি ? কৈ হ্যায়রে ?—এস্কো গারদমে লে

যাও ।

[সনাতনকে লইয়া জনৈক প্রহরীর প্রস্থান ।

হকিম, উস্কা মগজ বিগড় গিয়া, তুদ্বির করো।
হকিম। যো হকুম খামিন্।

তৃতীয় গর্ভাঙ্ক

রাজ-পথ

বুদ্ধিমন্ত ও দুইজন পাইক।

বুদ্ধি। বাস্—এখন' ছাড়লে না, আর' ঘোরাবে ?

১ম পাইক। ক্যা, আবি তোমরা হয় নাই ?

বুদ্ধি। আর হয় নাই কেন, সেই থুক দেওয়াতেই হয়
হয় হ'য়েছে; আজ কি জোর বরাং—নবাবের অধর-স্থাপান,
ডকা বাজিয়ে সহর ভ্রমণ; বুদ্ধিমন্ত কি চূড়ান্ত বুদ্ধিই
খাটিয়েছ—নারায়ণ নারায়ণ! আর নারায়ণ কেন, এখন
তোবা তাল্লা।

১ম পাইক। উজীর কা সাং লাগ্নে হোতা বেকুব।

বুদ্ধি। বলি লাগ্নে হোতা নাই ত এমন হোতা খামকা।

২য় পাইক। আচ্ছা ভাই, তোমকো হাম ডাঙা-উঙা

নাহি লাগায়, তোম্ ত হামকো কুচ নাহি দিয়া।

বুদ্ধি। দেখ খা সাহেব, তুমি মনের ক্ষোভ রেখো না;

দুই এক যা ডাঙা-উঙা দিয়ে যাও।

১ম পাইক। আচ্ছা, যাও দাদা; দোসরা দকে দেখা বাগা।

বুদ্ধি। দকা রফা ক'রে ছেড়ে দিয়েছ, আবার দোসরা
দকা!

২য় পাইক। কেয়া ?

১ম পাইক। আরে চল; এসে হড়বড় কাহে করো ?

[পাইকদ্বয়ের প্রস্থান।

বুদ্ধি। এখন খা সাহেবের কোথায় গমন ? যমের বাড়ীও
ভাল—কিন্তু দেশে আর না; কাশীতে গে একটা ব্যবস্থা নিয়ে
একটা প্রায়শ্চিত্ত ক'রব; পথের সম্বল ত কিছু নাই—বাড়ী
গিয়ে কালামুখ আর দেখাব না—ভিক্ষায় যা হয়; উঃ!
আমার কি সর্কনাশ হ'ল, এই বুদ্ধ-বয়সে জাত খোয়ালাম;
ম'লে মুখে আঙন দেবে না, ভগবান, আমার পাপের দণ্ড কি
হয় নি ? দেখি তোমার মনে আর কি আছে। ওঃ! বাজারে
বাজারে ঘুরে ত আর চলশক্তি নাই; এই খানে একটু
বিজ্ঞাম করি।

(সন্ন্যাসিনীবেশে বিশাখার দণ্ড-কমণ্ডলু-হস্তে প্রবেশ)

বিশাখা। এই তরুতলে আমার প্রাণনাথ শয়ন ক'রে
ছিলেন। তরু, তুমি ধনু,—তোমার তলায় ব'সে আমিও ধনু!
আহা, তরু, তুমি আমার প্রাণকান্তের মূর্তি অঙ্কিত ক'রে
রাখ নি ? তোমার তলায় যখন সে নবীন সন্ন্যাসী শয়ন
ক'রেছিল, তুমি শিশিরছলে কত রোদন ক'রেছ; আমি এখন
কাদি! তরু, তোমার সে আনন্দ-অশ্রু-আমার এ নিরাশ-
বারি; আমি যদি তরু হ'তাম, আমি যতন ক'রে তাঁর
ছবিখানি এঁকে রাখতাম; তরু, তুমি ভাল কর নি—সে
প্রতিমূর্তিখানি এঁকে রাখ নি; তুমি অনেক দেখেছ—অমন
মূর্তি কি আর কখনও দেখতে পেয়েছ ? আহা! তরু,
তোমার আশ্রয়ে প্রাণকান্ত এসেছিলেন। তোমায় আলিঙ্গন
ক'রে তাপিত প্রাণ শীতল করি।

বুদ্ধি। আ মলো! ওটা কে ? গাছটা নিয়ে জড়াডড়ি
ক'চ্ছে কেন ? বুঝেছি—ব্যাটা না বেটা বৈরাগী, ওরা অমন
করে; এই যে ধূলায় গড়াগড়ি দিয়েছে। আ মলো, মাটি
মাখে কেন ?

(করুণার প্রবেশ)

করুণা। দেখ দিদি, তোমার বেশ দেখে আমি বেশ
ক'রতে শিখেছি; এই আমাদের উপযুক্ত বেশ; শুধু হাতের
বালা খুলতে পারি নি, বালা খুলতে যে প্রাণ কেঁদে উঠল।

বিশাখা। দিদি, আমাদের কাঁদবারই দিন।

করুণা। কেন, বালাই, কাঁদব কেন ? গোরচাঁদ যে
আমাদের; সোণার গোরচাঁদ যে আমাদের ভালবাসেন; আর,
আয়, কাঁদিস্ নি, আনন্দের দিনে আয় আনন্দ করি, গোর-
চাঁদকে নিয়ে আনন্দ করি।

(করুণা ও বিশাখার গীত)

ভালবাসি সে ভালবাসে,

তবে কাঁদবো কেন বল না ?

হেসে হেসে ডাকলে আসে, করে না সে ছলনা।

ওলো, মনের মতন রতন গোরচাঁদ,

আমার মাথের নিধি নিরবধি

পুরায় মনের মাথ;

হেরে গোরসোণা যায় বাসনা—

দেখবে তরা চলনা।

নাই ত মানা আয় না ওলো, অন্যথ ললনা!

বুদ্ধি। (স্বগত) গৌরাঙ্গ কে? এ যে আবালবৃদ্ধ-
বনিতা এর জন্ত উন্নত! গৌরাঙ্গ কি আমার একটা উপায়
ক'বতে পারে না? না—আগে কাশীতে গিয়ে ব্যবস্থা নি;
সেখানে বড় বড় পণ্ডিত আছে, এদের একবার গৌরাঙ্গের কথা
জিজ্ঞাসা করি। (প্রকাশে) বলি হাঁ গা বাবা সকল, না, মা
সকল, তোমরা কি?—আমি কিছুই ঠাওর পাচ্ছি নি; বলি
বাবা হও, বাছা হও, ব'লতে পার—গৌরাঙ্গ হ'তে মুসলমান
হিন্দু হয়?

করুণা। পরেশমণি ছুঁলে লোহা সোণা হয়, গৌরাঙ্গ-দর-
শনে জীব—দেবতা হয়।

বুদ্ধি। বলি—বাবা না বাছা,—মুসলমান কি হিন্দু হয়?
করুণা। গৌরাঙ্গ-চরণ যে ক'রেছে সার,

তার কোথা আর মনের বিকার?

ঘুচে অভিমান—সকলি সমান—

ব্রহ্মপদ তার হয় তুচ্ছ জ্ঞান;

নির্কিঁকার মন সেই শ্রীচরণ—

দিবানিশি ধ্যানে রহে নিমগন;

ভব-ভয়-ভঙ্গ, সদা রস-রঙ্গ—

উথলে সদাই প্রেমের তরঙ্গ;

সে রাজীবপদে যেই রাখে আশ,

জীবন মরণে গোলোকে নিবাস।

গৌরাঙ্গ-চরণ নেছে যে শরণ,

তাঁর পদে যেন সদা থাকে মন।

বুদ্ধি। বুঝেছি বাছা, বুঝেছি,—গৌরাঙ্গের কৰ্ম নয়।

করুণা। ঠাকুর, তোমার কি হ'য়েছে?

বুদ্ধি। যা হবার, তা হ'য়েছে বাছা, তা তোমাদের ব'লে
কি হবে?

করুণা। তোমার বাই হোক,—গোহত্যা, নরহত্যা, নারী-
হত্যা, যে পাপ ক'রে থাক,—গৌরাঙ্গের শরণাগত হও; তুমি
নিপাপ হবে।

বুদ্ধি। বলি বাছা, জাত আর ফিরবে না? বিস্তর তপ-
স্কার ব্রাহ্মণ হয়; বিশ্বামিত্রের মতন তপস্কা ক'রতে পাল্লোও
ত নয়;—তিনি ত আর মুসলমান ছিলেন না, ক্ষত্রিয়
ছিলেন। এখন তোমার গৌরাঙ্গের ইচ্ছায় কিছু পথের সখল
পেলে হয়; তা হ'লেই আমি কাশী চ'লে যাই।

করুণা। ঠাকুর, দেখ, গৌরাঙ্গের ইচ্ছায় পথের সখল হয়
কি না? (অলঙ্কার দান)

বুদ্ধি। (স্বগত) ইস! নবাব বেটা শ্রীঘরে ঠেল'বার
যড়'য়ন্ত্র ক'রেছে; এ সব নবাবের চর। (প্রকাশে) না,
বাছা, ও নিয়ে কি ক'রব?

করুণা। ঠাকুর, তুমি ভয় ক'র না; যে একবার গৌরাঙ্গের
শরণাগত, তাঁর কাছে তোমার কোন ভয় নাই; যে একবার
গৌরনাম মুখে এনেছে, তাকে তুমি অবিধাস ক'র না, তুমিও
গৌরাঙ্গ-নাম মুখে এনেছ—আজ হ'তে তুমি বৈষ্ণব; দেখ,
অমৃত-কুণ্ডেতে ইচ্ছায় নাব—আর কেউ ঠেলেই ফেলে দিক,
সে অমর হবে—তার আর সন্দেহ নাই; গৌরাঙ্গ নাম ভ্রাত্তে
অভ্রাত্তে, অনিচ্ছায় ইচ্ছায়, ভক্তিতে বা ব্যদে যে ক'রবে, সে
ধন্য। ঠাকুর, তুমি একবার প্রাণ ভ'রে গৌর ব'লে আনাদের
কৃতার্থ কর—গৌর, গৌর, গৌর!

বুদ্ধি। গৌর, গৌর, গৌর!

(স্ত্রীলোকগণের প্রবেশ ও গীত)

আদর ক'রে ডাক'বে গৌর-হরি।

আনবে গৌরা রাখ'ব ধরে, দেখ'ব নয়ন ভরি।

দে যে পাগল গৌরা—পাগল প্রেমের দায়,

যে ডাকে, তার অমনি কাছে যায়,

অরণ-নয়ন চল চল ছল ছল চায়,

বলে—“ডাক'লে কে আনায়?”—

আর যাবে না, থাক'বে কেনা, গৌর বল নাগরি,

গৌর নামের অতুল নাধুরী।

[গান করিতে করিতে স্ত্রীলোকদিগের প্রস্থান।

এও ত আচ্ছা চং! ও—এতক্ষণে বুঝিছি,—ঐ যে শুনেছিলেম,
যারা গৌর গৌর ব'লে সম্যাসী হ'য়ে গিয়েছে, তাদের পরিবারেরা
একটা দল বেঁধেছে—সে এই;—বে গহনা দিলে, তাকে বে
চেনা চেনা ক'বুছি; ঐ যে রূপের স্ত্রী! আঃ—এ সময়
মুসলমান হ'য়ে গেলাম—দলাদলিটা পাকিয়ে ক'বুতেম!
মোল্লার পো, আর সে আপ'সোস' ক'রলে কি হবে?—এখন ত
কিছু সখল হ'ল - স'রে পড়। যদি ফের বামুন হ'তে পারি ত
দেশে ফিরি। ওঃ—জ্ঞাতগুলো যে সব হাসবে—ঘর ঘর কুছো
বা' করি, আর এক-ঘরে করি!

[প্রস্থান।

চতুর্থ গর্ভাঙ্ক

কারাগার।

হিন্দু কারাধ্যক্ষ রামদিন, ঈশান ও বালকবেশে অলকা।

রাম। ঈশান, তুমি জাহাপনার কাছে দরখাস্ত করেছিলে যে, একজন কনোজিয়া ব্রাহ্মণ আছেন, তিনি মল্লিক সাহেবকে বুঝাতে পারবেন—তুমি তাঁকে শীগ্গির নিয়ে এস; যদি আত্র বুঝাতে পারেন, ভাল—তিনি জাইগীর পাবেন; তুমিও বিশেষ পুরস্কার পাবে। আর তানা হয়, বড় সর্কনাশ! নবাবের বড় কড়া হুকুম—মল্লিক সাহেবের পায়ে জিঞ্জির পড়বে, আর চানা-জল খোরাক, নবাবের কথা ঠেলেছেন বলে, তাঁর বড় রাগ হয়েছে। তুমি সে কনোজ-ব্রাহ্মণকে এখন নিয়ে এস।

ঈশান। আজ্ঞে, তিনি এই।

রাম। এ যে বালক।

অলকা। আমার বালক দেখে উপহাস করবেন না; গুরুর রূপায় আমি শাস্ত্রের মর্ম সব অবগত আছি।

ঈশান। মহাশয়, ইনি বড় পণ্ডিত; বালক বটে—একটু আকারে খর্ব, কিন্তু বিদ্যায় সরস্বতী।

রাম। ভাল, আপনি বিশ্রাম করুন; মল্লিক সাহেব এ সময় পূজা করেন।

ঈশান। তবে আমি চল্লেম; শাস্ত্রের বিচার আর কি শুনব?

রাম। আচ্ছা।

[ঈশানের প্রস্থান।

আপনি কোন্ আশ্রম ভাল বলেন?

অলকা। সংসার-আশ্রমের তুল্য আর আশ্রম নাই,— এতে ধর্ম, অর্থ, কাম, মোক্ষ চতুর্কর্গ পাওয়া যায়।

রাম। ঐ ঠিক। যে ফকির, সে ত পেটের জালায় ঘুরবে—সে দয়া-ধর্ম কখন করবে? এই যে মল্লিক সাহেব।

(সনাতনের প্রবেশ)

মল্লিক সাহেব, আপনি ভাল করে বিবেচনা করুন। নবাব বড় রাগত,—আপনাকে জিঞ্জির পরতে হবে।

সনা। নবাবের আদেশ ত আমার জানিয়েছেন।

রাম। আচ্ছা, কেন আপনি এমন মতলব করেছেন? ইনি একজন পণ্ডিত, এঁর সঙ্গে আপনি বিচার করুন।

সনা। কে বা বল করিবে বিচার?

আমি আর নহি ত আমার,—

কায়, মন, প্রাণ গৌরান্দের রাঙা পায়!

যার পদে অর্পিত জীবন—

কতক্ষণে পাব দরশন?

কে আমায় এনে দেবে নিধি—

হস্তর এ বিরহ-জলধি

কতক্ষণে হব পার?

প্রেমোন্মাদ গোরচাঁদ নাচে—

কতক্ষণে যাব তাঁর কাছে?

কবে দেখা পাব—

কতক্ষণে নয়ন জুড়াব?

পদরজে লুটাব পুলকে—

কবে হবে সার্থক জীবন!

হর্ষ, কম্প, পুলক, নর্ভন—

অহুরাগে কবে হব ভোর?

গোরমাতোয়ারা সনে মাতোয়ারা হয়ে

প্রেম-সুধা পিয়ে

উঠিব, পড়িব, কাঁদিব, হাসিব—

গোরা, গোরা, কোথা তুমি দয়াময়?

রাম। আপনি বিচার করুন, আমি বাহিরে আছি;

ভয় নাই—কিছু বলবে না, পাগল নয়, ঐ এক রকম ফকিরী;

নদে থেকে কেমন এক বদ্ হাওয়া এসেছে।

[রামদিনের প্রস্থান।

অলকা। কর মনস্থির—শুনহ সুধীর,

এ কেমন তব আচরণ?

আশ্রিত পালন, কর্তব্য সাধন,

পরিহরি কি কারণ সন্ন্যাস-গ্রহণ?

সংসার-আশ্রম

আশ্রমের সার জেন স্থির;

দয়া নাহি যার, ধর্ম কোথা তার?

আশ্রিত স্বগণে ত্যজে মুঢ় জনে।

গৃহে তব আছে প্রণয়িনী—

কেন তারে কর অনাধিনী?

কোন শাস্ত্রে নিষ্ঠুরতা দেয় উপদেশ ?
 যদি তব এত ছিল মনে—
 কি কারণে
 উদ্বাহ-বন্ধনে বাধিয়াছ অবলায় ?
 অনাথায় অকূলে কে দেবে কূল ?
 ধর্ম, অর্থ, কাম, মোক্ষ করিয়া বর্জন
 এ তোমার কি মনোবিকার ?—
 আশ্রিতে না ত্যজে সাধুজন ।
 সনা । নহি সাধু, নহি আমি ধাৰ্মিক সূদীর,
 নহি নহি আশ্রিত-পালক ।
 চতুর্গর্গ ফল নাহি চাই ;
 কেবা পতি কার ?
 জগৎপতি সেই সারাংসার,
 আমি কেবা—প্রণয়িনী কেবা মম ?
 বন্ধ আছে বৈষ্ণবী মায়ায়,—
 গেছে ঘোর প্রভুর রূপায় ;
 দয়াময় ক'রেছেন স্মরণ দাসেরে,
 নক্ষরের ভার কিবা ?
 প্রভু-সেবা বিনা অস্তি কার্য কিবা তার ?
 দাস আমি—যাব প্রভু-পাছে ।
 অলকা । এ ভীকতা, নিষ্ঠুরতা কি হেতু তোমার ?
 আছে হেন শাস্ত্রের বচন—
 কর্ম-ফল করিয়া বর্জন
 নির্লিপ্ত সংসারে রবে রত,
 মতত আশ্রিত জনে করিবে পালন ;
 পত্নী যদি হয় তব মন্দপথগামী,
 তার পাপে তুমি অংশী হবে,—
 ধর্ম কোথা রবে ?
 পুণ্যলোক রামচন্দ্র ছিলেন ভূপাল ;
 বহুপতি নির্লিপ্ত সংসারী ;
 আছিলেন জনক রাজন—
 ছিল তাঁর নারী পরিজন ;
 তবে কিসে সংসার ঘৃণিত ?
 সংসারে সকলে যবে হবে হে সন্ন্যাসী,
 সৃষ্টি তবে রবে কি প্রকার ?
 মানব-জীবনে শ্রেষ্ঠ কর্তব্য আচার,

কর্তব্যবিমূঢ় জন নরকুলগ্নানি ।
 আনন্দবাজার এই হের ত্রিভুবন—
 পুরুষ-প্রকৃতি মনে লীলায় মগন !
 সনা । গৌরাঙ্গ-রাজীব-পদে আশ্রিত যে জন—
 ভবের বন্ধন ঘুচে তার ,
 সে চরণ স্মরণ বিহনে
 কার সাধ্য এ বৈষ্ণবী মায়া করে ভেদ ?
 হে ধীমান, ত্যজ তুমি সৃষ্টি-লোপ-পেদ,
 ঈশ্বর-রূপায় হয় বৈরাগ্য সঙ্কার ;
 নহে, মোহ-ডোর ছিঁড়িতে কে পারে ?
 কর্তব্যের কর অভিমান ?—
 স্থির-মনে চিন্ত মতিমান—
 হয় কিবা নয় এই মোহের ছলনা ।
 “আমার এ নারী”—এই হেতু বহু তার ;
 “আমি” দেখ প্রধান এ স্থলে ।
 আত্মপর মোহের বিচার ;
 “আমি আমি” অভিমান—কর্তব্যের হেতু,
 আমি কর্তা—মোহবশে মহা অভিমান !
 গৌরাঙ্গের এ বিশ্বসংসার,
 বিশ্বরক্ষা গৌরাঙ্গের ভার,
 সমপ্রেম সর্কজীবে তাঁর,—
 আমার কি অধিকার ?—
 আমি মূঢ় জন ; নহিক শ্রীরাম,
 নহি নহি বৃষ্ণচন্দ্র, জনকরাজন ;
 নির্লিপ্ত সংসার-ধর্মে নহিক সক্ষম—
 আসক্তির দাস আমি ;
 কেবা ধরে প্রাণ ক'রে জানকী বর্জন—
 প্রাণসম লক্ষণে কে করে ত্যাগ ?
 কেবা হেরে যদুকুলক্ষয়—
 রাজকার্য ত্যজি বনে ভ্রমে ঋষি-মনে ?
 সর্কজীবে সম প্রেম ধার
 সংসার সন্ন্যাসসম তাঁর !
 জীবের তুলনা কিবা প্রেমিকের মনে ?
 অলকা । চেষ্টাসাধ্য সকল সাধন—
 চেষ্টা বিনা কোথা হয় ধর্ম উপার্জন ?
 সংসার তরঙ্গে ডরে ভীক যেই জন—



পরিভ্রমে সেই ঠেলে পার ;
বীর বিনা নাহি কার ধর্মে অধিকার ।
সনা । নহি বীর, তাই ডরি ছরস্ত সংসারে ;
আছে যার "আমি"-অভিমান,
আসক্তিতে বন্ধ সেই জন ;
মোহ অন্ধকার নাহি ঘুচে তার,
মোহবশে দারা পুত্র যতনে পালন ;
ভুলি নিরঞ্জন অভিনানী মন
অহঙ্কারে ভাবে—করি কর্তব্য-সাধন ;
হরিপ্রেম মার, কিছু নাহি আর ;
সেই প্রেমে মাত জগৎ জন !
দেখ, দেখ, দীন-বেশে গৌরাঙ্গ ধরায়
দ্বারে দ্বারে বিলাইছে প্রেম ;
ওই ডাকে পরমকামাল—
"তাজি এই সংসার জঞ্জাল
আয় আয়, নিয়ে যা রে, কিশোরীর প্রেম !"
বলে গৌরা,—
"ঈশা আমি দাস-থতে রা'য়ের চরণে ;
আয় তোরা আয় ত্বরা মুক্ত করু ঋণে,
অষ্টমধী সাক্ষী আছে দাস-থতে ;
প্রেম নে রে,
শিরে মোর প্রেমের পশরা ।"
বল বল হরি—
ওই যে কৌপীনধারী হরি ;
নিছে কেন গুণগোল ?
অলকা । প্রভু, প্রভু, আমার উপায় কি হবে ? আমি যে
অবলা, তোমার দাসী ; গৌরপ্রেম ত জানি না ।
সনা । কে ও ? অলকা ? যাও, যাও, শীঘ্র যাও, আর
কেন অমায় মুগ্ধ কর ? মহামায়া, তোমার চরণে আমি
গৌর-প্রেম যাচঞা করি—আর আমায় বন্ধনা ক'রো না, পথ
ছেড়ে দাও ।
অলকা । প্রভু, দাসীর আর কি আছে ? দাসী
কি নিয়ে আর সংসারে থাকবে ? আমি অনাথা !
সনা । তুমিই ধন্য ! যে আপনাকে অনাথ ভাবে, সেই
ধন্য । অনাথের জন্ত অনাথ-নাথ হরি দেহ ধ'রে এসেছেন ;
হরিবোল, হরিবোল ! আমি অনাথ—আমার জন্ত তিনি এসে-

ছেন ; তিনি জগতের স্বামী, আমার স্বামী, তোমার স্বামী,
ত্রিভুবনের স্বামী ।

(রামদিনের প্রবেশ)

রাম । আপনাদের বিচার হ'ল ? জাহাপনা এখনি
আসবেন ।
সনা । যাও যাও, আর আমাকে পীড়ন ক'রো না ।
অলকা । প্রভু, চরণে রাখবেন ।
রাম । আমি জানি, তুমি বালক ; উজীর সাহেব তারি
পণ্ডিত, তুমি পারবে কেন ? তুমি যে উজীর সাহেবের মত
কাঁদু, এ দিক দিয়ে এস ।

[অলকা ও রামদিনের প্রস্থান ।

(জনৈক চোপদারের প্রবেশ)

চোপ । বাদসানন্দ্কা বার ছয়া ।
(নবাব হোসেনসা ও তৎপশ্চাৎ রামদিনের প্রবেশ)
রাম । জনাব ! সে—বালক পারবে কেন ? সেও
কাঁদুতে কাঁদুতে, গৌরাঙ্গ ব'লুতে ব'লুতে চ'লে গেল ।
নবাব । এ গৌরাঙ্গটো কেয়া ছায় ? মল্লিক, আমি কাল
উড়িয়ায় যাব ; তুমি বদমায়েসি ছেড়ে দাও—সহরের তদা-
রকে থাক ; নেই ত তোমরা বড় বুঝা হোগা ।
সনা । জনাব, আমার শক্তি নেই ।
নবাব । তুমি বড় বড় পণ্ডিতকে হারাও, তোমার মগধ
খারাপ হয় নি ত ? তুমি কেন কাজ ক'রবে না ?
সনা । বিরহ-বিকারে তছ জর জর !
উছ ! মরি, মরি, কোথা প্রাণেশ্বর ?—
যার তরে সদা প্রাণ-মন কাঁদে—
কোথা গেলে পাব সে প্রেমিকচাঁদে ?
ক'রেছে উদাসী, কোথা সে সন্ন্যাসী—
যার তরে সদা আঁখি-নীরে ভাসি ?
মম গোরারায় কে দেবে আমায় ?—
সে বিনা এ ছার প্রাণ বুঝি যায় ।
নবাব । এ ক্যা, তুম্ আওরাং হোয়া ?
সনা । কে রাখে পুরুষ-অভিমান ?
একমাত্র পুরুষ প্রধান
সকলে প্রকৃতি আর ;
সবে জড় - সেই ত চেতন—

সেই সর্বভূতে জীবের জীবন।

মোহ-তম-মাঝে সেই মাত্র জ্যোতির্ময়,

হর্ষা কর্তা সেই জগৎ-পতি।

নবাব। বাওরাপণ ছাড়, আমার কথার উত্তর দাও।

সনা। জনাব, এ অধীনকে আর কেন তাড়না করেন?

নবাব। আচ্ছা, তোমাকে শিখলায় দেতা হয়। রে, জিজ্ঞাস্য লেয়াও; নসীবু খাঁ, মাটিকা নিচু গারদ মে রাখো; ঝাঝা কীড়া চলতা—স্বরষ কা মুরত্ নেহি দেখনে পায়ে; এক মুঠি চানা আউর পানি দেও।

সনা। হা গোরান্দ! তুমি কোথায়? হা গোরান্দ! তুমি কোথায়?

নবাব। আবি তোমরা ডবু ছয়া?

সনা। ভয়? অভয়পদে শরণ নিয়েছি—আর আমার ভয়! ঝার নানে রুতাস্তের ভয় দূর হয়, তাঁর আশ্রিতের সামান্য কারাগারে ভয় কি? গোরচন্দ্র, দর্শন দিও।

নবাব। চল, বদামস্কো লে চল; রামদিন, আগবু ছরন্ত হয়ে ত নজরবন্দী রাখকে খবর লিখো, নেই ত গারদমে মরে।
[সকলের প্রস্থান।]

তৃতীয় অঙ্ক

—:—:—

প্রথম গর্ভাঙ্ক

সনাতনের অন্তঃপুর

অলকা, করুণা ও বিশাখা।

অলকা। দিদি, আমি সকলই বুঝেছি, আমি অপরাধিনী—আমায় মার্জনা কর; আমার পাপ মন—আমি তোমাদের সন্দেহ করেছিলাম; গোরান্দের চরণে তোমাদের পতি তোমাদের অর্পণ করে গিয়েছে, তা আমি বুঝতে পারি নি।

করুণা। দিদি, এখন ত বুঝেছ, এখন ত তুমি সেই গোরান্দের দাসী, তবে কেন দিবারাত্রি কাঁদ? স্বীলোকের স্বামী অপেক্ষা গুরু নাই; স্বামীই সেই আনন্দময়কে দেখিয়ে দিয়েছেন; তবে কেন নিরানন্দ থাকবে?

অলকা। দিদি, তুমি কি জান না যে, স্বামী আমার এখনও সংসারে? তিনি যে কারাগারে—তিনি ত এখনও সংসার ত্যাগ করেন নি; যত দিন স্বামী আমার সংসারী, তত দিন আমিও সংসারী; আমি পাষণ তাই এখনও আমার প্রাণ বিদীর্ণ হয় নি। আহা! ছরন্ত নবাব-চর তাঁকে শৃঙ্খলাবদ্ধ করে রেখেছে; মৃত্তিকার নিচে বাস—চন্দ্র-সূর্য্য সেখা প্রবেশ করে না; আমি কেমন করে স্থির থাকব?

বিশাখা। দিদি, গোরান্দকে ডাক, তিনিই উপায় ক'রবেন।

অলকা। ঝার নানাবিধ সামগ্রীতে রুচি হ'ত না, শুক চণক তাঁর আহার; কুম্ভ-শয্যা পরিত্যাগ করে মৃত্তিকায় শয়ন; এ কষ্টে তিনি কি আর জীবিত থাকবেন?

(দ্রিশানের প্রবেশ)

দ্রিশান, কি উপায় ক'রবে?

দ্রিশান। মা, কিছুই ত উপায় দেখি নি, কোথায় তাঁরে রেখেছে, তারও ত তত্ত্ব পেলেম না।

অলকা। চল, আমি উপায় ক'রবো।

দ্রিশান। মা, তুমি কোথায় যাবে?

অলকা। যদি আমি সতী হই, যদি আমার স্বামী-পদে মতি থাকে, আমি তাঁকে মুক্ত ক'রবো। হে গোরান্দ! আমার

স্বামী কারাগারে, আমার স্বামী তোমায় দেখিয়েছেন, প্রভু! তুমি অস্বর্ধ্যামী, আমার অস্তরের কথা তোমার অগোচর নাই, আমি স্বামী বই ত আর কিছুই জানি নি; প্রভু! বত দিন স্বামী আমার কারাগারে, তত দিন তোমার পদ-সেবারও রুচি নাই; শুনেছি, তুমি বিপদ-ভঞ্জন, এ বিপদে আমার রক্ষা কর; এ কি! এ কি! আমার এমন হ'চ্ছে কেন? আবার ছবি হাসছে কেন? ওই যে গোর! ও রে, কে বলে রে আমার ভয় নাই? এ কি ভ্রম?

করুণা। দিদি, আর ভয় কি? গৌরাদ্ধ ব'লছেন, ভয় নাই।

অলকা। সত্য মিথ্যা বুঝ, প্রভু! তুমি দয়াময় কি না— দেখে ব দয়াময়! তুমি আমার স্বামীকে উদ্ধার কর, আর তোমার পদে আমি কিছু বাচ'ঞা ক'ব না, আমি ভঞ্জন-সাধন জানি নি; অস্তরের ব্যথা জানাবার তুমি বই আর স্থান নাই; এ কি! কে আমায় ব'ল'ছে—ভয় নাই?

করুণা। দিদি, তুমি ভাগ্যবতী; সাক্ষাৎ গৌরাদ্ধ তোমায় ব'লেছেন—ভয় নাই। তোমার চরণ-রূপায় আমরাও গৌরাদ্ধকে পাব।

অলকা। ঈশান, দাওয়ানকে বল গে—আমি তাঁর সঙ্গে দেখা ক'ব, আর আমার কনোজ ব্রাহ্মণের পোষাকটা কোথা?

ঈশান। আপনার শোবার ঘরে আছে।

অলকা। তুই প্রস্তুত হ—আমার সঙ্গে যাবি।

ঈশান। যে আজ্ঞা। [প্রস্থান।

বিশাখা। দিদি, কোথায় বাবে?

অলকা। জানি নি;—বেথায় গৌরাদ্ধ ল'য়ে যান;

তোরা গোর ব'লে ডাক, আমি শুন্তে শুন্তে বিদায় হই।

সকলে। গোর হরি, গোর হরি, গোর হরি!

[অলকার প্রস্থান।

বিশাখা। দিদি, হাসছি'ন্ কেন?

করুণা। দেখ, গৌরাদ্ধের নামেতে কেমন পশুতে পর্কিত লজ্বায়!

বিশাখা। সে কি?

করুণা। আজ হীন অবলা তার পতিকে কারামুক্ত ক'রবে।

বিশাখা। আমি ত কিছুই বুঝতে পারি'নি; একা স্ত্রী-লোক কি ক'রবে?

করুণা। তুই কি শুনি'নি—বীদরে সাগর বেধেছিল; যে কুলবধুকে সম্মাসিনী ক'রতে পারে, যে আপনি মেতে রাজ্য মাতায়, যে আপনি কেঁদে জগৎ কাঁদায়, সে তার ভক্তকে উদ্ধার ক'রবে, এ কোন্ কথা? সোণা যেমন পুড়িয়ে খাটি করে—কারাগারে দিয়ে গৌরচন্দ্র তাঁর ভক্তকে নির্মূল ক'রে নিচ্ছেন; জগৎকে দেখাচ্ছেন, তাঁর ভক্তের কত বৈধ্য।

বিশাখা। দিদি, আমরা কি গৌরাদ্ধকে পাব?

করুণা। তবে কি শুন্লি? কে ভয় নাই ব'ললে? দেখলি নি—ছবি কথা কইলে, গৌরাদ্ধকে অবশ্যই পাব।

বিশাখা। দিদি, আমিও দেখি, কিন্তু মনের ভ্রম যোচে না।

করুণা। তিনি যখন ভ্রম ঘোচাবেন, তখন ঘুচবে। চল, আমরা দেবালয়ে যাই।

দ্বিতীয় গর্ভাঙ্ক

কারাব্যক্ষের গৃহ

রামদিন ও অলকা।

রাম। কি ঠাকুর, তুমি আমার সঙ্গে দেখা ক'রতে চাও কেন? আমি গরীব লোক, আমি ত কিছু দিতে পারবো না। তোমার অদৃষ্টে নেই, তুমি উজীর সাহেবকে বোকাতে পারতে, জাইগীর পেতে।

অলকা। তোমার অদৃষ্ট বড় প্রসন্ন, আমি ঠিক গণনা ক'রে দেখেছি; দেখি, তোমার হাত দেখি।

রাম। আর দেখবে কি, আমার বরাত পাথরে চাপা।

অলকা। ইস, এই যে উচ্চ ধনরেখা র'য়েছে।

রাম। ঐ রেখাই সার, ধনের দফা চুচু! যা পাই, খেতে কুলায় না।

অলকা। না না, তোমার ভাগ্য বড় প্রসন্ন, তুমি অকুল ঐশ্বৰ্য্যের অধিকারী হবে।

রাম। ম'লে।

অলকা। না, তুরিং।

রাম। কদিনে বল দেখি?

অলকা। আজই।

রাম। তুমি খ্যাপা নাকি ঠাকুর?

অলকা। আজ রাত্তিরে তুমি লক্ষপতি হবে।

রাম। যাও ঠাকুর, মিছে বাক্‌চাকুরী ক'রো না।

অলকা। আমি এই ব'সে রইলুম, আজ রাত্তিরে না পাও, আমায় গারদে দিও।

রাম। আর এই ত রাত হ'য়েছে।

অলকা। আমি ব'সে থাকতে থাকতেই টাকা পাবে।

রাম। তা যদি হয়, তুমি যা চাও, তা আমি দিই।

অলকা। পেনে চের লোক দেয়।

রাম। কি, আমি ব্রাহ্মণ, ব্রহ্মণ্যদেবের দোহাই, যদি আজ রাত্তিরে টাকা পাই, তুমি যা চাও, দেব।

অলকা। দেখ, প্রতিশ্রুত হ'লে?

রাম। হাঁ।

অলকা। এই নাও, এই জ্বরং নাও, এর লক্ষ টাকার অধিক মূল্য।

রাম। এ কি এ? এ কি ভোজবাজী?

অলকা। ভোজবাজী নয়—তুমি লক্ষপতি; এখন তোমার অঙ্গীকার পালন কর।

রাম। এ জ্বরং কার?

অলকা। আমার, আমি তোমায় দিলেম।

রাম। তুমি কে—তুমি কি চাও?

অলকা। আমি কারারুদ্ধ উজীরের স্ত্রী; আমার স্বামীকে কারামুক্ত ক'রতে চাই।

রাম। এ'্যা! মা তুমি?

অলকা। আমি আমার স্বামীকে উদ্ধার ক'রব বলে কনোজ-ব্রাহ্মণের বেশ ধ'রেছি, আনিই আমার স্বামীর সঙ্গে বিচার ক'রেছিলেম; আজ তোমার শরণাগত, অবলার প্রাণ রক্ষা কর।

রাম। এ আমার সাধ্যাতীত; নবাবের জোর হুকুম,—আমার গর্দান্না যাবে।

অলকা। আমার স্বামী নিরপরাধী, ধর্মের নিমিত্ত তাঁর এই বরণা; যে পদের নিমিত্ত লোকে তপস্বী করে, ধর্মের অধরোধে সেই উজীর-পদ তিনি ত্যাগ ক'রেছেন, অতুল ঐশ্বর্য্য পায়ে ঠেলেছেন, নবাবের ক্রোধ উপেক্ষা ক'রেছেন, ধর্মের অধরোধে তিনি কারাবাসী। তুমি ধার্মিক, ধর্মাত্মাকে সাহায্য কর, তোমার অমঙ্গল হবে না, আর যদি না কর, অঙ্গীকার-ভঙ্গ, সাধুহত্যা, নারীহত্যা—পাতকে লিপ্ত হবে; এই অস্ত্র

দেখ, এখনি তোমার সম্মুখে আত্মঘাতী হব, বড় আশায় এসেছি—নৈরাশ ক'রো না।

রাম। মা, আমায় বিষম সমস্যায় ফেললেন।

অলকা। তোমার ভয় কি? তুমি লক্ষপতি, আরও অর্থ চাও, দেব; তোমার চাকুরির আর প্রয়োজন নাই, সমস্ত ভারতবর্ষ নবাবের অধিকারে নয়; নবাব উড়িষ্যা হ'তে ফিরে আসতে আসতে তুমি স্থানান্তরে ধনাঢ্য ব্যক্তি হ'য়ে বাস ক'রতে পারবে। তুমি আমার পিতা, কন্যার প্রাণদান দাও।

রাম। মা, তুমি জান না, এ বড় কঠিন কার্য্য, নসির খাঁ নামে একজন নির্দয় যবন উজীর সাহেবের কারারক্ষক, অপর অপর প্রহরীও আছে, রাজ-প্রতিনিধি নিত্য তত্ত্ব লন।

অলকা। যদি প্রতিজ্ঞা-পালন, শরণাগত-রক্ষণ, সাধু-সাহায্য কঠিন না হ'ত, তা হ'লে ত সকলেই মহং হ'তে পারত, কঠিন কার্য্য সাধনই সাহায্য। হে মহাত্মা, উচ্চ কার্য্যে পরাশ্রয় হ'য়ো না, ধার্মিকের ধর্ম রক্ষা কর, অবলার প্রাণদান দাও, নিজ-প্রতিজ্ঞা পালন কর।

রাম। মা, তুমি স্থির হও, অস্ত্র রাখ, আমি যথাসাধ্য চেষ্টা ক'রব, তোমার অর্থ তুমি রাখ; যদি অস্ত্র কারকে দিতে হয় দিও, ওতে আমার আবশ্যক নাই; উজীর সাহেব ধার্মিক-প্রধান, আমি হিন্দু, তাঁর সাহায্য ক'রব।

অলকা। এ অর্থ তুমি নাও; আমার দাওয়ান বাহিরে আছে, যত অর্থ প্রয়োজন হয়, দেবে; যাকে দিতে হয়, দিও।

রাম। না মা, পাপে মতি দিও না; যদি উজীর সাহেবকে মুক্ত ক'রতে পারি, আমি যথেষ্ট পুরস্কৃত হব। অর্থ ঐহিকের প্রয়োজন; কিন্তু যদি এ কার্য্য সমাধা ক'রতে পারি, সাধুর রূপায় আমি পরমার্থ লাভ ক'রব। মা, তুমি আমায় ব'লতে পার—সে গৌরান্দ কে—খাঁর নামে উজীর ফকির হয়, নারী বীর হয়—কারাধ্যক্ষের কঠিন হৃদয় ভ্রব হয়?

অলকা। বাবা, গৌরান্দকে আমি ত জানি না; আমার স্বামীর কাছে শুনেছি, তিনি পতিত-পাবন, পতিত-উদ্ধারের জন্তে তিনি পৃথিবীতে এসেছেন।

রাম। মা, এস; দেখি, যদি কোন উপায় হয়; তুমি একবার গৌরান্দকে ডাক, তিনি আমায় সাহস দিন।

অলকা। গৌর, গৌর, গৌর!

[উভয়ের প্রধান।

তৃতীয় গর্ভাঙ্ক

কারাগার
সনাতন।

সনা। প্রভু, নন্দরাণী তোমাকে ক্ষীর-সর-নবনী দিত ; আমি এ শুদ্ধ চণক কেমন করে নিবেদন করুব ? হা প্রভু ! তোমার কাছে থাকুব, তোমার সেবা করুব, তোমায় হাতে তুলে খাওয়াব, এই আমার সাধ ; সে সাধে বাদ কেন সাধ ? কে রে - আমার গৌরাচাঁদ এলি ? খিদে পেয়েছে, আমি কি করুব - আমার ত এই চানা বই আর সখল নাই ? প্রভু, ভক্তাধীন, শুনেছি, তুমি বিদুরের খুদ গ্রহণ করেছিলে ; ঐ মে, আমার গৌরাঙ্গ সুন্দর নাচ্ছে !

গোরা নেচে নেচে যায়, পড়ে ঢ'লে ঢ'লে, -

(মরি) ভাবে মাতুরারা

ভাসে আঁধি-জলে -

অমিয় খসিয়ে পড়িছে !

মরি রূপের ছটায় খেলিছে দামিনী,

আহা ! মোহিত নেহারি

কামের কামিনী, -

প্রেমের তুফান বাড়িছে !

খ্যাপা কত রাধা বলে কত বলে হরি,

খ্যাপা কখন নীরব কি ভাবে আ মরি,

কত বা গভীর গরজে !

শিলা সরস রাজীব-চরণ-পরশে,

মরি তাপিত পরাণে সলিল বরষে,

হেরিলে বদন-সরোজে !

প্রভু, এস - আমার কাছে এস ; আমি ত বেতে পারিনি - আমার যে বেঁধে রেখেছে ; তুমি কাছে এস - আমি একবার সাধ পূরে দেখি ।

(নসির খাঁর প্রবেশ)

নসির। জনাব - জনাব, একটি কথা আমায় বলুন ।

সনা। বাপু, তুমি কেন আমার কাছে এসেছ ? নবাবের আদেশ - আমার সঙ্গে কেউ কথা কহিতে পাবে না ; তুমি অকারণ কেন দণ্ড পাবে ?

নসির। হজুর, সাজা পাই পাব ; আমায় একটি কথা বলুন - আপনি কাকে ডাকেন - কার সঙ্গে কথা কন ? আপনার - এই অন্ধকার কারাগারে - যে আনন্দ, নবাবেরও আমি তেমন আনন্দ দেখি নি । আপনি কার জন্ত এ কষ্ট স্বীকার করেছেন ? মনে করলেই উজীরি পান, - তা ত্যাগ করে কেন কারাগারে রয়েছেন ? - আমায় বলুন - আমি অধম যবন - আমায় রূপা করে বলুন ?

সনা। বাপু, আমি গৌরাঙ্গের দাস - আমি আর উজীরি করব কেমন করে ? আমি ত কারাগারে নাই - দেখ না, প্রভু আমার সঙ্গে আছেন ।

নসির। কই জনাব ? - আমি ত কিছু দেখতে পাচ্ছি নি ; আপনার প্রভু কে আমায় বলুন ।

সনা। যে জীবের চুখে নরদেহ ধ'রে এসেছেন, যে নবীন বয়সে চাঁচর চিকুর মুগুন করে সম্ম্যাসী হ'য়েছেন, যে প্রেমের দায়ে তরুতলবাসী, যার প্রেমের স্বপ্নে কোঁপীন সার, যে প্রেমের দায়ে ঘরে ঘরে নাম বিলায়, যে পতিতকে কোলে নেয়, - সেই আমার প্রভু, আমার প্রভু গৌরাঙ্গসুন্দর ।

নসির। জনাব, আমি ত পতিত ।

সনা। ঐ দেখ, তোর জন্তে আমার প্রভু, কোল পেতে র'য়েছেন ।

নসির। জনাব, সত্য বলুন, আমায় কি তিনি দয়া করবেন ? আমি তোমায় জিজ্ঞির বেঁধে রেখেছি, আমার দয়া করবেন ? গৌরাঙ্গ কি আমার মত অধমকে দয়া করবেন ?

সনা। ওরে নসির, তুই ভক্তচূড়ামণি ; তুই গৌর ব'লে নেচে এসে একবার কোল দে ।

নসির। প্রভু, আমি মুসলমান, আমি কি নিস্তার পাব ?

সনা। ওরে, বড় দয়াল ঠাকুর, -

যেই নাম লয়, ধন্য সেই জন,

হোক দীন-হীন স্নেহ যবন,

নাহিক বিচার, নাহিক আচার,

গোরার হৃদয় প্রেম-পারাবার !

যেই প্রেম চায়, তাহারে বিলায়,

কিশোরীর প্রেমে প্রেম-ক্ষুধা যায় ;

গৌরাঙ্গ বলিয়ে ডাকে যেই জন,

খ'সে যায় তার ভবের বন্ধন,

শমনের আর নাহি অধিকার,—

দয়াময় হরি গৌর আমার !

নসির। হা গৌরান্দ ! তুমি অধমকে রূপা কর।

(রামদিন ও অলকার প্রবেশ)

রাম। নসির, তুমি আমার একটি কাজ কর।

নসির। হুজুর, আমি আর কাজ ক'ব্ব না।

রাম। সে কি ?

নসির। আমায় বেঁধে রাখতে হয় বেঁধে রাখুন, আমি গৌরান্দকে ডাকব, আর আমার কাজ নাই।

রাম। নসির, তুমিও কি গৌরান্দকে চিনেছ ? আমি অধম, আমি চিন্তে পারলেম না ; আচ্ছা, তুমি যাও ; উজীর সাহেবের সঙ্গে আমার কথা আছে।

[নসির খার প্রস্থান।

না, বোধ হয় গৌরান্দ তাঁর ভক্তের উপায় আপনিই ক'রেছেন ; আমায় আর বেশী কিছু ক'ত্তে হবে না। মল্লিক সাহেব !

সনা। কে তুমি ?—কেন আমায় বিরক্ত কর ? দেখ, আমি গৌরান্দের পাদপদ্ম ধ্যান করি, তাতেও কিনাবাবের নিষেধ ?

রাম। দেখুন, আমি রামদিন, আমি আপনাকে বিরক্ত ক'ব্বতে আসিনি, কারামুক্তির উপায় ব'লতে এসেছি।

সনা। কি উপায় বল,—আমি ত ছার উজীরি ক'ব্ব না।

রাম। আপনাকে উজীরি ক'ব্বতে হবে না, আপনি শুধু আমায় লিখে দিন যে উজীরি ক'ব্ব ; তা হ'লেই আপনাকে ছেড়ে দেব।

সনা। আমি মিথ্যাকথা কিরূপে লিখ্ব, যদি মিথ্যা ব'লবার সাধ থাকত, নবাবকে ত মিথ্যাকথা ব'লতে পারতাম।

রাম। আপনি কেন ছুঃখ পান ?—আমায় লিখে দিলে আমি ছেড়ে দিই,—আর সেই পত্র জ'হাপনাকে পাঠিয়ে দিই।

সনা। আপনি কেন আমায় মিথ্যা ব'লতে প্রলোভন দেখাচ্ছেন ?

রাম। ভাল, তবে আমিই মিথ্যা সংবাদ লিখ্ব, আপনি আসুন।

সনা। কোথায় বাব ?

রাম। আপনি কারামুক্ত।

সনা। নবাব কি আমার মুক্তির আজ্ঞা দিয়েছেন ?

রাম। না—তিনি আমায় ব'লে গিয়েছেন যে, আপনি উজীরি ক'ত্তে সম্মত হ'লেই আপনাকে খোলসা দিতে। আমি বেগবান্ অথ প্রস্তুত ক'রে রেখেছি, আপনি যথা ইচ্ছা গমন করুন।

সনা। মিথ্যার জ্ঞান আপনি যে নবাবের নিকট অপরাধী হবেন ?

রাম। সে আমার কার্য, আমি বুঝ্ব।

সনা। আমার নিমিত্ত আপনি অপরাধী হবেন—আমি বাব না।

রাম। আপনি বাতুল, আমি কি ক'ব্ব ? এখানে যে আপনার প্রাণ-সংশয়।

সনা। নাহি জ্ঞান বৈষ্ণবের রীতি ;

হয় হোক জীবন-সংশয়,—

ছিল দেহ, গেল—

তাহে ক্ষোভ বৈষ্ণব না করে ;

বৈষ্ণবের শমনের নাহি ডর—

ডরে মিথ্যাপ্রবন্ধনা ;

তুযানলে যদি তছু দহে—

তবু কতু মিথ্যা নাহি কহে,

মিথ্যা নাহি মনে দেয় স্থান ;

ধিক্ ছার দেহের মমতা—

মিথ্যা কব দেহরক্ষা হেতু ?

মাংসপিণ্ড রক্ষার কারণ

অপরাধী করিব তোমারে ?

হেন উপদেশ

বৈষ্ণব না শুনে কাণে ;

জীবন, মরণ, বৈষ্ণবের সম ছুই—

নাহি অস্ত্র সাধ—

যাচে মাত্র শ্রীহরির রাঙা পদ,—

প্রলোভনে বৈষ্ণব না টলে।

অলকা। হে বৈষ্ণব !

কেন আজি সত্যমিথ্যা অভিমান ?

যার দাস তুমি সে ডাকে তোমায়,—

মুক্ত কারাগার তাঁহার রূপায় ;

মতিমান, কেন আজি মতিভ্রম ?
 হেথা বন্ধ তুমি,
 সেবা হেতু ডাকে তব স্বামী,
 নাহি জানি কেমনে রয়েছে স্থির—
 কিঙ্করের বিচারের নাহি অধিকার।
 ভাস' শ্রোতের তূণের সম
 ধর্মাধর্ম জ্ঞানের বিচার,—
 কেন আজি পাণ্ডিত্য ব্যাভার ?
 ভূতা যার, বার বার ডাকিছেন তিনি ;
 যেই রব শুনিয়ে শব্দে,
 জলাঞ্জলি দিয়াছ সংসারে,
 শানের বিকারে
 করিয়াছ বৈরাগ্য গ্রহণ,
 গোরচাঁদ করিতে দর্শন
 কেন নাহি হও অগ্রসর ?
 শুন ওই ডাকেন গৌরাঙ্গ।

সনা। যাও—যাও, মিছে আর ক'রো না রে ছল।

একবার ভুলাইয়া প্রণয়-বচনে—
 মজায়েছ সংসার-মাগরে ;
 পুন ঘোর মিথ্যা অন্ধকারে
 মজাইতে সাধ তব ;
 যাও—যাও, আর কেন কর প্রতারণা ?

অলকা। আমি প্রতারক ?

প্রতারক মন তব ;—
 বল, বল, ধার্মিক-প্রবর,
 অধর্মের এত যদি ডর,
 কেন, তবে ত্যজিয়াছ আশ্রিত স্বগণে ?
 অন্নদাতা নরপতি বিপদে পতিত,—
 কেমনে নিশ্চিত আছ ?

সত্য,
 জীবনের মমতায় নাহি প্রয়োজন ;
 কিন্তু জীবন-রক্ষণ অবশ্য কর্তব্য, ধীর ;
 বিনা অপরাধে কেন বন্ধ কারাগারে ?
 যার তরে সর্বত্যাগী তুমি,
 যাও শীঘ্র তাঁর দরশনে।

সনা। না—যাও, আমায় বিরক্ত ক'রো না।

রাম। মহাশয়, আপনি বন্দী ; আপনার স্বাধীন ইচ্ছা
 নাই জানেন ?

সনা। যতদিন এ পঞ্চভৌতিক দেহ-পিঞ্জরে বন্ধ, তত
 দিন সকলেরই অধীন ; কিন্তু ইচ্ছা আমার গৌরাঙ্গের
 রাঙাপায়ে লিপ্ত।

রাম। মা, আমি কারাগার থেকে বার ক'রে দেব
 ব'লেছি ; তার পর না যান—আমি আর দায়ী নই।

অলকা। আপনি কারাগারের বাইরে দিন, আমি উপায়
 ক'বুছি।

[অলকার প্রস্থান।

রাম। নসির, নসির !—

(নসিরের বেশে ঈশানের প্রবেশ)

ঈশান। আজ্ঞে।

রাম। তুমি কে ?

ঈশান। আজ্ঞে, ঠাকুরের ভূতা, আমার নাম ঈশান।

রাম। তুমি এখানে কিরূপে এলে ?

ঈশান। আজ্ঞে, আমি কারাগারের দোরে দাঁড়িয়ে ছিলাম,
 দেখলুম—একজন মুসলমান 'গৌরাঙ্গ গৌরাঙ্গ' বলে যাচ্ছেন,
 তাঁর এই কারারক্ষকের বেশ ; আমি তাঁরে মিনতি ক'রে
 জিজ্ঞাসা করায়, তিনি পরিচয় দিলেন, তাঁর নাম নসির খাঁ,
 আমার প্রভুর রক্ষক ছিলেন ; এখন প্রভুর নিকট তিনি
 উপদেশ পেয়ে গৌরাঙ্গ-দর্শনে চ'লেছেন ; আমি তাঁর কাছ
 থেকে তাঁর এই পরিচ্ছদ যাচিঞা ক'রে নিলুম, আমি বহুকাল
 প্রভুকে দর্শন করিনি, ভাবলেম এই পরিচ্ছদ প'রে গেলে
 কেউ আমাকে বাধা দেবে না ; তাঁর নিকট পথ অবগত হ'লে
 আমি হেথায় এসেছি।

রাম। দেখ, আমি তোমার প্রভুকে মুক্তি দিতে
 প্রস্তুত ; উনি যাবেন না, আমি কি ক'বুব ?

ঈশান। আমি সব শুনেছি ; আপনি ওঁর শিকল খুলে
 দিন, আমি নিয়ে যাচ্ছি।

রাম। দেখ ঈশান, তোমার প্রভুই ধর্ম, গৌরাঙ্গের
 নামই ধর্ম,—আমি এমন রহস্য কখনও দেখিনি ! আমিও
 গৌরাঙ্গের চরণে শরণ নেব, আমি শিকল খুলে দিয়ে যাচ্ছি
 পার যদি নিয়ে এস।

(রামদিন কর্তৃক শৃঙ্খল-মোচন)

সনা! কে ও?

রাম। আমি কারাধ্যক্ষ।

সনা। কি কর!

রাম। আপনার জান্বার অধিকার নাই।

[শৃঙ্খল মোচনাস্তে প্রস্থান।

সনা। প্রভু এস, আমার হৃদয়ে এস, গোপীকার হৃদয়ে
বেদন তোমার বাস, আমার হৃদয়ে তেমনি বাস কর।

ঈশান। গৌরাঙ্গ! গৌরাঙ্গ! গৌরাঙ্গ!

সনা। আহা! কে আমায় গৌর-নাম শোনায়?

ঈশান। আমি গৌরাঙ্গের দাস, প্রভু আপনাকে ডেকে-
ছেন, আপনি শীঘ্র আহুন।

সনা। প্রভু স্বরণ করেছেন? চল—শীঘ্র চল।

[উভয়ের প্রস্থান।

চতুর্থ গর্ভাঙ্ক

জাহ্নবী-তীর।

(জনৈক বৈষ্ণব ও ঈশানের সহিত সনাতনের প্রবেশ)

বৈষ্ণব। মহাশয়, বলতে পারেন, এখানে সনাতনের
আশ্রম কোথা?

ঈশান। এই যে উন্নতের স্নায় আপনার সম্মুখে।

বৈষ্ণব। প্রভু, আপনি সেই ভক্তচূড়ামণি, আপনার নাম
সনাতন?

সনা। আজ্ঞে, দাসের নাম সনাতন।

বৈষ্ণব। আজ আমার জন্ম সার্থক!

(পদধূলি লইতে অগ্রসর হওন)

সনা। কি করেন—অধম, বৈষ্ণব-চরণের দাস।

বৈষ্ণব। ভক্তরাজ, দীনকে বঞ্চিত ক'রবেন না; আমি
অহেতু আপনার স্তুতিবাদ করছি নি। শুধুন, অতি অদ্ভুত
রহস্য; গৌরাঙ্গদেব নিত্য সংকীর্ণনে উন্নত হয়ে ডাকেন,—
“সনাতন, সনাতন, সনাতন!” আপনি গৌরাঙ্গের প্রিয়পাত্র,
আমার মগুকে চরণ দিন।

সনা। (স্বগত) প্রভু, দয়াময়, এ অধমের প্রতি এত
করুণা! হা প্রভু, কতক্ষণে আপনার চরণ দর্শন ক'রবো!
(প্রকাশ্যে) বৈষ্ণবরাজ, আমায় নিয়ে চলুন; আমার প্রভু
কোথায়?

বৈষ্ণব। মহাপ্রভু কাশীধামে; আপনি শ্রীপদ-দর্শনে বাত্মা
করুন; আমি একবার প্রভুর জন্মভূমি দর্শন ক'রে যাব।

সনা। চল, শীঘ্র চল, আমার প্রভুর কাছে যাই;
বৈষ্ণবরাজ, আমায় পদে রাখবেন, ভক্তের রুপা হ'লেই প্রভুর
রুপা হবে।

[সনাতন ও ঈশানের প্রস্থান।

বৈষ্ণব। গৌরভক্তের পদারবিন্দে প্রণাম; এই মহা-
পুরুষের পদধূলি যে দেশে প'ড়বে, সেই দেশই হরিপ্রপ্নে
উন্নত হবে।

[বৈষ্ণবের প্রস্থান।

(অলকা, করুণা ও অপর স্ত্রীলোকগণের প্রবেশ)

অলকা। আমার আজ সংকর শেষ হ'য়েছে; আমার
স্বামী সন্ন্যাসী, আমি আজ সন্ন্যাসিনী; আজ হ'তে তোমাদের
দাসী, তোমাদের সাথী হবো।

করুণা। দিদি, ঐ দেখ, তোমার স্বামী নোকায় উঠেছেন,
এখন কি ক'রবে?

অলকা। তোমাদের সাথী হবো।

করুণা। আমরা দেশ-বিদেশে যাব; যারা আমাদের
মতন অনাথিনী, তাদের ব'ল্ব সে, জগৎ পতি গৌরাঙ্গ
এসেছেন;—যার পতির সাধ আছে, গৌরাঙ্গের চরণে
আত্মসমর্পণ করুক।

অলকা। দিদি, তোমাদেরও যে দশা, আমারও সে দশা।

করুণা। তবে কুলি নাও, 'জয় রাধে' বলে চল।

সকলে। জয় রাধে—শ্রীরাধে, জয় রাধে—শ্রীরাধে, জয়
রাধে—শ্রীরাধে!

(সকলের গীত)

প্রথমে চল চল, চল চল, রাধা রাধা নাম বল না,—

বদন ভ'রে বল, জয় রাধে—শ্রীরাধে।

নগরে নগরে দেখি যের যের,

অনাথিনী কেবা কাঁদে,

বিধি কার ভাল, বাদ দেখেছে সাধে,—

বদন ভ'রে বল জয় রাধে—শ্রীরাধে!

কব বিনয়ে তারে—কৈদ না,

গোরা এসেছে, প্রাণ বাঁধ না,

সে যে কিশোরীর দায়, বিকাইতে চায়,

বলে—কে নিবি আনায়,

যে চায় সে পায় তারে, সাধের গোরাচাঁদে,—

বদন ভ'রে বল, জয় রাধে—শ্রীরাধে।

[গান করিতে করিতে সকলের প্রস্থান।

চতুর্থ অঙ্ক

—:—:—

প্রথম গর্তাঙ্ক

বন

সনাতন ও ঈশান।

সনা। ঈশান, আমার পায়ে যেন কে শৃঙ্খল দিয়ে টান্চে, আমি চ'লতে পারছিনি, আমি মহাপ্রভুর দর্শনে যাত্রা ক'রেছি, আমার এ ভাব কেন? ঈশান, তুমি কাছে এলে আমার খাস-প্রখাস রুদ্ধ হ'য়ে যায়; তোমার কাঁথার পানে চাইতে আমার ভয় করে; বোধ হয়, এ কাঁথাখানা অতি অপবিত্র।

ঈশান। প্রভু, এ ছেঁড়া নামাবলীতে তয়েরি ক'রেছি।

সনা। তবে কি,—আমি ত কিছু বুঝতে পারছি নি, তোমার মনে কি কিছু বিষয়-কামনা আছে?

ঈশান। না প্রভু, আমি বিষয়-বাসনায় জলাঞ্জলি দিয়েছি; আপনি ত জানেন, আপনার চরণগুণল আমার সর্ষষ।

সনা। তবে কি, বুঝেছি, আমার মনই অপবিত্র!

(জৈনিক দস্যুর প্রবেশ)

দস্যু। প্রভু, আপনারা দেখছি সন্ন্যাসী; রূপা ক'রে যদি আমার কুটীরে আসেন, আমি আজ অতিথ-সেবা ক'রে জনম সফল করি।

ঈশান। বাপু, তুমি কে?

দস্যু। আজ্ঞে, আমি কাট কুড়িয়ে খাই; অতিথ-সেবা না ক'রে জল গ্রহণ করিনি।

ঈশান। আহা, তুমি বড় সাধু।

দস্যু। অতিথ-সেবার চেয়ে কি আর ফল আছে? অতিথি আসল নারায়ণ; আসুন, গাছতলায় কেন, আসুন।

ঈশান। ঠাকুর, চলুন, এ ব্যক্তি বড় সাধু, এর কুটীরে আজ বিশ্রাম করুন।

সনা। না ঈশান, আমি বৃক্ষতলেই থাকব।

দস্যু। দোহাই প্রভু, এস গো, তোমার পায়ে পড়ি গো, এখানে বড় ডাকাতির ভয় গো, পথে ব'সে থেক না গো—

ঈশান। প্রভু, চলুন, এখানে ডাকাতির ভয় ব'লছে।

সনা। কাদাদের ভয় কি ঈশান?

ঈশান। আজ্ঞে, তবে ভয় নাই?

সনা। ঈশান, তুমি প্রবঞ্চনা ক'র না; সত্য বল, তোমার নিকট কিছু আছে?

ঈশান। আজ্ঞে—আজ্ঞে!

সনা। বল বল, আমার বোধ হয় আছে, নচেৎ দস্যুর ভয় কেন?

ঈশান। আজ্ঞে, যংকিঞ্চিং আছে।

সনা। কি আছে বল?

ঈশান। আজ্ঞে, ১৫ খান মোহর এই কাঁথায় সেলাই করে এনেছি, অপরাধ মার্জনা করুন, পথের সঞ্চল ত চাই।

সনা। আমি এতক্ষণে বুঝলেম, কেন আমি চ'লতে পারছিলাম না, কাঁথায় বেধে শমনের অমুচর এনেছ; এখনি প্রাণ নাশ হ'তো; কোথায় মোহর, বাঁর কর।

দস্যু। ওরে জংলা!

সনা। বাপু, স্থির হও; তুমি এই মোহর নাও, একটি আমায় ভিক্ষা দাও, আমার এ ভৃত্যের পথের সঞ্চল নাই, একে আমি বাড়ী পাঠিয়ে দেব।

দস্যু। এ্যা এ্যা! আমার দিলে?

সনা। হ্যা, তুমি নাও।

দস্যু। ফাঁড়িতে গে ব'লে দেবে?

সনা। না বাপু, তুমি সে আশঙ্কা ক'রো না, আমি সবল-মনে তোমায় দিচ্ছি; তোমায় আশীর্বাদ কচ্ছি, তুমি যথেষ্ট স্বচ্ছন্দে থাক; তুমি আমার পরম উপকারী,—তোমার প্রসাদে আমি বিষয়ীর সংসর্গ পরিত্যাগ ক'রব। তুমি নাও,—আমার অবিশ্বাস ক'রো না।

দস্যু। তুমি ঠিক বৈরাগী বটে; আমি তিন দিন তোমার পেছ পেছ আছি, লোকের ভিড়ে কিছু ব'লতে পারি নি; আমি দেখেছি, তোমার কিছুতে মন নাই; আপনার গৌতরেই চ'লেছ, আর উনি কেবল কাঁথা সামলাচ্ছেন। ওহে, কাঁথার ভেতর পূর্বল আমাদের নজর এড়িয়ে যায় না, এখানে কত লোক কত রকম ক'রে যায়,—কেউ জটার ভেতর রাখে, কেউ গায়ের সঙ্গে মোম দিয়ে মেড়ে রাখে, কেউ কোপুনির ভেতর

রাখে, আমরা সব টের পাই। তোমার জোর কপাল, এর সঙ্গে ছিলে, তাই বেঁচে গেলে। হা—হা—হা! তুমি মনে ক'রেছিলে, আমি বনের ভেতর অতিথ-সেবা ক'রতে এসেছি! দেখ ঠাকুর, তোমার উপর বড় খুসি হ'য়েছি, এই একটা মোহর নাও, আমি চল্লুম।

[প্রস্থান।

সনা। ঈশান, এই নাও, বাড়ী যাও।

ঈশান। প্রভু, আপনাকে ছেড়ে আমি কোথায় যাব? আমায় পায়ে ঠেলবেন না।

সনা। তুমি কখনও ত আমার অবাধ্য হও না। আজ কেন কথা শুন্টো না? তোমার এখনও বিষয়-বাসনা দূর হয় নি, তুমি যাও, আমার যে জহরং তোমার জিহ্বায় আছে, তা বিক্রয় ক'রে লক্ষ মুদ্রা পাবে, ভোগ-বাসনা তৃপ্ত হ'লে বৃন্দাবনে যেও।

ঈশান। প্রভু, চিরদিন আপনার সেবা ক'রেছি, আপনাকে ছেড়ে আমি কেমন ক'রে থাকবো, হায়! আমার কি হ'ল,—দীনবন্ধু, কি ক'রলে,—আমি কেন এ কাল মোহর এনেছিলুম।

সনা। ঈশান, তুমি ক্ষুব্ধ হ'য়ো না; তুমি আমায় পরিচয় দিয়েছিলে, তুমি গৌরান্দের দাস; যখন মহাপ্রভুর দাসত্ব গ্রহণ ক'রেছ, তখন আর তোমার ভয় নাই; গৌরান্দেব তোমায় পদে স্থান দেবেন, কিন্তু কর্মভোগ খণ্ডন হয় না, এখনও সময় পূর্ণ হয় নি, সময় হ'লে বিষয় পরিত্যাগ ক'রো; যাও, যদি আমায় স্নেহ কর, কথা অগ্রথা ক'রো না।

ঈশান। প্রভু, কতদিনে সময় পূর্ণ হবে?

সনা। আপনি বৃষ্টিতে পারবে; যখন গৌরান্দের নাম ভিন্ন অপর পথের সম্বল চাইবে না, যখন একমাত্র গৌরান্দকে সর্বস্ব জানবে।

ঈশান। প্রভু, আমার উদ্ধারের কি হবে?

সনা। গৌরান্দের নাম স্বরণ রেখো, বিষয় তোমায় লিপ্ত ক'রতে পারবে না।

ঈশান। আপনার আজ্ঞা আমার শিরোধার্য; দেখ' প্রভু, দাসের যেন গতি হয়।

সনা। গৌরান্দ তোমার গতি ক'রেছেন, ভেবো না।

[ঈশানের প্রস্থান।

প্রভু, কতক্ষণে তোমার দর্শন পাব!

(জনৈক সহিসের প্রবেশ)

সহিস্। আরে, এবে, তোম্ ঘোড়াকা কাম সেক গে, তোম্ রোতে হো কাহে কো?

(শ্রীকান্তর প্রবেশ)

জনাব, এ একঠো যেসিয়াড়া হো সেক্তা।

শ্রীকান্ত। এ কি, মহাশয়ের এ দশা কেন?

সনা। শ্রীকান্ত, তুমি কি কাশী হ'তে আসছ? তুমি কি গৌরচন্দ্রের সংবাদ জান?

শ্রীকান্ত। হায় হায়, সংসারটা উচ্ছন্ন গেল, তিন ভাই সম্মানী হ'ল! মহাশয়—মহাশয়, কেন এ সর্বনাশ ক'রতে ব'সেছেন, অট্টালিকা ছেড়ে কেন এ তরুতলে এসেছেন, উজীরি পরিত্যাগ ক'রে কেন এ সম্মাস? চনুন, ঘরে চনুন। হাজিপুরে নবাবের জন্ত ঘোড়া কিনতে এসেছিলুম, তা ঘোড়া পাই আর না পাই, আমি এদিকে এসে ত বড় কাজ ক'রেছি। মেলায় দিন এল, আমি হাজিপুর থেকে ঘোড়া কিনে শীঘ্রই গৌড়ে যাব, আসুন আমার সঙ্গে আসুন।

সনা। তুমি এ দিকে এসেছিলে কেন? গৌরচন্দ্রকে দর্শন ক'রতে?

শ্রীকান্ত। না, মেলায় দেরি ছিল তাই, এ দিকে যদি ঘোড়া পাই, তাই এসেছিলেম, কৈ, ছ' চারটা বই ত পেলুম না। হাজিপুর থেকেই নিতে হবে। আপনি আমার তাঁবুতে আসুন, আহা, এ ছরস্ত শীতে একখানা কাপড় নাই, দেখে যে প্রাণ কেটে যায়! এই শালখানা গায়ে দিন।

সনা। আমি সম্মানী, শাল নিয়ে কি ক'রবো?

শ্রীকান্ত। কে বলে আপনি সম্মানী, আপনি উজীর; চনুন, সংসারটা ভাসিয়ে দেবেন না।

সনা। ভাই, তুমি কি বিশ্বাস কর যে, বৃন্দাবনে বাশীর রবে ব্রজান্দনারা কুলে জলাঞ্জলি দিয়ে গহন কাননে যেত? কথাটি সত্য,—আমি সেই বেণুরব শুনেছি, আমি সেই ব্রজ-গোপীর ছায় অকূলে ভেসেছি, আমি আর আপন বশে নাই, কি ক'রবো বল? ওরে, গৌরচন্দ্র যে আমায় ডেকেছেন। হায়, তিনি কোথায়, আর আমি কোথায়?

শ্রীকান্ত। ও সব কি কথা? আপনি প্রকৃতিস্থ হন, কেন এ প্রলাপ ব'কছেন? বংশীরব হ'য়েছিল ছাপরে, কলিতে

কি ? মাগ ছেলে প্রতিপালন করুন, ইষ্টদেবতার নাম করুন,
বাঁশী বাজে, রাখাল নাচে, গোপিনী যাবে,—ও সব কি ?

সনা ! ওরে বাজে বাঁশী চিরদিন,

তুবন ভরিয়া বাজে বাঁশী স্মধুর,

বাঁশী রাধা-নাম গায়,

বাঁশী বলে, আয় আয় ঠেকেছি রে দায়,

বলে বাঁশী, কে আছ ভিখারী,

এস ত্বরাস্রি,

কল্পতরু প্রেমের কিশোরী,

আয় আয়, না এলে কাঁদিয়ে রাই !

বাঁশী প্রেমে মত্ত ডাকে উভরায়,

যার কাণে যায়—সে হয় আপন-হারী,

মহারোল সংসার-মাগরে,

রঙ্গ ভঙ্গে তরঙ্গে ডুবায় নরে,

মহারোল—বধির শ্রবণ,

তাই বেগুর্নব নাহি পশে কাণে,

তাই নাহি জানে,

কাতর জীবের তরে প্রেমময়ী রাই,

শুন শুন, ব্যাকুল শ্রীহরি

ডাকিছেন মুরলীর নাদে ।

শ্রীকান্ত । বুঝেছি, আর ফেরবার নয়, শাল না গায়ে দিন,

এই বনাতথানা গায়ে দিন ।

সনা । আমার প্রভু কন্বাধারী, নকরের এ সাজ সাজ্বে
না । আহা ! প্রভু আমার ভিখারী, দ্বারে দ্বারে ভিক্ষা
ক'রে বেড়ান ; আমার ছেঁড়া কাঁথা দিয়ে সাজিয়ে দাও, আমি
প্রভুর দর্শনে যাই ; ঐ—ঐ শোন, আমার 'আয়' বলে
ডাকছেন, ঐ বংশীবিনিন্দিত মধুর-ধ্বনি শুন, আমি আর
থাকতে পারিনি, চ'ল্লেম ।

শ্রীকান্ত । এ বনে কোথায় যাবেন, অদূরে ভাগীরথী, কাশী
ও পারে । আমি শুনেছি, গৌরান্দ্র কাশীতে আছেন, যদি
একান্তই গৃহে না যান, আমি নৌকা ক'রে দিব, আপনি
যাবেন, এ যে ছুরন্ত শীত, তা এই ঘোড়ার কলখানা গায়ে
দিন, আহুন ।

(কল দেওন)

সনা । না ভাই, তুমি যাও ; আমি চ'ল্লেম ।

শ্রীকান্ত । কোথায় যান ? না হয় যোগাড় ক'রে কাশীতেই

পাঠিয়ে দিই, বনে মারা যাবে না কি ? আঃ ! গৌরান্দ্র কি
সর্বনাশই ক'রলে ।

দ্বিতীয় গর্ভাঙ্ক

কাশী—চন্দ্রশেখরের বাটী

চৈতন্য, রূপ, অহুপম, চন্দ্রশেখর, বৈষ্ণবগণ ইত্যাদি ।
সংকীর্তন ।

ভেলি ভেলি রূপমাধুরী তিরপিত নহ আঁধি,

চাহে মন জনম জনম চরণে হবয়ে রাপি ।

মুঞ্জ কুঞ্জে কুহুম তুলব, গাঁথব নব মালা,

গহন গহন ফিরি ফিরি ফিরি, ধরব হামার কালা ;

ফুল-ফাঁদে শ্যামচাঁদে রাখব হাম বাঁধি,

অনিমিত্ত মুখ হেরব, হৃদয়ে হৃদয়ে মাধি ;

যতনে মে রাখব আঁচরা ঢাকি ।

চৈতন্য । কে রে রূপ ? কে রে অহুপম ? তোরা
যে আমার, তোদের দেখলে আমার কত কথা মনে পড়ে ।

রূপ । প্রভু, শরণাগতের মস্তকে পাদপদ্ম দিন ।

চৈতন্য । ওরে রূপ, ওরে অহুপম, তোরা যে কৃষ্ণভক্ত,
আমার মাথার মণি ।

রূপ । প্রভু, প্রভু, কি আঞ্জা করেন !

চৈতন্য । আমি বৈষ্ণবের পদধূলি বড় ভালবাসি, কৃষ্ণভক্তের
পদধূলি বড় ভালবাসি ; তোরা কৃষ্ণভক্ত, তোদের পদধূলি
আমি ভালবাসি ।

রূপ । প্রভু, ক্ষমা করুন, দাস কুণ্ঠিত হয় ।

চৈতন্য । রূপ, তুমি জান না, কৃষ্ণভক্ত দেবতাদিগেরও
পূজ্য । দুর্লভ নরজন্ম ধারণ ক'রে কোটি লোকের মধ্যে
একজনের ধর্মনিষ্ঠা হয় ; কর্মনিষ্ঠাই অধিক, কোটি কর্মনিষ্ঠের
মধ্যে একজন জ্ঞানী হয়, কোটি জ্ঞানীর ভেতর একজনের
হরিভক্তি হওয়া দুর্লভ,—তুমি সেই হরিভক্ত, তোমার কাছে
আমি অনেক আশা করি । রূপ, অহুপম, তোরা এনি,
আমার সনাতন কোথা ?

রূপ । প্রভু সকলি জানেন, অহুপম গোড় থেকে শুনে
এসেছে, নবাব রোষান্দ্র হ'য়ে তাঁকে কারাগারে দিয়েছেন ।

চৈতন্য । কার সাধ্য সনাতনকে কারাগারে রাখে ? তার
মুখে আমি হরিনাম শুনেছি, হরিভক্তকে কে কারাগারে বন্ধ-

করে? আমার সনাতন আমার কাছে আছে। ওরে, রূপ-সনাতন—হুইজন যে আমার বৃন্দাবনরক্ষক। রূপ, তুমি বৃন্দাবনে যাও, ভক্তি-রসের গ্রন্থ প্রস্তুত কর, জীবকে অমরত্ব প্রদান কর; সনাতনের জন্ত ভেব না, তার দেখা শীঘ্র পাবে। অহুপম, তুমি অহুপম, তুমি যেখানে যাবে, লোকে পবিত্র হবে। যাও, তুমিও রূপের সঙ্গে বৃন্দাবনে যাও। রূপ, বৃন্দাবন-বাদীর ভার তোমার উপর, আমার মদনমোহনের ভার তোমার উপর।

রূপ। প্রভু, দাসকে শক্তি-সঞ্চার করুন।

চৈতন্য। কৃষ্ণের শক্তি তোমাতে বিরাজমান; তোমার ভয় কি,—তোমার ললিত রচনায় মানব-হৃদয় ভক্তিরসে দিক্ত হবে। রূপ, যাও, তুমি আমার বৃন্দাবনের দ্বারী, তুমি গেলে আমি বৃন্দাবনের দায়ে নিশ্চিন্ত হব।

রূপ। দাসের ভাল-মন্দ সকলই প্রভুর উপর।

চৈতন্য। অহুপম, রূপের সঙ্গে যাও; এখানে থাকলে তোমাদের সনাতনের সঙ্গে সাক্ষাৎ হ'তো, কিন্তু তাতে তার মরিক সখ্য উদয় হবে, প্রেমের রাজ্য বৃন্দাবনে মায়ার স্বিকার নাই, শেষ তার সঙ্গে সাক্ষাৎ কর'।

অহু। প্রভু, আপনার চরণে যদি অচলা ভক্তি থাকে, তা হ'লে যে আমায় অহুপম নাম দিয়েছেন, আমার অহুপম নাম মার্ধক।

চৈতন্য। তোমার ভক্তিরসে শুক তরু মুঞ্জরিত হবে।

[রূপ ও অহুপমের প্রস্থান।

বাহা! আমার রূপের, আমার অহুপমের কি আশ্চর্য্য কৃষ্ণ-ভক্তি,—ভক্তি-ডোরে আমার মদনমোহনকে ওরা বেঁধেছে।

চন্দ্র। প্রভু, আপনি বাধা প'ড়েছেন!

চৈতন্য। ছিঃ—আমি কে, দেখছ না একটা মাংস-পিণ্ড-জড়িত! আমার গোরব ক'র না, কৃষ্ণচন্দ্রের গোরব কর। চন্দ্রশেখর, দেখ তো, দোরে ত কেউ বৈষ্ণব নাই,—আমার প্রাণ যে কেমন ক'রছে, আমার বেন কেউ আপনার লোক এসেছে।

[চন্দ্রশেখরের প্রস্থান।

১ম বৈষ্ণব। প্রভু, ক'রছেন কি?

চৈতন্য। আমি কৃষ্ণ-বিরহে বড় কাতর, তাই ভক্তবৃন্দের সখ্য অঙ্গে ধারণ ক'রছি, ভক্তের রূপা হ'লে মদনমোহনের রূপা হবে।

(চন্দ্রশেখর ও সনাতনের প্রবেশ)

সনাতন, সনাতন, আমি এত ডাকছি,—তুই আমায় তুলে কোথায় ছিলি? আয় রে তোরা চন্দ্রবদন দেখি।

সনা। প্রভু, প্রভু, পতিতপাবন, আমায় শ্রীচরণ দিন; আমি বিষয়ী!—

কাঞ্চন গগন, শ্রীঅঙ্গ রঞ্জন,
গৌরাঙ্গ হৃন্দর ঠান!

প্রেমের সম্মাসী, দ্বারে দ্বারে আসি,
প্রেম চালে অবিরাম।

তাজিয়া বাশরী, কি ভাবে আ মরি,
দণ্ড-কমণ্ডলু করে!

সদা উত্তরোলে, রাধা রাধা বলে,
কমল-নয়ন ঝরে।

কাল' কায় ঢাকা, রাধারূপ আঁকা,
নবলীলা নব সাজে,—

হের দীন জন, মাগিছে শরণ
চরণ-রাজীব রাজে!

চৈতন্য। তুমি কৃষ্ণ-প্রেমে বৈরাগী, তোমার জন্মে পৃথিবী ধত। দেখ সনাতন, আমার একটি কথা মনে প'ড়ছে—প্রহ্লাদ হরিপ্রেমে পিতার কথা ঠেলেছিল, - প্রহ্লাদ অবাধ্য হয়ে ধত; ভরত শ্রীরামের জন্ত মায়ের কথা ঠেলেছিলেন,—তিনি অবাধ্য হ'য়ে ধত; বিভীষণ ভগবানের জন্ত জ্যেষ্ঠের আজ্ঞা লঙ্ঘন ক'রেছিলেন,—তিনি ধত; তুমি হরিপ্রেমে রাজ-আজ্ঞা ঠেলেছ,—তুমিও ধত।

সনা। ভগবান্ অন্তর্ধ্যামী, আমার বড় আশঙ্কা ছিল, আমি ছলে কারাগারমুক্ত,—প্রভু, ভয়হর, শ্রীমুখের আজ্ঞার আমার সে ভয় দূর হ'লো।

চৈতন্য। তুমি কি জাননা, কৃষ্ণ চতুর চূড়ামণি! চতুররাজ চাতুরী ক'রে তাঁর ভক্তকে উদ্ধার ক'রেছেন। কৃষ্ণের চাতুরী, তোমার কি?—তুমি একবার সেই মদনমোহনকে ডাক, আমি প্রাণ ভরে শুনি।

সনা। গৌরাঙ্গ, গৌরাঙ্গ, মদনমোহন গৌরাঙ্গ!

চৈতন্য। ছিঃ, তুমি জীবাধমে ঈশ্বর তুলনা কর!—

• কৃষ্ণচন্দ্র মদনমোহন,
বিশ্বের আধার কৃষ্ণচন্দ্র সার,
ব্রহ্মা আদি শক্তি মাত্র যার,

বিশ্বব্যাপী সেই সর্বভূতে—
সেই সনাতন ভক্ত রঞ্জন,
সেই বিপিনবিহারী বাজারে বাশরী,
প্রাণ মন চুরি করে ছলে, —
সেই কালা বন্ধিম-নয়নে,
প্রাণে বাণ হানে,
উন্মাদিনী গোপিনী যে স্বরে—
এই ছিল কোথা গেল, কোথা সে আমার ?
কোথা রাধিকার মনোচোরা,
আন ত্বরা আন ব্রজরাজে ।

(প্রথম বৈষ্ণবের গীত)

বাসি হ'লো বনমালা, দেখ ওলো প্রাণ-সই,
ধূসর গগনে শশী, কাল-শশী এল কই ?
মজিয়া শঠের ছলে, ভাসিল নয়নজলে,
দেখ লো কমলদলে, অমরা বসিল ওই ।
এল না এল না কালা, বিফল বিপিনে জালা,
বিরহ-বিধুরা বালা, বল বল কত সই ।

চৈতন্য । সনাতন, আমার মুখপানে চেয়ে আছ কেন ?
সনা । প্রভু, অধমের মনোবাস্তা পূর্ণ করুন ।

চৈতন্য । কৃষ্ণ তোমার মনোবাস্তা পূর্ণ করবেন, তুমি
বৃন্দাবনে যাও ।

সনা । প্রভু, আপনি আমার সর্বস্ব, আপনার চরণ
ভিন্ন আমি অন্য কারকে চাইনি ! আমি গোলোক চাইনি,
আমি বৃন্দাবন চাইনি,—আমি আপনার চরণযুগল চাই,
আপনার সেবা করবো,—আমার বড় সাধ ।

চৈতন্য । আমি তোমার কাছে থাকতে বড় ভালবাসি ।
আবার ভয় হয়, মা আমার আদর দিয়ে বড় আব্দে
করেছেন ; তুমি যদি রাগ কর,—মা আমার রাগ করে কত
মারতেন, কত বাধতেন !—

দেখ, নন্দরাগী নবনীর তরে,—
করে করে বেঁধেছিল মোরে,
আজ' আমি বাঁধা আছি যশোদার পায়—
না জানি কি ছলে তুমি ভূলাও আমায় !
বাধিতে কি আছে তোর সাধ ?
ওরে, বারে বারে বন্ধ হব কত ?

কি জানি কেমন মন বুঝাইতে নারি,—
যেই কৃষ্ণ বলে, ছলে বসি তার কোলে,
তখনি রে কেনা তার কাছে !
ওরে, কত মনে করি—মনেরে নিবারি,
যেই জন বলে হরি হরি,
অমনি তখনি—আপনা পাসরি,
ধেয়ে বাই তার কাছে !
আত্মহারা এমন কে আছে—
বিকিয়েছি কত বার ।
সনা । হা করুণাময় !

চৈতন্য । সনাতন, তুমি বৃন্দাবনে যাও, আমি তোমার
কাছে থাকতে বড় ভালবাসি । নির্জনে আমার একটি কুটীর
করে দিও, আমি এক এক দিন আব্দার করবো, আমার
মেরো না, আমার আব্দে স্বেভাব । সনাতন, আমি যদি
কালা হ'য়ে বাই, তুমি আর কি আমায় ভালবাসবে না ?
আমায় কি চূড়া মাথায় দিলে ভাল দেখায় না ? আমি
যদি পীতবটী পরি, আমায় কি তুমি তাড়িয়ে দেবে ? দেখ,
আমি দুপুর পায়ে দিয়ে তোমার কাছে নাচবো, আমি কণী
বাজাব, তুমি আমায় কিছু বলো না । দেখ সনাতন,—আমি
চিকণ-কালো, আমার রায়ের রূপে ভুবন আলো !

(বৈষ্ণবগণের গীত)

আমি আপনি চিকণ-কালো,
আমার রাইয়ের রূপে ভুবন আলো,
রাইয়ের বরণ মেখেছি কাষ, রাইকে বাসি ভালো ।
কিশোরীর রূপের কিরণ, ঢেকেছে কালো বরণ,
রাই বিনে আর সোনার চাঁপার বরণ কার এমন ?
আমার অঙ্গে অঙ্গে রাই কিশোরী,
রাধানাম সনাই করি,
কিশোরীর প্রেমের স্বপ্নে যোগী হ'তে হলো ।

[সঙ্কীৰ্ত্তন করিতে করিতে সকলের প্রস্থান ।

তৃতীয় পর্ভাঙ্ক

কাশী—পথ

রামদিন ও নসির খাঁ।

রাম। নসির খাঁ, এখানে কি গৌরাঙ্গ আসবেন? তাঁর কি দর্শন পাব?

নসির। হুজুর, আমি ত জানি না; সকলে বলছে, তাই আমি আশা করে এখানে বসে আছি।

রাম। নসির, তুমি আমায় হুজুর বলো না, আমি তোমার দাস।

(বুদ্ধিমস্তের প্রবেশ)

বুদ্ধি। বাপু, বলতে পার, এই পথে গৌর যাবে কি? এঁা, কে ও? রামদিন! কে ও, নসির?—

রাম। আপনি কে, সেই বুদ্ধিমস্ত ঠাকুর না?

বুদ্ধি। না বাবা, আমি বুদ্ধিমস্ত নই।

রাম। কেন ঠাকুর, ভয় কি? মিথ্যাকথা বল্চো কেন? আমি তোমায় চিন্তে পেরেছি।

বুদ্ধি। বাবা, পরোয়ানা টরোয়ানা আন নাই ত?

রাম। আমরা গৌরাঙ্গ-দর্শনে এসেছি, গৌরাঙ্গকে দর্শন করে মানব-জীবন সফল করব। আমি কারাধ্যক্ষ—মহাপাতকী, আমায় কি দর্শন দেবেন? দেখি, নিজগুণে ঠাকুর কি করেন।

বুদ্ধি। হ্যাঁ বাবা, বলতে পার, আমার উপায় কিছু হবে?

নসির। তুমিও কি প্রভুকে দর্শন করতে কাশীতে এসেছ?

বুদ্ধি। না বাবা, আমি কাশীতে একটা ব্যবস্থা নিতে এসেছিলুম। আমায় ত মুসলমান করে দিয়েছে জান, তাই একটা ব্যবস্থা নিতে এসেছিলুম।

রাম। তা কি হলো?

বুদ্ধি। বড় বড় মাথা-কামানে গেরুয়া-পরা বল্লেন, "তোমার ত আর টাকা-কড়ি নাই, তোমার তুহানল"।

রাম। তার পর?

বুদ্ধি। তার পর আর কি?—শুনে অল্প শীতল হয়ে গেল আর কি!

রাম। তুমি অত্যন্তরে ব্যবস্থা নিলে না কেন?

বুদ্ধি। যেখানে যাই, কেউ বলেন তুহানল, কেউ বলেন—তপ্ত ঘৃত পান! এই পণ্ডিত শালাদের মুখে নবাব খুংকুড়ি দেয়, তা হলে সাতজন মুসলমান হয়ে থাকি সেও ভাল, দেখি—শালারা ক' চোক তপ্ত ঘি পায়, আর ক' শালা তুহানল করে!

(সনাতনের প্রবেশ)

রাম। প্রভু, গৌরাঙ্গদেব কি এ দিক দিয়ে যাবেন?

নসির। আমরা কি তাঁর দর্শন পাব?

সনা। কে ও, রামদিন? কে ও, নসির? গৌরাঙ্গদেব বড় দয়াল, তিনি তোমাদের রূপা করবেন।

নসির। কে ও, সনাতন প্রভু! আপনার রূপা হলে আমরা গৌরাঙ্গদেবের রূপা পাব।

সনা। কোন চিন্তা করো না, তোমরা পরমভক্ত; তিনি ভক্তবৎসল, এখনি তোমাদের দর্শন দিবেন।

বুদ্ধি। দাদা সনাতন, তুমি কি ঐ গৌরের দলে?

সনা। আমি তাঁর দাস।

বুদ্ধি। দেখ দাদা, তুমি যে শুনেছিলে—তোমায় আমি একঘরে করতে চেয়েছিলেম, সে জীবে চক্রবর্তী রটিয়েছিল, আমার কোন অপরাধ নাই; যদি গৌরাঙ্গকে বলে আমার একটা প্রায়শ্চিত্ত-বিধি করে দিতে পার,—তুহানল টুহানল পাব না দাদা!

সনা। গৌরাঙ্গ-দর্শনে কোটি জন্ম পাপের প্রায়শ্চিত্ত হয়। আপনি এইখানে দাঁড়ান,—গৌরচন্দ্র দর্শন করলে আপনার সকল পাপ দূর হবে। নসির, আমার প্রতি রূপা কর, আমার এই কথলখানি নিয়ে তোমার কাঁথাখানি দাও।

নসির। প্রভু, আপনার কথা আমি ঠেলেতে পারি নি, এ যে ছেঁড়া কাঁথা, আর আমি যবন—অপবিত্র!

সনা। দাও, আমায় রূপা করে কাঁথাখানি দাও। তুমি গৌর-ভক্ত, তোমা অপেক্ষা শুচি কে? আমার মিনতি রাখ, গৌরাঙ্গদেব বার বার আমার এ কথলের প্রতি দৃষ্টি করেছেন, আমি এ ছার কথল আর গায়ে দেব না।

(কাঁথা দিয়া নসীরের কথল গ্রহণ)

বুদ্ধি। দাদা সনাতন, গৌর এলে যেন আমার কথাটা
মনে থাকে।

সনা। তুমি গৌরহরি বল, তোমার ভয় নাই।

সকলে। গৌরহরি, গৌরহরি, গৌরহরি!

(চৈতন্যদেবের প্রবেশ)

চৈতন্য। (নসিরের প্রতি) দেখ, তোমার কৃষ্ণ-ভক্তি
হ'য়েছে, তুমি সাধু।

নসির। প্রভু, অধম যবনের প্রতি এত রূপা!

চৈতন্য। (রামদিনের প্রতি) কে রে ভক্তোত্তম? কৃষ্ণ
যে তোমার হৃদয়ে! তোমার হৃদয় স্পর্শ করে আমি পবিত্র
হই,—আমি কৃষ্ণধনকে স্পর্শ করি।

রাম। হা গৌরাঙ্গ!

বুদ্ধি। বাবা গৌর, আমি সনাতনের ঠাকুরদাদা স্ববাদে
হই, আমার যা হয় একটা প্রায়শ্চিত্তবিধি করে দাও,—আমি
তপ্ত-যি টি খেতে পারব না। বাবা, নবাব আমার মুখে
খুঁকুড়ি দিয়েছে, আমি মুসলমান হ'য়ে গিয়েছি।

চৈতন্য। তোমার ভয় কি? তুমি কৃষ্ণনাম কর।—

কৃষ্ণনামে অপার মহিমা—

একনামে পাপ হবে ক্ষয়!

পুনঃ কৃষ্ণ বল,

কৃষ্ণচন্দ্র হবেন উদয়!

তৃতীয় নামেতে তাঁর পাবে সহবাস!

কৃষ্ণ কৃষ্ণ কৃষ্ণ বল ভাই—

কৃষ্ণ বই নাই!

কৃষ্ণ কৃষ্ণ কৃষ্ণ নাম বল বার বার,

গোলকে উঠিবে তাহে হৃন্দুভি-ঝঙ্কার।

'ধচ্ছ ধচ্ছ' বলিবে গোলকবাসী।

কৃষ্ণ কৃষ্ণ কৃষ্ণ নাম বল অবিরাম,

নবঘনশ্রাম—

বংশী করে ফিরিবেন পাছে পাছে।

কৃষ্ণনাম কর গিয়া বৃন্দাবনে,

দূরে যাবে সকল যন্ত্রণা,

অতি শ্রেষ্ঠ হবে তুমি কৃষ্ণনাম-গুণে।

বুদ্ধি। কৃষ্ণ কৃষ্ণ কৃষ্ণ কৃষ্ণ কৃষ্ণ!

(বৈষ্ণবগণের প্রবেশ)

১ম বৈষ্ণব। এই যে আমার কৃষ্ণচন্দ্র!

২য় বৈষ্ণব। এই যে আমার কৃষ্ণচন্দ্র!

সকলে। জয় জয় পতিতপাবন!

চৈতন্য। ওরে সনাতন, তোর কি সুন্দর সাজ হ'য়েছে!
ওরে প্রেমিক সন্ন্যাসি! তোর পদধূলি আমি মন্তকে মাখি,
ওরে বৃন্দাবনবাসি! তুই বৃন্দাবনে যা, জীবের উপায়
কর। কৃষ্ণ-ভক্তি রচনা করে জীবের পথ মুক্ত করে দে।

সনা। প্রভুর আজ্ঞা শিরোধার্য।

চৈতন্য। আয়—সদ্বীর্জনে নাচি, নেচে নেচে বৃন্দাবনে
চ'লে যা।

(সকলের সদ্বীর্জনে)

বল ভাই, হরি হরি, প্রেম করে ভাই হরি বল।

নামে প্রাণ উথলে, পাষণ গলে,

প্রেম-রসে নাম চল চল!

অমুরাগে বল রে হরি নাম,

প্রেম-রসে প্রাণ ভাসবে অবিরাম,

হৃদয়-মাঝে উদয় হবে ত্রিভঙ্গিম শ্যাম,

ছাব বাদনা যাবে দূরে, ক'রবে না আর ছল,—

নামের গুণে প্রাণ হবে শীতল।

হরি নাম কেন ভোল!

সনা
কই, প্র
পেলেম
যমুনা তী
প্যারী
মহাপুরু
রূপের চ
বল্লভ
জানিয়ে
পুণ্ডকখা
সনা
হরিভক্তি
কৃষ্ণ তাঁর
সেবা আ
বৃন্দাবনে
অপেক্ষা ক
বল্লভ
কখনও মি
সনা
নাই, আজ
কুটারে এ
শূন্য থাকে,
এসে তিন
আসতে ব্যা
কি নৃতন গ

পঞ্চম অঙ্ক

—:—

প্রথম গর্ভাঙ্ক

বৃন্দাবন—যমুনাতীর

সনাতন।

সনা। প্রভু আমার ছল ক'রে নীলাচলে চ'লে গেলেন। কই, প্রভু ত আমার মেবা নিতে এলেন না, প্রভুকে ত পেলেম না!—আজ হ'তে আর কুটীরে প্রবেশ ক'রব না; এই যমুনাতীরেই বাস ক'রব। রূপ ধন, আমি স্বচক্ষে দেখেছি, প্যারী পেয়ারীলাল তাঁর অন্নভক্ষণ ক'রেছেন,—আমি সেই মহাপুরুষের রূপায় পঞ্চানন-বাহিত প্রসাদ ধারণ ক'রেছি, রূপের চরণে আমার কোটি প্রণাম।

(বল্লভের প্রবেশ)

বল্লভ। প্রভু, গোস্বামী আপনাকে সাষ্টাঙ্গে প্রণাম জানিয়ে নিবেদন ক'রেছেন যে, আজ রজনীতে তাঁর মৃতন পুস্তকখানি আপনি শোনেন।

সনা। গোস্বামীর চরণে আমার সাষ্টাঙ্গে প্রণিপাত, তাঁর হরিভক্তি সার্থক! ভ্রম নয়—আমি স্বচক্ষে দেখেছি, রাধা-রুঞ্চ তাঁর অন্ন প্রসাদ ক'রেছেন। আমি নরোধন, মদনমোহন-সেবা আমার অদৃষ্টে নাই! গৌরানন্দেব ছল ক'রে আমার বৃন্দাবনে পাঠিয়ে দিলেন; আমি পদ্মাসন পেতে দিন-যামিনী অপেক্ষা ক'রছি,—কই, আমার আশা ত পূর্ণ হল না?

বল্লভ। প্রভু, আপনি মলিন হবেন না, গৌরানন্দের কথা কখনও মিথ্যা নয়।

সনা। আরে, তুমি জান না, চতুরের কথায় প্রত্যয় নাই, আজ প্রভাতে আমি স্বপ্ন দেখেছি যে, মদনমোহন আমার কুটীরে এসেছেন; নিদ্রাভঙ্গে দেখি, আমার কুটীর যেমন শূন্য থাকে, তেমনি শূন্য, মদনমোহন নাই। আমি বৃন্দাবনে এসে তিন দিন স্বপ্ন দেখেছি, মদনমোহন আমার কাছে আসতে ব্যাকুল, তা কই?—বোঝ, ছল কি নয়? গোস্বামী কি মৃতন গ্রন্থ রচনা ক'রেছেন?

বল্লভ। আমি ত তা জানি নি, প্যারীজীর রূপ বর্ণনা ক'রে একটা গীত আমার গাইতে ব'লেছিলেন, সেইটিই বা শিখেছি।

সনা। রূপা ক'রে গাও দেখি, শুনি।

(বল্লভের গীত)

মরি তরণ অরণ কিরণ স্বলসে, আমার কাঁচা সোণ। কমলিনী,
মদনমোহন রঞ্জন আঁপি, শ্যানচাঁদের প্রেমে উদ্ভাদিনী,
অন্নভাষন নীল-বসনে—যেন মেঘে খেলে সৌদামিনী।

মরি চন্দ্র কুহুম নেহারে হাসি,
আমাব ব্রজরাণী আনোদিনী।

মরি লখিত বেণী দল দল দোলে—
রাইয়ের বেণী কাল-ভুগদিনী।

সনা। অল্পপন, একটি কথা যেন আমার প্রাণে বাজছে; আনন্দ-প্রতিমা অমৃতময়ী কিশোরীর লখিত বেণী - বিষধর কালভুগদিনীর সঙ্গে তুলনা,—এটি কেমন মনে হ'চ্ছে; নইলে গোস্বামীর রচনার আর তুলনা নাই। অল্পপন, গোস্বামীকে আমার সাষ্টাঙ্গে প্রণিপাত জানিও, আমার নিবেদন এই যে, ভ্রমর যেমন মধুপানের নিমিত্ত ব্যাকুল, আমিও তাঁর রচনা-মাধুরী শ্রবণ ক'রতে সেইরূপ লালায়িত। আমি সক্ষ্যার পর মথুরা দর্শন ক'রে তাঁর শ্রীচরণ বন্দন ক'রব। শুনেছি, মথুরায় এক অপূর্ণ বিগ্রহ মদনমোহন মূর্তি বিরাজিত।

বল্লভ। প্রভু, দাসকে বিদায় দিন।

সনা। বৈষ্ণব-চরণে আমার প্রণাম।

[বল্লভের প্রস্থান।]

(জীবন চক্রবর্তীর প্রবেশ)

জীবন। দূর ছাই—এই গাছ, এই ঘাট, এই যমুনা, বেশীর মধ্যে ত এই বৈরাগী শালা! টাকা কই? ও ফাঁকি—ফাঁকি, কলিতে সব ফক্কিকার! দেবতাই বল, আর বাই বল, এ দিকে সব ঠিকঠাক, শুধু টাকার বেলা বৃড়ো আঙ্গুল দেখালে গা! হাত্তোর নেই বিশ্বেশ্বরের নিকিছি ক'রেছে! আর এ প্রাণ নিয়ে কি ক'রব ছাই, যমুনায় ডুবে মরি। সাতজন লক্ষীছাড়া থাকতে হবে, এক ভ্রমের জন্তু খেদ ক'রলে কি হবে?

সনা। ঠাকুর, আপনি অত বিষয় কেন?

জীবন। আর তা বৃষ্ণতে পারছ না?—তোমার তিলক

দেখে আমার ভাব হ'য়েছে! যাও, যাও, তোমার কাজে যাও, আর জালিও না।

সনা। এ বৃন্দাবন আনন্দধাম! হেথায় কি নিরানন্দ হ'তে আছে?

জীবন। আমার সঙ্ক, বৃষ্টিতে পাবুছ না,—আমি সৌখীন, সঙ্ক ক'রে নিরানন্দ হ'য়েছি! বলে, 'নিরানন্দ হ'তে আছে?'

সনা। এ আনন্দমগের পুরী, হেথায় কেউ নিরানন্দ থাকে না।

জীবন। বলি, দেখলেও কি প্রত্যয় কর না? এই যে সামনে চক্ষু-কর্ণের বিবাদ মিটেছে। তোমার বৃন্দাবন—আমি ডের বন দেখে এসেছি, লক্ষ্মীছাড়ার কাছে সব সমান! বৈরিগী ঠাকুর, কলিতে কি আর দেবতা আছে?—

সনা। দেবতা নাই? ছি! ছি! অমন কথা মুখে আনবেন না; বৃন্দাবনে এসেছেন, দেবতা প্রত্যক্ষ দেখবেন।

জীবন। এই যে কাশী থেকে প্রত্যক্ষ দেখে এলেন! দেবতা দেবতা ক'রুচ, তবে শুনবে? এতেও যদি আক্কেল হয়, তবে শোন!—আমার বাড়ী ছিল গোড়ে, আমি বড় গরীব, আমায় এক দিন এক ব্যাটা অপমান ক'রলে; শুনে'ছিলেম—বিশ্বেশ্বরের কাছে ধরা দিলে রোগ-টোগ ভাল হয়, আমি টাকার জন্তে গে ধরা দিলেম, সাত দিন অনাহারী থেকে স্বপ্ন হ'ল, বৃন্দাবনে গেলেই তোর মনস্কামনা পূর্ণ হবে।

সনা। যখন বাবার আদেশ হ'য়েছে, তখন অবশুই হবে।

জীবন। হবে, —তোমার বহির্কাসথানা দেবে নাকি? ওহে বাপু, ভাল ক'রে শোন নি, বোঝ, আমার টাকার দরকার,—টাকা, রূপচাঁদ—রুধির! দেবে তুমি?

সনা। বৃন্দাবনে তুচ্ছ টাকার জন্ত এসেছেন?

জীবন। তুমি এ'চেছিলে বৃষ্টি, রজ্জ গড়াতে এসেছি; দেখলে দেবতা মিথ্যা কি নয়?

সনা। দেবতা মিথ্যা নয়।

জীবন। তবু ব'লবে নয়; নয় ত নয়, বাপু, তুমি পথ দেখ।

সনা। ঠাকুর, দেবতার বাক্য অবিশ্বাস ক'রো না, মহুধ্য মিথ্যাবাদী, দেবতা মিথ্যাবাদী নয়; যদি তোমার ধনের আশাই হয়—বৃন্দাবনে এসেছ, নিরাশ হবে না; ঐ নাও, ঐখানে পরেশ পাথর আছে, নাও।

জীবন। চূড়ান্ত বেল্লিক, বেল্লিকের বাদশা! বাবাজী কি

পাথরটা ঐখানে ফেলে দিয়েছ বৃষ্টি, ঐ ছড়িটা—ঐ পরেশ-পাথর-খানা?

সনা। আপনি অবিশ্বাস ক'রবেন না, ঐখানে কাল আমার চিমুটা প'ড়ে গিয়েছিল, পরেশ-পাথর ঠেকে সোণা হ'ল।

জীবন। যদি দেশে হ'ত, বাবা, কাজীকে ব'লে সাত বেত তোমায় খাওয়াতেন।

সনা। আপনার সঙ্গে ত খাতু আছে, ছুইয়ে দেখুন, সোণা হয় কি, না।

জীবন। কই, চাবিটি সোণা কর দেখি? বৃষ্টিকি আমি ডের দেখেছি; ভাবুছ কিছু গল্পা ক'রবে, তা আমার ঠে'ঙে কিছু নাই বাবা, আমি লক্ষ্মীছাড়া।

সনা। শুনুন, দেবতা মিথ্যা নয়, সব সত্য,—বৃন্দাবন সত্য, যমুনা সত্য, বিশ্বেশ্বরের বাক্য সত্য, আমি তোমার সঙ্গে প্রবঞ্চনা ক'রছি, —সত্যই এ পরেশমণি, ছোঁয়াও—সোণা হবে।

জীবন। এইটে?

সনা। হ্যাঁ।

জীবন। (পরেশমণি স্পর্শে চাবি সোণা হইতে দেখিয়া) এ কি বাছ? আপনি কে? আপনি কি কোন দেবতা, আমার সঙ্গে ছল ক'রছেন? আপনি কি সাক্ষাৎ বিশ্বেশ্বর!

সনা। চক্রবর্তী মহাশয়, আমাকে চিন্তে পাবুছেন না? আমি সেই অধম সনাতন।

জীবন। এ'য়া, সনাতন! সত্যই ত বটে; না, কোন দেবতা সেই বেশে আমায় ছলনা ক'রছেন? আপনি কি রত্ন পেয়ে পরেশমণি পরিচয় করেছেন? আপনি কি রত্ন পেয়ে পরেশমণি পায়ের ঠেলেছেন? দেবতা সত্য, বিশ্বেশ্বর সত্য, বৃন্দাবন সত্য, যমুনা সত্য, রাধাকৃষ্ণ সত্য, সনাতন সত্য, সত্য সত্য! আপনার নিকট কি রত্ন আছে যে, আপনি পরেশমণি পায়ের ঠেলেছেন? আমায় সেই রত্ন দিন, আমার এ তুচ্ছ পরেশমণিতে প্রয়োজন নাই; আমায় সেই রত্ন দিন, আমার সেই অমূল্য রত্ন দিন, না দেন, আমি ব্রহ্মহত্যা হব, এই নাও তোমার পরেশমণি।

[যমুনার নিকটে।

• সনা। ভাই রে, আমি কাঞ্চাল; কাঞ্চালের নিধি হ'ব নাম আমি পেয়েছি; বল, ভাই, 'হরিবোল'।

জীবন। বল, ভাই, 'হরি' বল! বল, ভাই, 'হরি' বল!

বল, ভাই, 'হরি' বল।

সনা। বিশেষের কি অপার মহিমা! গরল চাইলে স্বপ্না
দেন। হরিনামই দত্ত! জয় হরিবোল, হরিবোল, হরিবোল!
[সকলের প্রস্থান।]

দ্বিতীয় পর্ভাঙ্ক

মথুরাপুরী—চৌবের বাটার সম্মুখ
চৌবের ছেলে।

চৌ-ছে। মদনমোহন আওনা ভাই, বন্মে যাকে খেলে।

নেপথ্যে। নেই ভাই, তোমসে খেলেগে নেই, তোমত
প্যারী হামকো নেই দিয়া।

চৌ-ছে। আরে, লেড়কা পন ছোড় ভাই; পেয়ারী লেকে
কেয়া করোগে?

নেপথ্যে। বিন্ পেয়ারী মেরি পরাণ না মানে ভাই।

চৌ-ছে। তু বোল কাঁহা পেয়ারী মিলে?

নেপথ্যে। হাম্ ক্যা জানে কাঁহা জান্ লে।

চৌ-ছে। যা,—তোরি বায়না বড় কানাহি।

(বুদ্ধিমন্ত ও সনাতনের প্রবেশ)

বুদ্ধি। প্রভু, আমি বনভ্রমণে গিয়াছিলেম, এই বনফল
ক'টি তুলে এনেছি, আপনি যদি রূপা ক'রে গ্রহণ করেন;
আমি রূপ গোস্বামীর চরণ-দর্শনে চ'ল্লেম।

[ফলদিয়া বুদ্ধিমন্তের প্রস্থান।]

সনা। আহা! মদনমোহন আমার ঘরে নাই, এ
বনফল আমি কারে দেব? শুনলেম, এখানে চৌবের
বাড়ীতে সেই মদনমোহন মূর্তি বিরাজিত।

চৌ-ছে। এ ক্যা, বন কি ফল, হামে দেনা।

সনা। নাও, খাও।

চৌ-ছে। হাম্ খায়? মদনমোহন বনকা ফল বড়া
চাহাতা, মায়্ মায়িকা ডরুসে দূর বন নেহি বা সেক্তা।

সনা। মদনমোহন কে?

চৌ-ছে। মেরি মদনমোহন হাম্‌সে খেল্ খেল্‌তা, তোম্,
জান্তা নেহি? নেহি ভাই, তুল গিয়া—মদনমোহন মানা
কয় দিয়া, মায়ীকে তু না বোল।

সনা। তুমি কি বলছ? আমার প্রাণ কেমন করছে।
চৌ-ছে। আরে কাছে রে? মদনমোহনকো খেলায় কে
প্রসাদ হাম্ দেগা, তেরা আনন্দ হো যাগা, মদনমোহন
বনফল বড়া প্রীতসে খাতা হায়।

সনা। মদনমোহন, কোথায় তুমি?
চৌ-ছে। ঘর নে হায়; তু দর্শন করোগে? দেখো,
একঠো পেয়ারী জী হাম্‌কো দে সেক্তা, তব দেকতে হো
আনন্দ নে মদনমোহন নাচতা, দেখনেসে প্রাণ পূরা
হোতা; ঘরনে কুব্‌জা রাণী হায়, ওস্কা পসন্দ নেহি; আহা,
মদনমোহন কেয়সে নাচে!

(গীত)

ধনু ধনু ধনু নুপুর বোলে, নাচে মদনমোহন মেরি।
ধীর মধুর বোলত কটা, অমিষিধ খাঁধি হেরি।
হেলত কিবা খেলত চূড়া মুরলী বদন খেলে,
উথলে যমুনা বহে উজান, মদনমোহন ভেলে;
বোলত পিক মোহিত হিয়া, গাওত শুক-সারী।

সনা। তুমি কি গোলোকবাসী?

চৌ-ছে। নেই, মথুরাবাসী হায়। এই হামারা ঘর,
মেরা ঘরসে ভোজন করোগে? মায়ী বড়া খুসী হোগা।

সনা। আমি তোমার প্রসাদ ধারণ ক'রুব।

চৌ-ছে। আরে, ছি! ছি! রোদন মং করো; হাম্
মদনমোহনকো প্রসাদ দেগা। মায়ি, মায়ি, ইধার দেখো,
অতিত আয়া।

(চৌবের স্ত্রীর প্রবেশ)

চৌ-ছে। মা, মা!

চৌ-স্ত্রী। নারায়ণ, ভিতরে আস্বন।

চৌ-ছে। হাম্ বায় ভাই, ফল খেলায়কে প্রসাদ লাতে
হায়।

[চৌবের ছেলের প্রস্থান।]

চৌ-স্ত্রী। প্রভু, চরণ লাইয়ে।

সনা। মা, ভাগ্যবতী মা, বহুভাগ্যে আপনাদের শ্রীচরণ
দর্শন পেলেম।

চৌ-স্ত্রী। আপনি এমন বোলেন্ না, আপনি অতিত
নারায়ণ আছেন।

সনা। মা, আমি বড় ক্ষুধাতুর, আপনার বালকের যদি

কিঞ্চিৎ প্রসাদ থাকে, আমায় এনে দিন। মা, আপনার বালক ব্রজের শ্রীদাম, আমি তার প্রসাদ ধারণ করব।

(চৌবের ছেলের প্রবেশ)

চৌ-ছে। এই দেখো, মদনমোহন আনন্দ সে খায়া।

সনা। তুমি খেয়ে দাও।

চৌ-ছে। হামু থাকে দে তোরা আনন্দ হোগা? লে।

চৌ-স্ত্রী। আরে ছল, বশোদা কি চোট্টা, আরে কোটিন কপট ঝুটা, তোমু হামুকো ছোড় বাগা—যাও, তোমারা এসেই রীত হায়। তোমু বশোদা মায়ীকি নেহি—নন্দজীকি নেহি, ব্রজবালককা নেহি—গোপিনীকো নেহি—প্যারীজীকা বি নেহি—হামু কো ছোড়কে চলোগে বিচিত্র নেহি।

সনা। মা, কি হ'য়েছে মা?

চৌ-স্ত্রী। আজ তিন রোজসে মদনমোহন স্বপ্ন সে বোলতা, হামারা বালককা যো ঝুটা খাগা, ওস্কা পাস ও যাওয়ে গা, হামু এত্না রোতী, ও শুন্তা নেহি। হামুকো ছোড়কে ও চলা বাগা, হামু রাখনে সেথগী নেহি?

চৌ-ছে। আরে মায়ি, তু রোতী ক'হে? গৌসাইকো লে জানে দেও, হামু উস্কো নিত খেলনে লেয়ায়েগা, হামুলাককা কভি ছোড়গা নেহি। আগবু ছেড়ে ত ডবু কেয়া? তু হামু মদনমোহন বেলকে যমুনা মে ঝাঁপ দেগা—ও যেতা কটিন হোয় না ক'হে, ওস্কা দরদ লাগেগা মায়ি!

চৌ-স্ত্রী। আরে মদনমোহন, আরে মদনমোহন!

চৌ-ছে। মায়ি, তু বোদন সামারো; মদনমোহন বোদা স্বপ্ন দিয়া, করো; কুব্জা রাণীকো রাখো, হামু নিতি রাতকো মদনমোহনবো খেলনে আনেগা।

সনা। মা, মদনমোহন তোমাদের, যদি তিনি আজ্ঞা ক'রে থাকেন, অ মায় দাও, তোমাদের মদনমোহন তোমাদের থাকবে, মথুবাসীীর চরণ-রূপায় আমি মদনমোহনের সেবক হব।

চৌ-স্ত্রী। তোমু মেরি মদনমোহন লিয়া বতনুমে রাখিও।

সনা। মা, মা, আমি ত বত্ন জানি না, আমায় বত্ন শিখিয়ে দাও।

চৌ-ছে। আরে, তু ভি শঠু হায়, নেই শঠসে তেরা

প্ৰীত্ব হোতা? তোমু বতন নাহি জানে তো মদনমোহন তেরা পঙ্ জানে মাপ্গেগা ক'হে?

চৌ-স্ত্রী। কুব্জারানী হামারি রহেগি, কুব্জ'রাণীকো হামু ছোড়গি নেহি, ঠাকুর, তোমু হি'য়া বয়ঠো, হামু অ্যতি। আহা, কুব্জারানীকো হামু কেয়া সম্জায়েগী।

[চৌবের স্ত্রীর প্রস্থান।

চৌ-ছে। দেখ, তোমু পেদারী রাণী দিও, নেই তো মদনমোহন রহেগা নেহি, মায়ী উস্কা বু'রা বোলেগা, হামু সামালনে বাতা, মায়ীকো বহু ডরে।

[চৌবের ছেলের প্রস্থান।

সনা। বালক ব'লে; - রধারানী দিতে, আমি র ধারানী পাব কোথা? তাই ত মদনমোহন ত একলা থাকবেন না—আমি রধারানী কোথায় পাব? ব্রজেশ্বরী প্রেমময়ী রাই, তোমার মদনমোহন কি একলা থাকবে? আমি ত একলা রাখতে পারব না।

(রূপ, বল ও ইত্যাদির প্রবেশ)

রূপ। প্রভু, অপরাধ মার্জনা করুন, আর আমি রচনা ক'রব না; ছার রচনা ক'রে আপনার মনে ব্যথা দিরাছি, গৌসাই! জানেন ত আমার শক্তি নাই; হায়! আমি বেগীর সঙ্গে কেন কালভুজঙ্গিনীর তুলনা দিলাম? কেন ভক্তরাজের মনে ব্যথা দিলাম? আহা! না জানি, ভক্তের ব্যথায় আমার রাধা-রক্ষ কত মনে ব্যথা পেয়েছেন!

সনা। না না,—গোস্বামী, তুমি ভক্তের প্রধান, তোমার রচনা অতি মধুর! তোমার গীত শ্রবণে আমি যেন পেরারী-জীকে সাক্ষাৎ দেখেছি। তুমি আর একবার দেখ, ব্রজেশ্বরীর রূপায় তোমার রচনা সম্পূর্ণ হবে।

(চৌবের স্ত্রীর পুনঃ প্রবেশ)

চৌ-স্ত্রী। ঠাকুর, তোমু ভিতরে আইয়ে।

সনা। গোস্বামী আহুন, মদনমোহন দর্শন ক'রবেন।

[সকলের প্রস্থান।

পট-পরিবর্তন

কুঞ্জবাটী।

চৌ-স্ত্রী। লেও, মেরি মদনমোহন তেরা হ্যা, আরে, তেরা এতাই চতুরালী, তোম্ কভি কিসিক্যা নেই হ্যা, যা তোম্‌রা আনন্দ হোয়ে, ঐ আচ্ছা! রোদন করুকে জনম লিয়া, রোদন করুকে দিন গুজারেগি।

চৌ-ছে। মায়ি, বাস্‌তি বোলো মং, মদনমোহনকা বদন মলিন হোগা; দেখ, উস্কা ডর লাগা! ডর মং; হাম্ ছিপায় কে রাখে।

চৌ-স্ত্রী। নেই, উস্কা কুচ্ নেই বোলে গি, মেরা ভাগ্‌কো বোলে।

চৌ-ছে। নেই মায়ি, তু রৌ মং, মদনমোহনকা দরদ লাগেগা; দেখো. তোম্ পেয়ারীজী মাঙ্গাইও।

সনা। আরে, আমি রাধারাণী পাব কোথা? ব্রজেশ্বরী রাই, তোমার দর্শন কোথায় পাব? তোমার রূপা ভিন্ন ত আমি মদনমোহনকে রাখতে পারব না।

রূপ-সনা। প্রেমময়ী রাধে, কোথায়?

(গান করিতে করিতে সখীগণ ও রাধিকার শূন্য হইতে অবতরণ ও পীত)

স্বাথ্ রে স্বাথ্ রাইয়ের বেণী কাল-ভুজঙ্গিনী
বেণী মনোমোহিনী!

ফণী হেরি মরি ডরে, বেণীতে অমির করে,
আরবে বংশীধরে বাঁধে বেণী আমোদিনী!

সনা। রূপ, ধন্ত তোমার রচনা! ঐ যে ভুজঙ্গিনী বেণী
হুচ্ছে!

মদন। ভাই, মেরি পেয়ারী মিলা।

(মদনমোহন রাধিকার নিকট গমন করিয়া মিলনভাবে
দণ্ডায়মান, সখীগণ কর্তৃক সকলের পূর্বোক্ত
গীত "স্বাথ্ রে স্বাথ্" ইত্যাদি)

(ভক্তবৃন্দের প্রবেশ)

সকলের গীত।

দাঁড়ালো কিশোর বামে কিশোরী,

অধরে ধরে না হাসি।

মোরা অভিজাবী যুগল-মাদুরী

যুগল ভালবাদি।

জয় জয় হরিবোল হরিবোল হরিবোল!

মিশেছে চূড়া টাঁচর-চিকুরে,

দৌহে দৌহা ঘন বদন নেহারে,

প্রাণ ভাসে প্রেমমধুরে;


উভয়ে উভয়ে মাদুরী হেরি,

যত্নে পরে প্রেমের ফাঁদী।

জয় জয় হরিবোল হরিবোল হরিবোল!

স্ববনিকা

অভিমন্যু-বধ




(পৌরাণিক নাটক)

[১২ই অগ্রহায়ণ, ১২৮৮ সাল, শ্যামাচালা থিয়েটারে প্রথম অভিনীত]

“ * * সুধারস অভিমন্যু-বধে ।
কাশিরাম দাস কহে গোবিন্দের পদে ॥ ”
কাশিরাম দাস ।
“ মহাভারতের কথা অমৃত সমান ।
হে কাশি ! কবীশ-দলে তুমি পুণ্যবান্ । ”
মাইকেল মধুসূদন দত্ত ।

উৎসর্গ-পত্র



পরম-শ্রদ্ধাস্পদ অনারেবল্

শ্রীযুক্ত রমেশচন্দ্র মিত্র মহাশয়

বহুমাননিধানেষু ।

যিনি স্বয়ং উৎকর্ষলাভ ও মাতৃভূমির মুখোজ্জ্বল করেন, তিনি সংসারে আদর্শ । মহোদয়, আমার ক্ষুদ্র উপহার গ্রহণ করুন ; ভক্তির সহিত অর্পণ করিলাম । ইতি—

বাগবাজার,
কলিকাতা ।
১২৮৮ সাল ।

বিনয়াবনত

শ্রীগিরিশচন্দ্র ঘোষ ।

নাট্যোল্লিখিত ব্যক্তিগণ

পুরুষ

শ্রীক্ষত্র, যুধিষ্ঠির, ভীম, অর্জুন, নকুল, সহদেব, সাত্যকি, ধৃষ্টদ্যুম্ন, অভিমত্যা, দুর্য়োধন, দুঃশাসন, দ্রোণাচার্য্য, কৃপাচার্য্য, অশ্বথামা, কর্ণ, কৃতবর্মা, ভগদত্ত, শকুনি, জয়দ্রথ, সুশর্মা, দূষণ, গর্গমুনি, সেনানায়ক, দূত, গণক, সৈন্তগণ, পিশাচদল ইত্যাদি।

স্ত্রী

সুভদ্রা, উত্তরা, রোহিণী, স্বপ্নদেবী, স্বপ্নদম্পিনীগণ, উত্তরার সখীগণ, পিশাচীদল ইত্যাদি।

প্রথম অঙ্ক

—:~::~—

প্রথম গর্ভাঙ্ক

শ্রীশান

পিশাচদল।

বৃদ্ধ। বাজ্বে মাদল, ঘোর কোলাহল,

রক্ত-শ্রোতে ভাস্বে ধরা।

বালক। হাঁ বাবা, সত্যি বাবা ?

বৃদ্ধ। হাঁ রে হাঁ।

যুবক। রক্ত খাব সরা সরা—

রক্ত খাব সরা সরা !

(গীত)

টক্ টক্ টক্, চক্ চক্ চক্,

চুম্বকি ঝধির পিয়ে ;

হাম হাহা হহ হিয়ে।

আতি মাধি,

কামড়ে কামড়ে হাড়ে হাড়ে ছাড়ে !

হিহি হিহি হিহি খুসি চুহু চুহু চুহু চুহি,

তাজা তাজা তাজা, মরুজা মরুজা,

হাম্ হম্ হাম্ হারা রারা রারা,

তাধিয়া তাধিয়া থিয়ে।

দ্বিতীয় গর্ভাঙ্ক

কুরু-শিবির

দুর্য়োধন, দ্রোণাচার্য্য, কর্ণ, কৃপ, সুশর্মা, জয়দ্রথ,

অশ্বথামা ইত্যাদি।

দুর্য়োধা। হে সখে, হে মাতুল সুধীর !

বুঝিয়া করহ বিধি,

নহে রণে মজ্জিবে সকল।

নিশ্চয় বিধাতা বাম,

নহে জামদগ্ন্য রাম

পরাভূত যার ভুজ-বলে,

মহীতলে অব্যর্থ সন্ধান যার,

কুরু-শ্রেষ্ঠ ধনুর্ধর পড়িল সমরে,

পামর পাণ্ডব-ছলে !

হে আচার্য্য প্রধান—

সুখে তোমা মূঢ় দুর্য়োধন,

কোথা ছিল ধর্মজ্ঞান ফাল্গুনীর তব—

বৃদ্ধ পিতামহে,

বিদ্বিল ছরস্ত যবে শিখণ্ডীর আড়ে ?

চিরদিন তুমি হে পাণ্ডব-প্রিয়,

তেঁই উপেক্ষিয়া কর রণ।

যবে বনস্থলে, মাতুল-কৌশলে—

ছলিল পাণ্ডবগণে,

দুই হাতে ধূলি ছড়াইল ধনঞ্জয়,
 হাসিলাম হেরি, জ্ঞানহীন আমি,—
 এত দিনে বুঝিলাম অর্থ তার ;—
 ঘোর বাতে শুধু পত্র যথা,
 উড়ায় মদীয় সেনা ধনঞ্জয় রণে,
 অধীর করীন্দ্রশ্রেণী,
 বিকট রথের নাদে ;
 রথ রথী চূর্ণ রথ-বেগে ;
 মধ্যাহ্ন-মার্ভগু-কর সম,
 চারিদিকে আগুন উথলে শর-জালে ;—
 আচার্য্য উদাস রণে ।
 নিদাঘ-মিহিরে মীনকুল ক্ষয় যথা,
 দিনে দিনে কুলক্ষয় মম,
 প্রবল পাণ্ডব-তেজে ;
 রণস্থল ব্রাহ্মণের নয়,
 বুঝিলাম এত দিনে ।
 দ্রোণ । ভাল বৎস,
 পিতা-পুত্র ত্যজি সত্যস্থল ।
 বার বার ব'লেছি তোমারে,
 অজ্ঞেয় পাণ্ডবগণে,—
 মম শিষ্য বলি,
 নাহি জ্ঞান ধনঞ্জয়ে ;
 দেবতা গন্ধর্ক যক্ষ,
 রাক্ষসীয় দীক্ষাপূর্ণ বীর,
 পাশুপত অস্ত্র করতল,
 নিবাত-কবচঘাতী ।
 এ প্রাচীন কালে,
 যুদ্ধ নাহি শোভে আর,
 তবু যথাসাধ্য করি রণ,
 মপক্ষে তোমার ।
 লোকলাজ করি পরিহার,
 মমতা করিয়া ছেদ,
 মহা অস্ত্র কত হানি ধনঞ্জয়ে,
 নিবারে সকলি রণে পার্থ মহারণ ।
 অতুলনা মহীতলে বীর,
 গভীর সাগর সম,

দেবগণ-মনে
 পুরন্দর পরাভব সমরে বাহার !
 এ হেন অর্জুনে জিনিবে সমরে সাধ ।
 বার বার ব'লেছি তোমারে,
 এ সমরে দিতে ক্ষমা,
 মিলিতে পাণ্ডব-মনে ;
 ছুট মস্তী-উপদেশে, না শুনি বচন,
 জ্বালাইতে কালানল,
 পোড়াইতে পতঙ্গের সম
 পৃথিবীর রাজগণে ।
 আজি হ'তে নহি সেনাপতি তোর ।
 চল পুত্র, যাই অশ্রু স্থান,
 দুর্জনের সহবাস নহে শ্রেয়ঃ কভু ।
 কৃপা । কি কর আচার্য্য বীর !
 কৌরব আশ্রিত তব,
 তব বাহুবলে দর্পী দুর্ঘোষধন ;
 তোমার সহায়ে চাহে জিনিতে পাণ্ডবে !
 ত্যজি তারে অর্ণব-মাঝারে,
 কোথা যাও দ্বিজোত্তম ?
 শুন দুর্ঘোষধন,
 গুরুর চরণে কর মিনতি বিশেষ,
 বড় স্নেহ তোমা প্রতি, ত্যজিবেন রোষ ।
 দুর্ঘোষ । গুরুদেব,
 না ব'লে তোমারে,
 বল, বলিব কাহারে !
 বলক্ষয় দিন দিন,
 খসে একে একে বীরচূড়ামণি,
 যামিনী-প্রভাতে তারা সম ;
 তেঁই দেব,
 তাপিত প্রাণের জ্বালা নিবেদি চরণে,
 পুত্র-জ্ঞানে ত্যজ রোষ প্রভু !
 দ্রোণ । প্রাণপণে করি তোর হিত,
 তবু অহুচিত কহ বার বার ।
 কহি পুনঃ পুনঃ,
 নাহি বীর এ তিন ভুবনে,
 কৃষ্ণার্জুনে জিনে রণে !

যেবা হয় করহ মঙ্গলা,
 পাণ্ডবের নাহি পরাজয় !
 দুর্ঘো। প্রভু,
 নিতান্ত কি ঠেলিলেন পায়,
 চির-অহুগত দীনজনে ?
 এ অকূলে তুমি কর্ণধার,
 পার কর বিপদে কাণ্ডারী ।
 দ্রোণ । একমাত্র উপায় ইহার,—
 কহ নারায়ণী সেনাগণে,
 যমের দোসর জনে জনে,
 সুশর্মা নায়ক বার—
 কালি যুদ্ধে আহ্বানি অর্জুনে,
 ল'য়ে যাক স্থানান্তরে ;
 হেথা সবে মিলি প্রকাশি বিক্রম,
 আক্রমিব বৃকোদর-ঠাট ;
 রচিব বিচিত্র ব্যূহ অদ্ভুত জগতে,
 কৃষ্ণার্জুন বিনা,
 ভেদিতে অক্ষম তিনলোক !
 দেখি এ কৌশলে ফলে যদি ফল ।
 দুর্ঘো। এই সে মঙ্গলা সার ।
 কহ সখা, তোমার কি মত ?
 কর্ণ । ভাবি তাই কৌরব-ঈশ্বর,
 ব্যাঘাত ঘটিল মম প্রতিজ্ঞা-পালনে ।
 শ্রীকৃষ্ণ-অর্জুনে,
 বিনাশিবে নারায়ণী-সেনা,
 না পাবে এড়ান ভীম কালি তব হাতে,
 কুরুরাজ,
 প্রতিজ্ঞা পালিও তব ক্ষত্রিয়-সম্মুখে ।
 দ্রোণ । কৃষ্ণার্জুন বিনা তথাপিও তুল্যরণ,
 ধৃষ্টদ্যুম্ন, সাত্যকি-সংহতি,
 বৃকোদর হৃকর সমর-কৃতী,
 অতুলনা বাহুবল বার—
 নহে অবহেলা-যোগ্য অতি ।
 গুণ সুশর্মা ভূপাল,
 দিকপাল সম বীর্যবান্ তুমি,
 কালি রণে শাঙ্গুল-বিক্রমে,

আক্রমহ ধনঞ্জয়ে,—
 যশস্তম্ভ রোপ মহীতলে ।
 সুশর্মা । হে কৌরব-সেনাপতি,
 প্রণাম চরণে দ্বিজোত্তম !
 যথাশক্তি করিব সমর,
 প্রবোধিব কিরাটীরে ;
 জয় পরাজয়,
 ইচ্ছাসাধ্য নহে মম ;
 অবসর না দিব অর্জুনে,
 যতক্ষণ দেহে রবে প্রাণ ।
 দুর্ঘো। তব যোগ্য বাক্য মতিমান্ !
 এত দিনে জানিছ জিনিব রণ ;
 কত শক্তি ধরে ভীমসেন,
 না ধরিবে টান মম রণে,—
 কালি হবে পাণ্ডব-সংহার ।
 জয় । হে আচার্য্য, জানাই প্রণাম পদে ।
 কুরুরাজ, করি নিবেদন,
 প্রাণপণে করি রণ সপক্ষে তোমার ;
 কালি রণে দেহ ভার মোরে,
 রক্ষিবারে ব্যূহদ্বার ;—
 অর্জুন বিহনে,
 পাণ্ডব-বাহিনী নাহি ডরি ;
 নিবারিব পাঞ্চাল-পাণ্ডবে মহাহবে,
 সিন্ধুবারি বেলা যথা ।
 দ্রোণ । মহাযশা তুমি বীর,
 ব্যূহদ্বারে স্থাপিব তোমায় ।
 দুর্ঘো। বীরবর, সহোদর সম তুমি মম,
 এ সমরে তুমি অধিকারী,
 আমি মাত্র সহায় তোমার ;
 পূর্ক অরি ভীমসেন তব,
 দেহ সমুচিত দণ্ড ছুরাচারে !
 গুণ সমাগত বীরগণ,
 নিপ্পাণ্ডবা সমর-সঙ্কল্প প্রাতে,
 লভহ বিরাম ক্ষণে, যে বার শিবিরে ।

[অশ্বখামা, কৃপাচার্য্য ও দ্রোণাচার্য্য ব্যতীত

সকলের প্রস্থান ।



রূপ। নিপাওবা পৃথিবী কি প্রতিজ্ঞা তোমার ?
দ্রোণ। এ হেন প্রতিজ্ঞা কতু সম্ভবে কাহার !

পাণ্ডবে আহবে কেবা পারে জিনিবারে,
প্রেমে বাধা শ্রীমধুসূদন !
'যথা ধর্ম, তথা জয়,'
অথও শাস্ত্রের বাণী।
দিব্য চক্ষু দেখিতেছি স্থির,
ধাইছে ঘটনা-শ্রোত অবিরাম-গতি,
হরিতে পৃথ্বীর ভার ;
বীরমদে মস্ত ক্ষত্রগণে,
নিধন কারণে উদয় এ কাল-রণ—
সকলি হইবে ক্ষয়,
একমাত্র রহিবে পাণ্ডব।

অশ্ব। তবে কি কাজ সমরে পিতঃ ?

দ্রোণ। নিবারিতে কে পারে ঘটনা-শ্রোত !

ও কপায় নাহি প্রয়োজন,—
সেনাপতি মাত্র আমি,
রাজ-আজ্ঞা করিব পালন ;
শুন সাবধানে,
বাধিবে তুমুল রণ কালি ;
পশিব পাণ্ডব-বাহিনী-মাঝে,
ধর্মরাজ্যে করিতে গ্রহণ।

প্রাণ উপেক্ষিয়া,

অবশ্য বারিবে মোরে,

পাণ্ডব-সাপক্ষ রথী ;

হেরি চির-অরি,

ধুষ্টদ্যম অবশ্য হইবে রোধী।

প্রাণের মমতা ত্যজি,

সমরে পশিবে বীর—

প্রাণপণে করিব যতন,

প্রতিজ্ঞা-পালন হেতু।

দ্বন্দ্ব-যুদ্ধে যদি হয় তনু-ক্ষয়,

ক'রো হৃদ্যোধনে যতনে সাহসনা ;

ব'লো তারে,

মৃত্যুকালে বলিয়াছে গুরু তার,

ক্ষমা দিতে কাল রণে ;

কিন্তু যদি নাহি মানে মানা,
যাচে যুদ্ধ কুরুরাজ,—
পিতৃ-আজ্ঞা ক'রো রে পালন —
হৃদ্যোধনে রক্ষিও যতনে ;
কুরুবীর আশে, ফেরে ভীমসেন রণে,
লেলিহান কেশরী সমান ;
ভীমে প্রবোধিতে তব ভার।
শতাকি সহিত,
আর আর পাণ্ডব-বাহিনী-যত,
রহিল তোমার ভাগে রূপাচার্য্য বীর !
যাও,
লভহ বিরাম নিদ্রাদেবী-অঙ্কে স্থখে।

[রূপাচার্য্য ও অশ্বখামার প্রস্থান।

জন্মিয়া ব্রাহ্মণ কুলে,
কুক্ষণে হইছ অস্ত্রধারী !
যাগ-যজ্ঞ-মঙ্গল-কামনা-রত বিজ্ঞ,
জীব-ক্ষয় বাসনা আমার !
যেই রুর তুলিয়ে উল্লাসে,
আশীর্বাদ করিছে ব্রাহ্মণ,
সেই করে করি নরনাশ,
দ্বিজকুলগ্নানি আমি !

[প্রস্থান।

তৃতীয় গর্ভাঙ্ক

রাজ-শিবির

হৃদ্যোধন ও জয়দ্রথ।

হৃদ্যো। প্রাণাধিক তুমি মহাবীর !

তেই ডরি স্থাপিতে তোমারে ব্যাহ্বারে,

কেমনে রহিব স্থির,

সঙ্কটে রাখিয়া তোমা,—

মহারথিগণে পুনঃ পুনঃ দিবে হানা,

একেশ্বর প্রবোধিবে কত জনে ?

সেই হেতু যুক্তি এই সার,

বীর বৈকর্তন রহুক প্রহরী মুখে,

পার্শ্বরক্ষা কর তুমি তার।

জয় । না মান বিশ্বয় কুররাজ,
 পূর্ব-কথা বলি হে তোমায়,—
 বনে যবে বকিল পাণ্ডব,
 শূন্যঘরে দ্রৌপদী করিছ চুরি,
 চালাইছ রাজ্যমুখে রথ ;
 পথে বাদী ভীমার্জুন কৃষ্ণার রোদনে,
 বিধিমতে পাইছ অপমান,
 কঠিন ভীমের হাতে,
 প্রাণ রহে যুধিষ্ঠির-উপরোধে ।
 না যাইছ দেশে,
 পশি বনমাঝে,
 আরাধিছ দেব পঞ্চাননে,
 পাণ্ডব-নিধন সঙ্কল্প করিয়ে হৃদে ;—
 সদয় হৃদয় আশুতোষ,
 দিয়াছেন দাসে বর,—
 জিনিব পাণ্ডবগণে অর্জুন বিহনে ।
 সেই আশে, স্ত্রয়োগ-প্রয়াসে সদা কিরি ;
 আজি সমরাস্ত্রে দিবা-অবসানে,
 স্নান হেতু নামিলাম সরোবরে—
 বিস্তার সরসী,
 দলে দলে রাজহংসকূলে করে কেলি,
 মধ্যে শতদলদল,
 ফুটিয়াছে অগণন,—
 যেন স্তন্দরী রমণী-ছবি,
 হেরিলাম তার মাঝে ;
 মধুস্বরে শুনিছ ভং সনা,—
 'কোথা সিকুরাজ-স্বত,
 প্রতিদান তব অপমানে,
 কেন শঙ্করের বর কর অবহেলা !'
 অকস্মাৎ নীরবিল বাণী,
 মিশাইল ধ্বনি,
 পরিমল-পূর্ণ সশীরণ ।
 নীরব গগনে হাসিল চন্দ্রমা ;
 নীরব স্বভাব, নীরব বিস্তারব্যাপী
 নীরব সে কমল-কানন !
 হে কৌরব-মহারথ !

অভিমুখ্য-বধ

মনোরথ অবশ্য লভিব,
 কহিতেছে অন্তরাঙ্গা মন ;—
 পুনঃ রথে তুলিব দ্রৌপদী,
 কাঁদবে বিবশা, রথমাঝে এলোকেশী,
 হেরিব নয়ন ভ'রে,
 প্রাণের সস্তাপ নিভাইব সে সলিলে ।
 হৃদ্যো । শুভক্ষণে পেয়েছি তোমারে,
 ওহে সিন্ধুকুলোত্তম !
 পদাঘাত করিব ভীমের শিরে ;
 কহিব পামরে কালি,
 দেখাইয়া উরুস্থল,
 উরুদেশে বসাব কৃষ্ণায় ।
 জয় । সমরাস্ত্রে তোমায় আমার বাদ,
 স্তন্দ উপস্তন্দ যথা তিলোত্তমা হেতু ।
 হৃদ্যো । সে আশঙ্কা নাহি বীর,—
 হুই জন পঞ্চজন স্থলে ।

[প্রস্থান ।

চতুর্থ গর্ভাঙ্ক

অন্তরীক্ষ

রোহিণী ও গর্গমুনি ।

রোহিণী । হায় তপোধন !
 কাঁদে প্রাণ পূর্বকথা স্মরি,—
 কৃষ্ণণে সাজিছ রতি,
 পীড়িতে মদনে প্রাণনাথে ;
 হেরি সে বয়ান, শতদল জলে,
 পোড়া মুখে এল হাসি,
 হানিছ কটাক্ষ-শর মোহিতে নাথেরে,
 তেঁই প্রাণেশ্বর অনঙ্গে মাতিয়া,
 অবহেলা করিল তোমারে,
 দিলে হে কঠিন শাপ ;
 বিরহ-বিধুরা বালা,
 কাঁদি একাকিনী চন্দ্রলোকে ;
 ঝর ঝর ঝরে বারিধারা,
 হেরি শঙ্করের স্বামী,

ভূমিতলে নরমাঝে ;
শত শর বিক্ষে বৃকে তপোধন,
উত্তরারে যবে,
সস্ত্রাষণে প্রাণনাথ 'প্রিয়া' বলি ;
অবলারে কর দয়া মূনিবর !
তব শিক্ষামত দেখা দিছি জয়দ্রথে ;
কিস্ত দেব ! প্রত্যয় না মানে পোড়া মন ।
মহারথী অভিমহ্য বীর,
কি করিবে সপ্তরথী তার ?
দ্বাদশ দিবস আজি দেখেছি সমর,
রথিকূলে রথীন্দ্র আর্জুনি ;
ভীষ্ম দ্রোণ রুপ কর্ণ বীরে
বিমুখিল পুনঃ পুনঃ ;
নাহি গণে যোগ্য অরি কারে,
দস্তভরে ফিরে মদমত্ত করী সম ।

গর্গ । শুন স্থলোচনে,
ব্রাহ্মণের মনে কত স্থায়ী নহে রোষ ।
শাপ দিয়া অমৃত্যু হইল তখনি ;
চলিছ কৈলাসে,
আরাধিছ দিগম্বরে,
উদ্ধারিতে পতি তব ;
কহিলা শঙ্কর হাসি,—
চন্দ্রলোকে বাবে শশী কুরুক্ষেত্র-রণে ।
আজি পুনঃ ভেটিলান ভবে,
আজ্ঞায় তাহার,
গেছে স্বপ্নদেবী, সপ্নিনী-সংহতি
কাদাইতে উত্তরারে ;
কৈদে সতী হরিবে পতির বল ;
তুই পাপে পড়িবে কুমার ;—
বাল্যকালে,
চালিলা শ্রীকৃষ্ণে শূরবংশ-গরিমায় ;
বীরদস্তে আজি ঠেলিবে মায়ের নানা ।
হীন-বল মাতার নিঃশ্বাসে,
হবে তল মহাবল সপ্তরথি-রণে ।
আদেশ দেছেন শঙ্কু বীর হনুমান ।
করিবারে সিংহনাদ ভীমের সম্মুখে,—

অরি-হিয়া,
না কাঁপিবে থর থরি, গর্জনে তাহার ;
বিকল হইবে শূর,
রাখিবারে যুধিষ্ঠিরে ;
মমতায় আকুল বালক হেতু,
বৃকোদর হইবে অধীর রণে,
মেরু যথা ঘোর ভূকম্পনে ।
চল, সঙ্কোপনে দিব উপদেশ,
যে মত করিবে রণস্থলে ।

[উভয়ের প্রস্থান ।

পঞ্চম গর্ভাঙ্ক

বাপীতট

অভিমহ্য ।

অভি । প্রাণ মম কি জানি কি চায় !
দিনমান যায় রণশ্রমে ;—
নিশা-আগমনে,
কি যেন কি যেন পড়ে মনে !—
যেন নিদাঘে নিকুঞ্জ-মাঝে
গাহিছে কোকিল ;
দূর-সমীরণে, মিলি একতানে,
ভাসে যেন সঙ্গীত-লহরী,
আধ-শত, কতু যেন শুনেছি সে গীত !
সদা জ্ঞান হয়,
রমণীর পদ-সঞ্চালন পাছে ;—
মুদিলে নয়ন, কি যেন ঝলকে,
কে যেন দাঁড়ায় কাছে বিরস-বদনে ।
(দূরে ভেরী-রব)
নিশাকালে,
কি হেতু না দিল ভেরী কোরব-শিবিরে !
কি বিকার অস্তরে আমার,
চমকিছ ভেরীমাপে !
যেন,
সাধ হয় চন্দ্র সম ভাতিতে গগনে !
স্বধিব জনকে আজি কোথা চন্দ্রলোক ?

রাঙ্গ
কে
যেন,
দেখে
রমণীর
শশধর
পুনঃ শু
নিশীথে
রণোজা

গোহিনী ।
হৃদে আশ
পাব পুনঃ
তমোগুণে
কৈলাস-শি

৭৭ । চল মম
হেরিতে সতি
মহেশ-আদে
কাদাইতে উ
গোহিনী । হে রা
ভাসি রঙ্গিল
গাজি সতী বি
পুলকিত-মতি,
ক্রীড়া কর শি
হয়ে দূতী গুণব
বুবতী মিলাও
স্বর্ণরাশি বিলাও
দেহ প্রাণপতি
৭৮ । পাবে সতি,
শব্দ-প্রসাদে স্ব

রাজস্বয়-কালে
কোন্ পথে চলিল বিমান ;
যেন,
দেখেছি দেখেছি সে মোহন স্থান,
রমণীয় অবশ্য সে পুর,
শশধর বিরাজে বথায় !

(দূরে ভেরী-রব)

পুনঃ শুনি ভেরী-রব কৌরব-শিবিরে !
নিশীথে কি বাধিবে সমর ?
রণোন্নাসে স্থির নহে প্রাণ ।

[প্রস্থান ।

(রোহিণীর প্রবেশ)

রোহিণী । দেখা দিব কালি রণস্থলে,
হৃদে আশ হ'তেছে বিকাশ,
পাব পুনঃ প্রাণনাথে ;
তমোগুণে ধাইছে ঘটনা,
কৈলাস-শিখর হ'তে ।

(স্বপ্নদেবীর প্রবেশ)

১। চল মম সনে স্থলোচনে,
হেরিতে সতিনী তব,
মহেশ-আদেশে, যাই রঙ্গচ্ছলে,
কাদাইতে উত্তরারে ।
রোহিণী । হে রঙ্গিণি ! সুভাষিণী তুমি ।

ভাসি রঙ্গিল নীরদমাঝে,
সাজি সতী বিচিত্র বসনে,
পুলকিত-মতি,
ক্রীড়া কর শিশু সনে ;
হয়ে দূতী গুণবতী,
যুবতী মিলাও যুবজনে,
স্বর্ণরাশি বিলাও প্রাচীনে ;
দেহ প্রাণপতি ভুবনমোহিনি !

২। পাবে সতি, প্রাণেশ্বর তব,
শর-প্রসাদে স্বরা ।

[প্রস্থান ।

অষ্ট গর্ভাক্ষ

পাণ্ডব-শিবির

শ্রীকৃষ্ণ ও অর্জুন ।

শ্রীকৃষ্ণ । দিন দিন হীনবল অরি,
তব অমোঘ প্রতাপে, সখে !
মল্লযুদ্ধে তুমিয়ে শঙ্করে,
রাখিলে ঘোষণা ধরামাঝে মহাবশা !
স্থাপ কীর্তি,
মথি বাহুবলে কালি নারায়ণী-সেনা,
ইন্দ্রতুল্য জনে জনে রণে ;
মহারাজ মগধ-ঈশ্বর,
পরাজব বার তেজে !
শুনিলাম স্বরলোকে করিলা সমর,
দেখি নাই বিক্রম-বিকাশ সেই কালে ;
সেইরূপ রণে কালি প্রকাশ প্রভাব,
পরাজবি সংসপ্তকগণে,
উত্তেজনা কর শক্তি তব,
যতক্ষণ রহে যামী ;
প্রভাতে লইব রথ শিবির-সম্মুখে ।

অর্জুন । হে মধুসূদন !

তব পদ হৃদি-পদ্মে রাখি,
শিখি নাই ডরিতে অরিরে ।
আইসে যদি তিন লোক কৌরব-সহায়ে,
মুহূর্ত্তে শ্রীহরি, পারি বিমুখিতে সবে ;
বাড়ে বল শ্রীমধুসূদন,
তোমায়ে হেরিলে রথে ।
কিন্তু ভাবি যত্বীর,
কে রক্ষিবে ধর্ম্মরাজে,
ধাইবে কৌরব ববে ধরিতে রাজায় ?
একা ভীম,

কত মহারথে নিবারিবে রণস্থলে ?

• হে পাণ্ডব-সখা, আশঙ্কা হ'তেছে মনে,
কি হয় সমরে প্রাতে !

সাহস সম্পদ বল, ও রাজীবপদ,

সকটে কাণ্ডারী শ্রীনিবাস,
কর যুক্তি যে হয় বিধান ।
শ্রীকৃষ্ণ । না হও অধীর সখা !
একা বৃকোদর,
সোসর সমরে সমূহ কোরব-সনে,
তাহে মহা মহারথী সহায় তাহার ;—
অপার বিক্রম যুযুধান,
ধৃষ্টদ্যুম্ন অগ্নি হেন রণে,
মহারথ বিরাট ক্রপদ,
আর আর দেব-অবতার রথী,
ঘটোংকচ মহাবীর,
রাক্ষসীয় ঠাটে,
জিনিতে তাহারে,
কে আছে কোরব-মাঝে ?
বৃথা চিন্তা ত্যজ ধনঞ্জয় !
অর্জুন । কি ভয় তাহার দেব,
যারে তুমি দাও হে অভয় !
শ্রীকৃষ্ণ । কি হেতু বিনয় সখা,
কোন্ কার্যে অক্ষম,
অর্জুন গাণ্ডীবধারী !
অর্জুন । সকলি হে,
রূপায় তোমার চক্রধারি !

[অর্জুনের প্রশ্নান ।

শ্রীকৃষ্ণ । লীলাশ্রোত নাচিছে চৌদিকে,
হরিছে ধরার ভার ;
পলে পলে হোরা, হোরাদলে মিলি,
গড়ি দিবা-নিশি,
ছয়বার বহিবে সময়,
হবে লয় ছরস্ত ক্ষত্রিয়-কুল,
ঘুচিবে ধরার ভার ।
কি মমতা ভাগিনা ছেদিতে !
বহি দেহভার, ধরার রোদনে,
তমোপশে রাখিব মেদিনী ।

[প্রশ্নান ।

দ্বিতীয় অঙ্ক

—:—

প্রথম গর্ভাঙ্ক

দেবালয়

সুভদ্রা, উত্তরা ও সখিগণ ।

উত্তরা । রাখ শঙ্কর, সংগ্রামে প্রাণপতি,
দীনগতি,

চরণে শরণ মাগে হীন-মতি ;

আশুতোষ শিব শশাঙ্কধারী,

জাহ্নবী-বারি,

কুল কুল মূছল, জটাঘটা-মাঝে,

বিভূতি সাজে ;

বব ব্যোম্ বব ব্যোম্ দিগম্বর,

হর দেহ-বর,

অবলা মাগিছে হৃদিরঞ্জনহে,

অঙ্গনা বকনা ক'রো না তোলা,

হাড়মালা দোলা,

তমাল-বিনিমিত নীল গলা,

ধটা বাঘছালা ;

প্রাণপতি যাচে দীনা বালা ।

(গীত)

শ্রী—পটতাল ।

ব্যোম্ ব্যোম্ নাচে, নাচে খেপা ভোলা,

নাচে খেপী সাখে, ধরি হাতে হাতে,

(মরি) কমলে কমল, অমর বিকল,

রঙ্গিনী যোগিনী মাতে ।

(কিবা) চরণে গুন্ গুন্ অমর বোলে ;—

(হাসে) শতদল দলে, ঢালে পরিমলে,

দিনমণি শ্রেণা নথরে ভাতে ।

(স্তব)

জয় পিনাক-ধারী,

জয় ত্রিপুরারি,

জাহ্নবী বারি ঢালি শিরে ;

হের হ

ধর

বি

করণা

হা জননি !

পড়িল প্রমা

দিগম্বর অর্ঘ্য

ভাবিল কি

আশুতোষ, সি

না জানি গো

সুভদ্রা । একচি

আরাধ শঙ্করে

(করযোড়ে

পতি পুত্র ভ্রমে

রেখ মনে গণেশ

সকটে শঙ্করি,

শ্মরি শুভকরী-প

রেখ পায় তনয়া

রণজয় দে রণরথি

উত্তরা । হায় মাতঃ

পুনঃ হর অর্ঘ্য না

প্রেম স্বরা আনি

না জীব জননি,

না হেরিলে গুণমা

ববে বাধিল মা, এ

নিত্য ঘুমাইলে দে

ঈর্ষ্যাপূর্ণ রমণী-মু

পলক-বিহীন আ

চাহে একদৃষ্টে মো

সে বদনে হেরি ক

ভয় বাসি হেরি সে

সুভদ্রা । পুনঃ ভক্তিভ

উত্তরা । মা গো, ভূত

হের হর তাপ হর,
ভাসি শিব শঙ্কর, গৌরি-মনোহর,
ধর ধর পূজা ধর, আশুতোষ দেহ বর,
বিহ্বলা বালিকা, ভোলা ভূতপতি ;
করুণা কুরু ভব, ছরন্ত আংব,
রক্ষ শ্রামাধব, প্রাণপতি !
(অর্ঘ্য-প্রদান)

হা জননি !
পড়িল প্রমাদ হেথা,
দিগধর অর্ঘ্য নাহি নিল ;
ভাঙ্গিল কি কপাল আমার !
আশুতোষ, কি হেতু করিলা রোষ,
না জানি গো সতি !
সুভদ্রা । একচিন্তে পুনঃ বৎসে,
আরাধ শঙ্করে ।
(করযোড়ে স্তব)

পতি পুত্র ভ্রমে রণভূমে,
রেপ মনে গণেশ-জননি !
সঙ্কটে শঙ্করি,
স্মরি শুভঙ্করী-পদযুগ,
রেপ পায় তনয়ায় হৈমবতি —
রণজয় দে রণরঙ্গিনি !

উত্তরা । হায় মাতঃ,
পুনঃ হর অর্ঘ্য নাহি ধরে ।
প্রের স্বরা আনিবারে প্রাণেশ্বরে ;
না জীব জননি, তিল আর
না হেরিলে গুণমণি মম ।
ববে বাধিল মা, এ কাল-সমর ;
নিত্য ঘুমাইলে দেখি গো স্বপনে,
ঈর্ষ্যাপূর্ণ রমণী-মুরতি—
পলক-বিহীন আঁখি—
চাহে একদৃষ্টে মোর পানে ;
সে বদনে হেরি কত ভাব,
ভয় বাসি হেরি সে সুন্দরী !

সুভদ্রা । পুনঃ ভক্তিভাবে দেহ অর্ঘ্য হরে ।
উত্তরা । মা গো, ভুতনাথে করিতে অর্চনা,

প্রাণনাথে পড়ে মনে ;
ঢালি জল ভাসি আঁখি-জলে !
দারুণ ক্ষত্রিয়-পণ,
যুদ্ধ নামে উন্নত প্রাণেশ !
মা গো,
নাথ বিনা এ সংসারে নাহি জানি আর !

সুভদ্রা । কর পুনঃ শিব-আরাধনা ;
বিশ্বপতি বিশ্বনাথ বিনা,
কামনা পুরায় কেবা ?
কেমনে,
চাহ আনিবারে অভিমত্রে হেথা ?
প্রাতে রণ,
ব্যস্ত রণী রণকাজে,
নহে বীরানন্দা-রীতি,
বীর-কার্যে দিতে বাধা ;
কুল-কার্যে রহ কুলবতি !

উত্তরা । বুথা গল্প গুণবতি মোরে ;
কিশোরে গো কে যায় সমরে—
ক্রীড়াস্থল ত্যজি ?
কুরঙ্গ-সঙ্গিনী,
হেরি প্রাণাধিক কুরঙ্গেরে,
লেলিহান শার্দূল-মাঝারে,—
কেমনে বাধিবে প্রাণ, কুরঙ্গিনী ?
ফেলি নিধি জলধি-জঠরে,
কার প্রাণ রহে স্থির ?
আমি মা, দুঃখিনী অতি,
অভাগীরে ক'রো না ভৎস'না,
পাগলিনী পতির বিরহে !
অঙ্কুরিত প্রেমের মুকুল হৃদে,
বত সাধ র'য়েছে কুঁড়া'য়ে,
পুরে নি গো একটা বাসনা !
কহি সত্য বাণী জননি গো, করযোড়ে,
ধৈর্য ধরিতে নারি নাথ-অদর্শনে ;
তাহে বামদেব—বাম অবলায়,
অর্ঘ্য নাহি নিল পশুপতি !

সুভদ্রা । ভক্তি বিনা অর্ঘ্য নাহি পায় স্থান,

আরাধনা কর ভক্তিভাবে ।
 জান না বালিকা তুমি ক্ষত্রিয়-নিয়ম,
 সঙ্কট মরণ রণ—অঙ্গ-আভরণ ;
 তপ করি যাচে যোগ্য অরি,
 পতি-পুত্র বায় রণে,
 বীররাধনা সাজায় সমর-মাছে ;
 ঘোর রণভূমে ভ্রমে বীরকুলনারী,
 সারথি হইয়ে রণে,
 কাটে বেণী বিনাইতে গুণ,
 কাঁদায়ে সন্তানে,
 খুলে দেয় আভরণ রণব্যয় হেতু ।
 বাল্যাবধি জানি রণ-রীতি,
 যাদব-ঝিয়ারী পাণ্ডুবংশ-কুলবধু ।
 অকস্মাৎ গেলে দূত সংগ্রাম-শিবিরে,
 কি কবে রথীন্দ্র যত,—
 আসিবে সহরে সবে বিপদ আশঙ্কা করি,
 ভঙ্গ হবে সমর-মন্ত্রণা,
 এ কামনা করো না কল্যাণি !
 যবে যুদ্ধকার্যে রত বীরভাগ,
 বীরপত্নী ব্যস্ত রহে দেব-আরাধনে ;
 ত্যজ মোহ বীরবালা,
 বীরকুল-রীতি অরি ;
 মমতা ছেদিত,
 শিখে মা ক্ষত্রিয়-স্বতা ভূমিষ্ঠ হইয়ে ।
 উত্তরা । ও গো যাদব-সুন্দরি !
 জেনে শুনে বুঝাইতে নারি মন ।
 সুভদ্রা । দেবগৃহে ক'রো না রোদন,
 অকল্যাণ ঘটে তায় ;
 চল যাই স্নান হেতু সরোবরে,
 শীতল সলিলে স্নিগ্ধ করি প্রাণ-মন—
 পুনঃ পকাননে কর পূজা ;
 চন্দ্রচূড়া চণ্ডীর অর্চনা,
 আরস্থিব পুনঃ আমি ।

[প্রস্থান ।

দ্বিতীয় গর্ভাঙ্ক

উত্তান

স্বপ্ন ও সঙ্গিনীগণ ।

স্বপ্ন । শুন লো সঙ্গিনি, ভুবনমোহিনী তোরা !
 আসিছে উত্তরা,
 তোল তান গ্রন্থি-হীন গান ;
 ফুল ফুলখানে, ভ্রম লো বিমানে !
 চারিদিকে খেল, ঢাল রাঙ্গা কাল,
 হাস বনমাঝে ফণী ধরি ;
 ময়ূর ময়ূরী ল'য়ে গড়' করী,
 কেশরী গড়াও বায় ;
 কাঞ্চনে চন্দনে অঙ্গারের সনে,
 মিলায়ে মাথলো কায় ;
 স্থান পরিমাণ, হর ধীরে ধীরে,
 বাড়াও সময়, পলের ভিতরে,
 নেচে নেচে ধাপ, নেচে নেচে গাপ,
 কাঁদাও কাঁদাও অভিমত্ম-ভামিনীরে !

সঙ্গিনীগণ ।—

(গীত)

বেহাগ—জলদ-একতারা ।

চুপি চুপি, কর কাণাকাণি
 নাচে নিশীথিনী ;—
 ঝিমিকি ঝিমিকি ঝিকি ঝিকি ঝিকি,
 ঝিম্ ঝিম্ ঝিম্ লো ।
 চলে অনিলে আগু করি, কিরণ-সারি,
 নামে তিমির-গহবরে,
 ত্রিম্ ত্রিম্ ত্রিম্ লো ।
 চাঁদে কাঁদে, তারা বাঁধে,
 দেখ দেখ কত আনাগোনা ;
 কেবা আসে, কেবা হাসে,
 কে ভাসে গগনে, মানা নাহি মানে,
 রবি নিবিলা,
 জোনাকী টিম্ টিম্ টিম্ লো !

(উত্তরার প্রবেশ)

উত্তরা । কে যেন ঢালিছে কায় অলসের ভার,

মরি কি স্বন্দর তরু হাসে ফল-ফুলে,
সৌরভে জুড়ায় প্রাণ !

[শয়ন ও নিদ্রা ।

সঙ্গিনীগণ—

(গীত)

চল দলে দলে, চড়ি শিকরে,
যাই যাই যাই লো ;
যুরে ফিরে দেখি, পাই কি না পাই লো ।
পুলকে আলোকে, পাখী ঝাঁকে ঝাঁকে,
স্বর্ণপাখা, মেঘে ঢাকা,
পীত লোহিত মিত সলিলে,
ভাসিল ফণিনী, গ্রাসিল নলিনী,
যাই যাই তাই, ফিরে চাই লো ।

১ম সঙ্গিনী । কে কোথায় জাগে লো স্বজনি ?
২য় সঙ্গিনী । রুপ্ত তারা ভ্রমিছে রোহিণী ।
৩য় সঙ্গিনী । ধরামাঝে কেন লো রঙ্গিণী ?
৪র্থ সঙ্গিনী । দেখ আসিয়াছে ধনী,—
নিয়মে যেতে গুণমণি ।

উত্তরা । ও মা ! নিয়ে যায় প্রাণনাথে !

(অভিমুখ্যর প্রবেশ)

অভি । প্রাণেশ্বর,

ভাল খেলা খেল উপবনে !
কি হেতু প্রেরিলে দূতী,
কহ স্থলোচনে ?
যাব স্বরা প্রভাত নিকট ।

উত্তরা । নাথ !

দিব না যাইতে রণে,
কাজ নাই রাজ্য-ধনে মম,
বনে রব বাকল-বসনে তোমা ল'য়ে ।
হৃদি-তন্ত্রী কম্পিত সদাই,
বড় ভয় গণি মনে,
না জানি কি ঘটে অকল্যাণ,
অর্থ্য না পাইল স্থান ভবেশের মাথে !
গুহুচিন্তে পুনঃ আরাধিতে ভূতনাথে,
আইলাম স্নান হেতু সরোবরে ;
অলসে অবশ কায়া,
তরুতলে অঞ্চল পাতিয়ে,
অঙ্গ ঢালি হ'ছ অচেতন ;

স্বপনে হেরিছ,
স্বপ্নদৃষ্টা রমণী-মুরতি,
ধরি হাতে তুলিল তোমায় রণে ;
উত্তরোলে কাঁদিয়া জাগিছ !
অভি । সম্মুখে দেখিলে স্বপ্ন বিপরীত ফল ।
চল সতি,
ভেটি জননীয়ে বিদায় লইব স্বরা ;
হের ফুলকুলে সাজিছে মেদিনী,
উমা প্রতীক্ষায় শ্রামা ;
কলরবে জাগিতেছে পাখী,—
গাইবে গায়কবৃন্দ,
উদবে যবে স্ববর্ণ-কিরীটা, সতি !

উত্তরা । ধরি চরণে হে গুণনিধি,
দাসীরে ঠেল না পায়, যেও না সমরে,
যদবধি অর্থ্য নাহি লন ভোলানাথ ।

অভি । প্রিয়ে !

এ কথা কি সাজে হে তোমায় ?
পিতা, ভ্রাতা, জ্যেষ্ঠতাত, খুল্লতাত আদি,
আত্মীয়-বান্ধবগণে, যুঝিবে সঙ্কট-রণে,
রব বন্ধ মহিলা-শিবিরে,
নারীর অঞ্চল ধরি !—
এই কি বাসনা তব ?
বৃথা শঙ্কা তাজ আমোদিনি ;
না জান বিক্রম মম,
তিন পুর আসে যদি কোরব-সহায়ে,
পরাজিব পলকে প্রমদা ;
চল প্রিয়ে, জননী-সমীপে ।

[সকলের প্রস্থান ।

তৃতীয় গর্ভাঙ্ক

কক্ষ

সুভদ্রা ও গণক ।

গণক । শুভে,

রোহিণী নক্ষত্রে জন্মে তোমার তনয়,
রুপ্ত তারা সঙ্গ নেছে তার,

দেখিছ গণনে,
মহারুপ্ত তারা,
কালি যদি যায় সুমঙ্গলে,
পুত্র তব অমর নিশ্চয় !

সুভদ্রা । বুঝিছ, বুঝিছ এতক্ষণে,
কেন হর অর্ঘ্য না ধরিল,
শঙ্করী-পুঞ্জায় কেন ঘটিল ব্যাঘাত !
যাও স্বরা,
কে আছেরে ডাকি আন অভিমত্রে হেথা ।

(অভিমত্রে ও উত্তরার প্রবেশ)

অভি । উতলা কি হেতু মাতঃ ?
প্রণমে চরণে দাস, আশীষ জননি !
কি হে বিজবর !
গণনায় দেখিলে কি স্থির,
কৌরব-বিনাশ কালরণে ?

সুভদ্রা । যাইতে দিব না তোরে,
কাল-রণে কালি ।

অভি । মাতঃ !—

সুভদ্রা । সোন মতে দিব না
যাইতে রণে আমি ।

অভি । আজি নিশিবোগে,
ক্ষিপ্তরেণু মিশেছে কি বায়ু-সনে !
কহ, কি জঙ্ঘাল ঘটায়েছ আচার্য্য ব্রাহ্মণ ?

সুভদ্রা । বাছা, কাল মাত্র যেও না সমরে,
বীরাননা বীরমাতা আমি,
সামান্ত কারণে,
নাহি মানা করি তোরে,
সাধ কি রে মম—অর্জুন-তনয়,
রহিবে মহিলা-শিবির-মাঝে,
যাদব-নন্দিনী আমি !—

অভি । মাতঃ,
জান তুমি যাদব-বিক্রম,
পাণ্ডবের রীতি নাহি জান !
প্রমথ-মণ্ডলে শূলী পশিলে মমরে,
পাণ্ডব দিবে না পৃষ্ঠ কহু ।

সুভদ্রা । বৎস, শুন মন দিয়া, হও না উতলা,
সাধে আমি করি না রে মানা !
দেখ এই দ্বিজ,
বিশারদ জ্যোতিষ-বিদ্যায়,
কহিয়াছে দিন দিন গণে মোরে,
যে দিন যা ঘটবে তোমার ;
তারা রুপ্ত এক দিন আছে আর তোর ;
দেখিল গণিয়া বিপ্রবর,
অমঙ্গল ঘটে, বৎস, তায় ।

অভি । ফিরি রণভূমে, যুদ্ধে ব্রতী অস্ত্রধারী,
মঙ্গলামঙ্গল মাতঃ, আছে চিরদিন ।
কহ দ্বিজ, কোন্ গ্রহ রুপ্ত মোর প্রতি ?
হানি শর বিধি নভঃস্থলে ।

সুভদ্রা । অলক্ষ্য সে গ্রহের প্রভাব বৎস !

অভি । বিপক্ষ প্রত্যক্ষ মাতঃ !

পিতা ভ্রাতা বান্ধব সকল রণভূমে,
রব সবে রাখিয়া সঙ্কটে—

অলক্ষ্য প্রভাবে বাধা মহিলা-শিবিরে ?

সুভদ্রা । বাছা, ঋণী তুই মার কাছে,
মাতৃঋণ বাবে শোধ তোর,
এক দিন ক্ষমা দেহ রণে,
চণ্ডী আরাধিতে দেখিছ রে ধ্যানে
তোর মস্তক-বিহীন ছায়া !
হর-শিরে অর্ঘ্য না ধরিল !

অভি । শুনেছি মা,
উন্মাদ-সংবাদ যত উত্তরার মুখে ।
মা গো, সহস্র ঋণে ঋণী আমি তব,
যত দিন বহিবে কালের শ্রোত,
সে ঋণ না হবে পরিশোধ ;
চাহ সে ঋণে উদ্ধারিতে মোরে,
রূপা তব অতুল ঈশ্বর !

কিন্তু মাতঃ,
অস্থি হেতু পিতৃঋণে ঋণী আমি,—
মান হেতু পুত্রের কামনা,
প্রাণ-হেতু পিতৃমান দিব বিসর্জন ?
নারিব জননি,

ক্ষম বুঝি অবুঝ সন্তানে ।
 দেহ পদধূলি,
 রণমৃত্যু চাহে ক্ষত্রবীর ;
 জন্মে কত নর দেহধারী অগণন,
 দিনে দিনে পলে পলে,
 রয় যায় কালের কবলে,
 কিন্তু বীর্যবানে না ভুলে ধরণী,
 কীর্তি তার চলে অগ্রসর,
 দেখাইয়ে পথ অস্ত্র বীরে ;
 লক্ষ হৃদি হয় উত্তেজিত,
 শুনি গুণগ্রাম-গান তার ;
 হেন পুত্র কর কি কামনা,
 যাদব-নন্দিনী পাণ্ডব-গৃহিণী মাতঃ ?
 চাহ যদি সে পুত্র তোমার,
 দেহ পদধূলি যাই চ'লে রণস্থলে ;
 একান্ত চঞ্চল হইতেছি মাতা,
 হের উষা উদিল গগনে,—
 বিলম্বিতে নারি আর ।

উত্তরা । যাও নাথ, বধিয়া আমায় !
 অভি । প্রিয়ে, সকলই ভাল সহমত ।
 উত্তরা । একদিন মাত্র রহ গৃহে ।
 অভি । হেন উপদেশ,
 কহিও ভ্রাতার কাণে মন্ত্ররাজ-স্বতা !
 প্রেম-কথা বিলাস-ভবনে,
 কর্তব্যের সনে সঙ্কল্প নাহিক তার !
 পতি আসি, শুন বীরাদ্বন্দ্বন,
 ধর উপদেশ-বাণী,
 কুলের কামিনী রহ কুলাচারে রত,
 যদি হয় অলস তাহার,
 অস্ত্রব্রতে ব্রতীজনে নাহি দেহ বাধা ।

উত্তরা । নাথ,—
 অভি । না উত্তরা ।

(উত্তরার মুচ্ছা)

প্রণাম চরণে মাতঃ, নিশা অবসান ।

উত্তরা । মা গো ! কি হ'লো, কি হ'লো !

সুভদ্রা । বল মা, কি উপায় করি আর ।
 উপায়ের সার,
 চণ্ডিকার পদ করি ধ্যান ।
 উত্তরা । নাহি কহ মোরে,
 শঙ্করে পূজিতে আর ;
 পূজি নারায়ণে—রক্ষাকর্ত্তা জনাঙ্গিন ।
 সুভদ্রা । হর-হরি ক'রো না না ভেদ ;
 গৃহভেদে না জানি কি হয় !
 চল যাই দেবালয়ে ।

[সকলের প্রস্থান ।

চতুর্থ গর্ভাঙ্ক

শিবির-সম্মুখস্থ পপ
 অভিমত্যা ।

অভি । এখনো স্বভাব ঢাকা নিশা-আবরণে,
 মেঘে ঢাকা শশী,
 তাই প্রভাত জানিয়া,
 কুজনিছে বিহঙ্গিনী স্তমধুর !
 এ কি বিষ, কুংসিত বায়স-রব !
 উত্তরা চেতনাবধি,—
 না না, থাকিলে বাড়িত মায়া ;
 উরি মাত্র প্রেমের বন্ধনে !
 মাতৃ-মানা শুনিল কি ধনঞ্জয় ?
 যবে রথী,
 চলিল একেলা বনে ব্রহ্মচারী-বেশে,
 ভ্রমিবারে দ্বাদশ বৎসর,
 কর্তব্য-রক্ষণ হেতু !

(গণকের প্রবেশ)

গণক । বীর, গ্রহাচার্য্য আসি,
 শুন মানা একদিন তরে ।

[প্রস্থান । অভি । দ্বিজ,
 ক্ষত্রিয়ের বশ নয় রোধ ;

কিংবা, কি হেতু বা কৃষি আমি,
শুনি উপভাস,
এখন' তো আছে যামী ;
কি হে দ্বিজ !

গণক । কুমার, দেখিছ গণনে,
কালি গ্রহ রুষ্ট তব প্রতি ।

অভি । ওহে দ্বিজ,
ও সংবাদ শুনেছি ত জননী'র মুখে ;
কিবা অমঙ্গল, সমরে পড়িব কালি ?
শুভ এ বারতা
পাণ্ডবের পক্ষে, হে ব্রাহ্মণ ;
জেনো স্থির, অর্ধ সৈন্ত না বিনাশি রণে,
ধনু মম হবে না অচল ।
এক কথা কহি দ্বিজ,
বৃদ্ধ তুমি পিতামহ সম,
লহ স্বর্ণমুদ্রা, হে আচার্য্যবর,
ক'য়ো উত্তরারে,—
'নাহি ভয়, পুনঃ আসি করিব চূষন !'

গণক । কিন্তু বৎস,
ছিল ভাল না যাইলে রণে ।

অভি । দ্বিজ, লহ মুদ্রা,
দেখ গ'ণে, আরো ভাল যাইলে সমরে !

গণক । নাহি অকল্যাণ-ভয়,
গ্রহশাস্তি করিব করিয়া স্থান ।

অভি । এক কথা শুন হে ব্রাহ্মণ,
বদি শায়ী হই রণভূমে,
কহিও মাতারে,
অবাধ্য বালক বলি ক্ষমেন জননী ।
ব'লো উত্তরারে,
বড় ভালবাসিতাম তারে,
কুলমান-দায় ছেদিছ প্রেমের ডুরি !
কিংবা কিছু নাহি ব'লো তারে,
ব'লো মাত্র প্রত্যক্ষ দেখেছ,—
দীর্ঘশ্বাস পড়িয়াছে স্বরি তার নাম !
গ্রহাচার্য্য, আর নাহি রহ এই স্থানে ।

[গণকের প্রশ্নান ।

(নেপথ্যে গীত)

পঞ্চম—রূপক ।

ধীরে ধীরে শুন বাড়িছে কোলাহল,
ফুল হেরি উবা হাসে,
ছকুল বাসে ।
ধীরে ধীরে, ফুল হাসে ফিরে,
হেরি মাদুরী, কলিকা বিকাশে ;
লতিকা পাশে, পরিমল আশে,
অনিল প্রেম-কথা মুহুর্ত ভাসে ।
মধুর পিয়াসে, অলি আসে ;
কোকিল কুহরে, পাখিকুল শিহরে,
খুলে প্রাণ, তোলে তান,
মোহিনী রতনরাজী স্ননীল আকাশে ;
বীর ধীর চলে সমর-প্রয়াসে ।

অভি । কে চালে এ সঙ্গীত-লহরী,

হেন স্বর ধরায় কে ধরে ?

নীরবিল বীণা !

মরি, পুনঃ উঠে তান,

শুনি প্রাণভ'রে ব'সে ।

সঙ্গীত চলিল দূরে

যায় যেন দেখাইয়ে পথ ;—

ওহো ! ধাইতেছে অগণন শিবা,

মাংস-লোভে রণস্থলে ।

কি কঠোর নিনাদে বায়স,

ক্ষুদ্র প্রাণী না হইলে মারিতাম প্রাণে ।

আহা !

ঝরিল বারি মায়ে'র নয়নে,—

(দূরে ভেরী-রব)

ডাকে ভেরী সাজিতে সমরে,

বুঝি,

একা আমি, ত্যজিয়ে শিবির ভ্রমি দূরে,—

অস্ত্র ল'য়ে ব্যস্ত অণু জন ;

কেবা আর দূতীর বারতা শুনি,

যাবে নারী-মাঝে সম্ভাষিতে প্রেয়সীরে,

ঘোর রণ উপস্থিত প্রাতে !

বাই জ্ঞত,

পারি যদি কুলাইতে সমরের ব্যয় ।

[প্রশ্নান ।

তৃতীয় অঙ্ক

—:০০:—

প্রথম গর্ভাঙ্ক

যুদ্ধক্ষেত্র

যুধিষ্ঠির ও অভিমত্যা ।

যুধি । দেখ বৎস, মজিল সকলি !
 সংসপ্তকে কৃষ্ণ-ধনঞ্জয়,
 কৌরব-কৌশলে আজি,—
 নাহি জানি কি হয় সমরে !
 যমোপম নারায়ণী সেনা,
 তাহে সপ্তরথী দুর্জয় স্বশর্মা-সনে ;
 নাহি এক গোটা পদাতিক মম,
 প্রেরি যারে আনিতে সংবাদ ;
 অবসাদ নাহি কাল-রণে ।
 মৈনাক-সমান,
 একা রথে আচার্য্য প্রবীণ
 পশিয়াছে সৈন্য-সিন্ধু-মাঝে,
 মথিবারে ক্ষীণ দলবল,
 সহায়-বিহীন ।
 দারুণ দ্রোণের শরে,
 আকুল পাঞ্চাল-সেনা,
 নিবারিতে নারে ভীমসেন,
 বিপক্ষ-প্রবাহ ঘোর,—
 যুঝে অরি চক্রব্যূহ করি,
 দেবের দুর্ভেদ্য সমাবেশ ।
 সমর্থ কেবল ধনঞ্জয়,
 ভেদিতে দুর্গম ব্যূহ ।
 কহ পুত্র, কি উপায় হবে,
 মুহূর্ত্তে মজিবে সব,
 রুদ্ধ বায়ু গর্জে যথা পর্ব্বত-কন্দরে,
 গর্জে শুন বৈরি-ঠাট জয়-আশে ;

হের মহাত্মাসে
 বিকল বাহিনী মম—পলাইছে বেগে !
 একমাত্র তুমি ধনুর্ধর পাণ্ডব-শিবিরে,
 পিতৃসম কৃতী রণে,
 বৃদ্ধি কর যা হয় বিধান ;
 শুনিলাম তব সখা মুখে,
 ভেদিতে দুর্গম ব্যূহ সক্ষম হে তুমি,
 সংগ্রাম-কৌশল-বলে ।

অভি । সখা মম !

জানি আমি প্রবেশ-সন্ধান,
 নির্গম না জানি তাত ;
 কিন্তু এ সংবাদ লোক-অগোচর ।
 হে পাণ্ডবনাথ,
 এ বারতা কে দিল তোমারে ?

যুধি । বয়সে সাহসে রূপে সোসর তোমার,
 দেবের কুমার হয় জ্ঞান ;
 ঋধিরাজ-কলেবরে,
 বার্তা দিল দ্রুত বীর,
 পুনঃ রণে পশিল ধীমান্ ।

অভি । কহি তাত, পূর্ব্ব-বিবরণ,—
 ছিহ্ন যবে জননী-জঠরে,
 গল্লচ্ছলে চক্রব্যূহ-কথা,
 কহিতে লাগিল পিতা,
 তেঁই জানি প্রবেশ-নিয়ম ।
 শুনিতে শুনিতে নিদ্রিতা হ'লেন মাতা,
 না শুনিহু নির্গম কেমন ।

যুধি । ব্যূহ ভেদি কর যুদ্ধ বীর,
 ভীম আদি বোদ্ধা মিলি,
 যাব সবে পশ্চাতে তোমার,
 মহামার করিব কৌরব-দলে,
 রণজয় হবে অবহেলে—
 তব বাহুবলে, পাণ্ডুবংশ-গুণধর !

অভি । আজি কুরু পড়িল প্রমাদে ।
 দেহ পদধূলি ধর্ম্মরাজ,
 অবাধে লভিব জয় ;
 আনি দিব ডালি রাজপদে

কর্ণ-শকুনির শির।
পিতৃগুরু উপরোধে না বধিব হ্রোগে,
করি নিরস্ত্র সমরে,
সম্মানে তুলিব নিজ রথে।
গর্জে অরি—
কুরুবংশ-ধ্বংস হবে রণে।

[অভিমতের প্রস্থান।

(রোহিণীর প্রবেশ)

রোহিণী। এক নিবেদন ধর্মরাজ,
মহারথী অভিমত্য বীর,—
সমযোগ্য সারথি তাঁহার নাহি দেব ;
তেই যাচি রাজপদে সারথির পদ।
যুধি। মহাদস্তে প্রবেশিছে রণে শূর।
জানিলাম তুমি হে পাণ্ডব-সখা,
দেবপুত্র নাহিক সংশয়,
চল বাই, যথা বৎস সাজিছে সমরে।

[উভয়ের প্রস্থান।

দ্বিতীয় গর্ভাঙ্ক

যুদ্ধক্ষেত্র
ধৃষ্টদ্যুম্ন।

ধৃষ্ট। হে পাঞ্চাল!—
শরজালে এখনি নাশিব হ্রোগে ;
হও স্থির, রহ সবে দর্শকের প্রায়,
সপুত্র পাড়িব ব্রাহ্মণ-কুলের গ্লানি!

(দ্রোণাচার্যের প্রবেশ)

দ্রোণ। ভাল ভাল,
নিতান্ত মরণ-নাথ ক্রপদ-কুমার ?

ধৃষ্ট। আরে আরে হিংস্রক ব্রাহ্মণ,
বীরপনা জানাও পাইক বধি ?
আজি রাজা হবে যুধিষ্ঠির,
তীক্ষ্ণ খড়্গে কাটি তোর শির,
দিব মাংসলোভী জীবে ;

সপুত্র পামর,
কবন্ধ-সমান প'ড়ে রবে রণস্থলে।

(অশ্বখামার প্রবেশ)

অশ্ব। পিতঃ !
এখনি হইবে ক্ষয় পাণ্ডব-বাহিনী ;
ধৃষ্টদ্যুম্ন দেহ মম করে,
পশুবৎ নাশি মুঢ়ে।

(সাত্যকির প্রবেশ)

সাত্যকি। জান না কি নিকট শমন ?
[যুদ্ধ করিতে করিতে সকলের প্রস্থান।

তৃতীয় গর্ভাঙ্ক

সঙ্কাতভূমি

অভিমত্য ও রোহিণী।

রোহিণী। যবে রণ অবসানে
হাসিতে হাসিতে—
তুই জনে ফিরিব ভবন-মুখে,
দিব পরিচয় বীরমণি !
অভি। জানিলাম একান্ত আমাতে তব প্রীতি,
হেরিয়ে তোমারে,
সহোদর জ্ঞান হয় মনে ;
যেন কোথা দেখেছি, দেখেছি—
স্বপ্ন-সম সে ভাব লুকায়।
আসন্ন সমর,
ফিরি যদি রণ জিনি দৌহে,
বিরলে বসিয়ে কব কথা পরস্পরে।
তেজঃপুঞ্জ মহারথী তুমি,
রুপা করি সেজেছ সারথি ;
কিন্তু মম সারথি নিপুণ,
নিঃশাস ছাড়িবে ক্ষত্র,
না করিলে সাথী রণে।
ইথে এই মন্ত্রণা ধীমান,
লহ অস্ত্র-পূর্ণ অস্ত্র রথ পাছে,

যাই নিজ রথে আসি,
তব রথ রাখ ব্যহ-মুখে,
রণে যবে করিব প্রবেশ,
মেও বীর পশ্চাতে আনার ।

অভিমত্যা-বধ

২০৩

[প্রস্থান ।

নাহি কি হে অর্জুন-কুমার ?
কি ভয় কি ভয়,
রণজয় করিব এখনি ।
বরষিব বজ্রসম শর,—
দেখি অগ্রসর কে হয় সমরে—
কে বাধে কবচ দৃঢ় বুকে !
এস এস আচার্য্য প্রবীণ,
দেখ কত শিক্ষা শরাসনে ।

(দ্রোণাচার্য্যের প্রবেশ)

চতুর্থ গর্ভাক্ষ

রণক্ষেত্র

যুধিষ্ঠির ও সৈন্যগণ ।

যুধি । না পালাও না পালাও সৈন্যগণ,
ক্ষত্রধর্ম করহ পালন ;
কৌরব কি ধরে করে তীক্ষ্ণতর তীর ?
নহে তারা অভেদ-শরীর !—
চল সবে মিলি বধি দ্রোণে ।
১ম সৈন্য । ভদ্র নাহি নরপতি আর !
পড়িয়াছে বড় বড় বীর,
মৃতপ্রায় ভীমসেন রণে,
ধৃষ্টদ্যুম্ন যুধিষ্ঠান আদি,
অধীর সমরে সবে ;
চতুরঙ্গ সেনা আকুল দ্রোণের বাণে ।
(নেপথ্যে) —এই এই এই যুধিষ্ঠির !
হে আচার্য্য,
করন গ্রহণ, করন গ্রহণ ।
২য় সৈন্য । কি দেখ, কি দেখ আর
তুলারশি যেমতি অনলে,
ভঙ্গ হবে দ্রোণ-শরে ;
এল এল, পালাও সত্বর !

(অভিমত্যুর প্রবেশ)

যুধি । না পালাও পাণ্ডব-বাহিনী,
ক্ষণকাল দেখ রণ ;
পিতা মম ভুবন-বিজয়ী,
অক্ষয়-গাণ্ডীবধারী ;
প্রকাশে বিক্রম অরি অগোচরে তাঁর ।

দ্রোণ । বালক,
নাহিক বিরোধ মম তোমার সংহতি,
ছাড় পথ, ধর্মরাজে ভেটিব সমরে ।
অভি । অবিরোধী ধর্ম-নৃপমণি,
বিরোধী অর্জুন-সুত—
যুদ্ধ দেহ আচার্য্য নিপুণ ;
শুনেছি জনক-মুখে ধর্মকর্মদ তুমি,
প্রমাণ তাহার দিয়েছ এ রণস্থলে,
ছলে করি পিতারে অন্তর ;
কিন্তু মনোরথ না ফলিবে তব ।
যমের দোসর অর্জুন-কুমার,
ধর্ম ধারণ হাতে ;
হান অন্ত, বস্ত্র কর প্রতিজ্ঞা-পালনে,
অহুচরে বিমুখ সমরে,
কোথা পাবে নৃপ দরশন,
ভতান-সম অরি সঙ্গুথে তোমার ।
দ্রোণ । সিদ্ধশ্রোত চাহ রোধিবারে !

[যুদ্ধ করিতে করিতে উভয়ের প্রস্থান ।

যুধি । চল সবে, চল হে সত্বর,
সবে মিলি করি আক্রমণ ;
হের, বিরথী আচার্য্য বীর ।

[সকলের প্রস্থান ।

(সসৈন্তে যুদ্ধিরের প্রবেশ)

পঞ্চম গর্ভাঙ্ক

রণস্থল

অভিমহ্য ও সৈন্যগণ ।

অভি । দেখ চেয়ে পাকাল পাওব,
ফেরুপাল-সম পলাইছে অরিদল,
বিকল কোরব ঠাট—
অটল সমরে মাত্র সিদ্ধুরাজ-সেনা ;
এখনি করিব আক্রমণ,
আইস সবে পশ্চাতে আমার,
বৃহ ভেদি বিনাশি কোরবে ।
সম সৈন্য । দগ্ধ বীর অর্জুন-তনয়,
পিতা সম বীর্যবান্ ;—
কারে ভয়, কুরুকুল করিব নিশ্চল !

[সকলের প্রস্থান ।

ষষ্ঠ গর্ভাঙ্ক

বৃহ-দ্বার

জয়দ্রথ ও রোহিণী ।

রোহিণী । হের বীরবর, অন্তক-সমান রণে,
পশিছে অর্জুন স্ত !
নাহি কাজ রোধিয়া উহারে,
স্বর শব্বরের বর,
অর্জুনিরে দেহ পথ ছাড়ি,—
নিবারহ অস্ত্র অস্ত্র যোধে,
কুরুরাজ দেছেন আদেশ ।

[রোহিণীর প্রস্থান ।

(অভিমহ্যর প্রবেশ)

অভি । যম কারে ক'রেছে স্বরণ,
কে রাখে বিপক্ষ-বৃহ সম্মুখে আমার ?
জয় । পিপীলিকা !
কত দিন উঠিয়াছে পাখা ?

[যুদ্ধ করিতে করিতে উভয়ের প্রস্থান ।

যুধি । দেখ ছিন্ন-ভিন্ন বৃহমুখ,
বাত্তে যথা কদলী-কানন ;
চল সবে অর্জুনি-সহায়ে ;
চল যুযুধান, ধৃষ্টদ্যুম্ন, বৃকোদর,
কর আক্রমণ চারিদিকে
বৃহ ভেদি পশিয়াছে রথীন্দ্র-কুমার ।

[সকলের প্রস্থান ।

সপ্তম গর্ভাঙ্ক

রণক্ষেত্র

অভিমহ্য ।

অভি । এ কি, চারিদিকে অরি,
কেহ নাহি সহায় আমার !
নাহি হেরি কোথা সে সারথি,
কোথা অস্ত্রপূর্ণ রথ তার !
সিদ্ধুরাজ সৈন্যসহ রোধিছে পাওবে ;
দূঢ় অন্তে ছেদি সৈন্যগণে,
নিজ-পক্ষে মিলিব এখনি ;
কেমনে যুঝিব একা চক্রবৃহ-মাঝে ।

(রোহিণীর প্রবেশ)

রোহিণী । কি কাজে বিলম্ব বীর ?
যুদ্ধ বৃহ ভেদি ;
আগুবাড়ি আছে মম রথ,
উড়িছে পতাকা দূরে ;
হের,
ধাইছে চৌদিকে সেনা বিপক্ষে তোমার,
একেখর জিন রণ বীর,
জ্বিনিল অমরে যথা জনক তোমার,
থাওব-দাহন-কালে ;
ভীমসেন-রথধ্বজ দেখেছি পশ্চাতে,
সিংহনাদে যোঝে মহাবীর,
এখনি হইবে রথী সহায় সমরে ।

অভি। আন রথ পশ্চাতে আমার,
গর্জে অরি সম্মুখ-সমরে,
নাহি সহ্যে প্রাণে মোর,
অর্জুন-নন্দন আমি।
ছিন্ন-ভিন্ন করিব এখনি,
মুহূর্ত্তে ঘুচাব অহঙ্কার।

(কর্ণের প্রবেশ)

কর্ণ। ধনু অস্ত্র ত্যজহ বালক,
ক্রীড়াস্থল নহে রণভূমি।

অভি। মহাক্রীড়াস্থল হে রাধেয় !
গেওয়া খেলিব ল'য়ে কুরুকুল-শির ;
বহিবে রুধির খর ;
ছিন্নশির কুরুরাজে,
বাধি তোমা শকুনির সনে,
ভাসাইব সে সলিলে,
ক্রীড়াচ্ছলে ভ্রমিব সে ভেলাপরে,
উপস্থিত হের অস্ত্র-খেলা।

[যুদ্ধ করিতে করিতে কর্ণ ও অভিমহ্যুর প্রস্থান।]

অষ্টম গর্ভাক্ষ

ব্যূহ-দ্বার

জয়দ্রথ ও সৈন্যগণ।

জয়। সাবধানে রহ বীরভাগ,
হের পরাকৃত পাঞ্চাল পাণ্ডব,
প্রবেশিছে রণে পুনঃ—
আগে আগে বীর বুকোদর ;
না হও চঞ্চল কেহ, বারিব সব্বারে,
বায়ুদলে ভূধর যেমতি !

[প্রস্থান।]

(ভীমের প্রবেশ)

ভীম। উদ্ধাবেগে কর আক্রমণ,
এখনি নাশিব হুঁষ্ট সিন্ধুর নন্দনে ;
এক পুত্র গেছে ব্যূহ ভেদি,

অভিমহ্যু-বধ

২০৫

তীক্ষ্ণ অস্ত্রে ছেদি রিপুদলে,
হও সবে সহায় তাহার ;
একেলা বালক, যুঝে ব্যূহ-মাঝে,
সাগর উথাল সম গর্জিছে কৌরব,
হায় হায়, একা পুত্র অরি-মাঝে !
রে পামর সিন্ধু-স্বত,
ঘুচাই সমর-সাপ তোর।

[যুদ্ধ করিতে করিতে প্রস্থান।]

নবম গর্ভাক্ষ

যুদ্ধক্ষেত্র

যুধিষ্ঠির ও নকুল।

যুধি। হে নকুল,
কেমনে যাইতে বল শিবির-ভিতরে,
যতক্ষণ পাপ দেহে আছে প্রাণ ?
ধর্মজ্ঞানহীন আমি মূঢ়,
শাস্ত্রলোভে করিহু হৃৎকর পাপ !
বার বার কহিল কুমার,
নাহি জানি নির্গম-উপায় ;
শাস্ত্র মোহমদে,
প্রেরিহু শাবকে ব্যাজ্র-মুখে !
কোটি বজ্রনাদ-সম ঝঙ্কারে কৌরব,
ক হয়—কি হয় রণে !
চল ল'য়ে সংগ্রাম-ভিতরে,
ধরুক আমারে স্রোণ,
ঘুচে যাক এ কাল-সমর।
গর্জে পুনঃ কৌরবীয় চমু ;
হাহাকারে ন দিছে
পাঞ্চাল পাণ্ডবগণ ;
প্রাণ মম আকুল নকুল,—
নাহি শুনি বুকোদর-সিংহনাদ !
হের দূরে,
হাহা রবে কাঁদিছে সাপক্ষরথী !

জ্যেষ্ঠ আমি, মাধি হে তোমায় পুনঃ,
অর্পি ত্রেণ-করে মোরে,
নির্বাণ করহ রণানল ।

নকুল । তিষ্ঠ মহারাজ ক্ষণ,
বিকল শরীর তব ত্রিপুর প্রহারে ;
যাই রণে, তব অশীর্ষাদে,—
অবাধে জিনিব সিদ্ধুরাজে,
তিষ্ঠ মারধানে নরমণি !

(দূতের প্রবেশ)

দূত । হায় হায়, মজিল সকলি !
জয়দ্রথ করে ঘোর রণ ব্যাহমুখে,
প্রবেশিতে নাহে কোন বীর ;
একা শিশু বিপক্ষ-মাঝারে !
অষ্টবার ভীমসেন অচেতন,—
নবম সমর—না জানি কি হয়,
সিদ্ধুরাজ দুর্বিবার আজি !
ধৃষ্টদ্যুম্ন যুযুধান আদি
মহারথিগণ,
বিমুখিল রণে একা সিদ্ধুর কুমার !

[সকলের প্রস্থান ।

দশম গর্ভাক্ষ

বৃহ-মুখ

জয়দ্রথ ও সৈন্যগণ ।

জয় । দেখ চেয়ে
পাণ্ডবের দল, পলায় শৃগাল-সম !
চল ধাই পশ্চাতে তাহার,
ছারখার করি শ্রেণী ভেদি ;—
জয়লাভ হইবে এখনি ।

[সসৈন্তে জয়দ্রথের প্রস্থান ।

(ভীম ও সহদেবের প্রবেশ)

ভীম । সহদেব,
সত্তর শিবিরে লহ পাণ্ডবের নাথে ।

[সহদেবের প্রস্থান ।

ধিক্ ধিক্, ধিক্ বাহুবলে,
রক্ষিতে নারিছ শিশু !—
হে স্বল্পয়, পাঞ্চাল, পাণ্ডব !
একচাপে বেড়' সিদ্ধুহুতে ;—

হায় হায়,
রণে পুনঃ পশিমাছে ধর্মরাজ !
হে নকুল, দেখ কি কৌতুক,
ক্ষিপ্ত শোকে পণ্ডব-উত্তম,
বিকল অরির ঘায় ;
শীঘ্র লও শিবির-ভিতরে ;—
উচাটন প্রাণ ছই স্থানে,
কেমনে রাখিব বংশধরে ;

হা কৃষ্ণ, কি এই হেতু জনম আমার,
রোধে মোরে সিদ্ধুকুলাধম !
আরে আরে ভীক্ সেন দল,
কি লাগি মরণ-ভয়,
পলায়ে কি এড়াবে শমন ?
আরে আরে স্বল্পয়, পাঞ্চাল,
পৃষ্ঠে অরি করিবে প্রহার,
হেয় প্রাণ রাখি কিবা ফল,—
অপমান হ'তে মৃত্যু শ্রেয়ঃ !

চল রণে সাত্যকি ধীমান,
দ্রুতপদে দ্রুপদ-তনয়,
অগ্রসর হও মংস্ররাজ,
পাঞ্চাল-রাজনু—শিখণ্ডী সমরে শূর,
কৌরব-গোরব নাশ' রণে ;
আক্রমণ কর সিদ্ধু-ঠাট,—
দূর্গবায়ু পশি বথা কানন-মাঝারে,
ভাঙ্গে মড়মড়ে তরুদলে,
চল প্রবল-প্রতাপে,
প্রবেশি বিপক্ষ-মাঝে,
পাড়ি অরি বীরবৃন্দ মিলি ।

[ভীমের প্রস্থান ।

(সসৈন্তে নকুল ও সহদেবের প্রবেশ)

নকুল । ধাও বেগে,
এখনি পাড়িব ছার সিদ্ধুর নন্দনে ।

ভীম । জয়দ্রথ
পাড়িলাম
তবু যুঝে
কিন্তু নাহি
দেবগণ-সহ
এ কি !
অকস্মাৎ দীর্ঘ
হৈ হৈ হা হা
দক্ষয়জ্ঞ-মাঝে

রোহিণী । দেব, পা
দ্রোণ-রথ যুধিষ্
প্রায় পরাজিত স
পাঞ্চাল, পাণ্ডব র
ভদ্রীয়া দারুণ
রক্ষ ধর্মরাজে মহা

ভীম । কোন্ ভিতে
রণ সহ করিব আচ

(নকুল

ভীম । হে নকুল, ধাও ব
দক্ষিণে আক্রমি আ
কহ সাত্যকিরে ইঁকি
বৃহ-মুখে দিতে হানা
তনি বুকোদর-সিংহনা
পশ্চাতে কি পশিয়াছে
নকুল । হে সাত্যকি, ধাও

চতুর্থ অঙ্ক

—:—:—

প্রথম গর্ভাঙ্ক

রণস্থল—বৃহচ্ছক্র

দ্রোণাচার্য ও অশ্বখামা ।

দ্রোণ । ধাতু পুত্র, সমীরণ-বেগে—

কহ সিদ্ধুরাজে,
দৃঢ় অস্ত্রে রহে বৃহমুখে,
আগুবাড়ি নাহি দেয় রণ,
রহ সপক্ষে তাহার,
অক্ষুক্ষণ সতর্ক প্রস্তুত,
প্রাণ উপেক্ষিয়া কর রণ,
নাহি দেহ প্রবেশিতে পারে ।

[অশ্বখামার প্রশ্নান ।

পশিয়াছে বহি গৃহমাঝে,
দেখি যদি পারি নিবাইতে,
না হইতে ভস্মরাশি বাহিনী আমার ।
সিংহের শাবক যুঝে ফেরুপাল-মাঝে !
কুরুরাজে কেমনে রাখিব,—
অদীর অন্তর মম !
হের সুর্য্যের কুমার,
ভাঙ্গিল কটক শিশু রণে ।
কোন মতে রক্ষা কর বৃহ ;
নহে দলবল যায় তল আজি !
কুরুরাজ, পতঙ্গের প্রায়,
রক্ষ নাহি দেয় বহি-মাঝে,
উত্তরে ভাঙ্গিল ঠাট,—
রুপাচার্য রণী,
রণসন্ধি রাখ সাবধানে ।

(দুর্য্যোধনের প্রবেশ)

দুর্য্যো । কুলক্ষয় হ'ল আজি রণে,
পড়েছে কুমার ভাগ !

রণ-রণী পদাতি কুরুর,
অর্কুদ অর্কুদ ঠাট,
পাড়িয়াছে একেলা বালক !
বারে তারে নাহি হেন জন !
হে আচার্য, যত যুক্তি ফুরাল সকল ;
হীনবল বাহিনী আমার,
নাহি রণী প্রবেশিতে একেলা বালকে ।

(অভিমতুর প্রবেশ)

অভি । বৃথা পলায়ন কুরুরাজ !

তাজ অস্ত্র, ভজ ধর্মরাজে ।

দ্রোণ । রথিবৃন্দ,

রাথ প্রাণপণে কুরুরাজে ;
হে কর্ণ, হে রুপাচার্য বীর,
রাজার সঙ্কট হেথা !

অভি । বিফল এ যত্ন গুরু !—

শরজালে কে বাড়িবে আগু ?

দ্রোণ । পশ'—

ক্রুদ্ধবেগে সৈন্য-মাঝে কুরুরাজ !

[দুর্য্যোধনের প্রশ্নান ।

নাহিবে শক্তি মম,

বারিতে এ বালক দুর্জয় ।

[উভয়ের যুদ্ধ ও দ্রোণ অচেতন ।

(অশ্বখামার প্রবেশ)

অভি । ভাল,

পিতা-পুত্রে দেখাইব যম ।

(উভয়ের যুদ্ধ)

অশ্ব । (স্বগত) বিক্রমে কেশরী শিশু !

ধনু-মুষ্টি ধরিতে না পারি আর ।

(কর্ণের প্রবেশ)

অভি । হে রাধেয়,

বার বার পলাইয়া রাখ হেয় প্রাণ,

কৃষ্ণে কুমতি,

দিলি কুমন্ত্রণা কুরুরাজে ;

দিব প্রতিফল ক্ষত্রিয়-সমাজে তার !

[দ্রোণ ব্যতীত সকলের যুদ্ধ করিতে করিতে প্রস্থান ।

দ্রোণ । (চেতনা পাইয়া)

নাহি জানি কোথা কুরুরাজ,
কোটি কোটি মহা অস্ত্র দীপিছে আকাশে,
আমর্থ, সামর্থ,
ইন্দ্রজাল, ব্রহ্মজাল আদি—
রণে কেবা করে অবতার !
যুঝিতেছে অশ্বখামা ;
নাহি জানি কোথা দীক্ষা পাইল বালক,
নিবারিছে মহাঅস্ত্র যত,
পঞ্চানন যথা,
বারিলা গরল-তেজ সিদ্ধুর মস্থনে !

দুঃশাসন । হে মাতুল, মুণ্ডে বাজ পড়ুক তোমার,
চন্দ্র-সম পুত্রগণ মম,
লোটার ধরণীতলে ;
করহ উপায়,
নহে বিলম্ব নাহিক আর—
পুত্রে দেখা পাবে যমপুরে ।
হায় হায় !
পুত্র-শোকে আকুল কৌরব-শ্রেষ্ঠ
ধাইছে সংগ্রামে !

শকুনি । দুর্ঘ্যোধন ! ক্ষমা দেহ রণে ।

[শকুনি ও দুঃশাসনের প্রস্থান ।

[প্রস্থান ।

(দ্রোণ ও দুর্ঘ্যোধনের প্রবেশ)

দুর্ঘ্যো । হে আচার্য্য, নাহি বার' মোরে,
মম সৈন্তে নাহি যবে রথী,
রোধিতে সম্মুখ-অরি,—
কে যুঝিবে আমি না যুঝিলে ?
কেমনে পথিক-প্রায় দেখিব দাঁড়ায়,
পুত্র-পৌত্র ক্ষয় মম,—
যাক প্রাণ ঘুচুক জঞ্জাল ।
হের, মৃতপ্রায় অশ্বখামা,
পলায় সারথি ল'য়ে ;
নাহি জানি,
জীবিত কি মৃত রণে কর্ণ মহারথী ;
হে আচার্য্য, কৃপাচার্য্য হ'লো নাশ !

[উভয়ের প্রস্থান ।

(অভিমত্যর প্রবেশ)

অভি । অস্ত্রহীন বিকল কটক,
প্রহারিতে নহে বিধি ;
কিন্তু কোন ভিতে নাহি হেরি পথ,
পত্নপাল বেড়েছে চৌদিকে ;
না পারি বুঝিতে,—
কোন পথে ক'রেছি প্রবেশ ।
কোন রথী উচ্চৈশ্বরে ফিরায় বাহিনী ?
আসে রণে কৌরব-ঈশ্বর,
যোগ্য বটে কুরু-অধিকারী ;

দ্বিতীয় গর্ভাঙ্ক

যুদ্ধক্ষেত্র

দুঃশাসন ও শকুনি ।

দুঃশাসন । হে মাতুল, জীবন-সংশয় আজি রণে ।

দ্রোণ, কর্ণ, অশ্বখামা, রূপে—
এককালে পরাজিত ছরন্ত বালকে,
পলকে প্রহারে কোটি বাণ ;
আগুয়ান কে হয় সমরে !
যুঝিলাম এক চাপে শতভ্রাতা মিলি,
মুহুর্তে নারিছ সহিতে রণ,
বংশ নাশ হ'ল আজি রণে,
হতাশ হ'তেছে প্রাণে,
বৃহ-মুখে না জানি কি হয় !
একা যুঝে জয়দ্রথ বীর,
নাহি অবসর,
প্রেরিতে পদাতি এক সহায়ে তাহার ;
হলস্থল প্রলয় উদয়,
বুঝি ক্ষয় হইল সকলি ।

শকুনি । বংশ, পুত্রশোকে আকুল অন্তর,
বংশের ছল্লাল মম,
কোথা গেল ত্যজিয়ে আমারে ।

পুনঃ রথিবন্দ ধাইছে চৌদিকে,
 মার মার হবে হবে ;
 প্রাগ্-সৈন্য চালে প্রাগপতি,
 রাজার সাহায্য হেতু ;
 ভোজ্ঞ ঠাট আসিছে পশ্চাতে, —
 কাটি পাড়ি উত্তরে বাহিনী ;
 অগণ্য রাজার সেনা,
 কোথা পথ পাইব উত্তরে !
 পশ্চিমে পাণ্ডব-দল ;
 কিন্তু পথ কোথা—না হেরি পশ্চিমে,
 যতদূর দৃষ্টির গমন,
 সৈন্য-সিদ্ধ হেরি চারিদিক,
 ব্যোম-চক্রে মিশিয়াছে সেনা !

(ভগদত্তের প্রবেশ)

ভগ। হের মুড়া নিকট বালক !

অভি। ভাল ভাল রাজার স্বপ্নর,

সম্মানে কাটিব তব শির !

[যুদ্ধ করিতে করিতে উভয়ের প্রস্থান ।

তৃতীয় গর্ভাঙ্ক

যুদ্ধক্ষেত্র

দুর্যোধন ।

দুর্যোধন। হো হো, কৃতবর্মা বীর !
 আন হেথা আহ্বানি সত্বরে,
 মহারথিগণে ;—
 হায় হায়, কি হ'ল কি হ'ল,
 বালক সাক্ষাৎ যম ।
 কীট যথা আপন বন্ধনে,
 মরি বুঝি চক্রবাহ করি !
 ওহো,
 আথালি পাথালি বাড়ি মারে ভীমসেন,
 ব্যহ-মুখে ;
 নিবারিতে নারে বা সৈন্যব ।

প্রাগেশ্বর ! চালাও কুঞ্জর ব্যহ-মুখে,
 অতিক্রম, অতিক্রম ধাও বীর ;—
 মহামার করে বুকোদর,
 প্রায় অবসান সিদ্ধুসেনা,
 ভীমের বিক্রমে ;—
 প্রাগ্-সৈন্য ল'য়ে রোধ পথ ।

(দুর্যোধনের প্রবেশ)

দুর্যোধন, কি হবে কি হবে ;
 বধিবে সবারে আজি অর্জুন-তনয় !
 পুনঃ পুনঃ,
 বেড়িছ বালকে শত ভাই মিলি,
 প্রাণ মাত্র অবশেষ,
 নাহি আর শক্তি ভুজে ধরিতে ধরুক,
 গদাভার লাগে গুরু ।

(সপ্তরথীর প্রবেশ)

হে গুরু !

যদি প্রাণের সন্তাপে রোষবশে—
 ক'তু দোষ ক'রে থাকি পায়,
 ক্ষম সে সকল,
 সন্তান তোমার আমি ;
 ল'য়ে তব পদাশ্রয়,
 বায় বায় হয় বংশনাশ,
 ক্ষত্রিয়-সমাজ মজে রণে,
 আজি পতিহীনা হবে মহী ;
 জ্ঞান হয় ভৃগুরাম বালকের বেশে,
 পশিয়াছে বাহিনী-মাঝারে,
 পুনঃ ধরা নিঃস্বামী করিতে !
 গুরু-পুত্র, কৃপাচার্য্য দেব,
 যে হয় করহ হবে,
 নহে,
 সবে মিলি বধ মোরে, ঘুচুক বিবাদ ;
 হের, রথ রথী নায়ক বাহক,
 পড়িতেছে কোটি কোটি চারিদিকে ;
 হের,
 ভিন্দিপাল, পট্টিশ, নারাচ

শেল, শক্তি, তোমর ভোমর, জাতি,
দীপিতেছে নভস্থলে,—
প্রতিকূলে নাহি অস্ত্র আর ;
হের,
রক্তের প্রবাহ ধাইতেছে খরস্রোতে,
ভাসে অশ্ব মাতঙ্গ বিমান ;
হের, মহাবায় কোথায় কাঁপায় ঠাট,
মহাবহি দহে সেনাগণে ;
জল-স্রোত সমুদ্র-সমান,
ডুবায় কটকে কোথা,—
কোথা,
ভয়ঙ্কর অজগর বাধিছে বাহিনী ;
লক্ষ লক্ষ পর্কত চাপনে,
অনীকিনী ক্ষয় কোথা,
ধূমকেতু সম,
ঝাঁকে ঝাঁকে ধাইছে চৌদিকে,
মহাঅস্ত্র কোটি কোটি ;
শুন সিংহনাদ মুহুমূহুঃ—
অবসাদ না জানে বালক !
হে সখা, হে মাতুল ধীমান,
হে আচার্য্য, রূপ মহাশয় !
কি উপায়ে বধিবে বালকে,
বুঝি যুক্তি কর সবে মিলি,
নহে প্রাণ তাজিব এখনি ;
না দেখিতে পারি আর বান্ধব-বিনাশ ।
যোর ভ্রাসে রাখ পদে, গুরুদেব !
দ্রোণ । হের মহারাজ,
সজ্ঞার-সমান অস্ত্র বাণে,
দাঁড়িয়ে র'য়েছি মাত্র শরাসন-ভরে,
হের,
মম সম অস্ত্র রথীগণে !
কর্ণ । ভাবি তাই,
নাহি দেয় চক্ষু পালটিতে,
আগুবাড়ি সাজায়ে স্তন্দন,
খান খান হয় মুহূর্ত্তেকে,
অজ্ঞান লুটাই ভূমে পড়ি ।

পুনঃ পুনঃ করিছ যতন কত,
বিফল সকলি রণে ।
অথ । যুদ্ধে আজি নাহিক নিস্তার ।
অবতার করিলাম মহা অস্ত্র যত,
হীনতেজ লোষ্ট্র সম পড়িল ধরায় ;
শিশু নহে, শঙ্কর আপনি !
শকুনি । ডাকিলে কি মহারাজ,
প্রশংসিতে শিশুর বিক্রম ?
রূপ । উপায় বুঝিতে নারি কিছু ।
দুর্ঘ্যো । তবে যাই রণে, বধুক বালকে ।
দুঃশা । কি করেন, কি করেন কুরুরাজ,
বহি-মাত্রে পশি কেবা বাঁচে ;
পাষণ বাধিয়া পায় ডুবিলে পাথারে,
কে কোথায় পায় প্রাণ ?
দুর্ঘ্যো । হায় ভ্রাতঃ !
অপমান নাহি সহে আর,
বালকে সংহারে সর্বসেনা ।
কি কাজে এ ছার প্রাণ ধরি,
বুঝি আজ সকলি ফুরায় !
দ্রোণ । দেখিতেছি সকলি দাঁড়ায়ে বৎস !
নিরুপায়ে কি উপায় করি ?
নাহি রথী এ তিন ভুবনে,
ত্নায়-যুদ্ধে জিনিবারে অভিমত্যা বীরে ।
শকুনি । অত্নায় সমরে তবে বধহ বালকে ।
দুর্ঘ্যো । অত্নায় সমরে যদি হয় রণজয়,
কর তবে অত্নায় সমর,
সপ্তরথী বেড়ি মার ত্বরন্ত বালকে ।
রূপ । হুনীতি—এ মহারাজ !
দুর্ঘ্যো । নীতি বা অনীতি—
বিচার আমার ভার,
বধ শিশু পার যে প্রকারে ।
দ্রোণ । মহারাজ ! এই পাপে মজিবে সকলি ।
দুর্ঘ্যো । মজ্জে সব এখনি সমরে ;
পাপ পুণ্য মম' পরে,
পাল বাক্য, রাখ বন্ধুগণে ;
মহাপাপ, দেখি যদি বাহিনী-বিনাশ,



উদাস হইয়া রণে ;
বধ শিশু যা হয় আমার ;
কি অরিষ্ট ভুঞ্জিল পাণ্ডব,
অন্মায় সমরে পাড়ি কুরুবংশ-চূড়া ?
পুনঃ কহি, বধহ বালকে ।

কর্ণ । শুন রথিবৃন্দ,
ইহা বিনা কি উপায় আছে আর ?
শকুনি । উচিত আশ্রিতজনে রক্ষিতে সর্বথা ।

[সপ্তরথীর প্রস্থান ।

(অভিমহ্যুর প্রবেশ)

অভি । মহা কোলাহলে,
ধাইতেছে সপ্তরথী বিপক্ষে আমার,
এককালে করিবে কি রণ !
নাহি ডরি,
মজ্জিবে মূঢ় নিজ মহাপাপে,
একেলা বধিব সপ্তরথী ।

(সপ্তরথীর প্রবেশ)

সকলে । বধ শিশু, বেড় চারিদিকে ।

অভি । রথিকুল-হেয় মূঢ় তোরা,
সাতজন ধেয়ে এলে রণে
আর্জুনি না গণে তায় ;
প্রেরিব পতঙ্গ সম শমন-ভবনে,
নরকে রহিবি চিরদিন ।
আরে আরে কুলাঙ্গারগণ,
অচেতন শতবার লুটায়েছ শির,
সম্মুখে আমার, তোমা সবাচার রণে ;
বীরপুত্র অভিমহ্যু বীর,
না মারিছ তীর আর,—
নহে এতক্ষণ থাকিত কি প্রাণ,
বেড়িতে কি সাত জনে ?

[যুদ্ধ করিতে করিতে প্রস্থান ।

(যুদ্ধ করিতে করিতে পুনঃ প্রবেশ)

অভি । উপরোধ নাহি কারো আর !
নিরস্ত্র কবচ হীন বাহন-বিহীন,

প্রহারিব সবে সম ;
না ছাড়িব হীনপ্রাণী বলি ।

[সকলের প্রস্থান ।

চতুর্থ গর্ভাঙ্ক

অস্তরীক্ষ

রোহিণী ও গর্গমুনি ।

রোহিণী । হের মহাভাগ,
বুঝি মনোরথ না পুরিল মোর !
দর্পে যবে সপ্তরথী চালাইলা হয়,
শিশু বরাবরি রণে ;
হৃৎকারে পুরিল গগন,
দিগ্‌হন্তী কাঁপিল শঙ্খের নাদে ;
উথলিল সাগরের জল,
বজ্রসম ধনুক টকারে ;
ঘন ঘন কাঁপিল মেদিনী,
রথগ্রাম-সঞ্চালনে ;
কোলাহলে নাদিল বাহিনী,
অস্ত্রজাল বেড়িল গগনে,
আধারিয়েঃ দশদিশি ;
পিনাক-টকার সম গর্জিল বিমানে,
মহা-অস্ত্র কোটি কোটি,
চরাচর কাঁপিল তরাসে ;
কিন্তু গ্রহ-জ্যোতি যথা রবিকরে,
আচম্বিতে নিভিল প্রভাব-যত,
বীর-দাপ সকলি ফুরাল !
যথা তুঙ্গ আগ্নেয়-শিখর,
স্থির মহাবীর রণে ;
সায়ক-নিচয় এড়িতেছে চারিভিতে ;
যেন,
আধারে অস্তর-তাপে গর্জিয়া ভূধর,
হৃৎকারে ফুংকার ছাড়িছে,
ব্রহ্মময়ী ধাতু-প্রস্রবণ নভঃস্থলে,—
উজলিয়া দিশ-পাশ ;

যথা, পড়ে ধারা বিবিধ বরণ,
ভস্মি গ্রাম পল্লী প্রান্তর কানন,
অবিশ্রান্ত ঝড়িছে চৌদিকে—
সর্পাকারে দীপ্যমান। রিপু-বিঘাতিনী,
বিমর্দ্দিনী চতুরঙ্গ অনীকিনী ;
থানা থানা পড়িছে কটক,
ফেনা উঠে ঝধির-প্রবাহে ;
সপ্তরথী সাতবার ভঙ্গ দিল রণে !
হেথা, —
বৃহ-মুখে যুঝে ভীম অসীম-বিক্রম,
একক সৈন্যব,
কত আর রোধিবে তাহারে ?
হের,
রথ তুলি মারে রথোপরে,
অশ্ব অশ্ব-বিনাশন ;
কুঞ্জরে কুঞ্জর পাড়িয়াছে ভূমে ;
কেশরী দলিছে যথা কুরঙ্গের পালে ;
প্রাণপণে ভগদত্ত জয়ত্রথ মিলি,
বিন্দু অহুবিন্দু সাথে,
নারে নিবারিতে মহারথে ।
হের,
পর্কত-প্রমাণ গদা,
চালিতেছে শূর সনসনে ;
গদার বাতাসে উড়ায় বারণ-ঠাট !
ধনু ধনু সিঙ্কুর তনয়,
এতক্ষণ রোধে বোধে ;
পারে কি না পারে আর !
উত্তরে হ্রিগর্ভ-মাঝে হের ধনঞ্জয়,
রিপুহর ভৈরব-মুরতি নাগ্নারথে,
দীপ্যমান দিনমণি যেন,
কিরীট ঝলিছে ভালো,
অগ্নিময় আঁখি,
দলদলে যুগল কুণ্ডল ;
শ্রীমধুসূদন,
চালিছেন খেতাব বাহন চারি,
ঘোরনাদে ধাইছে বিমান চক্রাকারে ;

কতু আঙ, কতু পাছু,
কতু বা দক্ষিণে, কতু বামে,
অস্তরীক্ষে কতু,
কতু দেখি, কতু লুকি,
দেবের নির্মিত যান,
ধ্বজে গর্জে বীর হনুমান ;
ইন্দ্র-সম ইন্দ্রের নন্দন,
অবিশ্রাম হানিতেছে শর ;
বিশিখ-নিকর,
পক্ষ সম ঝাঁকে ঝাঁকে ধায় ;
দেখ, সপ্তরথী, স্তম্ভা সংহতি,
অস্থিমাত্র সার সবে,
প্রাণপণে নারে ফিরাইতে,
হৃদি-ভঙ্গ নারায়ণী-সেনা !
শুন,
নাহি সেই সিংহনাদ,
সত্রাসে শুনিল যাহা মগধ-ঈশ্বর,
যাদব-আহবে ঘোর ;
একমাত্র পাক্জন্তু নিনাদে গভীর,
কম্পে ত্রাসে স্বাবর জঙ্গম !
রণ জিনি,
এখনি ফিরিবে রথী পুত্রের সহায়ে,
এ তিন ভুবনে,
প্রতিবাদী কে হবে সমরে ?
গর্গ । হে কল্যাণি !
বেলা মাত্র তৃতীয় প্রহর,
ষোড়শ বৎসর পূর্ণ দিবা-অবসানে ;
ইতিপূর্বে না পড়িবে শিশু ।
শুন স্বকেশিনি !
যুঝে বীর উত্তরার আয়ুত-প্রভাবে ।
দেখ, দেবদৃষ্টি দানে কুশোদরি,
একাকিনী,
নিমীলিত-নেত্রে সতী আরাধে শঙ্করে !
যাও স্বরা শুভে,
ভঙ্গ কর উত্তরার ধ্যান ;
নিজ বর তুলি,



ভোলানাথ যদি বর দেন তারে,
প্রলয় ঘটিবে তাহে ;
যেয়ে পূজা বিশ্বনাথ,
আশীর্বাদ করেছেন গর্তস্থ কুমারে,
অন্তর্যামী, বুঝিয়া মায়ের প্রাণ !
পবন-গমনে যাহ চলি,
বিদ্ব-বিনাশন বিশ্বনাথে,
আরাধিতে নাহি দেহ আর ।

[উভয়ের প্রস্থান ।

পঞ্চম গর্ভাঙ্ক

রণস্থল

অভিমহ্য ।

অভি । বিচক্ষণ সারথি সবার,
না হানিতে তীর, পলায় আরোহী ল'য়ে,
সাতবার সপ্তরথী হ'ল অচেতন,
বধিতে নারিছ কারে,
পুনঃ দেখি সপ্তধ্বজ দূরে,
নাহিক সহায় একজন ;
কোথা রাজা যুধিষ্ঠির,
ভীম আদি বীর,
অস্ত্র অস্তর মম স্মরিয়ে সবারে ;
পড়িল কি রণে সবে !
নহে কেন,
না হয় সহায় মম এ যোর সঙ্কটে !
একান্ত বিপক্ষ-হাতে নাহিক এড়ান ;
অপ্রমিত সৈন্ত চারিভিতে,
নাহি হেরি পথ কোনখানে,
ভাল, তাজি প্রাণ বীর-পুত্র সম ;
কোথা সে সারথি,
কোথা অস্ত্রপূর্ণ রথ তার ?
বুঝি,
কৌরব-পক্ষীয় কেহ কইল প্রতারণা,
সারথির বেশে ;

বে হয় সে হয় নাহি ডরি,
মারি অরি সম্মুখ-সমরে ।

[প্রস্থান ।

(সপ্তরথীর প্রবেশ)

কর্ণ । শুন সবে বচন আমার,
এককালে কর আক্রমণ ;
কেহ কাট ধনু, তুণীর কেহ বা,
কবচ কাটহ কেহ,
কেহ অশ্ব রণ, কেহ বা সারথি,
ইহা বিনা না দেখি উপায় ;
বলবান্ অর্জুন-অধিক শিশু ।

(অভিমহ্যর প্রবেশ)

অভি । থাক থাক, দেখাই বিপাক সবে ।

[সপ্তরথীর সহিত যুদ্ধ করিতে করিতে প্রস্থান ।

(দুর্যোধনের প্রবেশ)

দুর্যো । হের, বিরথী অর্জুন-সুত,

পুনঃ অস্ত্র হান চারিভিতে ।

[দুর্যোধনের প্রস্থান ।

(রথিগণ সহ অভিমহ্যর যুদ্ধ করিতে করিতে প্রবেশ)

অভি । কমা কতু নাহি দিব রণে,

যতক্ষণ দেহে রহে প্রাণ ।

[সপ্তরথী সহ যুদ্ধ করিতে করিতে অভিমহ্যর প্রস্থান ।

(দুর্যোধনের প্রবেশ)

দুর্যো । বেড় পুনঃ—বধহ বালকে ।

[প্রস্থান ।

(অভিমহ্যর প্রবেশ)

অভি । নাহি অস্ত্র, ফুরাল ভাঙুরি,

দণ্ড তুলি করি মহামার ;

এ সংবাদ শুনিলে জনক,

অবশ্য হইত আসি অহুকুল মম,

গোবিন্দ মাতুল-মনে ।

(সপ্তরথীর প্রবেশ ও অভিমহ্যকে আক্রমণ)

দুর্যো । অস্ত্রহীন,

তথাপি পাবক-সম বালক সংগ্রামে,—

নিবার হে অঙ্গ-অধীশ্বর !

[সপ্তরথী-সহ যুদ্ধ করিতে করিতে অভিমহ্যর প্রস্থান ।

(অভিমহ্যর প্রবেশ)

অভি । কাটিল দণ্ড রাধেয় ছুর্জন ;
মরিবে দেখাব দুর্ঘ্যোধনে,
পাণ্ডব-মরণ-রীতি ;
পড়ে মনে মাতার রোদন,
উত্তরার বিরস বদন !
চক্র-ঘায় পাড়ি রথ-রথী ।

(সপ্তরথীর প্রবেশ)

কর্ণ । দানব-সমরে যথা দেব জগন্নাথ,
চক্রহাতে যুঝে মহাবীর !
[সপ্তরথী-সহ যুদ্ধ করিতে করিতে অভিমহ্যর প্রস্থান ।

দুর্ঘ্যো । রথিবৃন্দ ! নাহি দেহ ক্ষমা,
হান অস্ত্র যতক্ষণ নাহি পড়ে শিশু,
ধন্য ধন্য গুরুপুত্র,
কবচ পেড়েছে কাটি !

[প্রস্থান ।

(কবচ-হীন অভিমহ্যর প্রবেশ)

অভি । পাই যদি অস্ত্র-পূর্ণ রথ একথান,
এখন' কোরবে দেখাইতে পারি যম ;
দেখিতাম কি কৌশলে,
করিত বিরথী পুনঃ সপ্তকুলাঙ্গার ;—
রিক্ত হস্তে করিব সমর ।

(সপ্তরথীর প্রবেশ ও অভিমহ্যকে আক্রমণ)

ক্রমে তহু হ'তেছে অবশ ;—
কত অস্ত্র বরষিছে অরি ;—
বাজে গায় অগ্নি-শিখা সঁম ;
দেহ-ভার না পারে বহিতে পদ !

(পতন)

দ্রোণ । কেন আর অস্ত্রের স্বাকার ?
উড়িয়াছে কলঙ্ক-পতাকা,
পাড়েছে বালক রণে !

(দুঃশণের প্রবেশ)

দুঃশণ । ঘুচেছে কি অহঙ্কার তোর ?
যাও—যাও যমপুরে !

(গদাঘাত করণ)

অভি । ওঃ—

এখন' নিবৃত্ত নহে অরি !
দ্রোণ । রহ—রহ ছঃশাসন-স্বত,
নাহি ভয়,
অতল সলিলে ঝাম্প দিয়াছে মৈনাক,—
উঠিবে না পুনঃ আর !

[সকলের প্রস্থান ।

অভি । বৃষ্টি আসন্ন সময় !

আর নাহি হইবে চেতন,
আর নাহি করিব সমর ।
ছিল সাধ দেখিব জনকে,
মাধব মাতুল সহ,
রণ জিনি ফিরিয়ে শিবিরে ।
ছিল সাধ,
জননীর পদধূলি লইব আবার,
উত্তরারে মস্তাধিব হাসি ;—

খেদ নাহি তায়,
পড়িয়াছি বীরের শয্যায় ;
কিন্তু, নিঃসহায় পড়িছ অন্ডায় রণে ।
ধনঞ্জয় পিতা মম—
নিবাতকবচ-জয়ী ;
মাতুল অনাথবন্ধু শ্রীমধুসূদন ;
হে পাণ্ডব-সখা, দেহ দেখা এ সময় ;—
হরি !

তহু—যায় রাঙ্গা পায়
অনাথে হে দেহ স্থান,
প্রাণ যায়—যায় ফিরে চায়,
মোহে হু'নয়নে বহে বারি,
তার' নিজগুণে চক্রধারি ;
কাণ্ডারি ! অকুলে কর পার ;
রমাপতি, দেহ দিব্য জ্যোতিঃ,
দূরে যাক সংসার-আধার—
নায়া-ফেরে অবোধ বালক ;
হে গোলক-পুলক প্রভু !

দেখাইয়া চল পথ,
মরি মরি, কোথা সারথির মাজ হরি !

বাকা শিখি-পাখা,
ত্রিভঙ্গিমঠাম বনমালি ?
পৌতাধর, মধুর অধরে বাঁশী ;—
বাঁশী, রাধানামে মাতোয়ারা,
রাধা রাধা সদা বলে !
প্রেমময়ী প্রেমের প্রতিমা,
ত্রিভঙ্গভঙ্গিনী,
কে রমণী বামে তব ;—
ক্ষীরোদ-মোহিনীরূপে—
চালিছে প্রেমের ধারা !
প্রেমের লহরে, পরাণ নাচায়,
পরাণ গলায় হায় !
বাই সখা, চিনেছি তোমারে ;—
রণ অবসান ;—
হাসি-মুখে চল বাই চক্রলোকে !

(মৃত্যু)

পঞ্চম অঙ্ক

—:—

প্রথম গর্ভাঙ্ক

শিবির সম্মুখস্থ পথ

শ্রীকৃষ্ণ ও অর্জুন ।

অর্জুন । চমৎকার ! গাণ্ডীব লাগিল ভার গুরু,

টলিলাম রথের গমনে,

কর পদ কাঁপিল জঘন ;

উচাটন অশ্রমণ রণে ,

ছিলাম সমরে মাত্র রথাবলঘনে,

লক্ষ্যহীন—চলিল কর অভ্যাস-কুশলে ।

বিকল অন্তর,

অমঙ্গল ঘটেছে নিশ্চয় ;

নহে, যে হৃদয় কাঁপে নাই কভু,

মহা অস্ত্র-দীপ্তি হেরি,

চাহে কাঁদিবারে উভরায়,

হীনমতি বালিকা যেমতি ।

ঘোর কলরব—

বিজয়-হলহলা শুন কোরবের দলে,

দস্তে বাজে দামামা দগড়া ;

অন্ধকার পাণ্ডব-শিবির,

নাহি রব, প্রাণিশূন্য যেন ;

চল দ্রুতপদে যজুবীর !

শ্রীকৃষ্ণ । স্থির হও সখে !

সন্দ নাহি অমঙ্গল ঘটেছে নিশ্চয় ;

অশুভ ক'র না বৃদ্ধি হইয়ে উতলা,

বাধ বুক উচ্চ ছুঁথ হেতু,

ছোট কাজে নহে কভু নীরব পাণ্ডব ।

(দূরে জয়ধ্বনি ও বাণ)

অর্জুন । ওহো ! মহানন্দ কোরব-শিবিরে ।

ধ'রেছে কি যুধিঠিরে ?

বৃকোদর ভ্রাতা পুত্র বান্ধব সংহতি,
প'ড়েছে কি মহারণে ?
নহে,
কি হেতু না গর্জে ভীম কৌরব-উল্লাসে ।
শ্রীকৃষ্ণ । বিপদ কর না বৃদ্ধি বীর ;
কি বুঝাব হে সখা তোমায়,
বিপদ-শৃঙ্খল বাড়ে অধীরতা হেতু ।

[উভয়ের প্রস্থান ।

দ্বিতীয় গর্ভাঙ্ক

শিবিরাত্তর

যুধিষ্ঠির, ভীম, নকুল, সহদেব, ধৃষ্টদ্যুম্ন, সাত্যকি প্রভৃতি ।
যুধি । হায় ভীম,
কুক্ষণে হইলু আমি পাণ্ডব-প্রধান ।
ভগবান, এই কি হে লিখেছিলে ভালে,
পৃথিবী করিছ পতিহীনা ।
ভ্রাতা ভ্রাতুরোধী, পিতাপুত্র বাদী,
গৃহভেদী কালরণে,
আজি যারে হেরি, কালি না নেহারি,
নিভে একে একে,
নিশা-অস্তে দীপমালা সম ।
পালে পাল কুঙ্কর শৃগাল,
ভূপাল-কপাল ল'য়ে খেলে ।
নীর সম রুধির বহিয়ে, •
নিত্য আর্দ্রে মহীতল ;
ব্যোমচর উড়ে ঝাঁকে ঝাঁকে,
মাংসাহারী রাহ সম পড়ে ছায়া ;
মহারোল চঞ্চুধনি নীরব নিশীথে,
কৈদে ঘেন ভ্রমিছে পুষ্করা,
মহামারী সহচরী ;
আমা-হেতু এ সংহার-ক্রিয়া !
যত্ন করি জালিছ অনল,
দিছ ডালি বংশধরে হস্ত-পদ বাধি,

হায় হায় স্বভ্রাতার অঙ্কলের নিধি !
কি কব, যবে স্বধাবে উত্তরাবধু,—
“কোথা ধর্মরাজ, পতি মম ?
বালিকা গো আমি,
কোথা মম বাল্যক্রীড়া-সার্থী ?”
কি ব'লে বুঝাব,
কেমনে হায় অর্জুনে দেখাব মুখ ?
কি কহিবে শ্রীমধুসূদন,
শুনি, হত প্রিয় ভাগিনেয় তাঁর,
মম রাজ্য-লোভে,
মম ছারপ্রাণ রক্ষা হেতু !
অহা ! মরে পুত্র অন্ডায় সমরে,
আশ্বাসে বিশ্বাস করি ।
হীনবীর্য ক্ষত্রিয় অধম আমি ;
নহে, তাজি গাভী-বৎস ব্যাঘ্র-মুখে,
না যাইলু রাখিতে তাহারে !
ধৃষ্ট । শুন গভীর রথের নাদ,
আসিতেছে ধনঞ্জয় ।
সাত্যকি । কেমনে—অর্জুনে দেখাব মুখ !
ভীম । ওহো !

(অর্জুনের প্রবেশ)

অর্জুন । হের হে কেশব !
শব-সম নীরব সকলে অন্ধকারে !
ওহো বৃকোদর ! কি হেতু নীরব তুমি ?
কেন না স্বধাও ভাই, রণের বারতা ?
বীরভাগ ! কেহ দেহ উত্তর আমারে—
কোথা মম অভিমহ্য বীর ?
অভিমহ্য,—
জীও যদি দেহ রে উত্তর,
কাতর পরাণ মম !
ধৃষ্ট । হে অর্জুন, গেছে পাখী
পিঞ্জর ভাঙ্গিয়া !
অভিমহ্য-মৃত্যু-কথা কহিব কেমনে ;
অন্ডায় সমরে কুর বধিল বালকে,
ব্যহমাঝে সপ্তরথি-কুলাধমে মিলি !

অর্জুন সৈন্য নাশিয়া সংগ্রামে,
 প্রসন্ন কিংকোক সম পড়েছে কুমার,
 চন্দ্রবংশে চন্দ্র-অবতার,
 শয্যা রচি অরি-শবে শূর !
 অর্জুন । হে কেশব ! হে কেশব !
 শ্রীকৃষ্ণ । ক্ষত্রিয়-উত্তম !
 সত্য, শূলসম পুত্র-শোক !—
 কিন্তু বজ্রসম ক্ষত্রিয়-হৃদয় ;
 বীরবীর্ষ্য প্রকাশি সমরে,
 বীরের বাহিত মৃত্যু ল'ভেছে কুমার,
 ক্ষত্র-পিতা, অধিক কি চাহ আর ?
 অর্জুন । হে পাণ্ডব-সখা,
 ধন্য ধন্য তুমি যদুবীর ।
 কেমনে আমি বুঝিব মহিমা তব ;
 পরশ-পরশে লৌহ কাঞ্চন-মুরতি,
 ধরে তরু চন্দন-সৌরভ—
 মলয়ের সহবাসে,
 দেখি,
 পারি যদি, হে আদর্শ নরদেহধারি,
 অমুগামী হইতে তোমার ।
 ওহে কৃপা-সিন্ধু, পাণ্ডব-বান্দব,
 ত্রাণকারী ভবার্ণবে !—
 গুরু তুমি, শিক্ষাদাতা এ পরীক্ষা-স্থলে ।
 যুধি । করিল প্রতিজ্ঞা দ্রোণ ধরিতে আমায় ;
 পশিল সমরে,
 দলবলে চক্রবৃহ করি ;
 নিবারিতে নারিল কোরবে,
 ভীম আদি বোদ্ধা মিলি ;
 চক্র-বৃহ দুর্ভেদ্য সাজন ।
 মত্ত রাজ্যলোভে
 কহিছ বালকে ভেদিতে দুর্গম-বৃহ ;
 করি মহামার বীর-অবতার,
 প'ড়েছে সম্মুখ-রণে,—
 দ্রোণ আদি সপ্তরথী অন্ডায় সমরে
 বধিয়াছে পাণ্ডু-কুলোজ্জলে ।
 ভীম । হে অর্জুন ! ভীম বলি ডাক বার বার,

কোথা ভীম, কে দিবে উত্তর !
 ধিক্ ধিক্—
 নহি ভীম, নহি—নহি কুন্তীর কুমার,
 কুলান্দার ক্ষত্রিয়-অধম আমি !
 হায় ! রণে যবে বেড়িল বালকে—
 সপ্তনরাধমে মিলি ;
 না জানি বালক কত চাহিল পশ্চাতে—
 বিপক্ষ বাহিনী-মাঝে বিপাকে পড়িয়া !
 যবে পীড়িত অরির বাণে,
 অবশ্য ডাকিল পুত্র জ্যেষ্ঠতাত বলি,—
 কিংবা বৃথা খেদ করি আমি,
 বীর-পুত্র-রথি-কুল চূড়া,
 কতু যুঝে নাই,
 মম সম হীনবল-মুখ চাহি ।
 হা কৃষ্ণ ! কি কব হে তোমারে—
 ভগ্নবৃহ নারিছ ভেদিতে,
 জয়দ্রথ রোধিল সবারে ।
 অবশ্য দেবতা কেহ হইল সহায়,
 নহে ছার জয়দ্রথ
 পদাঘাত করিয়াছি মুখে,
 যমোপম রথিবৃন্দে
 বারিল সমরে একা !
 অর্জুন । কহ দেব, অদ্বিত কখন !—
 রোধিল তোমারে ছার সিন্ধুর কুমার ?
 ভীম । হে অর্জুন ! ধরি দেহ
 প্রতিবিধিৎসার হেতু ।
 নহে তীক্ষ্ণ খড়্গে ছেদি বাহুদ্বয়,
 ফেলিতাম জলন্ত অনলে,—
 ছুরিকায় ছেদি জিহ্বা দিতাম কুকুরে,
 বীর গর্ষ না করিত কতু আর ;
 রহিতাম,
 শৃগাল-কুকুর-ভক্ষ্য শ্মশানের মাঝে,
 অনলে না ত্যজিলাম তনু,—
 স্পর্শে মম পাবক অন্তচি !
 সিন্ধুকুল-নরাধম রোধিল আমারে !
 চ'ক্ষের নিমিষে বৃহ ভেদিল কুমার,

হাহাকার উঠিল কোরব-দলে,
ধাইলাম পাছে পাছে তার,—
ঘোর যুদ্ধ হইল ব্যহমুখে ;
প্রাণ উপেক্ষিয়া,
পুনঃ পুনঃ সবে মিলি দিহু হানা ;
নারিহু ভেদিতে ব্যহ,
আক্রমিহু কতু বা দক্ষিণে, কতু বামে,
কোন মতে নারিহু বুঝিতে,
মহাসৈন্য-সমাবেশ ;
যথা যাই তথা জয়দ্রথ—কামরূপী—
শত শত পাড়িলাম চারিভিতে,
আঘাতিতে নারিহু পামরে ।
অর্জুন । হে মাধব !
মরে পুত্র জয়দ্রথ-হেতু,
কালি তারে বধিব সমরে,
অন্ত না হইতে ভাহু !
শুন শুন বীরভাগ ! প্রতিজ্ঞা আমার,
কি ছার কোরব-ঠাট,
রাধিবারে পুত্র-ঘাতী মুঢ়ে,
যত্ন যদি করে তারকারি
অস্তুরারি দলে বলে ;
যক্ষ-সৈন্যে গদাধর যক্ষনাথ ;
যত্ন করে,
ভূচর, খেচর, গন্ধর্ষ, কিন্নর ;
দিকপাল, অষ্টবসু সহ—
যত্ন করে,
রাক্ষস, খোক্ষস, পিশাচ, দানব,
বেতাল, ভৈরব রণে ;—
এককালে যত্ন যদি করে তিনপুর,
নারিনে রক্ষিতে সিদ্ধকুল-নরাধমে ।
এক বাণে কাটিব তাহার শির ;
ধরি বাণ পুনঃ পুনঃ কহিব গর্জিয়ে
সমূহ অগ্নির মাঝে,—
দেখ দেখ বধি সিদ্ধহৃতে ;
কে ক'রেছ মাতৃসুতা পান,
রক্ষা কর আসি হেথা ।

কিরিবে না রিপু-বিঘাতিনী,
মহেশের শূলাঘাতে,
পাশ-দণ্ড নারিবে বারিতে মহাশর ;
অস্ত্রের প্রভাবে মহাঅস্ত্র যত,
তৃণ হেন হবে ভস্মরাশি,
পশুবৎ ছেদিব অরাতি-শির ;
না করিব দ্বিতীয় সন্ধান,
কহি অস্ত্র স্পর্শ করি ।
কিন্তু,
শক্তিধর যদি কেহ থাকে কোন স্থানে,
রথীন্দ্র সমাজে পূজ্য, রাখে জয়দ্রথে,
বহু-অস্ত্র না ধরিব আর,
মুক্তকণ্ঠে কহিব ক্ষত্রিয়-মাঝে,—
ক্ষত্র-ক্ষেত্রে জন্ম নহে মম ;
না হ'ল, না হ'বে কতু পিতৃলোক-গতি ;
অগ্নিকুণ্ড কাটি নিজ হাতে,
নিজ হাতে পঞ্চচূলে সাজি,
প্রবেশিব বহ্নি-মাঝে
পুনঃ কহি,
বীর-কার্য দেখাইব কালি,
ঋধিরে ডুবাব ক্ষিতি,
প্রেতাশ্মার তৃপ্তি হেতু তার ।
ওহো ! নিঃসহায় পড়েছে বালক
মৃত্যুকালে,
অবশ্য ডেকেছে মোরে কুমার আমার ।
হায় হায়, কেটে যায় বৃক,
অভিমত্যা হত রণে ।
তিন লোক কাপিত রে বাণে তোমর,
ভীষ্মদেব পরাকৃত তোমর রণে,
হা হা পুত্র ! কোথা গেছ আমায় ত্যজিয়ে ?
কি ক'ব মাগেরে তোমর,
কি কহিব গর্ভবতী উত্তরারে,
কহ মোরে শ্রীমধুসূদন ?
শ্রীকৃষ্ণ ! ধনঞ্জয়, হ'ও না অধীর ।
হের,
রাজা যুধিষ্ঠির আকুল আক্ষেপে তব ;

ত্রিয়মাণ আশ্রয় সকল ;

শুন—

বিজয়-দ্বন্দ্বুতি বাজে কৌরব-শিবিরে,

উল্লাসে নাচিছে অরিদল,

হীনবল হইবে বাহিনী তব,

কর নিজ তেজে উত্তেজনা সবে ।

ধনঞ্জয়, শক্তি তব সহিবার হেতু,

ধৈর্য্য মাত্র মহত্ব-লক্ষণ ।

হে ভীম, হে ধৃষ্টদ্যুম্ন, হে বীর-সমাজ,

নাহি কি হে মহাকাব্য প্রাতে ?

নাহি কি হে প্রতিবিধিসার ভার ?

নারি ছদ্মপোষাশিশু অছায় সমরে,

গর্জে অরি অহঙ্কারে !

ভীম । শুন শুন বীরভাগ, প্রতিজ্ঞা আমার,

কালি যদি সক্ষ্যার গগনে,

কুরুকুল-কুলবধু রোদনের রোল,

নাহি উঠে আজিকার জয়োল্লাস-সম ;

গদামুষ্টি না ধরিব আর,—

অগ্নিকুণ্ডে ত্যজিব এ পাপ-দেহ ।

সকলে । কুরুবংশ-ধ্বংস কালি রণে ।

শ্রীকৃষ্ণ । যাও সবে যে বার শিবিরে,

পূজ নিজ নিজ ইষ্টদেবে বল হেতু ;

কালি প্রাতে ঋষিরের ক্রিয়া ।

না হও চঞ্চল ধর্ম্মরাজ,

নিরতি রোধিতে নারে কেহ ;

বীরধর্ম্মে পড়িল কুমার,

কি দোষ তোমার রাজা ;

বংশ তব পুরিল গৌরবে,

অভিমত্ন্য-পরাক্রমে ।

যুধি । ওহে অন্তর্ধামি !

তোমা বিনা কে বুঝিবে মর্ম্মব্যথা ।

মুখ চাহি কহিল কুমার মোরে,

'নাহি জানি নির্গম কেমন ।'

তথাপি প্রেরিছ রণে ,

তাই প্রাণ ঝাড়িতে না পারি, হরি !

অর্জুন । হে পাণ্ডবনাথ,

অধীর হইলে দেব, কে রহিবে স্থির ?

পাণ্ডবের মাঝে, ধর্ম্মজ্ঞানে ধর্ম্মরাজ তুমি,

গতজীব-হেতু শোক কর কি কারণ ?

বিধির নিয়ম খণ্ডন না হয় প্রভু !

যুধি । হা পুত্র ! হা বংশধর মম !

[কৃষ্ণ ও অর্জুন ব্যতীত সকলের প্রস্থান ।

শ্রীকৃষ্ণ । বান্দা-কণ্ঠ-রোল শুন বীর ধনঞ্জয় ।

কঠিন কর্তব্য এবে সম্মুখে তোমার ।

(সূভদ্রা ও উত্তরার প্রবেশ)

সূভদ্রা । শুন মা আমার, হও স্থির ,

গর্ভে তব অভিমত্ন্য-সুত ।

উত্তরা । কহ তাত, কহ বাসুদেব,

কেন হর অর্ঘ্য নাহি নিল,

কি দোষে ভুলিল ভোলা ?

ধরিতে না পারি প্রাণ, তাত,

পূর্ব্বজন্মে ছিছ গো রাক্ষসী,

নিশ্বাসে হইল ভস্ম প্রাণনাথ মম,—

বালা-হৃদি-মঞ্জুরী-বিকাশ ।

কিন্তু হে মধুসূদন !

খেদ নাহি তায় মম,

শুনেছি সর্ব্বজ্ঞ তুমি,

বল মোরে কেন ভাণ্ডাইলা ভূতনাথ ?

ভাণ্ডাইবে যদি, কেন দিলা হেন পতি,

কাঁদাইতে বালিকারে ?

কহ,

দেবদেবে কে পূজিবে ভবে আর ?

হে গাণ্ডীব-ধারী !

ভাবি তাই কি ছার কপাল ধরি !

বিশ্বজয়ী মহারথী তুমি,

তব পুত্রে বধিল কৌরবে,

বরাহে যেমতি,

বেড়ি মারে কিরাতের দল !

হয় মনে, সকলি তোমার চক্র,


ওহে চক্রধারি !

হে পাণ্ডব-সখা !

কাদায়েছ সব্বারে সংসারে,
 কাদায়েছ যথা গেছ তুমি ;—
 কাদায়ে বহুদেব-দেবকীরে,
 নন্দালয়ে গেলে হরি,
 খেলিলে পাঁচনী ল'য়ে রাখালের সনে,
 মাতালে গোপিনী-প্রাণ বাজায়ে বাশরী ;
 পুনঃ হরি ব্রজ পরিহরি,
 চড়িলে অক্রুর রথে,
 কাঁদিল নন্দ, কাঁদিল যশোদা,
 গোপাল গোপাল ব'লে,
 রাখাল বালক আকুল হইল কেঁদে,
 কাঁদিল গোপিনী,
 অনাথিনী কাঁদিল রাধিকা ;
 মাতুলে সংহারি কাদাইলে মাতৃকুলে ;
 এবে হরি পাণ্ডবের রথে
 তাই বুঝি,
 পথে পথে কাঁদে বীরকুলনারী যত ।
 দয়াময় কে বলে তোমাকে ?
 বালিকার বৃকে হানিলা এ শক্তিশেল !
 সুভদ্রা । ভাবি মনে কোন মায়াবলে,
 আছিল আচ্ছন্ন রথিকুল ।
 দেখেছি সারথি হ'য়ে,
 পাণ্ডবের পরাক্রম রণে ;
 এ হেন পাণ্ডব-পুত্রে নাশিল কোরবে !
 সিংহ-শিশু বিনাশিল,
 সিংহের সম্মুখে ফেরুপাল মিলি ;
 জানিলাম দৈব বলবান ।
 অর্জুন । না দহ অন্তর ভদ্রা, না দহ অন্তর,
 আছি স্থির—প্রতিহিংসা-হেতু !
 শ্রীকৃষ্ণ । তাজ শোক সুভদ্রা ভগিনি,
 হের পুত্রশোকে বিকল বীরেন্দ্র আজি ।
 গৃহিণী তুমি,
 কর যতনে স্বামীর সেবা,

ভুলাইতে শোক ।
 তমালে লতিকা যথা বাধে,
 পতি-পত্নী বন্ধন তেমতি ;
 বিকাশে লতিকা স্বন্দর তরুর ভরে ;
 কিন্তু যবে ঘোরবাতে কাঁপে তরু,
 বাধে তরুবরে লতা দৃঢ়তর বাধে,
 মরে তরু সনে একই মরণে !
 চেয়ে দেখ পুত্রবধু! তব,
 বালিকা বিবশা পতি-শোকে,—
 গর্ভে তার পাণ্ডব-সন্তান,
 কুদিতে কি পাবে না গো দিন ?
 হে বৎসে উত্তরে !
 দেব-নিন্দা নাহি কর কতু ;
 দোষ' নিজভাগ্যে গুণবতি ।
 অবশ্য কল্যাণি,
 ঘটেছে ব্যাঘাত অর্ঘ্য দিতে ।
 সন্দচিত্তে অর্ঘ্য দিলে নাহি লন হর,
 সন্দেহ বিষম বিষ দেব-আরাধনে ।
 যা হবার হইয়াছে গুণবতি,
 গর্ভে তব অভিমত্যা-বংশধর,
 শোকে তাপে ভুল না কর্তব্য সতি !
 যাও ফিরি গৃহে পাণ্ডবের বধু,
 প্রাতে রণ—কর গিয়ে মঙ্গল অর্চনা ;
 চল,
 বহু কার্য্য সম্মুখে তোমার ।
 অর্জুন । অধীর হৃদয়, দেব, উত্তরার তরে ।
 শ্রীকৃষ্ণ । সে সময় নহে মতিমান,
 বুঝি নাই—শঙ্কর বিমুগ্ধ !
 রুদ্র-তেজ বিনা ভীমসেনে,
 কে জিনে সম্মুখ-রণে ?
 চল যাই কৈলাস-শিখরে,
 আশুতোষে তুমিবারে ;
 আছে তার প্রতিজ্ঞা-পালনে !

প্রহ্লাদ-চরিত্র



(পৌরাণিক নাটক)

[৮ই অগ্রহায়ণ, ১২৯১ সাল, ষ্টার থিয়েটারে প্রথম অভিনীত]

নাট্যোল্লিখিত ব্যক্তিগণ

| পুরুষ । | স্ত্রী । |
|--|------------------------------|
| হিরণ্যকশিপু | কয়াধু |
| প্রহ্লাদ | দেবীগণ, গোলক-সখীগণ ইত্যাদি । |
| বও ও অমার্ক } | গুৰুমহাশয়দ্বয় |
| শ্রীকৃষ্ণ, নারদ, নৃসিংহ-অবতার, মন্ত্রী, সেনাপতি, দূত, রক্ষীগণ, বালকগণ, গোলোক-সখাগণ, দেবগণ ইত্যাদি । | রাণী |

প্রথম অঙ্ক

—:—:—

প্রথম গর্ভাঙ্ক

রাজসভা ।

(হিরণ্যকশিপু ও মন্ত্রীর প্রবেশ)

হিরণ্য । অযোগ্য সকলি,
বুঝিলাম দৈত্যকূলে নাহি হেন চর,
রাজ-আজ্ঞা করে যে পালন ;
বধযোগ্য হবে ।

মন্ত্রী । মহারাজ ! দূতগণ নহে অপরাধী,
স্বর্গ, মর্ত্য, রসাতল করিল ভ্রমণ,
জল স্থল মেরুশির গভীর কন্দর
অন্বেষিল জনে জনে,
কিন্তু দৈত্যকূলেখরে কেহ না দেখিল,
পুনঃ দাস প্রেরিছ সুদক্ষ দূতগণ,
সবে সৃষ্টি করি অতিক্রম
তমোগর্ভে কৈল অন্বেষণ,
বৃথা পরিশ্রম—নিদর্শন না পাইল,
মৃতপ্রায় ফিরিয়ে আইল সবে ।

1
2
3
4
5
6
7
8
9
10
11
12
13
14
15
16
17
18
19
20

হিরণ্য। অকৰ্মণ্য ভীকৃ দূতগণ!

(দূতের প্রবেশ)

দূত। মহারাজ,

এসেছে নারদ ঋষি রাজ-দরশনে।

হিরণ্য। আনহ সভায়।

এই ঋষি ভ্রাম্য নানাস্থলে,
জানে কি ভ্রাতার সন্ধান?

নীল (নারদের প্রবেশ)

কহ স্বী হইলে ধরণতে আগমন?

নারদ। ক কল্পনা করিয়া প্রণাম,
আসিয়াছি রাজদয়ানিন।

হিরণ্য। জান তুমি,

বিশ্বজয়ী ভ্রাতা মম করিল পয়গণ,

হরিসহ করিতে সংগ্রাম,

তদবধি তব তার নাহি আর।

দৈত্যদূত গেল দশদিকে,

মৃতপ্রায় একে একে সকলি ফিরিছে,

ভ্রাতার সন্ধান আনিতে নারিল কেহ।

নারদ। মহারাজ!

ভয় হয় অমঙ্গল-বার্তা দিতে,

বিশ্বপ্রান্তে গদা-করে হেরিলাম শূরে,

হরি করে অশ্বেষণ,

দৈত্য-ডরে ধরি হরি বরাহ-শরীর,

নীল-গর্ভে ছিল লুকাইয়ে,

কহিলাম বিবরণ হিরণ্য ঋষী বীরে।

ক্রোধে দৈত্যেশ্বর,

দূত করে ধরি গদাবর,

অনন্ত সলিল-প্তস্ত ভেদি বাহুবলে,

বরাহে করিলা আক্রমণ;

দৈববিড়ম্বনা,

রণে দৈত্যরাজ পরাজয়।

হিরণ্য। সাজ সাজ! কে আছে কোথায়,

ভ্রাতার প্রেতাত্মা-তৃপ্তি

করিব বরাহ-মেধে।

সকলে। সাজ, সাজ!

নারদ। মহারাজ! কোথা তাঁর পাবে দরশন,

জলগর্ভে নাহিক বরাহ আর,

প্রাণভয়ে পলাইয়ে গেছে কোথা।

হিরণ্য। পলায়েছে, কোথা পলাইবে?

বিশ্ব খুঁজে বধিব তাহারে।

হা, বিশ্বজয়ী ভ্রাতা মম!

মন্ত্রী। মহারাজ, কেবা রবে রাজ্যের রক্ষণে,

দুষ্ট দেবগণে

রাজ-অদর্শনে যদি করে আক্রমণ?

হিরণ্য। দেবগণে বধি জনে জনে,

যাব আমি হরির সন্ধান,

কেবা সেই হরি,

ঘন্দ করে আমা সবা সনে।

নারদ। মহারাজ, ধর্মহিংসা বিনা

হরির না পাবে দরশন,

কামরূপী বরাহ দুর্জয়,

হিরণ্যাক্ষ যার বলে পরাজয়,

কৌশলে করহ তাঁরে বধ।

হিরণ্য। কহ ঋষি,

কি কৌশলে দেখা পাব তার?

নারদ। মমতাবিহীন সেই হরি,

মাইম কিন্তু ভক্ত তাঁর প্রাণাধিক;

বর্জিত ত্রিভুবন কর অশ্বেষণ,

হরিভক্ত যথা যেই জন,

পীড়ন করহ তারে,

ভক্তের রক্ষণে আপনি আসিবে হরি,

বিনাক্রেশে বধ কর তাঁরে।

গুণসম্পন্ন। মন্ত্রি, অযোগ্য এ দৈত্যকুল,

কতক অযোগ্য সকলে, অযোগ্য

নকল এ দৈত্য-সিংহাসনে আমি,

নহে অসুরারি-হরি-ভক্ত আছে ত্রিভুবনে?

ভ্রাতৃহস্তা-হরি-পূজা হয় অধিকারে?

যাও মন্ত্রি, যতপি মমতা থাকে প্রাণে,—

নহে দৈত্যকুল নিজহস্তে করিব নিম্মূল।

হা ভ্রাতঃ! শতাবধিক বীর্যে মম,

তব অরি পূজা পায় দৈত্য-অধিকারে ?
হে অশান্ত আত্মা, শাস্ত হও, শাস্ত হও,
তুলি ভুজ্জ কহি সভামাঝে,
প্রতিশোধ, প্রতিশোধ, প্রতিশোধ !
হায়, নহে অরি সম্মুখীন !

মন্ত্রী। পদপ্রান্তে চির-নিপতিত দাস ;

মহারাজ, কহি সত্য ভাষ,
কেবা মৃত্যু করে আশ,—
হরিপূজা করিবে সংসারে ?
দৈত্যচর ফিরে ঘর ঘর,
দেব নাগ নর—
সবে মানে দৈত্যের শাসন ।
মহাবীর হিরণ্যাক্ষ করি অশ্বেষণ,
দূতগণ কৈল পর্যটন,
হরি নাম কোথা না শুনিলা,
স্বধাও ঋষিরে, কেবা করে হরিপূজা ?

হিরণ্য। কহ ঋষি ! কোথা ভক্ত আছে ?

নারদ। নহি জ্ঞাত, মহারাজ কর অশ্বেষণ,
শুনহ লক্ষণ,
হরিভক্ত যেই, উন্নত সে জন,
দিবানিশি হরিগুণগান, হরিপদে প্রাণ,
বাহুজ্ঞানশূত্র সদা রহে ।

হিরণ্য। মন্ত্রী ! প্রের দূত, কর অশ্বেষণ,
হরিভক্ত যেই, বধহ জীবন তার ;
কহ ঋষি, অদ্বুত বারতা—
কত বল ধরে সেই হরি,
ভ্রাতারে করিল পরাজয়,
ঐরাবত-হীনতেজ গদাঘাতে যার,
কহ কিরূপে হইল রণ ?

নারদ। দৈত্যেশ্বর ! দেখি নাহি রণ,
দূর হাতে শুনেছি গর্জন,
জ্ঞান হ'লো অকালে প্রলয়,
গর্জে কভু হিরণ্যাক্ষ শূর,
কভু নাদে বরাহ দুর্ধদ,
যেন মহাশব্দে একাধিব ধায়—
নব বিশ্ব গ্রাসিবারে ।

শতবর্ষ এ ভীম আরাব,
ক্রমে দৈত্যপতি ক্ষীণশ্বর,
বরাহগর্জন মুহুমূহঃ বিদারিল দিশা !
ক্রমে শব্দ স্তব্ধ, নাহি আর,—
নীরব ভুবন প্রলয়ান্তে যথা ।
পরে মহাত্মাসে শুনিছ কৈলাসে
দৈত্যপতি-পরাজয়,

জ্যোতি তার মিশিয়াছে শিবের চরণে
হিরণ্য। মানিলাম যোগ্য শত্রু হরি,
কিন্তু ভীক,—কেন নাহি দেয় রণ ?
নারদ। মহারাজ !

কামরূপী সেই হরি নানা রূপ ধরে,
কভু মংস্ত, কভু ব্রহ্মে কুর্ষ্ম-কলেবর
বরাহ-আকারে,
দস্ত ধরে তুলিল মেদিনী,—
একে কে বুঝিতে পারে ?
কিবা চক্রে ফেরে,
চক্রী হরি চিরদিন ।

(প্রহ্লাদের প্রবেশ)

প্রহ্লাদ। পিতা, পিতা !

হিরণ্য। প্রহ্লাদ, বসি তুই দৈত্য-সিংহাসনে,
পারিবি অমরগণে করিতে শাসন ?
আমি যাই হরি-অশ্বেষণে ।

প্রহ্লাদ। পিতা, আমি যাব সাথে,
তব পদাশ্রয়ে হরির দর্শন পাব ।

হিরণ্য। দেখ ঋষি, দৈত্যপুত্র নৃগণে অরি,
শিশু চায় হরি-সম্মুখীন হ'তে ।

নারদ। দৈত্যপরাক্রম,

বিদিত অমর-নর-নাগে ।

প্রহ্লাদ। কেবা অরি পিতা ?

হিরণ্য। হরি ।

প্রহ্লাদ। হরি কার অরি ?

নারদ। নামে যার অতুল মাধুরী,

বীশরী-বদন ভক্তজন-হৃদয়-রঞ্জন,

মদনমোহন শ্রাম, হরি কার নহে অরি ।

লাপ্রাসে
দৃষ্ট না হ
সমক্ষে
বলেন, যে
বর্ণ নির্ণয়
ঠাহারা উ
আমরা দে
আলোক নি
কের ভিন্ন গু
রত উষ্ণতা
প্রার্থ্য, তাহা
ব্যর্থো নিযুক্ত
বে, জীবনশক্তি
বলিতে পারেন
পরিচালিত হই
হিত অল্প অধ
র্জন হইলে সম
সকল ভৌতি
গমান আছে ।
তাহা পূর্ণ ন
প্ত হয় মাত্র ।
বিংশতিটা মাত
কগুলি অতীব
সম্পাদন করি
হাত
ন করে,
ক দুই পদার্থ মি
ন বা একটা পরি
এই সংযোগ-
(otassum) অ
মিলিত হয় ।
যর বিয়োগ করে,
এতাদৃশ সম্বন্ধ
পারদের সহিত
উতাপ জনিত র
যির একটা প্রধান

পৃথিবীতে কার্য হইতেছে ধারণা করা যাইতে পারে, যদিচ ইহারও প্রতিকলিত জ্যোতিঃ তথাপি ক্ষুদ্র আকার ও সূর্যের নৈকট্যবশতঃ শক্তির ভিন্নতা সম্ভব।

এই সম্ভাবিত শক্তিকল্পনাই ফলিত জ্যোতিষের আদি। যুক্তি যে শাস্ত্রের সহায়তা করে, তাহার আলোচনা নিষ্ফল বলা যাইতে পারে না। ফলিত জ্যোতিষ কি প্রচলিত বৈজ্ঞানিক মতের বিরোধী 'জ্যোতিষ প্রকাশ' আলোচনা করিয়া দেখি এখানি আধুনিক পুস্তক। পুস্তকখানি পাঠ করিলেই অস্বাভাবিক হয়, গ্রন্থকর্তা অতি শ্রমসহকারে রচনা করিয়াছেন। মতগুলি প্রাচীন গ্রন্থ হইতে সংকলিত বটে, কিন্তু প্রত্যেক পংক্তিই উচ্চ-রুচি-সম্পন্ন চিন্তাশীল মন হইতে উৎপন্ন হইয়াছে। 'জ্যোতিষ প্রকাশ' উল্লিখিত শারীর-বিধান তত্ত্ব অস্বাভাবিক হইয়া বলেন, আর্দ্রতা ও উষ্ণতা সহযোগে জীবদেহ চলিতেছে এবং জ্যোতির্বিদ পণ্ডিতগণের মতের বিরোধী হইয়া গ্রহদিগকে নিম্নলিখিত শক্তি প্রদান করে, যথা—

সূর্যে উষ্ণতা ও তাহার বিকার শুষ্কতা।

চন্দ্রের প্রধানতঃ আর্দ্রতা ও বিকারে শীতলতা।

মঙ্গলে প্রধানতঃ শুষ্কতা ও উষ্ণতা।

বুধে প্রধানতঃ আর্দ্রতা ও বিকারে শুষ্কতা।

বৃহস্পতিতে পরিমিত আর্দ্রতা ও উষ্ণতা।

শুক্রে প্রধানতঃ আর্দ্রতা ও উষ্ণতা।

শনিতে প্রধানতঃ শীতলতা ও শুষ্কতা।

গ্রহগণের শক্তি অস্বাভাবিক দেখিতে পাই যে, জীবদেহে সঙ্ক্ষে প্রায় সকলগুলিই অবস্থাভেদে অস্বাভাবিক বা প্রতিকূল; যথা, সূর্য তেজস্বারা রক্ষা করে এবং শুষ্ক করিয়া নাশ করে। এই নিমিত্ত গ্রহগণ ব্যক্তির অবস্থাভেদে শুভাশুভ। জাতকের জন্মস্থান ও তৎসাময়িক বায়ুর অবস্থা লইয়া তাহার অবস্থা নির্ণয় করা যায়, এই অবস্থা-নির্ণয়কে লগ্ন বলে। সেই অবস্থাই তাহার প্রথম গৃহে। উত্তাপই বায়ুর অবস্থাভেদের কারণ এবং গ্রহরশ্মি মিলিত হইয়া উত্তাপ উৎপাদন করিতেছে; অতএব জাতকের উপর প্রত্যেক গ্রহের অধিকার জন্মাবধি হইবে, তাহার শরীরের আর্দ্রতা, শীতলতা, শুষ্কতা ও উষ্ণতা গ্রহগণের অবস্থাসূচক ক্রিয়া করিতে থাকিবে।

শরীরে যখন আর্দ্রতা আবশ্যিক, গ্রহবৈগুণ্যে যদি শুষ্কতা

উৎপাদন করে, তাহা হইলে অশুভ। শরীর-বিধান-তত্ত্ববিৎ কারপেণ্টারের মতে জীবদেহে অধিক পরিমাণে আর্দ্রতার আবশ্যিক। আমরা পূর্বে দেখিয়াছি, বিজ্ঞান ইহার সাপেক্ষে ভিন্ন বিরোধী নয়, এ নিমিত্ত জন্মকালীন চন্দ্রের অবস্থা দেখিয়া অনেক পরিমাণে জাতকের স্বাস্থ্য নির্ণয় হওয়া সম্ভব। রবিরও আত্মকুল্য আবশ্যিক, নতুবা আর্দ্রতা অপকারী হয়; এই হেতু রবি, চন্দ্রের উপর কিরূপ রশ্মি প্রদান করিতেছে, ফলিত জ্যোতিষ বিশেষ দৃষ্টি রাখে। বৈজ্ঞানিকের অস্বাভাবিক হইয়া জানিয়াছি, বৃধ কখন অতি উষ্ণ, কখন অতি শীতল হয়।

ফলিত জ্যোতিষে বৃধের গুণ আর্দ্রতা ও শুষ্কতা অস্বাভাবিক করিয়া বিজ্ঞানের পোষকতা ভিন্ন রিকম্বাচারণ করে না। অবস্থাভেদে বৃধ দেহের প্রতিকূল বা অস্বাভাবিক হওয়া সম্ভব। যখন সূর্যে শোষিত হইয়া চন্দ্রের আর্দ্রতা কমিতেছে বা অপরিমিত আর্দ্রতায় দৈহিক অপকার উৎপাদন করিতেছে, শুষ্কতা আর্দ্রতা গুণ সংযোগে উভয় অবস্থাতেই বৃধ উপকারী হইতে পারে। আর্দ্রতা পরিমিতকারী শক্তি আর অস্বাভাবিক গ্রহে দৃষ্টি হয় না। চন্দ্রের আর্দ্রতা পরিমিত হইয়া বৃদ্ধি ও বাকশক্তির বিকাশ পাইতে থাকে, অতএব পরিমিতকারী বৃধের শক্তির উপর আধিপত্য। আমার এ কথাটি প্রমাণসিদ্ধ বলি না, অধৌক্তিক নয়, এই মাত্র প্রমাণ করি। ক্রমে শরীর বিধানমতে জাতকের কোমল জলাধার সকল কঠিন হইতেছে, তাহার উৎপাদিকাশক্তি লাভ হইয়াছে, সংযোগ ও বিয়োগ কার্য প্রথররূপে প্রদিত হইতেছে, এখনও হ্রাস পরাজয় করিয়া দেহে অধিক পরিমাণে আর্দ্রতা ও উষ্ণতা আবশ্যিক; আর্দ্রতা ও উষ্ণতা সম্পন্ন এ শুষ্ক সময়ে ক্ষমতা প্রদর্শনে সক্ষম। বৃহস্পতির আর্দ্রতা ও উষ্ণতা আছে, কিন্তু উভয়ই পরিমিত। আর্দ্রতার আধিক্য দৈহিকে প্রয়োজন। শুষ্ক আর্দ্রতা অধিক, উষ্ণতাও আছে, এই সময়ে শুষ্কই অধিকারী। চন্দ্র, রবি, বৃধ তাঁহাদের কার্য করিয়াছেন ও করিতেছেন; এক্ষণে শুষ্ক হইতে সাপেক্ষতা বা বিপক্ষতা কল্পনা করা যায়। ক্রমে মানবদেহের হইতে চলিল, জলপূর্ণ আধার গুলি শুষ্ক হইয়া কাঠিন্য প্রাপ্ত হইতে লাগিল। এ সময়ে মানবদেহে উষ্ণতা ও শুষ্কতাসম্পন্ন রবির কার্যই অধিক ও রবি প্রধান। এখন যৌবন। যৌবনান্তে পরিমিত উষ্ণতা ও আর্দ্রতা

বিজ্ঞান ও কল্পনা

['কুহুমমালা' মাসিক পত্রিকায় (১২১১ সাল)
প্রথম প্রকাশিত]

কল্পনার বৃহৎসম্পত্তি দেহের অধিকারী। এ সময়ে হ্রাস বৃদ্ধি
হয়। ক্রমে দেহে বৃদ্ধির পরাজয় ও হ্রাসের আধিক্য
আত্মতার অভাব হইতেছে। মঙ্গলের শুকতা শক্তির
হ্রাসের সাহায্য করে। পরিণামে শনির শুকতা ও
ঐতলতা।

ফলিত জ্যোতিষ এইরূপ কল্পনা করিয়া লগ্ন নির্ণয়-
পূর্বক জাতকের শুভাশুভ গণনা করে। জন্মকালে গ্রহ-
গতির স্থান নির্ণয় করিয়া জাতক দেহে অক্ষুণ্ণ ও প্রতি-
শক্তির অক্ষয়সন্ধান করে। এ অক্ষয়সন্ধান কি ভ্রান্তিমূলক ?
আমরা দেখিয়াছি, গ্রহলোক ভিন্ন ভিন্ন। ভিন্ন আলোকের
বিভিন্ন কার্য্য বিজ্ঞান বলিয়াছে। গ্রহগণের ভিন্নালোকে কি
কোনবদেহে ভিন্ন কার্য্য উৎপত্তি হয় না? শনির নীলা-
বর্ণকে কি দেহগত ক্লোরিন ও হাইড্রোজেন, হাইড্রোক্লোরিক
গ্যাস হইয়া যায় না বা অপর কোন ক্ষুদ্র গ্রহের
আলোকের দেহগত অত্যন্ত কোন ভৌতিক ধাতুর উপর
প্রতিপত্ত্য নাই? প্রকৃতির সাহেবের মতে নানা স্থান হইতে
নাগু আকর্ষিত হইয়া আমাদের অঙ্গ-প্রত্যঙ্গ গঠিত
হইতেছে, মঙ্গল হইতে আলোর সহিত কোন ভৌতিক
নাগু আসিয়া কি জীব-শরীরে প্রতিষ্ঠিত হয় না? এ বিষয়ে
সন্ধান কি সম্পূর্ণ বিফল? ফলিত জ্যোতিষ গ্রহরশ্মির
প্রত্যক্ষ প্রমাণ দিতে পারে না অর্থাৎ এই গ্রহ-
আলোক এই পরমাণু যুক্ত বা বিযুক্ত হইতেছে, দেখাইতে
পারে না, কিন্তু বোধ হয়, যুক্তি, অক্ষয়সন্ধান ও প্রবাদ উহার
সমাপেক্ষ, অন্ততঃ এ বিষয়ে অক্ষয়সন্ধান আবশ্যিক বলা
হইতে পারে। যদি কেহ সম্পূর্ণ ভ্রান্তিমূলক বলিয়া প্রমাণ
করিতে পারেন, তাহা হইলে তিনি একটা প্রাচীন ভ্রান্তি
সম্পন্ন করিবেন, আর যদি ইহাতে কোন সত্য আবিষ্কার
করা হইলে অন্ততঃ চিকিৎসা-শাস্ত্রের পরম সাহায্য
প্রদান হইবে নাই।

কল্পনার মোহিনী শক্তি বৈজ্ঞানিককেও বিমোহিত
করিয়াছে। তাঁহারা প্রকৃতির বর্তমান অবস্থা পর্য্যালোচনে
তৃপ্ত নহেন, কালের তমোময় শ্রোতে অগ্র-পশ্চাৎ ভাসিতে-
ছেন, বর্তমানের উভয়পার্শ্বে কোটি কোটি বৎসর বাহিয়াও
বাসনা পূরে না; আদি জীবনশ্রোত শুনিতেন, আদি
বাপ্প-সংঘর্ষণ দেখিতেন ও শব্দময়ী বৃদ্ধা জীবন-জন্মের
মূর্ত্তি চিত্রিত করিতে তুলিকা ধারণ করিয়াছেন। ঘোর-
ভয়ানক আলোক ভেদ করে না, অক্ষয়সন্ধান পথ প্রদর্শন
করিতেছে। ক্ষীণালোকে ব্রহ্মাণ্ডের বৃহৎ মূর্ত্তির যিনি যে
অংশ দেখেন, সেইরূপই বর্ণনা করেন। সৃষ্টি প্রকরণ,
গ্রহলোকে জীবোচ্ছ্বাস, ধরায় কতদিন মনুষ্যের বাস, মানব
এক বংশে বা বহু বংশে উদ্ভব, বর্তমানে তাহাদের পরস্পরের
বাহ্য ও অন্তঃপ্রকৃতির ভেদ কেন, এই সকল প্রশ্নের বৈজ্ঞা-
নিকেরা ভিন্ন ভিন্ন উত্তর প্রদান করেন। আমরা দুই
একটির বিরোধী যুক্তির আলোচনা করিব।

অসীম স্থানব্যাপী বাষ্পমণ্ডল দূরবীক্ষণ প্রদর্শন করে,
বাষ্পাগর ঘূর্ণমান, বৈজ্ঞানিকেরা অক্ষয়সন্ধান করেন, সৌর-
জগৎ অবশ্যই সেই বাষ্পীয় অবস্থায় অবস্থান করিতেছিল।
কেহ বলেন সঙ্কোচনে, কেহ বলেন আকর্ষণে গ্রহমণ্ডল স্থল
কলেবর প্রাপ্ত হইয়াছে। কাহারও মতে সঙ্কোচন ও আকর্ষণ
উভয় নিয়মই সৃষ্টির কারণ। আকর্ষণে প্রকরণ, বাষ্পে
মাধ্যাকর্ষণ শক্তির অক্ষয়সন্ধান প্রয়োজন; এস্থলে তार्কিক
বৈজ্ঞানিক যুক্তির অক্ষয়সন্ধান নহেন, তাঁহারা কেবল এই
বলিয়া নিরস্ত হন যে, উক্ত শক্তির অভাব প্রমাণসিদ্ধ নহে।
সঙ্কোচন নিয়মে সহজেই ক্ষুদ্র স্থল মণ্ডল সৃষ্টি হইতে থাকে;
এখন মাধ্যাকর্ষণ উভয়েরই আবশ্যক।

নানা স্থান হইতে বাষ্প আকর্ষিত হইতেছে, উদ্ধারশি,
ধূমকেতু-পুচ্ছ প্রদান ভাঙার,—আকর্ষণে কলেবর বৃদ্ধি ও
সঙ্কোচনে স্থল হইতে লাগিল। দোহুল্যমান পরমাণু
উত্তাপের আকর, আদিমণ্ডল সকল অতি উষ্ণ হইল;
নবোদ্ভূত সূর্যের ত্রায় উজ্জ্বল মূর্ত্তি ধারণ করিলেন এবং
দাহমান পদার্থ হইতে ধূম বহির্গত হইয়া নিবিড় মেঘাবরণে



আবৃত্তা রহিলেন। নবজীবনোন্নতা মেদিনী শীতল হন না, অবিরল বারিধারা পড়িতে লাগিল, মেদিনী জলময়ী। পুরাণ বহুকাল হইতে এ কথা উত্থাপন করিয়াছেন; কিন্তু এত দিন হইলে, স্পেন্দর, প্রোক্টর টিওল প্রভৃতি বৈজ্ঞানিক নীরব ছিলেন, অতএব ইহা কবি-কল্পনা ও রূপক ভিন্ন অণু নামে পরিগৃহীত হয় নাই। উত্থাপননির্গম নিয়মে বৃহদাণু-কোষে কোটি কোটি ক্ষুদ্র ক্ষুদ্র দ্রবময়ী আধার (Liquid cells) ফুটিল এবং সঙ্কোচনে ভগ্ন হইয়া বৃহদাধারে দ্রবময়ী ধাতুসমষ্টি বেড়িয়া রহিল ও শীতল হইয়া ভঙ্গুর কলেবর বাষ্পরাশি-আকর্ষিত হইতেছিল। বৃহৎ কাঠিন্য প্রাপ্ত হইয়া যখন মহাবেগে বাষ্পময়ী মেদিনীমণ্ডল অন্তর্গত হইয়া একটি মণ্ডল প্রস্তুত হয় এবং যে নিয়মে পৃথিবী শীতল হইতেছিল, সেই নিয়মে সে ক্ষুদ্রমণ্ডলকেও শীতল করিতে লাগিল; ক্ষুদ্র কলেবর শীতল হইল। ইনি চন্দ্র। পৌরাণিক সাগর-সমুদ্র শশী রূপক মাত্র, কিন্তু বৈজ্ঞানিক বাষ্পবেষ্টিত জলময়ী মেদিনীজাত শশধর, স্থিত সিদ্ধান্ত। এখন চন্দ্র, পৃথিবী ও সূর্য, চন্দ্র, জীবলোক ও পৃথিবীর আলোককারক। ক্রমে পৃথিবী শীতল হইলেন, উষ্ণা বর্ষণ হইতে লাগিল। বৃহৎ উদ্ভিদপূর্ণ উষ্ণ গম্বুজ নিয়তই পড়ে, বৃক্ষলতা অক্ষুরিত হইল। এস্থলেও মতভেদ। কেহ কেহ বলেন, যদি উষ্ণায় উদ্ভিদ সম্ভব, পৃথিবীতে সম্ভব নয় কেন? উত্তর, বীজ কোথায়? বহু পৃষ্ঠাব্যাপী উত্তর প্রত্যন্তর লইয়া আমাদের কার্য্য নহে। বৈজ্ঞানিকেরা কখন জীব সৃজন বলেন, শ্রবণ করি।

এ স্থলেও বিরোধ। কেহ অগ্রে উদ্ভিদ, কেহ উদ্ভিদ ও জীব একত্র সৃজন করেন। একত্র সৃষ্টিই প্রচলিত মত। জীবন সম্বন্ধে মতান্তর। কেহ স্থানব্যাপী পুরুভূজ জীববীজ নির্ধারিত করেন, কেহ রসায়ন-বলে ভূগর্ভ হইতে বীজ সৃষ্টি করেন, ক্রমে মনে আসিয়া ধরাবাসী হইল। কিছুদিন পরে তিনিই দূরবীক্ষণ ধারণ করিয়া অন্ত্যগ্রহ-লোকে জীবন লক্ষণ অন্বেষণ করিতে লাগিলেন; পরে চন্দ্রে তাঁহার ত্রায় মনুষ্য দর্শন করেন, খৃষ্টীয় ধর্মবিস্তারেরও প্রস্তাব হয়। কিন্তু সহসা চন্দ্র হইতে মনুষ্য তিরোহিত হইল। চন্দ্রগর্ভ হইতে বহুকাল উষ্ণতা বহির্গত হইয়াছে, যেমন মেদিনী হইতে এখন বহির্গত হইতেছে, আগ্নেয় উৎপাত ও ভূকম্পন যাহার লক্ষণ। হিমধাম শশধরে আর

জীব নাই। অন্ত্যগ্রহলোকে খাসবায়ু বহিতেছে কি না? কাহারও মতে সর্বস্থানেই জীব, জীবশূণ্য বিচরণ করিতে মণ্ডল সৃষ্ট হয় নাই।

যে সকল গ্রহ সূর্য হইতে অন্তর, আলোক প্রদান করিতে ক্ষুদ্র ক্ষুদ্র তারা-বেষ্টিত রহিয়াছে, গ্রহ সূর্যের সন্নিকটে পরিভ্রমণ করে, তাহার আর পারিপার্শ্বিক নাই, যথায় জীব নাই, তথায় আলোকের আবশ্যক কি? কাহারও মতে কতকগুলি মণ্ডল জীবের বাসোপযোগী হইতেছে, কতকগুলি বাসোপযোগী আছে, আর কতকগুলি বাসোপযোগী ছিল, এখন হিমময়, আর জীব নাই। বৃহস্পতি প্রাণিশূণ্য, তাঁহার চতুর্দিকে নিবিড় মেঘরাশি দূরবীক্ষণ আবিষ্কার করে। ঐ জলমালা অবিরল বারিবর্ষণে দ্রবময়ী বাষ্পময়ী শীতল করিতেছে। এখনও বক্ষে উদ্ভিদপূর্ণ উষ্ণার আঘাত পান নাই, বৃক্ষাদি কিরূপে হইবে। জীবও অবস্থান করে না। কিন্তু ক্ষুদ্র মঙ্গল গ্রহের দশা ভিন্ন মঙ্গলে খৃষ্টীয় ধর্ম প্রচার হইবার সম্ভাবনা, তথায় মনুষ্য অবস্থান করে, এক্ষণে তিনি মেদিনীর অবস্থাগত।

সামুদ্রিক স্বতন্ত্র মতগুলি ছই শ্রেণীভুক্ত। এক শ্রেণীর মতাবলম্বী অমুকুল শক্তির সংযোগ ও প্রতিকূলশক্তির বিয়োগ একমাত্র আদিকারণ বলিয়া নির্ধারিত করেন ও অণু মতাবলম্বী, ঈশ্বর আদিকারণ স্বীকার করিয়া সকল স্থানেই অভিপ্ৰায় অন্বেষণ করেন। উভয়েই কল্পনা-পথে বিচরণ করিতে করিতে প্রতিকূল যুক্তি পরিত্যাগপূর্বক অমুকুল যুক্তি গ্রহণ করেন ও তর্কের মীমাংসা হয় না। গ্রহলোকে জীবন লইয়া বাদামুবাদ তাহার একটি উচ্চ দৃষ্টান্তহল।

এ স্থলে পুরাণও নীরব নন। পুরাণ সকল স্থানেই চেতনপদার্থ দর্শন করেন, কিন্তু মনুষ্য-কলেবর চেতনের একমাত্র আধার বলিয়া স্বীকার পান না। পঞ্চভূত পঞ্চীকৃত হইয়া মনুষ্য; মৃত্তিকা আবাসভূমি, মৃত্তিকার পরিমাণ কলেবরে অধিক। অন্ত্যলোকেও এইরূপ পঞ্চীকৃত হইতেছে, যথা—তেজোানয় সূর্যালোক, তথায় চেতন কলেবরে তেজে অধিক।

উষ্ণ বা শীতল কেবল তুলনামাত্র। যে স্থানে জীব নাই, যেমন চন্দ্রলোক, তথায় সম্পূর্ণ তেজের অভাব স্বীকার করা অধৌক্তিক দন্দেহ নাই। যেমন বৈজ্ঞানিক বাষ্প-

ভূত সব
পঞ্চভূত
পুরাণ ছই
বলেন, "এ
আপাতত
ভুক্ত নহে
পূর্বে
এখন এ
লেন। য
পঞ্চবংশ
শুক এই
আর্যাজাতি
পরিপুষ্ট, ক
গঠনে সম্পূ
নিম্নতা না
উচ্চ, নাসিব
ও অল্পশাশ্ব-
হইল না,
ম্যালে প্রভৃ
যবের কারণ
কোন জাতি
জল বায়ু ও
প্রভেদ করিয়া
তাহা হইলে
গিয়া কাফ্রি ই
পক্ষে একরূপ ঘা
স্থায়ী গঠনে
মস্তক প্রস্তর ও
প্রমাণ করেন
বৎসর অবস্থা
মস্তক গঠন হই
তিন সহস্র বৎস
নাই! তবে
দেখিয়া, ভিন্ন
ও মঙ্গোলিয়ন
দিগকে বাহ্যিক
হইলে ছই ভাই
যুক্তি হীনব
করিলেন। বহ
করিলে, জল

ভূত সকল স্থানেই অবস্থান করিতেছে, তেমনি পৌরাণিক পঞ্চভূত স্থানব্যাপী কিন্তু ইহা বিজ্ঞান অমুমোদন করেন না। পুরাণ দুইটি পরমাণুর সংযোগের মধ্যস্থানকে "ব্যোম" বলেন, "ব্যোম" বিজ্ঞান ধারণা করিতে পারে না; সুতরাং আপাততঃ পঞ্চীকরণ প্রকরণ কবি-কল্পনা হইতে উচ্ছ্বল-ভুক্ত নহে।

পূর্বে দেখিয়াছি, মানব ধরণীতে অবতীর্ণ হইয়াছেন, এখন এক বা বহু বংশবাদী হইতে ধরণীবক্ষে বিস্তৃত হইলেন। যাহারা বহুবংশবাদী, তাহাদেরও ভিন্নমত, তন্মধ্যে পঞ্চবংশ ও সপ্তবংশবাদীই প্রধান। বংশবিভাগের আবশ্যক এই যে, মনুষ্য নানা আকারে দৃষ্ট হয়; যথা—যাহারা আর্ধ্যজাতি বলিয়া পরিগণিত, তাহাদের মস্তকের গঠন পরিপুষ্ট, ললাট প্রশস্ত, কেশ কোমল, বর্ণ গৌর, মুখের গঠনে সম্পূর্ণ সামঞ্জস্য; কোথাও অপরিমাণে উচ্চতা নিম্নতা নাই। বিতীয়—মন্ডোলিয়ন; তাহাদের গণ্ডাঙ্ক উচ্চ, নাসিকা প্রশস্ত, মস্তকের গঠন চতুষ্কোণ; চিবুক ক্ষুদ্র ও অল্পশাশ-আবৃত, বর্ণ কটা। অত্যাচ্ছ জাতির লক্ষণ বিবৃত হইল না, যথা—কাকি, হটেস্টট, আদি আমেরিকাবাসী, ম্যালে প্রভৃতি। এই ভিন্ন ভিন্ন জাতির ভিন্ন ভিন্ন অবয়বের কারণ কি, এবং কেনই বা আর্ধ্যজাতি ভিন্ন অপর কোন জাতি উচ্চ মানসিক শক্তির প্রমাণ দিতে পারে না? জল বায়ু ও অবস্থানভেদ ভিন্ন ইহার কারণ বা নিয়মে প্রভেদ করিয়াছে? যদি জল বায়ু বা অবস্থা কারণ হইত, তাহা হইলে কাকি ইংলেণ্ডে আসিয়া বা ইংরাজ আফ্রিকায় গিয়া কাকি ইংরাজ ও ইংরাজ কাকি হইত; কিন্তু ইতিহাসের পক্ষে এরূপ ঘটনা নাই। বর্ণের কিঞ্চিৎ বৈলক্ষণ্য দৃষ্ট হয়, স্থায়ী গঠনে কোন পরিবর্তন হয় না। ভূগর্ভ হইতে কাকির মস্তক প্রস্তর অবস্থায় প্রাপ্ত হওয়া গিয়াছে! ভূতত্ত্ব-বিজ্ঞান প্রমাণ করেন যে, ঐ মস্তক পৃথিবী-জঠরে তিন সহস্র-বৎসর অবস্থান করিতেছিল, তথাপি বর্তমান কাকির মস্তক গঠন হইতে কিছুই প্রভেদ নয়! ইহাতে প্রমাণ হয়, তিন সহস্র বৎসরে কাকির গঠন কোন পরিবর্তনলাভ করে নাই! তবে কি মনুষ্য ভিন্নবংশোদ্ভব? ভিন্ন অবয়ব দেখিয়া, ভিন্ন বংশ বলাও যুক্তিসিদ্ধ নহে। আর্ধ্যজাতি ও মন্ডোলিয়ন জাতির মধ্যবর্তী জাতি আছে; তাহা দিগকে বাহ্যিক অবয়বে যদি ভিন্ন জাতি বলা যায়, তাহা হইলে দুই ভাই ভিন্ন জাতি বলিয়া নির্ণয় করিতে হইবে।

যুক্তি হীনবল দেখিয়া বৈজ্ঞানিকেরা কল্পনার আশ্রয় করিলেন। বহুকাল হইতে পৃথিবীকে মনুষ্যের আবাসভূমি করিলে, জল বায়ুর অদৃশ্য শক্তির ক্রমে মনুষ্যের

অবয়ব ভিন্ন ভিন্ন নিশ্চিত হইবে। পূর্বে যথায় হ্রদ ছিল, তথা হইতে ভূ-খননে আবাস পাওয়া গিয়াছে। ইহাতে প্রমাণ করেন যে, ঐ সকল আবাস-কুটারে বহুকাল পূর্বে মনুষ্যের বাস ছিল। পর্বত-গহ্বরে লুপ্ত জীবের অস্থির সহিত মনুষ্য-অস্থি উদ্ধৃত দৃষ্টে, তাহার অতি প্রাচীন অবস্থা সাব্যস্ত হয়, এবং যে সকল মনুষ্যভক্ষ্য জলজ জীব (যেমন শামুক, গুগলি ইত্যাদি) লবণাক্ত জলে বর্দ্ধিতায়তন হয়,— তাহাদিগের রাশি রাশি বর্দ্ধিতবহিরাবরণ লবণাশুহীন স্থানে দেখা যায়। অবশ্যই ঐ সকল জলজ যে সময়ে লবণ-হীন বারি লবণাক্ত ছিল, সময়ে জন্মে ও মনুষ্যের ভক্ষণের নিমিত্ত ধৃত হয়। কিন্তু এই সকল যুক্তিসহকারে বিশ সহস্র বৎসর ব্যতীত ভূতকালের তমোময় গর্ভে আর অধিক যাওয়া যায় না।—কল্পনার বলে আরও অধিক গমন করিলে হটেস্টট হইতে সভ্য ইউরোপীয় জাতি গঠিত হয়। প্রায় পৌরাণিক সত্যকালের কূলে না আসিলে আর নিস্তার নাই, এবং লামার্কের বিকাশ মতে অবয়ব পরিবর্তন নির্ণয় করিলে, পৌরাণিক যোনিভ্রমণের নিকট অবস্থান করিতে হয়।

বিকাশমতে ক্ষুদ্র কীটাণু-অবয়ব বিকসিত হইয়া সভ্য-জাতি বিচরণ করিতেছেন। কিন্তু পুরাণ কবিকল্পনামাত্র, লামার্কের বিজ্ঞান! ক্রমে ভূতমেদিনী শ্মশানভূমি। তেজের অভাবে জীব বিলুপ্ত হইতেছে এবং পৃথিবী হিমধাম চন্দ্ররূপ ধারণ করিতেছেন, অল্প নব যুগলোক বামিনী-যোগে কৌমুদিরাশি ঢালিতেছেন। এ স্থলেও মতান্তর। জীব বিলুপ্ত হইবে কেন? পৃথিবী যখন আদি মনুষ্য ধারণ করেন, তাহা অপেক্ষা এখন অনেক শীতল, তথাপি মনুষ্য-পরিবার বৃদ্ধি পাইতেছে এবং যদি চন্দ্রের ত্রাঘ শীতল হন, তাহাও ক্রমে হইবে না, শীতল হইতে হইতে কি পরিমাণে শীতল হইলে জীব থাকিবে না? পার্থিব অবস্থা-ভেদে ম্যামথ প্রভৃতি বিলুপ্ত জীব তাহাদের স্থলে অল্প জীবশ্রেণী রাখিয়া কলেবর পরিত্যাগ করিয়াছে। যদি বর্তমান অবস্থাগত জীব না রহিতে পারে, তৎপরিবর্তে অল্প জীবের স্থান বহিবে না কেন? পৃথিবী জীবের আবাসস্থান হওয়া ঈশ্বরের অভিপ্রায়। শক্তিবাদীরা তর্ক করেন, যতদূর উষ্ণ ও শীতল প্রদেশ পৃথিবী দেখিতে পাই, তাহাতে জীব আছে সত্য, কিন্তু তদপেক্ষা কোটি কোটি গুণে শীতল বা উষ্ণ হইলে জীব থাকিতে পারে না; অতএব স্থানে স্থানে জীব ও জীবন লোপ হইবে সন্দেহ নাই। ইহাই পৌরাণিক ঋণপ্রলয়। কিন্তু মহা প্রলয় সম্ভব নয়, কারণ—বৈজ্ঞানিক দেখেন নাই।



কবিতাবলী

(প্রথম ভাগ)

খুঁজুনা

কেন গো সেজেছ তুমি ঘোবনে ঘোগিনী,
কার ধ্যানে মগ্ন প্রাণে, চেয়ে আছ শূন্য পানে,
কি মন-বিরাগে বল শ্মশানবাসিনী ?

তাজিয়ে সংসার সার ক'রেছ শ্মশান,
যার লাগি অহুরাগী, হইয়াছ সর্বত্যাগী,
দেখিতে কি পাও তার বাঞ্ছিত বয়ান ?

যোগিনী দেখিয়া ভয়ে অলি না সস্তায়ে,
দারুণ তোমার মন, কঠিন তোমার পণ,
অভিলাষ বিসর্জন দেছ অনায়াসে ।

পরিমল নাই, তুমি তাই কি কাতর,
অযতনে অভিমানে, এসেছ কি এই স্থানে,
এ ভীষণ ভূমে তোমা কে করে আদর ?

কতু কি কোমল প্রাণে পেয়েছ যজ্ঞগা,
কার সনে ক'য়ে কথা, জুড়াও মরম-বাথা,
কাদিলে পরাণ তব কে করে সাশ্বনা ?

গোপনে ফুটেছ তুমি গোপনে শুকাবে,
জীবন-ঘোবন মন, যার তরে সমর্পণ,
আসন্ন সময়ে তারে দেখিতে কি পাবে ?

চাতক

এমন দারুণ পণ পেয়েছ কোথায় ?
দেখানে সেখানে যাও, হৃদয়তল জল পাও,
আপন প্রাণের দোষে মর পিপাসায়,
চাহিয়ে ফটিক জল র'য়েছ আশায় ।
চিরদিন পিপাসায় পরাণ বিকল ।

দারুণ নিদাঘ-তাপে, মেদিনী বিদরে দাপে,
কাতর না হও, সও প্রবল অনল,
কেবল তোমার বোল,—'দে ফটিক জল' ।

যে নয় তোমার, তুমি ভাব তার তরে,
স্বধালে না কথা কও, শূন্য পানে চেয়ে রও,
যবে প্রাণ কাঁদে পাখী কাতর অন্তরে,
'দে ফটিক জল' বল স্কন্ধে স্বরে ।

মুক্তবেণী কাদধিনী ঢাকিলে অঘরে,
পশু-পক্ষী কলরবে, নিবাসে প্রবেশে সবে,
তোমার হৃদয়ে আর আনন্দ না ধরে,
'দে ফটিক জল' বলে উঠ পক্ষভরে ।

ভীষণ অশনি-নাদে মেদিনী কম্পিত,
ক্ষুদ্র পাখী নাহি ডর, বক্ষ পাতি বজ্র ধর,
বজ্র-মাঝে নৃত্য কর, চিত্ত পুলকিত,
'দে ফটিক জল' শুনি উদ্গাদ-সঙ্গীত ।

বাঁশলী

সন্ধ্যার বরণ-ঘটা ধূসর অঞ্চলে
ক্রমে ক্রমে ঢাকিলে তিমির,
সোহাগিনী প্রবাহিনী কলনাদে চলে
মন্দ মন্দ আন্দোলি শরীর ;
মধুর তোমার তান, শুনিলে উপলে প্রাণ,
হ'লে দিবা অবসান গৃহে ফিরে আসি,
এ ~~কোন~~ স্বর, শুনিতাম বাঁশী ।
স্বভাব নীরব যবে গভীরা যামিনী,
শিশু হেরে মোগার স্বপন,

চন্দ্রমা চকোরে কথা শুনে বিরহিনী,
 ঢুলু ঢুলু তারার নয়ন—
 উঠিলে তোমার তান, প্রাণে মম হানে বাণ,
 এ হাতে মধুর স্বরে করিলে চূষন,
 ছিঃ ছিঃ বলি সে আমার ফিরাত বদন ।
 ফুল ভূষা হাসে উষা ছুকল-বসনা,
 সরোবরে সস্তাষে নলিনী,
 বিদায় চূষন নাহি পুরিল বাসনা,
 পতি-মুখ নেহারে কামিনী ।
 তব তান উঠে যত, আকুল অন্তর তত,
 উথলিত প্রাণে শত স্বধার লহরী,
 যবে ধীরে সে, আমারে জাগাত বাশরী ।
 প্রথর নিদাঘ-তাপে তাপিতা মেদিনী,
 ক্ষিপ্ত বায়ু ধলা মাখে গায়,
 কুলায় লুকাই নাহি গায় বিহঙ্গিনী,
 জাগি যামি যুবতী ঘুমায় ;
 আচম্বিতে তব তান, প্রাণে করে স্বধা মন,
 মোহিত হইয়া মনে করি আন্দোলন,
 বহুদিন পরে মোরে কে করে স্মরণ ?
 প্রবাসে প্রবাসী বসি সন্ধ্যার সময়,
 প্রিয় মুখ মনে কত উঠে,
 অনিমেঘ নেত্রে হেরে চন্দ্রমা উদয়,
 একে একে দেখে তারা ফুটে ;
 বিরহ বিধুর গান, শুনে আন্দোলিত প্রাণ,
 মুহু পূর্বস্মৃতি জাগে শীতল মাধুণী,
 আশে আখিনীরে ভাসে প্রিয়জনে স্মরি ।

কোকিল

না জানি মোহিনী কিবা আছে তোর স্বরে—
 মধুর লহরে !
 কুহ কুহ কুহ তান, কেমন কেমন প্রাণ,
 কি যেন হ'য়েছি হারা জনমের তন,
 ধীরে ধীরে বয়ান বহিয়ে বারি ঝরে ।
 কামরূপী কালো পানী কি কুহক বলে
 এ পাষণ গলে ;

এই ছিল এই নাই, ধরি ধরি নাহি পাই,
 কি চাই স্বধাই তাই কে যেন কি বলে,
 স্বধায় গলায় প্রাণ তবু কেন জলে ?
 নাহিক সে দিন নাহি, নাহি সেই প্রাণ,
 শুনে তোর তান,
 প্রমোদিত বিমোহিত, তন্ত্রীত সরল চিত্ত,
 ভাবে ভুলে প্রাণ খুলে করিয়াছি গান,
 সেই আমি, সেই প্রাণ আজিরে আশান !
 স্বন্দর বসন্তে বসি স্বন্দর কাননে,
 স্বন্দর গগনে—
 স্বন্দর চন্দ্রমা ভাসে, স্বন্দর কুসুম হাসে,
 স্বন্দর সঙ্গীত দোলে স্বন্দর পবনে ;
 কি স্বন্দর প্রেম তোর স্বন্দরের মনে !

নাহিক সে দিন হায় ! নাহিক সে দিন,
 কালে দিন লীন,
 স্বন্দরের অহুরাগে, কিবা না ক'রেছি আগে,
 এখন হৃদয়গার স্বন্দর বিহীন ;
 তোর স্বরে জাগে আজ পূর্ব-স্মৃতি ক্ষীণ !
 বসন্তবান্ধব ফের' বসন্ত যথায়,
 বসন্ত সহায়,
 নিঃসহায় বরিষায়, কঠোর করকা ঘায়,
 দামিনী খেলার ছলে, আধার বাড়ায়,
 প্রাণের স্বপার তায় কার না শুকাই !
 মাতাও উধাও প্রাণ, গাও মাতোয়ারা,
 হই জানহারা,
 কুহ কুহ কুহ কুহ, উহ উহ হহ হহ,
 ঝরঝর আশানভূমে অমৃতের ঝারা,
 উজ্জান বহিয়ে যাক সময়ের ধারা ।

গিনি

দিবা-নিশি জাগরণে, ভূষা তরুদল,
 এ প্রান্তরে একেশ্বর, উজ্জ্বলিরে নিরন্তর,
 কার তরে শৃঙ্গধর হ'য়েছ অচল,
 সম সহ তাপ, হিম, বজ্র, বাত্যা, জল ?
 * ভাগলপুরের অন্তর্গত কাহলগাঁর পাহাড় দর্শনে লিখিত।

কি অস্থখে মনোহুখে হ'য়েছ পাথর ?
 শুধি তোমা হে পাষণ, পাষণ কি তব প্রাণ,
 কৈশোরে ছিল না কি হে কোমল অন্তর,
 উন্নত কি তত্বে যাও ভেদিয়া অধর ?

একাগ্বে পূর্ণ যবে এ বিপুল স্থান,
 তখন ছিল না তুমি, কোথায় আছিলে তুমি,
 ঢল ঢল জল কিসে হইলে পাষণ ?
 তরল তরঙ্গমালা শিলার সোপান ।

ক্ষিপ্ত প্রায় জাল' শিরে দীপ্ত ছতাসন,
 জলন্ত নিদাঘ রবি, তব সদানন্দ ছবি,
 রজনীতে ভয় বাসি ভীষণ দর্শন,—
 বিশাল শ্মশানভূমে ভৈরব যেমন !

অটল অশনি-পাতে নিবাস গহন,
 তোমায় স্বধাই গিরি, কি কারণে ধীরি ধীরি,
 অবিরল আখিজল নির্ঝর পতন,—
 তোমার' কি ভাঙ্গিয়াছে স্থখের স্বপন ?

তোমার হৃদয়ে কারু জাগে কি অধর,
 মধুর শিশুর বোল, নূপুর কিঙ্কিনী রোল,
 কখন' কি শুনিয়াছ নারী-কণ্ঠস্বর ?
 তাই কি পাথর তব অন্তর কাতর ?

স্বরঙ্গ কুরঙ্গ হেম-অঙ্গ পাখিগণে,
 স্বপ্ন, ব্যাঙ্গ ভঙ্গুর, জীবঘাতী বনচর,
 শরণ লইয়া আছে তব আলিঙ্গনে,
 আশ্রয় কি দাও গিরি, ভাগ্যহীন জনে ?

শশী

পাতার আড়তে বসি, মুছ মুছ হাস শশি,
 হেরে মম মনে জাগে সে বিধু-বদন ;
 ওই রূপ সে বদন, কেশে অর্ধ আবরণ,
 দোলাত উড়াত তায় প্রফুল্ল পবন,
 পাতাগুলি দোলায় যেমন ।
 জাগিয়ে এখন সে কি দেখিছে তোমায়,
 আমার হৃদয়-শশী র'য়েছে কোথায় ?

ধূসর নীরদ-মাঝে, ভ্রমিছ উন্মাদ-সাজে,
 শিলাসনে ছুই জনে হেরেছি তোমায়,
 আজি সম্ম্যাসীর বেশে, ভ্রমি এ বিজন দেশে,
 দেখেছ সে দিন, আজি দেখ কি দশায়,
 আছে মাত্র প্রাণশূন্য কায়,
 তারে কি এখন' তুমি দেখিতেছ শশি,
 আছে কি সে বিনোদিনী শিলাতলে বসি ?

যামিনী কামিনী সনে, নভোনীল সিংহাসনে,
 প্রেমিকের স্থখে তুমি স্থখী শশধর,
 যখন নীরব সবে, বিরহী আসিয়ে তবে,
 নীরবে বিরলে হেরে তোমার অধর,
 খুলে বলে তোমারে অন্তর,
 জুড়াও প্রাণের জালা বহুনা আমায়,
 কখন' কি কোন কথা বলে নি তোমায় ?

তোমারে হেরিয়ে চাঁদ, কত মনে হয় সাধ,
 তার(ই) ভাবে মগ্ন র'য়ে তারে যেন ভুলি,
 স্বপ্ন সম জ্ঞান হয়, কে যেন কি কথা কয়,
 ঠমকি তখনি পুন পরাণ আকুলি—
 নাহি হেরি প্রাণের পুতলী !
 মেদিনী রজতে হেরি স্বভাব নীরব ।
 তারাদল জাগে, জাগ কুমুদ-বান্ধব !

আঁধার

তরু, লতা, ফুল মুগ্ধ, কোকিল-কুজিত কুণ্ড,
 অলির ঝঙ্কার প্রাণ না চাহে আমার,
 রবি শশী তারা হার, হাসি মুখ ললনার,
 কেবল তোমারে ভাল বাসি হে আঁধার ;
 অসীম অনন্ত তুমি সমুচিত দিন,
 না হাস না কাঁদ, নহ কালের অধীন ।

তোমায় জানে না নরে, তাইত তোমারে ভরে,
 অসময় তুমি সখা কেহ নাহি আর,
 একক ~~ক~~ আশার উচ্ছ্বাস লীন,
 হৃদয়ে শুকায়ে যায় রোদনের ধার ;
 জলে শুধু স্থতি— চিতে চিতানল প্রাণ,
 তখন অভাগা তব মুখ পানে চায় ।

অতীত

শুইয়ে তোমার কোলে, অভাগা সকল ভোলে,
ঘুমায় জাগে না আর দেখেনা স্বপন,
অনলে সলিল পড়ে, আর নাহি ঝড়ে নড়ে,
সংসার-মাগর-রোল করে না শ্রবণ ;
কারো অধিকার নাহি তব অকোপরে,
স্বপা, হিংসা, উপহাস স্পর্শ নাহি করে ।

গৃহ-মাঝে দীপ প্রায়, রবি আকাশের গায়,
কালের ফুৎকারে নিভে যাবে এক দিন,
তুমি তম নিরুপম, শান্ত ভীম পরাক্রম,
ক্ষুদ্র নর ভাবে ক্ষুদ্র রবির অধীন ;
ব্যাপিয়ে অসীম স্থান তব আয়তন,
অচ্ছাবধি নাহি যথা কালের গঠন ।

পঞ্চভূত ধরি করে, মহাকাল নৃত্য করে,
সংযোগ বিয়োগ নিত্য ছেলে-খেলা প্রায়,
একত্র যখন বাঁধে, পঞ্চভূত হাঁসে কাঁদে,
খুলে দিলে ভেঙ্গে যায়, কোথায় মিশায় ;
একত্র হইলে ভাবে রহিবে আলোকে,
বিপরীত দেখে কিন্তু পলকে পলকে ।

পাইয়ে নশ্বর দৃষ্টি, হেরে সৃষ্টি করে সৃষ্টি,
আলোক যথায় তব নাহিক গমন,
একবার নাহি ভাবে, সে স্বপন ভেঙ্গে যাবে,
ক্রমে মহাকাল যবে খুলিবে বন্ধন ;
তোমার উদরে থেকে তোমায় ডরায়,
শিহরিয়া উঠে হেরি আপন ছায়ায় ।

আমি না বুঝিতে পারি, স্বপ্নে কত নর-নারী,
তবু ভাবে তথা নাহি রবে প্রতারণা,
দুখ-স্বথ-মাঝে দোলে, না জানি কেমনে ভোলে—
'নাহি স্বপ্ন যত দিন স্বপ্নের বাসনা' !
উন্মাদ সতত সাধ ঘেন না ঘুমায়—
বিশ্বস্তি বিমল বারি বারেক না চায় ।

অতীত শৈশবকাল আগত যৌবন,
ক্রমে ধারা পরিসর, সিদ্ধু-মুখে অগ্রসর,
ক্রমে তরঙ্গের মালা দিল দরশন ।

ফুরাইল ধূলা-খেলা, ধূলায় ভূষণ ;
ধূলায় ধূসর কায়, অরি হেসে ফিরে চায়,
চন্দন চর্চিয়ে গায় হবে কি তেমন ?

ফুরাইল মুহূ হাসি চন্দ্রমা-বিকাশ,
যেই মধুময় হাসি, দেবতা নিরখে আসি,
প্রসুর-হৃদয়ে হয় আনন্দ-উচ্ছ্বাস ।

ফুরাইল কলকণ্ঠে স্বধা-বরিষণ,
নীরব হইল বীণে, ফুরাইল এতদিনে,
মা বলে লহর তুলে চূষন গ্রহণ ।

ফুরাইল সরলতা স্বর্গীয় ভূষণ,
জড়িত হীরকমালে, মুকুট পরিয়ে ভালে,
পাব কি প্রফুল্ল আঁখি অন্তর-দর্পণ ?

অতীত শৈশবকাল আগত যৌবন,
সলিল কর্দমময়, খর সমীরণ বয়,
ভীষণ তরঙ্গমালা দিল দরশন ।

আজি

তিন-দশ পূর্ণকায় অতীত যৌবন,
তিন-দশ পূর্ণকায়,
জীবন-প্রবাহ ধায়,
মহাকাল মহার্ঘব সহ সম্মিলন ।

প্রেমময় প্রাণ, আশা ভরসা এখন,
কমনীয় কাস্তি কায়
আর কি রহিবে হায়,
আর কি মিলাবে নারী নয়নে নয়ন ?

করুক রূপের নিন্দা রূপ নাহি যার,
বিজ্ঞাবুদ্ধি মান ধন,
সংসারের আভরণ ;
সৌন্দর্যে কেবল হেরি কর বিধাতার ।

মাতৃকোলে স্তন পান, পিতৃ আলিঙ্গন,
 সহোদর সহোদরা,
 মুখ যার ছুখহরা,
 শৈশব স্বপ্নের স্বপ্ন নাহিক এখন !
 শৈশব স্বপ্নের স্বপ্ন নাহিক এখন,—
 যৌবনে চালিয়ে কায়,
 পেয়েছিছ প্রমদায়,
 ম'লে কি ফুলিব হায় প্রথম চূষন !
 কেহ কহে এ প্রণয় চাতুরী কেবল,—
 হৃদয়ে হৃদয়ে মিলি,
 নয়নে নয়নে খেলি,
 ব্রহ্মানন্দ বিনা নাহি উপমার স্থল ।
 কেহ কহে চিরস্থায়ী নহে এ যৌবন,
 স্থায়ী নহে যেই ধন,
 তাহে কিবা প্রয়োজন,
 রাখহে প্রবীণ, তব প্রবোধ বচন ।
 একদিন পূর্ণশশী হাসায় গগন,
 ক্ষণমাত্র ফুলরাশি,
 বিকাশে মধুর হাসি,
 তবে কেন ফুল-শশী আদরভাজন ?
 অতীত যৌবন, হায় অতীত যৌবন !
 কাজ কি বিচ্ছাস কেশে,
 কাজ কি বিনোদ বেশে,
 কাঞ্চন তাজিয়ে কাচে কিবা প্রয়োজন !

শৈশব-বাক্য

(ঔদাস্ত)

ধাকরে অন্তরে তুমি চিরদিন তরে,
 শৈশব-বাক্য !
 ভালবাস এস এস শূন্য ঘরে,
 শব সম সকলি নীরব ।
 আনন্দের উপহাস, আশার চঞ্চল ভাষ,
 অভিলাষ প্রেমোচ্ছ্বাস কিছু নাহি আর,

হ'য়েছে হ'য়েছে ভোর, ভেদেছে ভেদেছে ঘোর,
 গিয়েছে গিয়েছে চলে স্বপন সোণার ।
 তুমি আমি দুইজনে বসিয়ে বিরলে
 তটিনীর তীরে,
 কেঁদে কেঁদে ধারাগুলি যাবে দীরে চলে
 ঢেলে দিতে আপন শরীরে,
 ব'সে রব মগ্নমনে, কাঁদিব না কার' সনে,
 অনেক কেঁদেছি আমি কাঁদিব না আর,
 সেই দিন হ'তে কত, কাঁদিয়াছি ক্রমাগত,
 দেখিলাম যেই দিন প্রথম সংসার ।
 তুমি আমি দুই জনে পর্কত-শিখরে—
 বিজন প্রদেশ,
 নাহি পাখী, নাহি শাখী, অলি না বিহরে,
 কেবল তুষারশুভ্র বেশ,
 বিচিত্র বরণ ঘটা, ইন্দ্রধনুসম ছটা,
 অকস্মাৎ খ'সে প'ড়ে কোথা চ'লে যায়,
 খ'সিবে ভৈরব রবে, সলিল সলিল হবে,
 নীরবে হেরিব বসি তোমায় আমায় ।
 শালির উপরে ব'সি হেরিব সাগর —
 নীলিমা বিশাল,
 উঠিবে, ডুবিবে ছলে চলিবে লহর,
 জটা ঘটা হেরিব করাল ;
 গৌরবের সমাধান, পরমায়ু অবদান,
 জলে ঝাঁপ দিতে হেথা আসিবে মিহির,
 কত ছায়া রবি তায়, নীরবে ডাকিবে 'আয়',
 অবিরল ছলে যাবে স্বচ্ছ নীল নীর ।
 গোধূলি গ্রাসিয়ে মুখে আসিবে তিমির
 লটপট কেশ,
 একাকিনী উলঙ্গিনী গতি অতি ধীর,
 বিভাবরী ভয়ঙ্করী বেশ ;
 পাগা সুলুকিত, নীরবে গাহিবে গীত,
 নীরব বিকটহাস, নৃত্য খেই খেই,
 সঙ্গীত বাড়িবে যত, আনাগোনা হবে কত,
 নীরব ভৈরব তাল তাথেই তাথেই ।

বন-বিহারিণী

মেদিনী পাষাণী, খর তপন-কিরণে,
 তুঙ্গ শৃঙ্গ স্পর্শে ঘন, ষাপদসঙ্কল বন,
 কে রমণী একাকিনী বসিয়া বিজনে,
 আশার স্বপন যথা মানব-জীবনে,
 বিদায় নয়ন-বারি বিরহি-স্মরণে !
 ঢেকেছে অলকাবলী বিমল বদনে,
 বিমলিন পরিচ্ছদ, সঠৈবাল কোকনদ,
 শূন্য কার হৃদি-হৃদ ক'রেছ ললনে,
 সঙ্ঘাত প্রদীপ কার নিভেছে ভবনে,
 আধার সংসার কোন্ অভাগা-নয়নে ?
 আনন্দদায়িনী হেরি আনন্দ অন্তরে,
 মরুভূমে পিপাসায়, যে জন মুমূর্ষু প্রায়
 পুলকিত চিত যথা শুনিয়ে নিব্বরে,
 প্রবাসে প্রবাসী চির পরিচিত স্বরে,
 অদূরে হেরিয়ে দীপ পথিক প্রান্তরে ।
 একাকিনী প্রতিধ্বনি এ বনে বিষাদে,
 নীরব ভীষণ স্থল, নাহি বিহঙ্গম-কল,
 কদাচিত বন্য পশু গভীর নিনাদে,
 থেকে থেকে সমীরণ শাখীশিরে কাদে,
 কে নহে কাতর হেরি ঘন ঢাকা চাদে ।
 শূন্যমনা উদাসিনী,—উন্মাদিনী প্রায়,
 কলক সোণার গায়, ধূলায় ধূসর কায়,
 ধূলায় ধূসর কেশ পবন উড়ায় ;
 বিপিনবাসিনী কেন, বলনা আমায়,
 আমিও বিজনে কেন বলিব তোমায় ।
 না জেনে প্রণয়দানে যদি অপরাধী,
 পরিতে কুসুমহার, ফণিনী-দংশন সার,
 কেবল স্মরণ আছে জীবন আচ্ছাদি,
 নবীন প্রাণের সাধে বিধি যদি বাদী,
 এস গো হৃজনে বসি এ বিরলে কাঁদি ।

কল্পনা

ব্যকুল বাসনা যবে শূন্যময় প্রাণ,
 জ্ঞান হয় সংসার আশান ;

ঝিম্ ঝিম্ ঝিম্ ঝিম্ ঝিম্ রণ ঝন্,
 জিঘামা গভীর,
 অযুত অযুত মেঘ আধার বরণ,
 গজগতি দলিয়া সমীর,
 রণমত্ত বজ্রমুখে, রঙ্গিনী খেলিবে বৃকে,
 নলকে দলকে চক্ চমকি চপলা,
 রঙ্গে ভঙ্গে বায়ুঘর্গ, উচ্চশাখী-শির চূর্ণ,
 শ্রীহীনা প্রকৃতি ঘোরা তিমির-অঞ্চলা ।
 বিজন বিপিনে যথা বিহরে বিষাদ,
 প্রতি বায়ু সনে,
 নীলিমায় ভেঙ্গে যায় আধখানি চাঁদ
 পাণ্ডু বর্ণ মলিন কিরণে,
 সেই ক্ষীণ রশ্মি ধরি, প্রেতকুল ধরা'পরি,
 নাবিবে, অমিবে কেঁদে, হেরিব হৃজনে ।
 একে একে সঙ্গীহার, গগনে দেখিবে তারা,
 কেহ বা পড়িবে খসি জীবপত্র সনে ।
 তুমি আমি হুই জনে হেরিব আশান—
 বিভূতি-ভূষিত,
 ধক্ধক্ চিতানল ভালে দীপ্তিমান,
 গণ্ডগোল শিবার সঙ্গীত ;
 বিবশা ভূতলে সতী, চিতানলে জলে পতি,
 পিতা মাতা মৃতপুত্র-মুখপানে চায়,
 বিচ্ছিন্ন লতিকা প্রায় ধূলায় ঢালিয়া কায়,
 যুবক চাহিয়া দেখে প্রাণ-প্রতিমায় ।
 তুমি আমি মরুভূমে করিব গমন,
 বালুময় দেশ,
 কেবল অনলভার বহে সমীরণ
 দিনকর প্রাণসুর বেশ ;
 বালির তুকান উঠে, ঘুরিতে ঘুরিতে ছুটে,
 প্রাণীশূণ্য তবু যেন সদা হাহাকার,
 ধূধূধূধূধূকার, দূরচক্র সীমা তার,
 উপমার স্থল মাত্র হৃদয় আমার ।

ললিত তোমার গীত, শুনি বিমোহিত চিত,
ভয়ার্ত্ত জনেরে কর অভয় প্রদান,
প্রবাসে প্রবাসী হেরে প্রিয়ার বয়ান।

বিজ্ঞানে বাঙ্কবহীন মুমূর্ষু যখন,
করিলে গো তোমারে স্মরণ;

স্বধামুখে মুহু হাসি, তখনি উদয় আসি,
শয্যাপাশে বসি তার মুছাও নয়ন,
কারাগারে পশি কর' শৃঙ্খল ছেদন।

আধিবারি-পারাবারে তরঙ্গের মেলা,
আশা তায় একমাত্র ভেলা;

তোমার মধুর বায়, সুখে ভেলা ভেসে যায়
উন্নত তরঙ্গদলে ক'রে অবহেলা,
নিরানন্দ ভবধামে আনন্দের খেলা।

বিরামদায়িনী নিদ্রা তোমার সঙ্গিনী,
মনোহরা স্বপন-রঙ্গিনী,

মাতৃ-কোল পরিহরি, বিচিত্র বসন ধরি,
সুপ্ত-শিশু হাসে তোমা হেরি হেমাঙ্গিনী,
শাস্ত হ'য়ে শুনে তব মধুর কিঙ্কিনী।

দিবানিশি ধরা ঘেরি ভ্রমে গ্রহগণ,
অস্তর'না হয় কি কারণ?

অজ্ঞ নর কি প্রকার, জানিত সে সমাচার,
তুমি না দেখালে সেই অদৃশ্য বন্ধন,
যাহার বিহনে হ'ত বিশ্বের পতন।

তব বলে নভঃস্থলে করি বিচরণ,
হেরি গো অলক্ষ্য গ্রহগণ;

সৃষ্টি হ'তে যার কর, ছুটিতেছে নিরন্তর,
তথাপি ধরণী'পর হয়নি পতন,
জীবনের শ্রোত চন্দ্রে করিগো শ্রবণ।

হিমাত্রি-শিখরে শুনি ত্রিদিব বাদন,
নিতম্বিনী অপ্সরা-নর্তন;

দিবানিশি ভূতগণ, শূন্যে করে বিচরণ,
স্বপ্নদেহ স্থলচক্ষু অতীতদর্শন,
কে দেখিত কৃপাময়ি, না দিলে লোচন।

স্বর্জয়ে অপূর্ব রেখা বিজ্ঞান-জননি,
ভেদিয়াছ এ জড় ধরণী;

কৌতুক দেখিল নরে, সেই মায়া-রেখা-পরে,
অচলা সচলা হ'য়ে চলিল অমনি,
অকস্মাৎ গতিহীন হ'ল দিনমণি।

প্রশান্ত সাগর, মহাকালের দর্পণ,
হেরি তায় কালের বদন;

বিশ্বমীমা অবসান, পরমাণু ঘূর্ণমান,
নিত্য নববিশ্ব মহাকালের গঠন,
তব সঙ্গে হেরে রঞ্জে মানব নয়ন।

অসীম অনন্ত স্থান ব্যাপি আয়তন,
তমোগর্ভে অণব যখন;

ফুটে নব দিনকর, গ্রহ, তারা, শশধর,
ক্রমে জলে ভেসে উঠে অজ্ঞ ভূতগণ,
মধুর লহরী কহ কথা পুরাতন।

অনন্ত অশান্ত শক্তি বিহরে লীলায়,
নিমগন পুরুষ নিদ্রায়;

লজ্জা পরিহরি সতী, বিকট অরীত রতি,
অগণন ব্রহ্মভিষ টুটে আশঙ্কায়,
বিশ্ব-অণু পরমাণু বিশ্বরূপে ধায়।

কুহকিনী কাম্যদৃশ্য কর বিরচন,
গাস্তীর্ঘ্যে মাধুর্যে সম্মিলন;

জলে উঠে ভীমকায়, দশন ধরণী-গায়,
বিমল শ্রামলকাস্তি কুহুম-ভ্রমণ,
চন্দ্রচূড়-ভালে শিশু চন্দ্রমা-কিরণ।*

(নরক)

হেরি ভয়ঙ্করী পুরী নাহি বয় বায়,
ছায়া কায়া ছায়া পুনরায়;

শূন্য পূর্ণ ছায়াদেহ, আছে বা না আছে কেহ,
এই এই, এই নেই, কোথায় মিশায়,
তমসা গোধূলি মাথা জড় জড়িমায়।

মমতা-বর্জিত স্থান শ্মশানের প্রায়,
গণ্ডগোল কি যেন কোথায়;

বহে বিলাপের রোল, শুন পুন নাহি গোল,
শ্মশান বিকট হাস লক্ষ্যশূন্য চায়,
শঙ্কা-আতঙ্কিত-মতি আকাজক্ষা পলায়।

* বরাহ মুর্ত্তিতে ধরণী উদ্ধার।

(স্বর্গ)

উজ্জল বিমল ইন্দ্রধনু গঠন,
নভ নীল নলিনী-আসন,
হেমকান্তি শাস্ত রবি, ছানিত কিরণ ছবি,
উজ্জল কিরণদেহী আনন্দে মগন,
জ্যোতির্ষ্ময়ী পুরী নিত্য জ্যোতি-নিকেতন ।

উল্লাসে উচ্ছ্বাসে কত জীবন নিখর,
ব'য়ে যায় করুণা-লহর,
কলনাদে কল্লোলিনী, আশা হেম-বিহঙ্গিনী,
না পলায় স্মৃতে গায় তীরে তরু'পর ;
দোলে প্রেমামৃত-পূর্ণ ফল মনোহর ।

স্মৃতে ভাসি পূর্ন আসি পরশি মেদিনী,
উপবন মানস-মোহিনী,

বিকচ বসন্ততন্ত্র, মদন লইয়া ধনু,
কোকিল কুহরে, শশী হাসায় যামিনী,
কুমুদকুস্তলা সর সোহাগে মোদিনী ।

নগনা ললনা রাগরঞ্জিত বদন,
চুলু চুলু আবেশে নয়ন,

চলিতে নিতম্ব হেলে, পবন কুস্তলে খেলে,
অধরে ঈষৎ হাসি কলিকা দশন,
পত্র ভেদি চন্দ্র করে বদন চূষন ।

মানব-হৃদয়স্থল বিশাল ভুবন,
তথা তব গমনাগমন,

তোমার প্রসাদে কবি, চিত্রে সে বিচিত্র ছবি,
কোথা মরুভূমি কোথা রম্য উপবন ;
আলোক উজ্জ্বল কোথা তিমির ভীষণ ।

(প্রেম)

পবন আসন ফুল কান্তি কিসলয়,

স্বন্দ্র স্মৃতে বাঁধা পক্ষ্ময়

পীযুষ পূরিত স্বর আঁধি-বারি ঝর ঝর,)

নিয়ত আপন ভাবে মগন হৃদয়,

যে দিকে ফিরায় আঁধি সেই মধুময় ।

(ধ্যান)

হৃদয়ে সতত উচ্চ ভাবের উচ্ছ্বাস,
জ্যোতির্ষ্ময় বদন বিকাশ,
শাস্তমূর্ত্তি শিলাসন, নিমীলিত ছ'নয়ন,
করে কর, উর্দ্ধদৃষ্টি বজ্রিত বিলাস,
বক্ষে বহে অশ্রুধারা গদগদ ভাষ ।

(দয়া)

এলোকেশী মুখে হাসি জীর্ণপত্রাসনা,
নিম্নদৃষ্টি প্রসন্ননয়না,
মৃগশিশু ফুলমনে, কোলে শুয়ে শিখ সনে,
অন্ন করে বীণাস্বরে ক্ষরে মধুকণা,
কমলা কনক-কান্তি বঙ্কল-বসনা ।

(শ্রায়)

সিংহাসনে শুভ্র জ্যোতি বিশদ বদন,
যেন শ্বেত প্রস্তর গঠন,
অস্তর্ভেদী ছ'নয়নে, সমদৃষ্টি সর্করজনে,
অলঙ্কার নাহি ভাষে ভালে স্বর্ণ ঘন,
গম্ভীর বদন তবু নয়নরঞ্জন ।

(কাম)


জীর্ণ, শীর্ণ, ক্ষত অঙ্গ কালিমা বদন,
শিহরণ, অধর-দংশন,
দেহে বিকারের বল, হৃদে জলে দাবানল,
ঘন ঘন বহে শ্বাস, প্রলয় পবন,
নীলচক্রমাঝে অর্ধ মিলিত নয়ন ।

(ক্রোধ)

কর পদ কম্পিত, কম্পিত গঠাধর,
দস্তে দস্তে ঘর্ষে নিরস্তর,
ঘর্ষমাণ রক্ত অক্ষ, বন্ধ কক্ষ শিলাবক্ষ,
অঙ্গে অনলের তাপ মুষ্টিবন্ধ কর,
বিষ্কারিত নাসারন্ধ্র অতি কটুধর ।

(লোভ)

টিপ্ টিপ্ অহি-চক্ষু দৃষ্টি সচঞ্চল,
লক্ লক্ জিহ্বা ঝরে জল ;



ব্যাদান কুংসিং মুখ, সর্বগ্রাস সর্বভুক,
থেকে থেকে দীর্ঘশাস বহিছে প্রবল,
অহরহ অঙ্গ দগ্ধ করে তুমাল।

(মোহ)

হীনবেশ, শুভ্র কেশ, মলিন বদন,
দিবানিশি ধরণী শয়ন,
মার্জার লইয়া কোলে, কাঁদে অতি মুহুরোলে,
ঝড় ঝড় ঝরি জল অক্ষ হু'নয়ন,
শিরে কর হানি কহে দেবে কুবচন।

(মদ)

বক্রগীবা, ক্ষত পদ দোলে ছুই কর,
মিলিত নিয়ত গুষ্ঠাধর ;
সতত কুংসিত গন্ধ, প্রবেশিছে নামারন্ধ,
কুংসিত কুমির দায় ঝাড়ে কলেবর,
না হেরে মেদিনী, ভাবে ভৃত্য চরাচর।

(মাৎসর্য)

অক্ষ চক্ষু, বায়ুপুষ্ট দীর্ঘ কলেবর,
তমোমাঝে বসে একেশ্বর ;
নেহারে আপন পানে, মগ্ন নিম্ন গুণগানে,
উড়িতে বাসনা সদা ভেদিয়া অধর,
শুঁছে উড়ে পুন পড়ে ধরণী উপর।
নীরস ঘটনাবলী বন্ধ ইতিহাসে,
তোমার পরশে রসে ভাসে ;
মোহিনী মায়াতে তায়, সূধা উথলিয়ে যায়,
পান করি সে লহরী অন্তর বিকাশে,
সরস মানস-নেত্র কত চিত্র হাসে।

গোলেনা

মেঘাচ্ছন্ন শশধর, ধূসর তিমির,
নীরব পুলিনে মুহুরবে খেলে নীর।
অর্ধ অঙ্গ গঙ্গাজলে, কূলে অর্ধকায়,
পরম শয্যায় স্থিৎবীর ;

শিয়রে বসিয়ে যুবা মুখপানে চায়,
নেত্রজল ঝরে ঝড় ঝড়।
তরঙ্গে তরঙ্গ খেলে, প্রাচীন নয়ন মেলে,
ধীরে ধীরে কহে কথা গভীর নিশায়—

"সময়, সমীর, নীর, দেখে বৎস! নহে স্থির,
কে জানে কোথায় যায় কোথা শান্তি পায়,
শান্তিলুক অশান্ত জীবন-স্রোত ধায়।

২

"শোক নাহি কর বৎস! ফিরা'ও না আর,
যেতে হবে এবে মহা পারাবার-পার।
স্বরায় ভাতিবে উষা কাঞ্চন-বরণ,
নবরাগে জাগিবে অবনী,
গঙ্গাজলে এ জীবন করি সমর্পণ,
পাব রাক্ষ চরণ-তরণী!

জীবন মরণ ভ্রম, কর বৎস অতিক্রম,
কার্যক্ষেত্রে রহ যথা পদ্মপত্রে নীর ;
কার্য মম অবগান, কার্যক্ষেত্রে নাহি স্থান,
পুতজীব-হেতু শোক না কর সুধীর!"
নীরব ব্রাহ্মণ, বহে মুহুরবে নীর।

৩

পূর্বভাগে নানা রাগে অরুণ উদয়,
পিতৃহীন যুবা, ধরা হেরে শূন্যময়।
শব কোলে চলে যুবা অদূরে শ্মশান,
মুখপানে চায় বারবার ;
মহানিজাগত হেরে প্রশান্ত বয়ান,
স্নেহময় কথা নাহি আর।

প্রজ্জলিত চিতানল, পরশিল নভঃসুতল,
হৃদিমাঝে শোকানল দহিল প্রবল।
শুভদিন পৌর্ণমাসী, পুত অঙ্গ ভস্মরাশি,
চিতানল নিভাইল ঢালি গঙ্গাজল,
প্রবল অনল হৃদে না হ'ল শীতল।

৪

ধীরে ধীরে ফিরে ঘরে স্থিৎজের কুমার,
অক্লান্ত নীরব আজি নেহারে সংসার।
পিতৃসেবা, অধ্যয়ন বিনা নাহি জানে,
ফুরায়েছে সে কার্য এখন,

শূন্যদৃষ্টি ধীরে ধীরে চলে শূন্যপ্রাণে,
যথা পথ দেখায় নয়ন।
স্বকোমল স্বর্ণকায়, শ্রমবারি ব'য়ে যায়,
মধ্যাহ্ন-তপন-করে আরক্ত বদন।
চলে যুবা নাহি ক্রেশ, ক্রমে ক্রমে দিন শেষ,
ক্রমে চন্দ্রোদয়, বহে সন্ধ্যা সমীরণ;
মুগ্ধপ্রায় তরুতলে বসিল ব্র.ক্ষণ।

৫

কুতূহলে লতা দোলে ফুটে ফুলকলি,
কোকিল কুহরে কুঞ্জে, গুঞ্জে ধায় অলি।
শূন্যমনে, শূন্যপ্রাণে, শূন্যদৃষ্টি চায়,
ফুটে তারা নীরব গগন;
কত কথা উঠে মনে স্বপনের প্রায়,
মুহু মুহু বাজিল কঙ্কণ,—
কুসুম কানন-মাঝে, বিকচ কুসুম সাজে,
কামিনী বদনখানি চন্দ্রমা বিকাশ;
কাকপক্ষ কৃষ্ণ আঁখি, যুবার বদনে রাখি,
ক্ষিপ্ত প্রায় কেবা বামা না বুঝে আভা;
যুবক ত্যজিল দীর্ঘ মর্মভেদী শ্বাস।

৬

শুনিল, কোমল প্রাণে বাজিল বেদনা,
সলাজ মধুর ভাষে সন্তোষে ললনা;—
“কে তুমি কোথায় যাও কিবা প্রয়োজন,
কেন কেন মলিন বদনে?
স্বথের সংসারভার বল কি কারণ?
কি বেদনা রম্য উপবনে?”
নন্দন কানন-মাঝে, বীণা-ধ্বনি যেন বাজে,
স্বধাময় মুহুস্বর মোহিল শ্রবণ;
হৃদিমাঝে ছবি রাখি, কামিনী ফিরায় আঁখি,
অনিমেঘনেত্রে যুবা করে দরশন,
দেখেছে কুসুম, নহে স্তম্বর এমন।

৭

তিমির-কামিনী-শোষে উষার
মানব-হৃদয়ে যথা আশার বিকাশ,
মরুভূমে নিব্বরি-শোভিত উপবন,
পিককণ্ঠে গরে কুহুস্বর,

সস্তাপিত হৃদিমাঝে ভাঙিল তেমন —
বনদেবী-ছবি মনোহর!
যেন পরিচিত স্বর, পরিচিত সে অধর,
যেন জানা অজানিত ভাবের উদয়,
যেন কোন স্বপন, স্মৃতি করে অবেষণ,
পরিচয় সনে হয় জড়িত বিশ্বয়,
‘আমার আমার কেবা প্রাণে প্রাণে কয়’।

৮

ধীরে ধীরে পরিচয় যুবক কহিল,
কুসুম-কাননে যেন অনিল বহিল,
“গঙ্গার অনতিদূরে কুটীরে নিবাস,
নাহি জানি সংসার কেমন;
অধ্যয়ন বিনা আর ছিল না প্রয়াস,
দ্বিজপুত্র, নাম নিরঞ্জন।
শৈশবে জননী গত, পিতৃসেবা ছিল ব্রত,
একাধারে পিতা মাতা জনক আমার;
সে ব্রত হ'য়েছে পূর্ণ, জীবন কামনাশূন্য,
ফুরায়েছে পিতা বলা, পিতা নাহি আর,
দিছি আজি বিসর্জন, সংসার আঁধার!”

৯

ছল ছল আঁখিজল, কথা না সরিল,
অগ্নিময় দীর্ঘশ্বাস আবার বহিল।
নীরব কামিনী শুনি শোকের কাহিনী,
রবহীন রহে নিরঞ্জন;
নীরবে চন্দ্রমা সনে নেহারে কামিনী,
প্রাণে প্রাণে বাঁধিল মদন।
কামিনী পুতলিপ্রায়, যুবার বদনে চায়,
চ'খে কথা মনোব্যথা করিল হরণ।
নীহারে কুসুম যেন, সরস স্বপন হেন,
নব নব শোভা নেত্রে করে বিলোকন,
সংসার আঁধার নয় ভাবে মনে মন।

১০

অকস্মাৎ আঁধার হইল দিশা মেঘে,
তড়িং চমকে, বায়ু বহে মহাবেগে,
কঠোর অশনি-নাদে কাঁপায় অবনী,
স্থূল ধারা ঝরে তড় তড়,



"থরে এস" যুবকেরে কহিল রমণী,
"উদয় বাদল মহাশুভ"।

ক্রতপদে বামা ধায়, যুবা পাছু পাছু যায়,
প্রবেশে উভয়ে অতি সুন্দর আগাবে।
বিচিত্র আপন কত, শোভা পায় নানামত,
অহরোধ রমণী করিল বসিবারে,
ঘোর নাড়ে বরিষণ মুঘলের ধারে।

১১

যুবক জিজ্ঞাসে, বালা দিল পরিচয়,—
"নবাব আমার পিতা অতি সদাশয়,
গোলেনা আমার নাম, ফুল ভালবাসি,
আমার এ কীড়া-উপবন ;
প্রভাতে প্রদোষে নিত্য ভ্রমিবারে আসি,
তুলে পরি কুহুম-কুহুম !

নিত্য একা আসি যাই, ফুল বিনা সখী নাই,
একা বসি ফুলকলি করি সস্তাষণ।
ফুল তুলি ভরি ভালা, তোড়া বাঁধি গাঁধি মালা,
জননীরে উপহার করি সমর্পণ,
কে হাসে মধুর হাসি কুহুম যেমন !"

১২

কথায় কথায় ক্রমে বহিল সময়,
মেঘ-অস্ত্রে হ'ল পুন চন্দ্রমা উদয়।
আচম্বিতে গৃহঘারে অগ্ন বন্ বন্,
চমকিয়া গোলেনা চাহিল,
গৃহে প্রবেশিল স্ত্রীব অগ্নধারিণী,
দৃঢ়পাশে ব্রাহ্মণে বাঁধিল।

কি করিস্ আরে আরে, উন্মাদিনী বালা বারে
নির্দয় প্রহরিণী না শুনে বারণ,
ক্রতপদে ল'য়ে যায়, উন্মাদিনী পাছে ধায়,
অঙ্ককার হেরে ক্রমে হয় অচেতন,
নিরাশ-নয়নে ফিরে হেরে নিরঞ্জন।

১৩

ক্রত হ'য়ে বন্দী ল'য়ে প্রহরী চলিল,
যুবক আচ্ছন্নপ্রায় কথা না সরিল ;
অগ্নপ্রায় মনে পড়ে সকল বারতা,
মনে পড়ে জনকের মুখ ;

ধায় প্রাণ বিজন কুটীরখানি যথা,
বেদনায় সম ছুঃখ হুঃখ।

ভূমিগর্ভে কারাগার, আশাশূন্য অঙ্ককার,
রাখে তার হাতে পায় বাঁধিয়ে শৃঙ্খল ;
একক ভীষণ স্থানে, রহে যুবা শূন্যপ্রাণে,
নাহি কথা, নাহি ব্যথা, চ'খে নাহি জল,
কদাচিত্ দীর্ঘবাস বহিল কেবল।

১৪

ছায়া কায়া মহামায়া বিরামদায়িনী,
অপনসদ্বিনী স্ত্রীমা কুবনমোহিনী,
হুঃহরা অঙ্কে নিভ্রা লন যুবকেরে,
তবু মন রহে সচেতন ;
অগ্নিময় রথখান অগ্নেশ্বা হেরে,
বহে অগ্নিময় অশ্বগণ ;

রথ'পরে পিতা তার, বদনমণ্ডল ভার,
তিরঙ্কার করি কহে, "আরে রে দুর্জল !
অধ্যয়ন উপদেশ, এই কি তাহার শেষ,
অপরিজ্ঞ যবনীরে হৃদে দিলি স্থল,
সেই অপরাধে পর দারুণ শৃঙ্খল।

১৫

আয় তোরে ল'য়ে যাই" জনক কহিল,
অকস্মাৎ যেন তার শৃঙ্খল খসিল।
কাঁদিয়ে জাগিল যুবা, আলোক দেখিল,
সবিস্ময়ে হেরে গোলেনায় ;
"এস সাথে" ধীরে ধীরে কামিনী কহিল,
দেখিল শৃঙ্খল নাহি পায় ;

কুহুম ধার মুক্তিকায়, অকস্মাৎ খুলে যায়,
দীপ-করে আগে আগে চলিল কামিনী।
হুঃক্ষে চলিল ধীরে, উঠে দৌড়ে গজাতীরে,
হেরে শশী অন্তগামী, প্রভাত ঘামিনী,
কলনাদে ছলে চলে হর-তরঙ্গিনী।

১৬

কামিনী কহে নীরব পুলিনে,
"নিরঞ্জন ! তোমা সনে দেখা মন্দ দিনে,
স'য়েছ বিস্তর—তার আমিই কারণ,
নিজ গুণে কর হে মার্জনা।


কার,
প্রাণে,
ল,

র,
ল!

ল,
ল,
হল,
র,
নী।
তীরে,
নী,

দিনে,









ਗੁਰਮਤਿ ਗਿਆਨ ਗਿਆਨ ਗਿਆਨ (ਪ੍ਰਭੂ ਦੀ ਭਾਸ਼ਾ)

